

JSL
00022321

20 082

DE METAL- LICIS LIBRI TRES.

ANDREA CAESAL-
PINO ARETINO.

*Medico & Philosopho
auctore.*




NORIBERGÆ,
Recusi, curante Conrado Agricola.
M D C I L

PH. SCHERBIUS, ER-
NESTO SONERO MED-
CO & Philosopho S. D.

RÈcè facis, doctissime Sonere,
qui operam das, ut homines
noſtri, Cæſalpinum de rebus
metallicis, tandem commdè
habere poſſint: cùm exem-
plaria in Germania nulla
extent, & Romana ſapius à multis fruſtra qua-
ſita ſint. Quod niſi tuus in me amor & liberali-
tas ante biennium mihi ex Italia curaſſet, for-
taſſis ego quoq; ejus deſiderio adhuc flagrarem.
Neq; vero mirum, noſtros adeo ejus viri ſcriptis
affici, cùm ex ſola ejus Physiologia φιλῶν intel-
ligere potuerint, quantum diſtet chaos indige-
ſtum, ab eo quod mens Anaxagoræ, ut ita dicam,
illuſtravit. Multi quidem multa in eo genere
congeſſerunt, quorum laboribus gratia à nobis
jure debetur: ſed tamen pleriq; (liceat mihi a-
pud te dicere quod ſentio) hiftoriā potius Stirpi-
um tradiſſe aut auxiſſe, quam immenſum il-
lud negotium, artificioſe ad rēquov & ad ſcienti-
am revocaffe videntur: ut taceam eos qui no-

minum magna ex parte sectatores, rem per se
pulcherrimam, ambitiosa πλυνοια onerare, pul-
chrum sibi duxerunt. At qui in doctrina ad Re-
gulam Polycleti extruenda, non solum in illis co-
gnoscendum est, sed etiam in diuī adferendum:
similitudines & dissimilitudines ostendenda:
Genera, Species, propriæ affectiones, colligenda.
Ita demum historia amat abire in scientiam.
Quia ab Cæsalpino nostro, bona ex parte praestita
esse, aut cacus est, qui non videt, aut invidus &
malignus, qui a grise oculis videt. Certè quantum
forma vincit materiam, quantum in æternum tū
dōcēs, quantum deniq; τέχνης tū dātēs tantum
Cæsalpini, Gignentium (verbo Sallustianolibet
uti) Methodus, caterorum labores apud Phi-
losophos superat. Quid? Nonnè Peripatetica e-
ius & Medica quæstiones, hanc publicam me-
tallicorum sitim fortassis etiam accedere potu-
erunt? Ostendunt e& evidenter, quanto nervo-
sius multi philosophia loci à Gracis tractati sint,
quam ab Arabibus & à Latinis posterioribus,
ut & Scientia medicina, qua itidem postquam
ad fontes Græcorum ab eo, aliisq; revocari ca-
pit, limpidior subinde extitit. Taceo nunc do-
cendi

cendi ejus genus pressum, subtile, argumentosum.
Neq; tamen me fugit, non neminem nuper ad-
mordere multa voluisse: sed si credendum iis,
quibus hac cura (ego enim, ut scis, ventilationi-
bus talibus non delector: Et malo cum Catone
otiosus esse, quam nihil agere) fregerunt potius
dentem, quam eum impresserint. Quæquidem
ego idcirco ad te scribo, non quod Casalpinus mi-
hi in Philosophia sit Pythagoras aliquis, sed quod
aquit as animi, Et elegans quoddam ejus judici-
um, addo, ingenii illa magnitudo, qua non solum
universalem philosophiam ut multi, sed etiā Et
quidem in primis particularem, complexa est, à
me semper plurimum adamat a fuerint. Ut igi-
tur ad principium epistola redeam, rectè facis
SONERE, qui votis Et desiderio nostrorum homi-
num succurris: Et spero omnino, magnam tibi
gratiam apud bonos paratam: Cum præsertim
Medicinostri Metallorum, cæterorumq; fossili-
um scientiam, præ aliis non sine causa magni fa-
cere soleant. B. V. Altorfo.



I N D E X.

A

A Bainum.	84	<i>Amaræ aquæ ex fuligine non</i>
Achates.	123	<i>usta.</i> 18
Acies,	182	<i>Amandini.</i> 114
Acone.	93	<i>Ambarum.</i> 72
Acidula aquæ ex Bitumine.	16	<i>Ambra.</i> 71
Adamas.	100	<i>Ambrasflava.</i> 110
Adarces.	131	<i>Ambranigra.</i> 121
Adarcha.	131	<i>Ametystus.</i> 117
Adarcion.	131	<i>Ametistyzontes.</i> 113
Aëris conclusi in specu vis.	11	<i>Ampelitus.</i> 34
Aeris Scoria.	205	<i>Amiantus.</i> 141
Aerugo.	197	<i>Ammion.</i> 159
Aes.	197	<i>Amphitanes.</i> 149
Aeites.	139	<i>Androdamus.</i> 101 149. 154
Agata.	123	<i>Antachates.</i> 72. 113. 123
Ageratus.	145	<i>Antherotes.</i> 117
Alabandici.	114	<i>Antali.</i> 129
Alamandini.	114	<i>Antracitis.</i> 115. 156
Alabastrum.	86. 90	<i>Anthrax.</i> 160
Alabastrites.	90. 91	<i>Antimonium.</i> 187
Alabandicum marmor.	91	<i>Antipathes.</i> 126
Alectoria.	128	<i>Antisßodium.</i> 220
Alex.	45	<i>Antizois.</i> 113
Alexiteria & facultates rationē habent.	38	<i>Aornaloca.</i> 11
Alumen.	52	<i>Aphroselinon.</i> 102
Alumen pluma.	342	<i>Aphronitrum.</i> 47 <i>Apyroti.</i> 113

Aqua

I N D E X.

Aqua à quibus inficiantur.	13	Aromatites.	72.113
Aquarum mistarum vires.	22	Arsenicum,	65
Aquarum mistiones unde co- gnosantur.	15	Asbestinum.	142
Aqua fontanae qua probentur.	15	Aphaltos.	66
		Aster Samius.	31
Aqua pluvia levissimæ & dul- cisimæ.	13	Asteria.	101
Aqua Tectuccii ad dysenteri- am præstantissimum reme- dium.	23	Astrios.	101
Aqua marina Gemma.	99	Astroites.	102
Aquilina.	139	Astrobolus.	102
Arabica gemma.	127	Aßius.	144
Arabicus lapis.	141	Asyria.	124
Argenti Scoria.	208	Atrementum sutorium.	55
Argenti Spuma.	209	Avernum lacus.	II
Argentum.	178	Augustum marmor.	92
Argentum vivum.	191	Auripigmentum.	65
Argentum vivū est terra spe- cies.	8	Aurichalcum.	179
Argilla.	26	Aurum.	175
Argyrodamas.	101.157	Azurum ultramarinum.	165
Argyrolithos.	157		
Armenium.	163	B	
Armenius lapis.	163	Balasci.	114
Armenia terra.	37	Balnea unde orientur.	18
Aristoteles defendit à calu- mnia circa lapidum genera- tionem	75.79	Balneum de Aquis in Pisano e- vaporationem ex Cadmia recipit.	22
Aristotelis loca explicata:		Balneum Pisani propè Agna- num valde aluminosum.	20
Ignis opus minus manifestū quam carnis	3	Balneum de luto.	39
Circa Metallorum genera- tionem.		Baptes.	72.113
		Basaltes.	92
		Basanites.	91
		Beli oculus.	102
		Bell'ochio.	102
		Belemnī-	

I N D E X.

<i>Belemnites.</i>	133	<i>Capnia.</i>	110.124
<i>Beryllus.</i>	99.108	<i>Capnitius.</i>	124
<i>Bezaar.</i>	135	<i>Cappadox lapis.</i>	130
<i>Bitumen.</i>	66	<i>Carabe.</i>	110
<i>Bisemutum.</i>	186	<i>Carbones fossiles.</i>	35.146
<i>Bolus Armenus.</i>	37	<i>Carbunculi.</i>	113
<i>Bolus.</i>	35	<i>Carneolus.</i>	116
<i>Bolus candidus Ilue.</i>	32	<i>Cassiteron.</i>	183.188
<i>Borax.</i>	50	<i>Cerafossilis.</i>	69
<i>Borea.</i>	124	<i>Ceraunia.</i>	102.132
<i>Broccatellum.</i>	95	<i>Caruleum.</i>	164
<i>Bronzo.</i>	180	<i>Cerussa.</i>	199
<i>Bugalapis.</i>	92	<i>Chalcanthum.</i>	55
		<i>Chalcitis.</i>	58.181
		<i>Chalcosmaragdos.</i>	106
		<i>Charoneæ foveæ.</i>	11
		<i>Charchdonii inter Smaragdos.</i>	
	181.216		106
<i>Cadmia.</i>	150.218	<i>Charchedonii inter carbunculos.</i>	
<i>Cadmia fossilis.</i>	150		114
<i>Cadmia lapidosa.</i>	152	<i>Chia.</i>	32
<i>Calamita.</i>	32	<i>Chimistrum labor inanis.</i>	173
<i>Calamita alba.</i>	218	<i>Chryselectri.</i>	110
<i>Calamina.</i>	218	<i>Chrysolithus.</i>	110
<i>Calaminaris lapis.</i>	218	<i>Chrysoberrillus.</i>	109
<i>Calamites.</i>	130	<i>Chrysopatium.</i>	108.110
<i>Calamochnus.</i>	131	<i>Chrysoprasius.</i>	108
<i>Calcarium saxum.</i>	85	<i>Chrysoprasus.</i>	109
<i>Calcedonium.</i>	121	<i>Chrysites.</i>	91
<i>Calx.</i>	85	<i>Chrysocolla.</i>	161
<i>Callais.</i>	108	<i>Cimolia.</i>	28.33
<i>Callinus.</i>	139	<i>Cinabrium.</i>	64.160
<i>Chalybs.</i>	182	<i>Cinabrium nativum.</i>	193
<i>Cameus.</i>	122	<i>Cinædia.</i>	127
<i>Camfora.</i>	71		
<i>Capitellum.</i>	50	<i>Cinnabaris.</i>	

I N D E X.

<i>Cinnabari.</i>	160	<i>Eretria.</i>	31
<i>Cissis.</i>	142	<i>Exhalatio subterranea aquam</i>	
<i>Climia.</i>	219	& aërem inficit.	10
<i>Coagulationis causa.</i>	74	<i>Exhalatio materia est tum fo-</i>	
<i>Conchilia in lapidum casura</i>		<i>silium tum metallicorum.</i>	
<i>cur comperta.</i>	5		7
<i>Coralliticum marmor.</i>	89	<i>Exhalationes innoxiae ex Bi-</i>	
<i>Corallachates.</i>	123	<i>tumine magis.</i>	11
<i>Corallium.</i>	126	<i>Exhalatio combustibilis & in-</i>	
<i>Corneolus.</i>	116	<i>combustibilis quæ corpora</i>	
<i>Cotes.</i>	87	<i>pariat.</i>	62
<i>Cretarum genera.</i>	28		
<i>Crystallus.</i>	96		
<i>Crocum ferri.</i>	198	<i>Ferrum.</i>	182
<i>Cuperosa.</i>	54.57.61.62	<i>Ferrum æri simile redditur ex</i>	
<i>Caprum.</i>	179	<i>Chalcantho.</i>	17
<i>Cyanus.</i>	119.125 165	<i>Ferrettum.</i>	181
<i>Cysteolithos.</i>	130	<i>Ferri preparatio ut robustissi-</i>	
		<i>mum fiat.</i>	182
		<i>Ferri Scoria.</i>	205.207
		<i>Ferrugo.</i>	198
<i>Demium.</i>	116	<i>Figura cur sexangula in Cry-</i>	
<i>Dentales.</i>	129	<i>stallis.</i>	97
<i>Dentali.</i>	129	<i>Figura certæ lapidum unde fi-</i>	
<i>Diphryzes.</i>	205	<i>ant.</i>	132
<i>Draconites</i>	127	<i>Flos æris.</i>	201
<i>Dracontias.</i>	127	<i>Flos petræ.</i>	142
		<i>Flos salis.</i>	74
		<i>Fossilia quæ.</i>	7
		<i>Fossilium genera.</i>	24
		<i>Fritta.</i>	214
<i>Ebenus fossilis.</i>	127		
<i>Ebur fossile.</i>	127		
<i>Eleætrum.</i>	110.176	<i>Gagates.</i>	146
<i>Enhydros.</i>	139	<i>Galactites.</i>	127
		<i>b</i>	
		<i>Galaicos</i>	

I N D E X.

Galaicos.	157	Huia.	105
Galaxia.	158	Humiditas metallica nulli alii	
Galena.	211	similis.	174
Garum.	45	Hyacinthus.	110.118
Gemmarum distinctio.	96	Hydrargyron.	193
Gemmae solidissimae mollescunt & dissolvuntur sèpius ex- tinctæ.	13		<i>I</i>
Geodes.	140	Iaspis.	123
Gessum.	28	Iasponyx.	124
Giallolinum.	161.185	Ignes perpetui in subterraneis	
Giallamina.	218	undèfiant.	19
Ghetta.	209	Ignes quidam cur accendantur	
Glarea.	88	aqua,extinguātur oleo.	67
Glossopetra.	132	Ignis in Villa magna casu accé- sus extingui nunquam po-	
Granati.	114	tuit.	20
Granitum.	89.92	Ignis opus cur minus manifestū	
Grammatias.	124	quam carnis.	3
Graphis.	158	Ion Xyston.	197
Gypsum.	85	Ionis.	115
		Iris gemma.	99
		Iudaicus lapis.	131
H			
Halmiraga.	46		<i>L</i>
Halosachne.	43.131		
Hammochryssos.	157	Lacedemonium marmor.	93
Hammonitrum.	214	Laconicum.	93
Harena.	87	Lapidum materiæ quoæ.	74
Hæmatites.	153	Lapidum generatio duobus	
Helcisma.	208	modis.	79
Heliotropium.	125	Lapidum genera.	81
Helitis.	202	Lapis in vesica & renibus quo-	
Herculeus lapis.	151	modo concrescat.	80
Hieracites.	124		
		Lateres	

I N D E X.

<i>Lateres cocti cur graviores</i>		<i>Marmora.</i>	<i>88</i>
<i>crudis.</i>	<i>184</i>	<i>Marmor fusaneum.</i>	<i>85</i>
<i>Lazuli lapis.</i>	<i>119. 125. 165</i>	<i>Matita nigra.</i>	<i>187</i>
<i>Lemnia.</i>	<i>31</i>	<i>Melia.</i>	<i>34</i>
<i>Lepis.</i>	<i>201</i>	<i>Melanteria.</i>	<i>61</i>
<i>Leucorchryſæ.</i>	<i>110</i>	<i>Milinum.</i>	<i>34</i>
<i>Leucogea.</i>	<i>158</i>	<i>Melichryſt.</i>	<i>110</i>
<i>Leucographia.</i>	<i>158</i>	<i>Melitites.</i>	<i>158</i>
<i>Libanochros.</i>	<i>113</i>	<i>Memphites.</i>	<i>101</i>
<i>Linum vivum.</i>	<i>142</i>	<i>Meroctes.</i>	<i>159</i>
<i>Liparis.</i>	<i>113</i>	<i>Metallica non differunt secun-</i>	
<i>Liquationis causæ.</i>	<i>76</i>	<i>dum substantiam nisi ratio-</i>	
<i>Lithargyros.</i>	<i>209</i>	<i>ne materiæ.</i>	<i>2</i>
<i>Lithizontes.</i>	<i>114</i>	<i>Metallicorum causas duas tan-</i>	
<i>Lomentum.</i>	<i>155</i>	<i>tum esse.</i>	<i>2</i>
<i>Loppa.</i>	<i>205</i>	<i>Metallica quomodo definienda</i>	
<i>Lucilleum marmor.</i>	<i>91</i>		<i>3</i>
<i>Lunense marmor.</i>	<i>89</i>	<i>Metallicorum materia inepta</i>	
<i>Luminis lapis.</i>	<i>149</i>	<i>ad nutriendum.</i>	<i>4</i>
<i>Lutea Chrysocolla.</i>	<i>162</i>	<i>Metallica humiditas valde ter-</i>	
<i>Lychnites.</i>	<i>102. 115</i>	<i>restris est.</i>	<i>5</i>
<i>Lydius lapis.</i>	<i>91</i>	<i>Metallica natura toto genere</i>	
<i>Lygdinum marmor.</i>	<i>89</i>	<i>adversatur corporibus vi-</i>	
<i>Lyncis lapis.</i>	<i>134</i>	<i>ventibus.</i>	<i>6</i>
<i>Lyncurium.</i>	<i>III. 134</i>	<i>Metllaica non procreant sibi si-</i>	
		<i>milia.</i>	<i>6</i>
<i>M</i>			
<i>Manganese.</i>	<i>152</i>	<i>Metallicorum trāsmutatio in-</i>	
<i>Magnes.</i>	<i>151. 157</i>	<i>ter se arte fieri cur in qui-</i>	
<i>Magnesia</i>	<i>152</i>	<i>busdam contingat.</i>	<i>6</i>
<i>Malacensis lapis.</i>	<i>138</i>	<i>Metallicorum genera.</i>	<i>7</i>
<i>Maltha.</i>	<i>67</i>	<i>Metalla sunt terræ species.</i>	<i>8</i>
<i>Marcaßita.</i>	<i>148</i>	<i>Metallorum generatio.</i>	<i>156</i>
<i>Marga.</i>	<i>25</i>	<i>Metallica humiditas cur non</i>	
<i>Margarite.</i>	<i>103</i>	<i>madefaciat.</i>	<i>169</i>
			<i>b. 2. Metab-</i>

I N D E X.

<i>Metallorum divisio.</i>	171	<i>Nusæ lapis.</i>	128
<i>Metallorum transmutatio in-</i> <i>ter se utrū sit possibilis.</i>	172	<i>O</i>	
<i>Metalla cur pondere vincant</i> <i>omnia corpora.</i>	174	<i>Obsidianus lapis.</i>	91.121
<i>Mineralia undè dicta.</i>	7	<i>Obsidiana vitra.</i>	213
<i>Miltos.</i>	35	<i>Ochra.</i>	160
<i>Minium.</i>	159.200	<i>Oculus felis.</i>	102
<i>Misy.</i>	60	<i>Onychinus.</i>	122
<i>Molaris lapis.</i>	83	<i>Onychipunta.</i>	124
<i>Molochites.</i>	125	<i>Onychitis.</i>	216
<i>Molybdos.</i>	193	<i>Onyculus.</i>	122
<i>Molibdæna.</i>	211	<i>Onyx gemma.</i>	120
<i>Molybdoides.</i>	186.187	<i>Onyx marmor.</i>	90
<i>Morion.</i>	121	<i>Opalæ.</i>	120
<i>Morochthus</i>	125.158	<i>Ophites.</i>	92.215
<i>Moroxus.</i>	158	<i>Oroscrillo.</i>	180
<i>Mumia.</i>	70	<i>Orpimentum.</i>	65
<i>Muria.</i>	45	<i>Oryctæ quæ.</i>	24
<i>Murrhina vase.</i>	213	<i>Osæ lapidea.</i>	141
<i>Musaica opera.</i>	143	<i>Ostracias.</i>	140
<i>Myrrhites.</i>	72.113	<i>Ostracites.</i>	140
<i>Myrsinites.</i>	72.113	<i>Ottone.</i>	179

N

<i>Naphtha.</i>	68
<i>Naxia cotæ.</i>	87
<i>Nil.</i>	222
<i>Nilios.</i>	109
<i>Niccolæ.</i>	122
<i>Nitrum.</i>	46
<i>Numidicum marmor.</i>	91
<i>Nummi lapides, inter Cadmias</i> <i>fossiles.</i>	150

P

<i>Pangonius.</i>	98
<i>Paratonium.</i>	43
<i>Paragone.</i>	91
<i>Parium marmor.</i>	89
<i>Pæderos.</i>	120.117
<i>Pennamrina.</i>	131
<i>Peridoninm.</i>	151
<i>Ferlae.</i>	103
<i>Pesti-</i>	

I N D E X.

<i>Pestilentia ex subterranea evaporatione.</i>	12	<i>Pyrimachus.</i>	81.83
		<i>Pyrites.</i>	147
<i>Pestis cur post magnas siccitates sequitur.</i>	12	<i>Pyropus.</i>	113
<i>Petroleum.</i>	68		
<i>Pignitus.</i>	33		
<i>Pissaphaltum.</i>	68.70	<i>Quadratum.</i>	84
<i>Pix fossilis.</i>	69	<i>Quadrum.</i>	84
<i>Pangites.</i>	95		
<i>Phrygius.</i>	145		
<i>Phycites.</i>	130		
<i>Plumbago.</i>	211	<i>Risagallum.</i>	65
<i>Plumbum.</i>	183	<i>Rosa marina.</i>	130
<i>Plumbum cur augetur imbibus.</i>	184	<i>Rubini.</i>	114
		<i>Rubrica.</i>	35
<i>Plumbarius lapis.</i>	186		
<i>Plumbi Scoria.</i>	209		
<i>Plutonia fovea.</i>	21	<i>Sabulum.</i>	88
<i>Pnigitis.</i>	33	<i>Sagda.</i>	116
<i>Polygrammos.</i>	124	<i>Salamandra lapis.</i>	142
<i>Pompholyx.</i>	219	<i>Saldatura.</i>	189
<i>Poros.</i>	82	<i>Sal Alcali.</i>	52
<i>Porfidum.</i>	94	<i>Sal Armeniacus.</i>	51
<i>Porphyrites.</i>	94	<i>Sal gemma.</i>	40
<i>Præcipitatum.</i>	194	<i>Salis genera.</i>	40
<i>Pramnion.</i>	121	<i>Salium generatio</i>	39
<i>Praesus.</i>	107.125	<i>Sal nitrum.</i>	47
<i>Prasma.</i>	107	<i>Sal pêtræ.</i>	84.51
<i>Psegma.</i>	202	<i>Sal vitri.</i>	52
<i>Pseudomagnes.</i>	152	<i>Samia.</i>	31
<i>Pseudosmaragdus.</i>	106	<i>Samius lapis.</i>	31.140
<i>Psimmithion.</i>	199	<i>Samothracia.</i>	121
<i>Pterigophoron.</i>	110	<i>Sandaracha.</i>	66
<i>Pumex.</i>	142	<i>Sandasfros.</i>	115

Sandyx

I N D E X.

<i>Sandyx.</i>	200	<i>Spodium.</i>	219
<i>Sangenon.</i>	120	<i>Spodos.</i>	219
<i>Santerna.</i>	162.197	<i>Spongia Pompeiana.</i>	143
<i>Sapo.</i>	49	<i>Spongialapis.</i>	130
<i>Sapphirus.</i>	119.125	<i>Spongites.</i>	138
<i>Sarcophagus.</i>	144	<i>Spongiones.</i>	82
<i>Sarda.</i>	116	<i>Spumaargenti.</i>	209
<i>Sardius.</i>	116	<i>Spumamaris.</i>	131
<i>Sardonius.</i>	121	<i>Spumanitri.</i>	47.48
<i>Sardonyx.</i>	122	<i>Spumasalis.</i>	43
<i>Saxorum genera.</i>	81	<i>Squama aeris.</i>	201
<i>Scambia colore.</i>	120	<i>Squamaferri.</i>	204
<i>Schistus.</i>	154.155	<i>Stannum.</i>	183.188
<i>Scolecia.</i>	197	<i>Stella Samia.</i>	31
<i>Scoriae.</i>	205	<i>Stellatus lapus.</i>	125
<i>scyricum.</i>	161	<i>Stibium.</i>	187
<i>Selenites.</i>	102	<i>Stigmites.</i>	94
<i>Selinusia.</i>	32	<i>Stimmi.</i>	187
<i>Serpentinum.</i>	93	<i>Stomoma.</i>	182.204
<i>Sideritus.</i>	151	<i>Struthio camelus ferrum con-</i>	
<i>Sit.</i>	161	<i>coquere cur dicitur.</i>	5
<i>Silex.</i>	82	<i>Sublimatum.</i>	195
<i>Sinopis.</i>	35	<i>Substantiaratio minus mani-</i>	
<i>Smaragdus.</i>	105	<i>festa in elementis cur.</i>	3
<i>Smaragdites.</i>	106	<i>Substantia est opus solius natu-</i>	
<i>Smaragdeus.</i>	107	<i>ræ aut superioris causæ.</i>	4
<i>Smeriglo.</i>	155	<i>Succinum odoratum.</i>	72
<i>Smyris.</i>	155	<i>Succinum.</i>	110
<i>Soda.</i>	52	<i>Succidum.</i>	222
<i>Sory.</i>	61	<i>Sndatoria ex subterranea eva-</i>	
<i>Specularis lapis.</i>	86	<i>poratione.</i>	10
<i>Spinella.</i>	114	<i>Sulphur.</i>	62
<i>Spiritus metallici vita inimi-</i>	6	<i>Sulphurea aquæ cur ut pluri-</i>	
<i>ci.</i>		<i>mum aluminosa.</i>	17
		<i>Sulphureæ</i>	

I N D E X.

<i>Sulphureæ exhalationis vis.</i>	11	<i>Topatium.</i>	108.110
<i>Syenites.</i>	94	<i>Treuertinum.</i>	85
<i>Synephitis.</i>	158	<i>Trochites.</i>	132
<i>Synodontides.</i>	127	<i>Troezenii.</i>	114
<i>Syricum.</i>	200	<i>Turchina.</i>	• 109.124
<i>Syringites.</i>	130	<i>Tutia.</i>	221
<i>Syrtites.</i>	113	<i>Tutia Alexandrina.</i>	219


T


V

<i>Tenarium marmor.</i>	91	<i>Veneris gemma.</i>	117
<i>Talcus.</i>	156	<i>Verdazur.</i>	164
<i>Tanos.</i>	106	<i>Verdellum.</i>	92.94
<i>Taphiusius.</i>	139	<i>Vinosæ aquæ ex Bitumine.</i>	16
<i>Tartarum.</i>	50	<i>Vipera Aegypti Ophitis species.</i>	
<i>Tasconium.</i>	27		92
<i>Terebinthiza.</i>	124	<i>Viride æris.</i>	197
<i>Terra sigillata.</i>	36	<i>Viridis color pro saturato.</i>	126
<i>Terræ species.</i>	8	<i>Vitreolum.</i>	59
<i>Terræ ortus.</i>	25	<i>Vitrum.</i>	212
<i>Terrarum differentiæ.</i>	25	<i>Vmbilici marini.</i>	128
<i>Terra simplicis dignotio</i>	29	<i>Vniones.</i>	104
<i>Theamedes.</i>	152	<i>Vrina humana succum cōtineat</i>	
<i>Thebaicus.</i>	95	<i>lapidescentem.</i>	80
<i>Therma unde oriantur.</i>	19		
<i>Thracius.</i>	147		
<i>Thyites.</i>	93		
<i>Tiberium marmor.</i>	92	<i>Zaffera.</i>	153
<i>Tiburtinus lapis.</i>	85	<i>Zaffrus.</i>	119
<i>Tincar.</i>	50	<i>Zanthenes.</i>	72.113
<i>Tophus.</i>	82	<i>Zeros.</i>	100

Z

F I N I S.





DE METAL- LICIS LIBER

PRIMVS.

ANDREA CAESAL-
PINO AVCTORE.

C A P . I.



NFIMVM genus mixtorum, quod corpora continet inanimata, etiam infimum ferè gradum substantiæ obtinere videtur. Cum enim sint veluti duo extrema materia scilicet, & ratio, cuius gratia, quæ forma est & finis: supremus substantiæ gradus in hoc consistit: nam finis optimi rationem habet, cuiusmodi in solis animatis reperitur, anima enim nihil est præstantius: infimus autem in ipsa materia, hæc enim est alterius gratia: intermedia porro sunt plura: alia enim accedunt magis ad rationem substantiæ quæ in fine consistit: alia ad naturam materiæ, ut tradit Arist. 4. Meteo. cap. ultimo. Cum præterea triplex sit compositio ex 2. de Part. an. cap. i. Vna, primarum qualitatum calidi scilicet, frigidi, humidi, & siccii, ex quibus consurgunt quatuor prima corpora vocata elementa. Secunda, mixtorū, quæ similaria dicuntur ex ipsis elementis: Ter-

A tia,

2 DE METALLICIS.

tia dissimilariū, quæ organica vocantur, ex similaribus, in qua ultima perfectio est finem tenens numero ternario, ut in multis natura fert: Patet elementa ad materiam magis accedere quam mixta: & mixtorum quæ animata sunt, ad id cuius gratia: quæ autem anima carent, imperfectiora esse, & accedere magis ad naturam elementorum: & jure mixta imperfecta a plerisque vocari, non enim adepta sunt perfectionem, cuius gratia & elementa facta sunt, & similaria. Nec tamen putandum omnino fine privari: nam primum non desunt elementorum formæ ordinatæ ad ulteriore finem: præterea & si multa metallica ad animam participandam inepta sunt, vt inferius ostendemus, inserviunt tamen omnia quib[us]dam, qui finis, cui appellatur. Nam montes lapidei ad fluctus arcendos inter cætera faciunt: terra nuda ad stirpes ferendas: pluvia ad augendas segetes: & tandem omnia ad usum hominum, sumus enim quodammodo omnium finis. 2. Phy. te. 24. Merito igitur Aristoteles i. Meteo. cap. i. dixit. Quæ tractantur in Meteorologia, passiones esse elementorum, ut quæ comunes sunt aëris, & aquæ, & terræ species & partes, & passiones partium: innuens lapides, metalla, & reliqua fossilia, de quibus in fine tertii libri agit. Horum autem omnium duas tantum causas esse testatur i. Meteo. cap. 2. materiam scilicet, & efficientem, ubi inquit. Accidentium circa ipsum, id est, mundum inferiorem, ignem & terram & congenera his ut in materiae specie eorum quæ fiunt, causas oportet putare, subjectum enim & patiens appellamus hoc modo: Quod autem sic causa est, ut unde motus principium, eorum quæ semper moventur, causandum virtutem. Et iterum cap. 4. inquit: Quod sub ea quæ sursum est circumlatione corpus velut materiaquædam existens, & potentia calida & frigida, & sicca, & humida; & quæcunque aliæ has sequuntur, passiones, sit talis & est à motu & immobilitate, Ex his patet corpora metallica substantias esse ut materia, sunt enim elementa yario modo alterata. Quod si eorum

dem

dem affectiones considerentur, secundum quas aliquid agere aut pati possunt, quibus differunt omnia corpora similitudinae. Meteo. cap. 8. jam multæ consurgunt Metallicorum species. Differunt enim aurum, æs, lapides, & reliqua metallica, quia liquabilia, aut illiquabilia sunt, ustibilia, aut inustibilia, ductilia, aut fragilia, & aliis hujusmodi potentissimis affectionibusque prædita secundum varias elementorum mixtiones alerationesque. Quoniam autem in his multum inest materia, parum autem de quiditate, minus patet quando sunt, & quando non sunt, contrario modo quam in organicis, & similaribus viventibus: rationes enim eorum non sunt certæ, cum longius absint à fine, & secundum inordinatiorem naturam fiant, ut testatur Aristoteles. Sed illud mirum videtur, quod afferit: minus manifestum esse naturaliter ignis opus quam carnis: cum ignis combustio aut calefactio sit manifestissima. An cum elementa aliquid pastæ sunt, incertum est, an sint ad huc: ut Glacies an retineat vires aquæ: & vapor an sit aëris: similiter exhalatio an sit ignis. Fuligo & sulphur fumi sunt congelati, incertum est an ignes sint, quia eorum opus non manifestum, ut de carne viva vel mortua. Metalla multis alterationibus patiuntur, ut videantur omnino deleta esse, ut contingit Plumbo cum in Cerussam vertitur, aut Sandycem: non tamen adhuc corruptum est: si enim confletur, revertitur in plumbum, ut glacies in aquam. Similiter fumi congelati in ignem transeunt: excrementa ignis, ut cineres in terram. Hinc patet quo pacto definienda sint corpora metallica, per materiam scilicet & speciem affectionis, & causam efficientem. Ut glacies est aqua à frigore congelata: materia est aqua, species congelatio, causa efficiens frigiditas. Metalla sunt vapores cum quadam exhalatione à frigore congelati. Lapides sunt terra partim à calido partim à frigido condensata: & cætera simili modo. Antiquiores philosophi omnia naturalia ut animalia & plantas hoc modo considerabant, ut notat Arist. i. de Par. an. cap. i: Cum enim nul-

lam considerationem haberent finis, cuius gratia natura agit, latebat eos ratio explicans ipsum quid est, & solam materiam putabant esse substantiam, reliqua omnia accidentia: cum tamen forma, & ipsuna quid est magis substantia sit quam materia: per illam enim vnum per se sunt, quæ illius gratia petuntur: ut domus dirita non amplius vnum sed lateres & ligna. Sed vt revertamur ad metallica dicimus: Aurum quidem vnum quid esse, & plumbum, & crystallum, & reliqua huiusmodi, sed per accidens vnum, cui nomen impositum est, vt aquæ, & congelatione impositum est hoc nomen glacies. In artificialibus quoque idem facimus. Statuam enim vocamus compositionem æris, & figuræ. Sed hæc assimilantur magis substantiæ, quia ars alicius gratia agit, vt natura. Non tamen artificis opus est ipsa substantia, sed solius naturæ, aut superioris causæ: Quod innuit Aristoteles 4. Meteo. in fine, ubi inquit. Constitui organa, vt caput, manum, pedem non quidem a calido, & frigido, vt æs, & argentum: sed quemadmodum ferram, aut phialam, aut arcam ars facit: sic ibi natura vel alia aliqua causa, innuens intelligentiam, quam natura sequitur in organorum constitutione.

C A P. II.

QVAMVIS autem partes similares viventium constituuntur sint ex elementis coagulante caliditate vel frigiditate, vel vtroque vt sales, metalla, lapides: differunt tamen, quoniam illæ in gratiam organorum conditæ sunt, hæc autem nequaquam: sed accidit, vt ars ea traxerit ad varios usus. Differunt præterea, quia metallicorum materia incepta est ad vitam participandam: nullum enim animal, neque planta iis nutritur. Nam etsi plantæ ex terra videntur alimentum sumere, & quædam animalia luto nutrientur: humorem tamen quendam sibi familiarem ex iis eliciunt: lapidum autem substantia, aut metallorum, aut terra

terræ puræ non transit in eorum naturam. Quod auten dicitur de Struthiocamelo ferrum conquoquere, & quod in ventriculis avium quarundam lapilli reperiantur, ut in Hirundinibus, putandum est medicamenti potius gratia aliquando ab illis animalibus ea expeti, quam nutrimenti. Indicio est nulla animalia ex eorum putredine oriri: Nunquam enim repertum est, aut lapides, aut metalla, aut sulphur corrodi ab animalibus, vt solent ligna a teredine. Reperiuntur quidem vermiculi varii generis in terra cœnosa: quia putredo aquæ materia est opportunissima ad eorum generationem: & in scopulis maris intra lapidum cavernulas reperiuntur animalia quædā, quos Dactilos vocant, ostrearum medullis similia, & gustui grata, ex aqua marina introlabente genita. At in fodinis metallorum sive marmorum aliorumque saxorum nunquam vivens corpus reperiatur. Et si enim aliquando in eorum cæsura ostrearum testæ, aut cætera conchilia reperta sint, hæc recedente mari, & lapidescente solo inibi derelicta in lapides concreverunt. Vbiique enim ubi nunc est arida, aliquando affusse mare testatur Aristoteles: Hoc enim modo censere magis consuum est rationi, quam putare vim animalem intra lapides rudimenta animalium ac plantarum gignere, vt quidam putant. Sed de his alias apertius dicendum est. Materia autem metallica inepta est nutritioni, quia gravior, & terrestrier. Calor enim innatus substantiam quandam levem requirit, in qua conservetur, vt flamma in oleo: alioqui extinguitur: huiusmodi autem est, qui in spiritu & sanguine, aut proportionali reperitur. At ex corpore adeo gravi, & terrestri impossibile est talem spiritum, & humorem elicere. Quamvis autem metalla quæ liquabilia sunt, aqueam habent substantiam prædominantem: reponuntur tamen a Galeno inter corpora terrestria, vel quia per concretiōnem terrea sunt redditæ, vnde a calore animalium eorum humiditas reduci nequit ad actum: vel quia humiditas metallica valde terrestris est, & gravis, vt patet in argento vivo:

vivo: quamvis enim id liquidissimum sit, nequaquam maledicit: ac pondere vincit omnia præter aurum. Si autem ex humiditate metallica spiritus aliquis eliciatur, is omnino adversatur vitali, perimit enim omnia animalia, seu in fodiinis hauriatur, seu ex fornacibus, aut quomodo cumque. Alicubi tamen mitior est exhalatio morbos quodam sanans, ut in sudatoriis Puteolanis. Stirpes quoque enecat, ubi ejus adsit copia: ut merito natura metallica statui possit toto genere adversa corporibus viventibus. Est quoque valde conspicua differentia: Viventia enim gignunt sibi simile, quod est opus animæ altricis, ut alimentum in sui naturam convertat. At metallica nec procreant sibi similia neque se ipsa augere possunt. Quod enim ajunt: Plumbum augeri imbris, aut locis subterraneis conditum, ut Galenus testatur 9. simpl. peculiare est soli contingens, cuius causa loco proprio dicenda est. Et quod chimistæ assertunt, semina esse auri, quibus multiplicetur in infinitum, adhuc famosum est magis quam compertum. Non tamen est præter rationem, ut arte corpora metallica invicem transmutentur. Cum enim eorum formæ accidentia sint, ut ostensum est, à calore & frigore provenientia: quatenus in manu artificis est alterationes hujusmodi efficere, etiam novas formas introducere potest, ut patet in corporum combustione, solutione, congelatione, distillatione, sublimatione, & hujusmodi: consurgunt enim corpora diversa, ut sales, vitrum, aquæ, & alia multa. Sed quæ ex motu cœli contingunt, à sola natura fiunt non minus quam viventia: non enim artifex imitari potest hujusmodi alterationes. Quæ igitur sit metallicorum corporum substantia, & quomodo differant à partibus similaribus viventium explicatum est: quomodo autem à se in vicem differant dicamus.

C A P. III.

CVm duplex eorum materia statuatur ab Aristotele 3. Meteo. in fine: scilicet duplex exhalatio, hæc quidem vapo-

vaporosa, hæc autem fumosa; illa quidem ex aqua ortum ducens, hæc autem ex terra, etiam duo genera corporum intra terram fieri; ex sicca quidem exhalatione fossilia ideo dicta, quia fodiendo inveniuntur ut illiquabilia lapidum genera, & quæcumque in pulverem solvuntur. Ex humida autem, quæ propriè metallica vocantur, quia post effusionem transmutatione egent, ut liquor metalli igne fundente à recrementis expurgetur. Sed medici hoc nomine medicamenta omnia accipiunt, quorum generatio, vel spontina est in metallis, id est fodinis: vel in fornacibus, aliisque præparandi modis, ut testatur Galenus 9. Simpl. 7. Ab his tamen se jungit lapides, & terrarum genera. Dioscorides omnia subterranea metallica vocat, recentiores mineralia: fodinas enim minas vocant: quæ omnia secundum Aristotelis sententiam ad duo prædicta genera rediguntur. Posteriores plura genera faciunt: Nam quatuor statuit Avicinna, lapidem, metallum, sulphur, & sales. Albertus Magnus tria, lapidem, metallum, & media mineralia, quo nomine reliqua omnia corpora accipit, quia medianam quandam naturam inter lapidem, & metallum habere videntur. Non desunt qui nostris temporibus omnes prædictas divisiones reprobent: præter lapidem, & metallum duo genera introducentes: terram & succum concretum, quasi multi lapides non fiant ex succi concretione, quem succum lapidescentem vocant. Præterea sulphur, & auripigmentum succos concretos dicere absurdum est: neque enim humore solvuntur, neque prius liquida fuisse quisquam vidit. Inter inflammabilia solù bitumen, & liquidum & concretum reperitur: sed in his coguntur idem in diversis generibus collocare: ut succinum, & obsidianum inter lapides & succos concretos. At subterraneorum partitio, quæ ab Aristotele traditur, omnium exactissima, clarissimaq; reperitur, quod hinc fiet manifestum. Primo igitur illud animadvertendum est, omnia hæc corpora terræ species vocari ab Aristotele i. Meteo. cap. i. quod patet ex enumc-

DE METALLICIS

enumeratione eorum quæ proponit tractanda. Hanc eamdem sententiam habemus a Galeno 9. simpl. cap. 2. vbi inquit. Terræ differentias a philosophis tribus generibus finiti: siquidem vnum eius genus est lapis, alterum corpus metallicum, tertium terra quæ colitur. Quamvis autem metalla, quæ fundi possunt, quidam ajunt non terræ, sed aquæ plus continere, tamen inferius cap. 7. inquit: vt omnibus tum terris, tum lapidibus commune est, vt desiccent: ita metallicis quoque medicamentis omnibus: est enim essentia eorum terrea. Id autem accedit quoniam in transmutatione elementorum inter se variæ passiones contingunt, vt quandoque ambigero videantur, vtrius sint. Patet in sale id: cum enim corpus sit terrestre actu, potentia vero humidum, cum solutum fuerit, visu non differt ab aqua: pondere autem, & corpulentia est veluti lutum, adeo vt ova, & multa alia corpora gravia sepernatent ut testatur Arist. 2. Meteo. cap. 3. Idem patet in argento vivo: et si enim aquæ instar liquidissimum est, sustinet tamen gravissima pondera non solum lapidum, sed & quorundam metallorum, quod fieri non posset, nisi eius substantia terrestrier esset quam supernatantium. Similem humiditatem habent metalla: cum enim liquefcunt, fluunt, vt aqua, nec madefaciunt, & quod ab illis sublimatur pulvis est, non aqua. Quæ cum hoc modo habeant, dicuntur tamen quædam aquæ esse ut metalla, quædam terrea ut lapides illiquabiles, & quæ eius sunt generis. Potentia enim & impotentia ad liquationem, & coagulationem, & alia huiusmodi materiam ostendit, vt 4. Meteo. cap. 8. habetur. Saligitur terræ tribuitur non aquæ quia humido solvitur. Metalla aquæ tribuuntur, quia liquefcunt igne, sed eorum humiditas a fice terreo multum passa est, ideo conditiones quasdam habent terræ. Argentum vivum aquæ tribuitur, quia fluit ut aqua, & non comburitur ut oleum, aëris vero conditiones habet, quia incoaguabile, non ob id tamen compositum est ex aere, & aqua, non enim gravissimum esset, sed ab aere passum.

passum est magis quam metalla, ideo facilissime exhalat. Eodem modo in cæteris considerandum est. Quibus hoc modo constitutis patet ratio, cur Aristoteles ad sicciam exhalationem pertinere inquit lapides illiquabiles: & quæcunque in pulverem rediguntur: ad humidam autem metallica, quæ aut fusilia sunt, aut ductilia. Impotentia enim ad liquationem, & pulvis terram ostendunt: neutrum vero in est aqueis. Ductilia enim, aut fusilia sunt. Compræhendi autem in hac divisione omnia corpora patet, humidum enim aquæ, & siccum terræ materia est omnium 4. Meteo. cap. 5. Quoniam vero mixtio non fit sine caliditate terram, & aquam attenuante in naturam exhalationis, ideo duplex exhalatio ponitur materia propinquæ omnium, humida quidem participans naturam aquæ, & aëris, sicca autem terræ, & ignis. Genus autem siccorum corporum differentias habet. Nam aut abscedente humido universo coagulata sunt, ut genera terrarum, & salium, quæ humido solvuntur magis & minus: Aut relicto aliquo humido à frigore congelato, ut lapides illiquabiles. Quoniam vero exhalatio sicca duplex est, quædam pinguis ideo combustibilis, quædam arida, & incombustibilis: ex illa quidem sulphur fit, & auripigmentum, & bituminis genera, & quidam inter lapides. Ex arida autem reliqua prædicta. Omnia hæc Aristoteles sub duobus compræhendit: aut enim pulveres colorati sunt, aut lapides ex tali consistentia geniti. Genus autem humidorum similes, sed opposito modo differentias habet. Quædam enim coagulata sunt respondentia lapidis illiquabilibus, quædam incoagulata respondentia pulveribus. Quæ in hoc genere coagulata sunt non humili absentia id patiuntur, sed calidi: ideo liquantur à calido, 4. Meteod. 6. Quæ vero incoagulata sunt, humida actu permanere necesse est, respondentia pulveribus acti siccis: & quemadmodum hi humido, & frigido solvuntur, sic argentum vivum à calido, & sicco in pulverem reducitur. Cum autem vaporis natura quædam glutinosa sit, exhalationi

pingui respondens, sed minime combustibilis: altera non glutinosa: ex hac quidem metalla fiunt: nam liquata instar aquæ fluunt, ex glutinosa autem lapides liquabiles, ut scoriae, & vitrum: hæc enim liquata trahi possunt, ut viscum. Inest autem in omni metallo utraque humiditas magis, & minus. Ideo cum liquantur plerumque separatur scoria, quæ metallicæ humiditati innatæ, ut oleum aquæ. Aristoteles innuit hæc omnia ea distinctione, cum inquit: Metallicæ, aut fusilia sunt, aut ductilia: nam fusilia tantum non ductilia sunt metallorum venæ: corundem scoriae, vitrum, & stanni quoddam genus. Ductilia non fusilia ferrum: fusilia simul, & ductilia aurum, argentum, æs, plumbi genera. Ex his patet quantum ijerrent, qui Aristotelis divisionem tanquam insufficientem calumniantur, putantes non includi in ea lapides liquabiles. Sed de his clarius patebit cum de lapidibus loquemur.

C A P. I I I.

EADEM exhalationes quæ intra terram varia corpora signunt, aliquando aquas inficiunt è subterraneis effluentibus, aliquando aërem, si contingat extra terram erumpere. Nam præter impressiones quæ in sublimi fiunt, de quibus agere non est nostrum institutum, alicubi tam copiosa efflat exhalatio calida, ut pro sudatorio usurpetur ad multos morbos sanandos, ut in pluribus campaniæ locis, præsertim in monte, quem Tritulum vocant, ad cujus radices aquæ Thermarum sunt, quas Salviati appellant: non procul autem ab iis montem ascendentibus occurrit spelunca multi partita, in qua aër sudatorius continetur, ad quem locum accedunt, qui distillationem pituitosam patiuntur, item chiragrici, & podagrici, artritici, & hydroscopici, à quibus morbis per sudores liberantur. Aliud quoque sudatorium est subterraneū juxta balnea quæ ad paludem Agnani sunt, similiter in Campania: ubi cespite ablato, statim fumus calidus

lidus exhalat, qui receptus sudores elicit ad eosdem morbos, & amplius ad ulceræ internæ. In Vesuvio quoque rustici foveas excavant, qua parte fumus exhalat, in quibus sudant, ut postea abluantur aqua pluvia, quæ in proximis foveis colligitur. Hæc quidem nostris temporibus extant. Recensentur tamen ab antiquis multa alia. Exhalationes quidem hujusmodi innoxias ex bitumine magis quam ex sulphure intra terram ardente provenire putandum est, minor enim est ejus materia. Noxias autem è sulphure, auripigmento, argento vivo, aut metallis, ut patet ex eorum fodinis. Quicunque enim fumum hujusmodi hauriunt, incidunt, aut in suffocationem, anhelationem, aut phthisim. In Volaterano ex lacu ferventissimo expirat aër supervolantibus avibus mortiferus: similiter ex lacu Averno dicto in agro Puteolano: Græci ab effectu loca hujusmodi Aorna vocant. Alibi exhalationes efflant unitantam gemitinoxiæ, ut in Itaca leporibus, in Creta noctuis, in Sigaro canibus, in Galata, & Clupea scorpionibus, in Ebuso serpentibus, ideo vel odorem de longe sentientes effugiunt. Alibi autem generi animantium omni mortiferæ oriuntur, quarum foveas Græci Charoneas appellant, sive Plutonias, quia transeuntibus per ea loca iter ad inferos pateat. Hujusmodi extant inter Neapolim, & Puteolos, spelunca enim reperitur in qua quodvis animal parumper immorans suffocatur, si tamen citè in lacum propinquum mergatur, reviviscit. Quod pro miraculo scribitur etiam in quodam Sicilia loco accidere. Mons enim Aetna est ignes evomens ut Puteolis: juxta autem loca ardentina non mirum exhalationes effluere sulphureas, aut ex reliquis metallicis tabificas. Compertum est puteo excavato, in eoque exoneratis bellicis machinis ad aquam ut solent igne, & concussu evocandam, quotquot descendissent explorandi gratia, suffocatos. Hæc enim est vis exhalationis sulphureæ præfermit in angusto loco. Idem præstat aër diu conclusus in spenu, aut foveis quibuscumque, si non perspiret: repletur

enim exhalationibus subterraneis, quæ ingredientibus necem afferunt. Si autem in apertum excent malignitatem amittunt diffusæ in immensum. Aliquando tamen in peste diffunditur exhalationis malignitas in longinquū, ut totas provincias inficiat, quod tetigisse videtur Tucidores, cum in peste Atheniensium inquit: Forte per continuum ex Aethiopia quædam fluxere putredinis contagia. Oriri autem hæc ex prava evaporatione subterraneorum, illud argumento est. Nam quæ ex cadaveribus putrescentibus in prælio, aut ex palustribus putrefactis fiunt, loca tantum vicina afficiunt, non universas provincias occupant. Oportet igitur universaliorum causam esse, aut cœlum, ut quidam putant, aut dispositiones terrestres, quam sententiam sequitur Avicenna. Quamvis enim cœlum sit prima causa omnium alterationum, quæ hîc fiunt, longinqua tamen est, ut inquit. Dispositiones vero terrestres propinquæ sunt. Corrumpi autem aërem à multitudine exhalationum indicant signa pestem prænuntiantia: ut cum in aëre apparent multæ impressiones ignitæ, stellæ cadentes, cometæ, & hujusmodi, & cum turbulentus est aëter, ac veluti pulvere infectus: significant enim multam evaporationem præter ordinem naturalem. Nam quemadmodum constitutio pluviosa, aut ventorum spiratio aliquando universalis videatur multas provincias occupans, idem contingere potest in constitutione pestilenti, ut terra efflet universim pravas evaporationes diu conclusas, unde aëris turbulentia, & malignitas sequatur. Quoniam vero omnia metallica terrestria sunt, ut explicatum est, etiam evaporationes eorum terrestres sunt: atque ob id plerumque post magnas siccitates sequuntur pestes, & succedente constitutione australi, quæ materiam putredinis foveat: ut patet in constitutione descripta ab Hippocrate 3. in 3. Epid. Fit autem plerumque excessus pravæ exhalationis in terræ motu. Ex concussione enim tale necesse est commoveri latentes in terræ visceribus evaporationes. Pro diversitate autem ipsarum varia genera

nera morborum oriri: non enim ijdem in omni peste vagantur.

C A P. V.

AQuæ autem non solū ab exhalationibus, sed & ab ipsis corporibus metallicis inficiuntur: unde sapores diversos, odores, & colores acquirunt. Non tamen omnia cum iis misceri possunt. Neque enim aurum, neque argentum, nec gemmæ, nec vitrum quicquam deponunt in aqua: nihil enim ab iis exhalat, nechumore solvitur. At lapis calcarius, gypsum & reliqui igne cremabiles: & ferrum, æs, plumbum manifestè aliquid deponunt, quod saporem immutat: sed maxime omnium quæcumque à calido, & sicco passa sunt, ut sales, nitri genera, alumina, chalcanthum, calx: solubilis enim eorum substantia in humore manifestissimos sapores inducit. Terræ & si omnes humore solvuntur in lutum, non tamen omnes aquam alterant: vel quia sapore careant, vel quia facile subsideant, unde aqua redditur pura, ac si per harenas ac fabulum pertransiret percolata. Omnia tamen corpora ignita post extinctionem relinquunt in aqua aliquod vestigium: rarefacto enim per ignitionem corpore, aqua subingrediens lambere aliquid posset. Nam & gemmæ solidissimæ si sæpius in aqua extinguantur, tandem mollescunt, & dissolvuntur. In quibus igitur continetur multa substantia combustibilis, multa fit ejus communicatio in aqua, ut patet in sulphure, & bitumine, unde aquæ sulphureæ, ac bituminosæ fiunt. Et quæcumque combustionem passa sunt, ut cineres, aquam reddunt salam, aut nitrosam, aut aluminosam, aut cujuscumque generis sapores. Puras autem aquas fortè impossibile est haberi, cum aut ex aëre in pluvia varias exhalationes rapiant, aut per terram labentes varia corpora abluant. Sed pluviae subterraneis eo præstantiores sunt, quod levissimæ, & dulcisimæ, tenuissimæ, ac splendidissimæ sunt, ut testatur

Hipp.

Hipp. in lib. de aëre, aquis, & locis. Nam Sol educit & sursum rapit, quod in aqua tenuissimum, ac levissimum est, relinquit autem, quod crassum & grave, undè maris falsehood oritur. Cum autem in sublime fuerit elata, atque aëri permista, excernitur ex ea id quod turbidum est in nebulas, & quod relinquitur tenuissimum, & levissimum dulcescit dum à sole uritur, ac coquitur. Verum etsi hæ aquæ optimæ sunt hac ratione, opus tamen habent, inquit Hippocrates, ut decoquantur & à putredine defendantur, si minus odo rem pravum habent, & raucedines, ac vocis gravitatem bibentibus pariunt. At idem auctor 4. in 6. Epid. 17. inter pluvias discrimen facit, ut quædem coctione non indigeant, cum inquit: Aquarum arte carentium, quæ ab Aethere excreta est, aut cum tonitruis, horæa: nimboſa vero mala. Nam secundum alteram Galeni expositionem, quam magis probat, per horam intelligit eam, quæ media æstate pluit. Sol enim eo tempore vapores optimè attenuat, & à crassitate terrestri separat altius attollens. Per id tempus quoque alicubi ros decidit mellea dulcedine, quod mel aëreum vocant, & mannam. Dicitur autem aqua ab æthere excerni, cum à sublimiori loco tanquam magis purgato descendit. Opponuntur autem his nimboſæ, quoniam ex inferiori loco atra nube, & confertim latoribus guttis impuriores & crassiores descendunt. Medio autem modo se habent, quæ cum tonitruis. Fit enim aliqua attenuatio ex collisione nubium, & igne. Sed quæ primæ in Autumno pluunt, non dulces, sed subfalsæ sunt, & graves, ut testatur Aristoteles, 2. Meteo. cap. 3. Nam in descensu multam exhalationem ustam prope terram inveniunt, unde falsehood oritur, quod & aquæ australes patiuntur: cum à locis calidis, & siccis veniant. Subterraneæ autem aquæ graviores essent pluviis, cum vapor in ascensu non adeo defæcatus sit, nisi ex percolarentur à terra per quam transeunt. Ob id simpliciores redundunt, & putredini minus obnoxiae, crudiores tamen sunt pluviis, præcipue quæ à frigiditate lapidum passæ sunt expressionem

quan-

quandam tenuioris substancialiæ: quod maxime contingit iis quæ in glaciem concreverunt. Laudantur igitur fontes ab Hippocrate, si orientem spectent, ut matutino sole illustrentur: odoratas enim fieri & leves a moderata solis caliditate. Item si per terram puram transeant, aut tophum, aut per sambulum masculum, glaream, & harenam carbunculosam, ut Plinius inquit. Ab iis enim aquæ præterfluentes percolantur nihil abradentes, quod non statim subsideat. Si tandem sublimes sint, sic enim Hippocrates vocat eas, quæ non summa tellure præterfluunt, sed in profundo: quo loco, & ab æstu in æstate, & a gelu in hyeme defenduntur, ut frigidæ in æstate exeant, calidæ in hyeme propter antiperistastim. Nam quæ à Sole exuruntur tenui parte, & dulci exspirante crassiores fiunt australibus similes: eadem quoque si quiescant, maleolentes evadunt, & biliosæ. Cum autem in hyeme refrigeratae fuerint, aut gelu concretæ, valde crudæ redunduntur, ut uitosissimæ, & raucosissimæ, ut Hippocrates tradidit, splenes magnos, & duros faciunt, & hydropes.

C A P . VI.

Quod si aquæ præterfluentes solverint aliquam substancialiam ex corporibus metallicis pro eorum natura varias acquirunt facultates. Deprehenduntur autem mixtiones partim ex colore, partim ex sapore, odore, & cæteris sensibilibus qualitatibus. Cum igitur aquæ puræ nullus sit color, nisi ipsum perspicuum illuminatum album dicamus, ut Hippocrates solet: ex mixtione quorundam corporum intenditur ejus perspicuitas, & splendor, ut patet in multis balneis sulphureis, & aluminosis. Aluminis enim admixtio splendorem affert, ut infectores neverunt. Fumus quoque sulphuris dealbat. Ex sulphure candidus censetur Naramus apud Sabinos. Sunt, & terræ candidæ, & lapides incrétam solubiles, ut saxum calcarium, gypsum, galactites, unde candidæ aquæ aliquando lacteæ: plumbi quoque genæ.

genera cerussam candidam fundunt. Manifestantur autem hujusmodi substantiae in alveo, nam aut subsident, aut lapillis haerent. Bitumen autem sedimentum reddit subnigrum, aut fulvum. Aes æruginis colore inficit: ferrum rubiginis: & tandem unumquodque proprium colorem, aut aquæ communicat, aut sedimentis. Videntur tamen aliquando aquæ coloratae ratione corporum circumstantium, cum ipsæ puræ sint. Omne enim diaphanum colore continentis spectatur. Recipiunt præterea aquæ sapores pro natura terræ per quam transeunt: exulta enim terra magis, & minus omnimodas accipit formias saporum 2. Meteo. cap. 3. nam alienam dulcedinem diversam à propria, quæ aquæ puræ tribuitur, assumunt ex cerussa, aut lapide Galactite, quæ etiam lacteæ sunt. Patet id in aquarium distillatione per vasæ plumbeæ; saepè enim lacteæ exirent & dulces. Scribit Pausanias aquas balneariorum Cardiaæ in campo vocato Albo juxta Dascilum, longe dulciores lacte esse. Traditur hujus generis in Germania fons juxta Glauca, qui ob id lacteus dicitur. Vinosas quoque aquas reperiri testantur, ut juxta Paphlagoniam, ad quam incolæ omnes bibendi gratia confluabant, & fluvium in Naxo à poëtis Bacco ascriptum. Has Bituminosas esse arbitror: nam Bitumen spirituosa, multam, & mitem efflat substantiam. Acidæ prætere aquæ multis in locis reperiuntur, Acidulas Plinius vocat, saporis qualis in aceto. Hujusmodi fons est Aretii juxta fluvium Castrum ad collis Montionis radicem, instar aceti acerrimi: hanc rustici multa aqua dilutam pro vino bibunt. In Italia tres aliæ reperiuntur, & in Germania pluribus in locis. Aristoteles tradit in Siciliæ Sicania reperiiti, ex qua acidam muriam pro condimentis efficiunt. Esse & circa Lyncon fontem aquæ acetosæ. Forte significat eam, quæ in Macedonia traditur Lyncestis aqua celebris propter ebrietatem, quam bibentibus afferebat. Similis in Aethiopia, quæ furiosos efficere dicitur colore vini rubri. Ex bituminosa substantia has quoque fieri, argumento est. Nam acidula

acidula, quæ Aretii provenit, in alveo lapides habet bituminosos: obducitur quoque cæteris lapillis quiddam fulvo colore. Astringentes autem austerae, & acerbæ ex ferro, alumine, & chalcantho oriuntur. Mitiorem astrictionem ferrum efficit, vehementiorem genera aluminis, maximam chalcanthum, & quæ ejus generis. Ferro ascribuntur multæ in Aetruria, ut quæ Borra dicitur prope Montevatchium: Villensis in agro Lucensi: Ficoncella in Senensi: Balneum de aquis in Pisano, & aliæ quam plures: cum enim refrigerare, & astringere compertæ sint, ob id ferreae naturæ putantur: quanquam id modicæ participationi aluminis tribui possit. Alumen autem manifestum habent balnea in agro Volaterrano: & Albulae appellatae in agro Romano. Item Corsenna in Lucensi, & Porrestanæ in Bononiensi: & plerique sulphureæ etiam aluminosæ reperiuntur. Sulphuris enim combustio alumen reddit. Chalcanthum cum acerbitate etiam acrimoniam vehementem habet adjunctam, ideo aquas reddit mordentes, & corrodentes, qualis traditur fuisse in agro Pateolano, quæ plumbum corrodebat. Cepusii quoque sunt, quæ ferrum corrodentes, in æs vertunt. Nostris temporibus quidam arte ex Pyrite cremato chalcanthum efficiebat, quo ferrum æri simile reddebat. Hujus naturæ videtur Stix fluvius in Thessalia, cuius aqua, nec ferreo vase, nec argenteo, nec æneo contineri potest, omnia enim frangit, & corredit. Chalcantho similem vim efficiorem tamen habet chalcitis, mysi, melanteria, & fori, ejusdem enim generis sunr. Aerugo quoque & Cadmia aliquando acrimoniam cum astrictione possident. Acria vero sunt sulphur, & auripigmentum. Aquæ sulphureæ ferè omnes aëtu calide exeunt, & Thermas constituunt, quarum multus est numerus in Italia, præcipue in Volaterrano, Viterbiensi, Senensi: Nam procul sulphureum foetorem transmittunt. Salsas aquas non solum mare habet ab exusta exhalatione genitas, ut sentit Aristoteles, sed etiam fontes: ut aqua Tettuccii, & Balneoli Montis Catini. Salsior in-

Volaterrano quæ in salem candidum exoquitur. Similem tradit Aristoteles 2. Meteo. cap. 3. in Chaonia extitisse, cuius sal à marino differebat laxitate, tenuitate, & imbecilitate saporis. Hunc non ab exhalatione, sed ab exusta terra fieri tradit. Nitrosæ aquæ Nili perhibentur in Aegypto, excoquuntur enim in nitrum. Quædam balnea apud nos nitrum participate traduntur, ut Sancti Philippi, Porrectana, Regii. Amaritudinem præfert aqua maris, non solū enim salsa est, sed & amara: amarissima autem quæ in stagno Palæstinæ est simul & salsa ut Aristoteles testatur. Tradit etiam circa Scythiam fontem amarum, qui fluvium quem ingreditur totum amarum reddit. Est autem fuligo omnis amara ante quam uratur, nam usta salsedinem gignit. Non igitur mirum, si aqua marina utrumque saporem præfert: ab exhalatione enim suum saporem recipit. Stagnum autem Palæstinæ ab ustione bituminis idem patitur. Odor autem maximè ostendit tum bituminis tum sulphuris naturam, ingratus quidem in sulphure, fœtens in auripigmento, & argento vivo: at in aliquo genere bituminis gratus, ut Ambræ vocatæ, Succini, & Camphoræ. Puteus in Peloponnesi Modone unguentum Cizicenum spirabit, ut Auctor est Pausanias, & in Mesopotamia fons traditur suavissimi odoris. Fœtentem in Calabria fontem poëtae fabulantur ex gigantum sepulchris. Fimur olet in Sicilia fons Arctusa: in Germania sunt quæ ova putida redolent.

C A P. VII.

Fontes autem calidi exeuntes mistionem corporū quæ intra terram comburuntur, significant: Thermas has vocant, & balnea. Nonnulli adeo fervent, ut ova percoquunt, quidam etiam animalia injecta depilant, quod in Germania contingere tradunt: sed apud nos in agro Volaterrano est aqua adeo fervens, ut ex animalibus injectis modico temporis spatio ossa denudata à carne extrahantur. Quid autem sit, quod intra terram ignem hujusmodi foveat inter

inter auctores dubitatur. Ignes enim esse subterraneos loca multa ardentia ostendunt, ut in Vesuvio Aethna, & multis Appennini locis. Ab iis autem aquas pertransentes calefieri non à Sole, nequa ab alia causa clarissimum est. At qui fieri possit, ut aqua continuè pertransiens ignes non extinguat, difficile est videre. Præterea unde materia combustibilis continuè suppeditari possit, quæ ignes perennes conservet, ut vidimus. Scitum profesto inventum quorundam, ignem quemdam esse in aquis ardenter, à quo Thermae oriri. Hunc efficere bitumen solum: nam ejus proprietas est, aquis accendi, extingui oleo, ut Dioscorides tradit in Thracio lapide, qui bituminosus est. Cum igitur duo tantum sint genera corporum ardenter in subterraneis, sulphur, & bitumen: à sulphure non posse aquas perpetuò calefieri, quia hujusmodi ignem extinguerent: à bitumine igitur tantum id contingere. Sed huic sententiæ refragantur plurima Italæ balnea, quæ sulphur olen, non autem bitumen. Verum non timenda ignis extinctio est, si aquæ præterfluentes, non materiam ignitam tangant, sed loca circumstantia ab igne ex calefacta, quæ Empedoclis opinio fuisse dicitur, non enim in eodem loco generari ignem, & aquam possibile est, cum toto diametro differant utriusque materia, & efficiens. Illud quoque argumento est reperi fontes calidos abique odore sulphuris, aut bituminis: ut Villensis, balneum de aquis in Pisano: Aqua Tettucci, & aliæ quamplures. Mirum autem esset balneum calidissimum Avignonis in Senensi carere omni odore prædictorū corporū, si materiam ardenter tangeret. Patet id in Monte Vesuvio, in una enim ejus parte ignes apparent, ex altera autem aquæ calidæ effluunt. Potest enim sola caliditas absque fuligine ad ea loca pervenire, quæ ab aqua irrigantur, præcipue si intercedat montis lapidosum ac densum intervallum. Vnde autem siant ignes perpetui, dicendum est ob eandem causam, quæ perpetuam facit maris falsedinem apud Aristotelem. Perpetua est enim exhalationis generatio ob cœli

motum. Quæ igitur ab aqua appræhenditur, in falso dinem vertitur, quæ autem ad aërem venit, supra terram quidem in sublimi varias impressiones ignitas facit: intra terram autem condensatur in varia corpora, aut ignis principio assumpto exardescit, ubi igitur semel contigerit accendi, tam diu perseverabit ignis, quamdiu exhalationis copia suppeditabitur: diutius autem in subterraneis materia suppeditur, quam in aëre ad cometas, quia in loco angusto non disperditur exhalatio. Fieri tamen potest, ut materia jam collecta paulatim ardeat, nulla alia accedente: quod animadvertisimus in Gagate lapide, qui cum à pastoribus nostra ætate succenderetur, extingui postea non potuit. Sed perseverat repens quæ extat lapis, relinquit autem post se vallem exustam. Villa magna locus ille appellatur prope oppidum S. Ioannis Vallis Arni. Fumo bituminoso locus ille inficitur, eruuntur autem carbones ardentes, qui ignis neque pluviis, neque amne propinquo intromisso extingui umquam potuit; immo magis exardescit, & fumum altius attollit, flagrante in profundo lapide. Sed revertamur ad aquas. Patet quidem caliditatem, & frigiditatem non semper mistionem arguere. Simplices enim reperiuntur non solum inter frigidas, sed & inter calidas: ut in Lipara, in Melo, in Prusa, quæ aquæ Regiae appellantæ sunt. Inter mistas autem frigidæ exeunt Acidulæ quæ apud nos, aqua Borræ: & frigidum balneum in agro Pisano prope Agnanum, cuius aquam putant marmoream esse, quia exit ex marmore quodam fusaneo, quod excoquitur in calcem: at ex sapore valde austero significatur multum aluminis continere. Ex levitate autem ac pondere, tenuitate, & crassitie magis discernuntur simplices à mistis: simplices enim leviores, tenuioresque sunt: mistæ autem graviores, & crassiores. Attamen inter mistas longe crassiores sunt, quæ saluum genera, aut aluminum, aut reliqua corpora humore solubilia receperunt, quam quæ sulphur, aut bitumen, aut aliud genitus exhalationis: natura enim spiritus levis est. Quæ vero succum

succum lapidescentem continent, adhuc prædictis crassiores sunt. Magis enim terrestres. Aquariumq; differunt in gravitate & levitate etiam visu patent. Nam flumina aquæ dulcis mare ingressa supernatant, & supra quosdam lacus: ut Tescinus supra lacum Verbanum, & Rhodanus supra Lemanum. Item amnes quosdam supra alios, ut de Arsania scribitur, cuius aqua Tigri supernatat, cum forte ex alluvione proprios alveos egrediuntur. Ac rem miram de Peneo fluvio scribit Plinius alterum fluvium Eurotam supra se gestare per aliquod spaciū, & olei vice respuerere ejus aquas, nec cum illis admisceri, sed in alterum litus transmittere. Ex qualitatibus igitur aquarum hoc modo ministræ investigandæ sunt.

C A P. V I I I.

EX effectis autem deinceps consideremus. Quædā enim alia ratione discerni nequeunt, cum neque in colore, aut iapore, aut odore à cæteris simplicibus differant. Si tamen bibantur, aut enecant, aut morbos graves pariunt, ut quæ succum lapidescentem habent: quicquid enim tetigerint, in lapidem convertunt: Ideo viscera gypsi modo redundunt immobilia, ac dura. Cognoscuntur hæ ex loco unde exirent, aut per quem transeunt, aut ubi steterint: pariunt enim crustam lapideam corporibus hærentem. Quæ observatio est maximè necessaria in omnibus aquis explorandis: quod enim aquæ deponunt, mitionem certam significat. Deponunt etiam alienam substantiam per decoctionem, & refrigerationem, ut docet Gal. 4. in 6. Epid. 9. sic enim falsæ concrescunt in salem, & cænosæ deponunt terram. Sed exactius per exsiccationem aquæ in sole æstivo, aut leni igne: non solum enim deponunt crassam substantiam, quæ gravis est fundum petens, sed etiam tenuem quandam, & levem, quæ supernatat spongiosa facie, colore nunc viridi nunc luteo, aut nigro, aut vario, cuiusmodi est flos salis in palustribus

bus Nili apud Dioscoridem. At per distillationē mistio deprehendi nequit, evaporat enim cum tenui substantia, si quē est, aqueus humor: sed corpulentia quæ colligitur humore separato, non solum colore, sapore, & odore depræhendi potest, sed & ignis examine: utrum ardeat, aut fumum emitat, aut fundatur, aut colores mutet. Qui enim in re metallica fuerint exercitati, facile misturam cognoscent. Balneum de aquis in Pisano, æs, & argentum, & aurum inficit colore plumbeo, aut pallido, etiam si vaporem tantum recipiant, quod observatum est in nummis, vel in crumena reconditis eorū qui circa balneum quibusdam temporibus obversantur. Eosdem colores aliquando tota aqua recipit, ut reddatur turbida, vel pallida, quod mense Martii, aut Aprilis incolæ contingere animadverterunt, quo anno futurum noxiū ejus balnei usum experimento docti prænunciant. Indicium hoc est evaporationis, aut bituminis (testatur enim Diodorus in stagno Nabateorum, cum lacus cœgesturus est bitumen, fœtorem à vento agitatum sentiri, qui proprium argento, auroque, & æri colorem aufert, vento iterum reflante restituitur) aut Cadmiæ, hos enim colores ejus fumus præ se fert, ac metalla alterat. Ideo aqua illa in potu à nemine usurpatur: & ob id fortè balneum id thoraci infestum est, ac nocet Asthmaticis. Simili modo quæ recipiunt evaporationem auripigmenti, aut argenti vivi lethales sunt, si in potu sumantur. Ex reliquis metallicis nisi multūm excesserint, etiam in potu salutares sunt ad varios morbos tollendos. Ex Sulphure enim, aut Bitumine infectæ ubi modica est eorum participatio, digerunt epotæ superfluas humiditates & exsiccant, uteri affectibus commodæ. Sulphureæ tamen ventriculum dissolvunt, bituminolæ caput magis tentant, & oculis sunt noxiæ. Acidulæ, quas diximus tenuissimam bituminis substantiam participare, urinam movent, vapores vini ex ebrietate relificant: sudores excitant, & vermes interficiunt, grumos sanguinis dissolvunt, & sanguinem sistunt: exhibent quoque febricitanti-
bus

bus, resistunt enim putredini. Extrinsicus autem tam sulphureæ, quam bituminolæ affectibus nervorum prosunt, & articulos confirmant: irrigitatæ capiti fluxiones fistunt antiquas: cutis infectiones, & ulcera sanant. Quæ salem continent, potæ vehementer exsiccant, abstergunt, alvum turbant, & pituitam solvunt. Huic tamen sententia videtur Hippocrates adversari: nam in libro de Aëre, aquis, & locis, eos reprehendit, qui putant propter imperitiam aquas falsas alvum solvere, cum sint ad egestionem maximè contrariae, astringunt enim, & exsiccant. Dicendum est verissimum esse quod scribit Hippocrates: experimento enim compertum est, aquam Tettucii præsentaneum remedium esse in dysenteria, adeo ut hodiè nullum sit præstantius: citissimè enim abstergendo ea quæ mordent, & exsiccando astrin-gendoque fluxum cohibet. Solyit tamen alvum abstergendo, & pondere; ob gravitatem enim salsedinis minimè omnium ascendit in venas, sed celerrimè præ cæteris descen-dit, si ea copia assumatur quæ sufficiat ad descendens, relin-quit enim alvum astrictam, neque mordet intestina quam-vis ulcerata, ut aqua maris, mitiorem enim habet salsedi-nem, absque ulla acrimonia: sed aqua maris, nisi mitige-tur, intus non assumitur. Nitrosæ magis abstergunt, ideo & ipsæ alvum solvunt, sed ob tenuitatem magis urinā pro-movent, ad renū vitia, calculos atterunt, uterus siccant, emendant & cutis vitia. Aluminosis præcipua dos ad astrin-gendum, & corroborandum, fistunt mulierum profluvia, vomitiones, prohibent abortum, ulcera vesicæ, & reñum sanant, & sanguinis miętum compescunt: ut patet in aqua Brandula vocata in Carpensi: sed hæc à modica sulphuris participatione, aut bituminis, penetrationem acquirit, ut ad ea loca transeat. Extrinsicus cutem condensant, & sca-biem, ac reliqua ulcera exsiccant. Atramentoſæ, & quæ chalcitum, melanteriam, & reliqua ejus generis continent, vehementius quidem astringunt, sed ob acrimoniam adjun-tam corrodunt, ideo intus nequaquam tutæ sunt. Hujus-modi

modi putatur fuisse aqua Stigis in Thessalia, qua Antipater traditur Alexandrum interfecisse. Extrinsecus tamen ulceribus malignis, & exedentibus conferunt. Quæ ferream qualitatem habent, refrigerant, & corroborant, firmant ventriculum, obstrunctiones hepatis, & lienis, & renum tollunt, ducunt arenulas. Quæ aeris substantiam continent, intrinsecus noxiæ sunt, liquant enim, & corrodunt, sed extrinsecus efficaces ad ulcera. Quæ plumbum abraferunt obstrunctiones internorum pariunt, & suffocant. Tandem quæ ex lapidibus, aut terris aliquid traxerunt, omnes infaciunt, & occludunt meatus, quædam & calculos gignunt. Inter has est aqua Borræ Montevarchiensis. Vidimus enim substantiam gypsum vasis inhærentem pertinaciter: ideo nisi parcè assumatur ad fluxiones sistendas, noxam inducit, sed melior redditur purgata sale, & diutius asservata, ut substantiam gypsum deponat. Balneum sancti Philippi gypsum crustam relinquit in vertice capitis, qua ejus irrigationem suscipit, quod utilitatem præstat in defluxionibus calidis. Sed de mistionibus aquarum in universum hæc dicta sint, sigillatim autem satis diligenter ab iis tractatur, qui de balneis scripserunt.

C A P. I X.

Postquam explicatum est, quæ ex subterraneis aërem, & aquam inficere possint, & quo pacto misturæ depræhendatur, & quas vires iis communicent, relinquit ut singulorum generum ortum, & differentias explicemus, incipientes ab iis, quæ ex sicca exhalatione constant, Oryctæ, id est Fossilia proprie appellata ab Aristotele. Quæ cum divisæ sint in lapides illiquabiles, & ea quæ humido solvuntur, quos pulveres vocavit, de solubilibus prius dicamus. Solvuntur autem alia humore aqueo, nempe quæ arida sunt, ut terrarum genera, & salium: Alia oleo, quæcunque scilicet pinguis sunt, ut sulphur, & bitumen, & quæ ejus generis

neris. Terra igitur ut à simplicioribus ordiamur, ea propriè appellatur Gal. 9. simpl. 2. & 3. quæ siccacum sit sine humore non cohæret, sed pulveris modo difflit: humore autem madefacta glutinatur in lutum. Hæc enim est terra, quæ subigitur, & colitur, differens à lapide, & arenis. Ejus ortus duplex est, vñus quidem ex siccâ exhalatione refrigerata, descendit enim ex aëre in pulverem, aut cum aqua pluvia soluta, dein siccata in limum vertitur: hujusmodi autem terra fertilis est, quia ad aëris naturam rare facta humorem concoquere potest pro alimento plantarum. Hujus enim gratia agricolæ sèpius terram versant, ut à sole rarefiat. Alter ortus est ex mistis per putredinem in fumum conversis, & ex lapidibus sole aut igne incoctis, deinde aqua pluvia solutis. Sic enim montes lapidei paulatim æstu, & imbribus dissolvuntur in terram. Pro diversitate autem lapidum, & cæterorum mistorum varia genera terrarum oriuntur. Ex cremabilibus enim ut saxo calcario terræ glutinosæ fiunt ut Cretarum genera: ex nonn cremabilibus autem arenosæ, ac minus cohærentes, minus enim humore dissolvuntur. Ex plantarum autem aut animalium putredine ac simo pingues. Multæ autem sunt terrarum differentiationes pro ariditate, aut pinguedine, densitate, raritate, asperitate, lenitate, tenacitate, fragilitate, & aliis hujusmodi: item coloribus, & saporibus. Quamvis enim terra simplex sapore vacet, acquirit tamen diversos sapores, & colores, & odores, ex alteratione, ac mistione. Quoniam autem ad diversos usus petuntur ab artificibus, secundum hos diversa nomina imposita sunt speciebus. Agricolæ enim suas terras querunt: alias figuli & plastici, alias fullones: alias pictores: alias medici. Agricolæ terræ gracilitatem, & pinguitudinem præcipue considerant: macram illam, hanc pullam vocantes. Quoddâ vero genus terræ pinguissimum Margam appellant. Est autem Marga apud Plinium quidam terræ adeps, ac veluti glandia in corporibus, qua utuntur agricolæ loco simi. Aratis enī campis spargunt, ut sit ve-

Juti condimentum ad frugum ubertatem. Significat hæc vox Marga apud Gallos Medulla: appellantq; Steino marginam quasi saxi medullam. Reperitur enim in venis, & fibris faxorum aliquando intra ipsa saxa inclusa ad medullæ similitudinem. Cujus plura reperiuntur genera: recenset autem Plinius sex, Albam, Ruffam, Columbinam, Argillaceam, Tophaceam, & Harenaceam. Albæ quoque tres ponit differentias: Leucargillam quasi candidam argillam, alteram Cretam argentariam, tertiam Glischomargam, quæ creta est fullonia admista pingui terra. Sed de argilla, & cretarum differentiis inferius patebit. Marga igitur alba has habet differentias. At Ruffæ una est, quæ Capnumargas vocatur intermixto lapide terræ minutæ harenosæ. Columbina autem ea dicitur, quæ globis lapidum modo reperitur, sed frigore, & Sole ita solvitur, ut tenuissimas braeas faciat. Argillacea porrò ea est, quæ argillam representat. Thophacea quæ tophum. Harenacea quæ harenam. In summa autem earum natura duplex, aspera, pinguis. Aspera est tophacea, & harenacea: pingues cæteræ. Nec in omni solo qualibet utuntur, sed arida quidem in humido, pingui autem in sicco: in terra autem temperata columbinam, & cretam spargunt. Quæ autem hic pinguis terra appellatur, non significat inflammabilem, ut sulphur, & bitumen: hæc enim ad culturam inepta sunt: sed quæ succosa est & lenis, ut fimum. Oritur autem ex aquarium exsiccatione intra lapides, ut limus in palustribus. Agricolæ igitur has terræ differentias considerant. At figuli, & plastici terras querunt tenaces, ut ductæ in quacunque partem, non abrumptantur, neque dehiscant exsiccatæ: has communis nomine Argillas appellant, ut ex Plinio facile colligitur, lib. 35. cap. 19. ubi de arte Plastica, & Figulina loquens inquit, ex argilla sua opera conficere. Qui cretas cum argillis confundentes scribunt, solam cretam albam argillam antiquis vocari, non animadverterunt argillam albam quam Græci Leucargillam vocant, ut in genere mar-

garum

garum notavimus. Præterea diversam esse argillam à creta ex eodem Plinio colligitur, lib. 17. cap. 4. ubi ad vineam præ cæteris terram laudat cretam, & argillam quamquam præpingues. Argillæ igitur sunt, ex quibus opera figurina fiunt, ut vasa, signa, & statuæ, quarum proprietas est, ut recipere quamlibet figuram possint, & in caminis ardenti-bus coctæ, in lapideam duritiem concrescant. Patiuntur autem id, quæcunque in igne non in pulverem rediguntur, ut saxum calcarium, sed mollificantur, ut harenæ ex quibus fit vitrum. Sic enim abscedente humore, qui glutinabat partes, cohærent invicem mollificatæ igne. Galenus, 9. simpl. 3. Argillas vocat, quæ pinguedine carent ut potè friabiliores. Sunt autem argillarum plures differentiæ. Quædam enim duci tenuius possunt, quædam minus. Nobilitate vero præstant, quæ tenuissimè ducuntur. Vnde Romæ ostendebantur duæ amphoræ in templo consecratæ propter tenuitatem, magistri & discipuli certamine, uter eorum tenuiorem humum duceret. Hinc vasa Samia antiquis celebrata, & in Italia Aretium, & Mutina hujusmodi vasorum nobilitate claruerunt. Tolerant præterea argillæ vim ignis magis & minus. Qui metalla fundunt, egent iis, quæ in afflatu ignis minime disrumpantur: cujusmodi est apud nos terra Treguanda à loco dicta. Ex ea conchas efficiunt, quibus vitrum liquatur: & aurifices vascula Crucibula appellata, quibus fundunt aurum, & argentum, & æs. Aretii quoque est terra similis, sed fabuli modo aspera, cuius vasa in igne flectuntur vitri modo, nisi miscentur cum alia argilla. Qui his terris carent, arte parant miscentes cum qualibet argilla cineres, vel cornua combusta, vel vitrum tenuissimè tritum, aut harenam, ex qua vitrum fit, aut quamlibet terram combustam prius, deinde in pulverem optimè comminutam. Plinius Tasconium vocat terram, ex qua catini ad fundendum aurum fiunt, qua nulla alia est, quæ afflatum ignemque, & materiam ardenter magis tolerat. Est autem terra alba similis argillæ. Inter argillas vilissi-

mas tamen sunt, quæ ad opus lateritium sumuntur. Non enim quolibet terrarum genere utuntur, non è Sabulo, neque ex arenoso solo, & multo minus è calculoso, sed è cretoso, & albicante, aut ex Rubrica, velsi ex fabulofo, è masculo certè conficiunt. In Africa autem, & Hispania parietes ex terra cruda conficiunt, qui ævis durant incorrupti imbribus, ventis, ignibus, omniq[ue] cemento sunt firmiores, & adsunt Annibal[is] speluncæ, & terrenæ turres jugis montium impositæ. Sed de argillis hæc satis. Fullones quoque suas habent terras quibus vestes mundant. Cretas fullonias vocant: nam & alia cretae sunt, quibus argentum politur, & aurichalcum, & ferrum. Denique cretae nomen omnibus iis terris videtur accommodari, quæ expoliendi, & mundandi gratia, aut fricantur, aut illinuntur: etiam quæ pictoribus ad colores in usu sunt, ut creta Eretria, creta Selinusia, creta viridis, & hujusmodi. Omnis autem creta pinguis est, & in succum facile diluitur. Ad vestium igitur usus quatuor numerantur: Cimolia, Sarda, Vmbrica, quartum appellatur Saxum. Cimoliae adhuc plures differentiae recensentur, quarum duæ ad medicos pertinent, candida & ad purpureum inclinans. Sarda candida est, sed vilior Cimolia, cui succedit Vmbrica ad vestes tantummodo utilis: ultimò Saxum est, cuius proprietas, ut crescat mæcerando candidis vestibus utilius. Creta vero argentaria ad vasa argentea expolienda inter Margas numerata est: terram Creticam vocat Galenus, à qua reliquæ terræ Cretæ dictæ sunt, ut etiam creta fullonum, pingues enim sunt. Hodie terram Tripuli vocant, qua utuntur ad enses expoliendos, candida hæc est: alia pallida glebis lapidosis, qua utuntur ad aurichalcum tergendum, vulgo vocant Gessum. Est & creta vilissima, qua pedes servorum venalium illinebant Romanii, & quæ circum præducebant ad victoriae notam. Pictores quoque suas cretas habent: Candidas quidem Parætonium Melinum, & terram Eretriam, omnes à loco appellatas. Rubras autem quas Rubricas vocant: Habent & cretam viridem

ridem, & nigrum, sed diligentius eas exquiramus, quæ medicis inserviunt.

C A P. X.

Considerant medici terrarum genera multa: Eretriam, Samiam, Chiam, Selinusiam, Cimoliam, Pignitem, Meliam, Ampelitem, Lemniam, Armeniam, Rubricam: de quibus sigillatim agendum est, si prius terræ simplicis notas, & facultates aperuerimus. Ea verò judicanda est simplex terra puraque quantum dari potest, quæ nullum præ se fert saporem, neque odorem, oriuntur enim hi ex mistione, ut docuit Aristoteles. Quanquā sunt qui terræ odorem proprium supra unguentorū suavitatem prædicent: & Ciceroni ascribit dictum illud: meliora esse unguenta quæ terrā, quam quæ Crocum sapiunt. Afferuntque eam suavitatem in terra sentiri, quando post siccitates diurnas imber decidit: tunc enim emittere suum halitum divinum à sole conceptum: cui comparati suavitas nulla possit. Hæc ex Pliniana historia. Nos autem quam fieri potest, inalteratam considerantes, inodorem, & insipidam fatemur. Colorem autem ipsius proprium Strato Lāpsacenus candidum esse dixit: idem testatur Aristoteles in libro de coloribus. Elementis enim convenire albedinem, quia albus color est simplex: Argumēto esse cinerem, qui ad albedinem tendit omni humore consumpto. Nigrum enim fieri ex humore semiusto, ut in carbonibus, & fumo. Non tamen omnis terra alba simplex est, ut Eretria, Melia, Paratonium, virtute valde differentes. Qui putant terram ex sui natura opacem esse, aliud colorem præter nigrum ei tribuere non possunt. At licet opacus sit totius terræ globus sive ob alterationem & commissionem, sive ob divisionem continui, ut accidit pulveri: non tamen quælibet ejus pars opaca est. Non enim contingere gemmas quasdam, lapidem specularem, salem fossilem, & alia multa perspicua esse, & alba: ubique enim

ter-

terræ opacitas albedinem & perspicuitatem remitteret. Omnis autem terra si comburatur , deinde abluitur diligenter , deponit alienas qualitates , & ad suam simplicitatem maxime reducitur , cuius vires sunt siccandi sine moratu , & meatus occludendi , ideo recensetur inter Emplastica 4. simpl. 5. Dioscorides terram omnem , inquit , præcipuam habere vim refrigerandi , & meatus occludendi. Quoniam autem difficile est terram omnino simplicem habere , nam quæ colitur ex variis generibus collecta videtur , aut per alluvionem invectis , aut simis computrescentibus : Medici selegunt synceriores , & nequaquam confusas. Reperiunt enim homogeneæ tum colore , tum consistencia , ideo ad simplicitatem elementi magis accedere yidentur. Differunt tamen inter se. Quædam enim retinent aliquid igneæ qualitatis , ut terræ ex exhalationibus genitæ , ustionem enim passæ sunt , unde pars earum in salcedinem maris conversa est , pars in terram similem , quale est Parætonium , crusta quædam candida in mari lapidibus obducta inter candida pigmenta , spuma maris condensata cum limo ut Plinius tradit. Et terræ fullonum , quæ ex aquis pluviosis crassescientibus in limum pingue oriuntur , mordacitatem enim quandam participant ab exhalatione. Quædam morsu carent , vel quia sponte vel arte per ablutionem deposuerunt omnem caliditatem , vel quia ex abrasione quorundam saxorum ortæ sunt : retinent enim eorum naturam : ut Samia minimè eget lotione. Pro varia autem materia , ex qua fiunt , colores varios , & facultates possident. Quæ enim ex saxo calcario fiunt , candidæ & pingues sunt : ex saxo harenario macilenta & argillosa. Ex metallorum venis præ se ferunt eorum naturam : ut Rubricæ ferri , Melia alumnis , ampelitis bituminis , & de cæteris eodem modo. Nam aut terræ ab iis aquarum vi abraduntur , aut exhalatione diversa inficiuntur , ut de Ochra tradunt cretam esse exhalatione plumbi infectam : plumbum enim luteum sumum gignit. Qui igitur res metallicas optimè novit , etiam

etiam terrarum misturas ex coloribus, & cæteris conditionibus callere potest. Sed jam singulas explicemus.

C A P . XI.

ERetria à loco Eubœæ dicta, quæ & Creta Eretria appellatur, duplex traditur, una candida, altera cinerea. Candida pictoribus magis in usu, ut Plinius testatur: Cinerea à medicis præfertur: hæc probatur mollissima, & quæ super æs lineam violaceam ducit. Ejus vis est astringendi, mollierer refrigerandi, emolliendi, ulcerum cava replendi, & recentia vulnera glutinandi ex Dioscoride. Galenus efficaciem Lemnia asserit in exsiccando sine morsu: si autem lavetur, mitiorem reddi. Lavatur teste Dioscoride ut cerussa, uriturque ut tenuior reddatur. Hæc de Eretria habentur apud antiquos. Ex prædictis conditionibus videtur hæc certissimam participare. Hodiè nemo est qui ostendat, cum ejus usus desierit. Habemus tamen ex aliis locis terras similes, ut patebit inferius. Samia quoque ex Samo insula, duorum generum traditur: unum Syropicum appellatum, nostri collirium dicunt, quia medicamentis oculorum adhibetur. Alterum Aster Samius, id est, stella Samia, vel quia signum stellæ imprimeretur, ut Lemniæ sigillum capræ, quod verisimile est: vel quia micas quasdam scintillantes haberet instar stellarum, sed id neminem habet auctorem. Prioris laus est si alba, lenis, & linguæ glutinosa fuerit, mollis, succosa, & frangibilis. Altera verò, quæ Aster dicitur, glibbosior est & crustosa, densaque lapidis modo. Est & lapis Samius à Dioscoride appellatus, quo utuntur aurifices ad nitorem auro comparandum, reperiri in terra Samia: eligi candidiorem, & duriorem. Omnibus facultas tribuitur astringendi, & refrigerandi, ut Eretria. Valere ad sanguinis sputum, ad menstruorum abundantias, illiniri testibus, & mamillis inflammatis: sudores cohibere: bibi ex aqua ad morsus serpentum, & omnia venena. Afferuntur etiam

nunc

nunc quoddam genus terræ sigillatæ , albicantis , qua pro Lemnia utuntur. Vidimus aliquando in iis stellæ sigillum ex more antiquo adhuc afferatum. Quæ autem Collitum dicitur , ex Samo quidem insula hodie non habetur : sed illi similem ex Ilua habemus, quem bolum candidum vocant. Glebæ sunt mollissimæ levissimæque nequaquam tangentium manus insufficientes, tactu linguæ vehementer adhærentes , sub dentibus succosæ absque ulla asperitate , ut merito collirium dici possit. Aëream esse testatur Galenus , quod levitate cognoscitur. Reperiuntur in metallis ferri cum Rubrica, ideo quædam vario colore spectantur, maculis rubentibus , aut pallidis, sed in pauca quantitate : præstantiorem hanc terram experti sumus Bolo Orientali ad sanguinis fluxum & febres pestilentes. Lapis autem famius in eadem Ilua foditur lapidea quidem consistentia , sed tactu linguæ adhæret, ut terra: Calamitam albam vocant, utuntur Magi ad amatoria, quia trahere putatur carnem , ut Magnes ferrum. Chia ex Chio insula Samiæ similis alba & cruxosa diversis formis fictiis. Eligitur coloris albi ad cinerem vergentis. In cæteris vires habet famiæ, sed præterea acre-dine quadam participat, qua mulierum faciem emendat, & cutis rugas distendit, & splendorem affert : idcirco & in bal-neis vice nitri utuntur. Hæc ex Dioscorde. Galen. 9. simpl. 5. abstersionem præstare sine morfu, valere ad ambusta. Ex his colligitur nitrosam quandam habere qualitatem. Habetur ex Ilua terram albam ad cinerem modicè vergentem omnium mollissimam, & lubricam : nam tangentium manus veluti perungit, pulverulentam, & raram, qua utuntur pro sapone, ut merito pro Chia sumi possit. Non abhorret ab hac etiam Eretria descriptio, quæ cinerea ponitur, & mollissima. Selinusia ex oppido Siciliæ dicta lactei coloris, ut Plinius testatur, & aqua dilui celerrimè ad parietum de albationes: Eadem cæruleo intincta Indicum imitatur, quo modo verum Indicum adulterari scribitur. Easdem facultates habet, quas Chia. Eligitur quæ vehementer splendet, & can.

& candida , frangibilis & humore dilui facilissimè potest.
Hodiè ad parietum dealbationes quodam genere calcis ut-
tuntur candidissimo ex lapide Tiburtino cremato , vulgo
Trevertinum vocant.

C A P . X I I .

Cimolia inter Cretas fullonias est à Cimolo Insula dicta , cujus medici duas differentias considerant, unam candidam , alteram ad purpureum inclinanitem : in quocunque genere laudatur pinguis & tactu frigida. Astrin- git simul & aperit ut scribit Galenus, ob acredinem admis- tam quæ efficacior inest quam in Chia aut Selinusia , sine morsu tamen. Idcirco etiam vestes à fôrdibus emundat, ob quem usum celeberrima est: Hac quoque decocta inspi- fataque adulterari Parætonium Romæ solitum Plinius te- statur. Laudat Dioscorides ad Parotides , tubercula , am- busta : nam statim illita prohibet pustulas : ad testium duri- tias , & totius corporis collectiones & Erysipelata : tandem in medicina valde utilem esse , si sincera sit non adulterata. Quamvis hodiè varias Cretas habeant fullones non à Ci- molo petitas , sed nostrates : in medicina tamen eæ seligen- dæ sunt, quæ nihil arenosum habeant , densæque sint, ideo tactu frigido , & ob pinguedinem lubrico : pleræque colore vergunt ad cœruleum, quod dixit ad Purpureum. Pnigitis, seu ut Plinius legit Pnigitis ex loco Libiæ traditur Eretriaæ simillima, adeo ut pro ea quandoque venderetur , grandio- ribus tantum glebis , tactu frigida , & linguæ adeo glutino- sa, ut tactu illi maneat appensa : sed viribus iisdem cum Ci- molia, infirmioribus tamen. Vérum in hujus terræ colore Galenus, quem sequitur Paulus, à Dioscoride & Plinio dis- sentit : tradit enim coloris atri ut Ampelitis : Cæterum vis- cositatem ac tenacitatem non minorem quā Samia, immò etiam majorem habere testatur 9. Simpl. 5. Cum igitur vires easdem habeat, quas Cimolia, inter Cretas fullonum quæ- renda est : nam & candidæ sunt, & nigræ , cincreæ , & cœru-

E lex:

lex: omnes viscose. Melia à Plinio Melinum vocatur inter colores à pictoribus quæsitos. Optimum in Melo insula: in Samo quoque nascitur, sed eo non utuntur pictores propter nimiam pinguitudinem. Apud Dioscoridem Melia coloris est cinerei, qualis in Eretria cernitur, tactu aspera pumicis tritæ modo, vim habet aluminis, sed remissius, ut gustu deprehenditur: linguam tactu siccata, mundat corpus, & color rem bonum conciliat, attenuat pilos, & vitiligines, & scabiem delet, Pictoribus in usu ad diuturnam colorum vivacitatem. Eligitur recens, tenera, non calculosa, frangibilis, & facilis solui in aqua: quæ omnes conditiones in cæteris terris observari debent. Vidiglebas levissimas pumicosas, candidas, cinereas, subpallidas & varias, punctis nigris inscriptas, sapore astringenti, qui non solum ab Alumine, sed etiam ab Attramento provenire videtur. Ad Meliam reduci posse videtur terra Melitensis, est enim tactu aspero, colore albo, ad cinereum vergente: astringens: datur ad Serpentium morsus, sed vim hanc putant ex religione habere: à Divo Paulo communicatam: ideo lapidem Sancti Pauli vocant: communis tamen est hæc virtus multis terris: si hæc teratur ac lavetur, ut tenuissima pars colligatur: cogitur in pastillos candidos non pulverulentos, nec pumicosos, sed admodum lenes, quibus signa quæque imprimi possunt: hæc pota magis penetrat in profundum obtenuitatem, & omni morsu caret, ideo ad pestilentes febres yice boliarmeni exhiberi potest ad putredinem sistendum in venis: & ad sanguinis sputum. Ampelitis ideo appellata apud Dioscoridem, & Galenum, quia viti illata vermiculos enecat, qui gemmas erumpentes rodere solent. Pharmacitis quoque dicta, quasi medicamentosa, quia odorem spirat medicatum: Nasci traditur in Seleucia Syriæ, laudatur in primis nigra, modicè assulosa referens parvos pini carbones, æquali splendore, quæ detrita ex oleo statim liquefit: Vitiola censetur albicans & cinerea, & quæ in liquorem non solvitur. Vis inest discutiendi, & refrigerandi.

refrigerandi: capillum tingit. Plinius Bitumini simillimam esse tradit: experimentum ejus, si ceræ modo accepto oleo liqueficit. Venditur hodiè sub nomine terræ nigræ in usu apud pictores, plerunque agglomerata in rotundas pilas similis detritis carbonibus. Porrò alii sunt apud Theophrastum Carbones fossiles, de quibus dicemus inter lapides: differt hæc molitie, ideo terris acribitur: quamvis enim terra hæc oleo liquefacat ob naturam bituminis: solvitur etiam aqua ut cæteræ terræ, Galeno teste 9. Simpl. 5. sic enim jure inter terras reponitur sed bituminosas.

C A P. X I I I.

Rubrica à rubro colore dicta, Græcis Miltos: ejus tria genera apud Dioscoridem: Sinopis, Fabrilis, & terra Lemnia. Sinopis cognominata ab urbe in Cappadocia: Effodi tradunt in speluncis, & purgatam à lapillis vendi: probatur maximè gravis, densa, ad lecoris speciem vergens, sine calculis, concolor, & cum diluitur, maximè solvitur: vim habet exsicandi, obstruendi, & astringendi: ideo adhibetur emplastris vulnerariis, & pastillis exsiccatibus, & astrictoriis. Alvum sistit, & in ovo sumpta, aut clysteribus infusa: datur jecinoris vitio laborantibus. Hæc Dioscorides. Venditur hodiè terra jecinoris colore in pastillos quadratos formata, quam Bolum vocant, frequenti usu ad emplastra astrictoria. Habetur & ex Ilua ferrariis metallis sincerior, glebis non pastillis, tactu linguæ vehementer hærentibus. Nuper aliud genus in insula propinqua, quæ Lilium vocatur repertum est colore magis diluto ad pallidum vergente, utrisque utuntur hodiè pro terra Lemnia aut Armenia fœlici successu adversus venena, & febres pestilentes. Rubrica autem fabrilis ex Dioscoride ad omnia inferior Sinopide: optima in Aegyptp, & Cartagine absque calculis, friabilis. In Iberia quoque gignitur ex Ochra usta degenerante in Rubricam. Hæc vulgo Sinopia appellata.

appellatur rubicundior Bolo, & magis friabilis, ideo manus tangentium inficit. Utuntur fabri lignarii soluta in aqua, ut filo imbuto lineas designent: utuntur & Pictores. Lemnia ex Lemno insula, quam hodiè Stalimenem vocant, ex Dioscoride: nascitur in spelunca loco palustri, quam incolæ in pastillos formant ad misto caprino sanguine, & signo Capræ imprimunt, vnde sigillum Capræ appellaverunt: Antidotum contra pernicioſa venena, si ex vino sumatur: etiam præsumpta evomi venena cogit, Prodest & contra iectus morbusq; animalium venenosorum: Antidotis familiaris: est dysenteriæ utilis. At ex Galeno testante se oculata fide haec vidisse, habemus: Collem quendam esse juxta Ephesiadem urbem, in quo planta nulla vivit, solo veluti combusto, colore rubro: tres autem terræ differentias notasse, ynam quam sacerdos tantum attingebat, sacra enim habetur, & sigillo Diana, quod Capræ est, imprimebatur, at nullo admisto sanguine, sponte enim rubra est. Alteram Rubricam esse fabrilem, quæ manus tangentium inficit: nam prima nequaquam tingit. Tertiam mundandis vestibus in usu esse ob facultatem abstergentem, quam habet, ut Creta fullonum. Plinius de Lemnia inquit, esse Minio proximam, antiquis multum celebratam cum insula, in qua nascitur, nec nisi signatam venundari, unde & Sphragidem appellavere. Hac Minium adulterari solitum, sed in medicina præclaram rem haber. Hodiè affertur terra quædam Characteribus Turcicis inscripta candicans modico, aliquando nullo rubore infecta: quam inter terras sigillatas veram Lemniam putant. Testantur enim, qui hodiè in Lemnum navigarunt, parvo quodam loco, & paludososo veram Lemniam colligi, idque æstate sub canicula lacu turbato, postquam subsidit, lutum colligi, & sigillo imprimi, deinde Imperatori Turcarum tradi, qui postea Magnatibus distribuat præsidium unicum ad venena. Ideo rara habetur, nec publice vnditur. Verum multa sunt, quæ suspectam eam reddunt. Primum sigillum Diana, cujus vires vanæ sunt

sunt. Deinde si vires naturales in eo genere Rubricæ insunt; jam desisse Rubricam manifestum est ex colore, erat enim, teste Plinio Minio proximus. Quid autem mirum in tot seculis in parva spelunca conturbata aqua, absumptam esse Rubricam? aliud verò genus terræ subesse? cui tamen auctoritas ex antiquitate & religione asservetur: si igitur vires naturales sunt in Rubrica, qualis describitur Lemnia, ut scilicet colore sit Minio proxima, & manus non inficiat, sapore autem nullam qualitatem mordentem habeat, ut testatur Galenus: profectò rei cienda est terra sigilliata prædicta, & Rubrica sumenda est, quæ eas conditiones habet. Affertur autem hujusmodi ex Orientalibus quidem, glebis rubentibus succosis, lingua glutinosis: quem Bolum Orientalem vocant. Ei non inferiorem habemus ex Ilua, & Lilio. Nam præter Sinopidem coloris Epatici, quædam reperitur saturatæ rubedinis colore sanguineo: quædam roseo, quædam maculosa facie, maculis aliis sanguineis, aliis pallescensibus, aliis candidis. Omnes levissimæ succosissimæque odore quodam fungi Pruncoli. Omnes linguae pertinaciter hærent. Reperiuntur in metallis ferri, sed in pauca quantitate, ut Bolus candidus: his nulla reperitur asperitas sub dentibus, & citissimè in succum solvuntur. Ex rubentiore conficiunt vase fistilia, ut ex iis potus per quam frigidos propinent febricitantibus: nam & vim Alexiteriam communicare creduntur.

C A P . X I I I .

Armenia tempore Galeni reperta est 9. Simpl. 5. quæ & lapidem vocari tradit ob consistentiam, licet terra sit, quia facilimè solvitur. Paulus & Aëtius glebam Armenicam vocant, undè Bolus Armenus hodiè vocatur. Colorem habet pallidum, densior & gravior est quam Aster Samius; facilimè solvitur calcis modo, mollissimæque est absque ulla asperitate arenosa. Afferri tradit ex Armenia ea parte,

ea parte, quæ Cappadociæ contermina est. Facultatem habere admodum exsiccantem, & consolidantem: idcirco conferre Dysenteriæ, & cæteris alui fluxibus. Item sputo sanguinis, catarrhis, ulceribus putridis oris, & pulmonis: ob id extollit ad Phthisim, & fistulas sedis contrahendas. In peste præterea unicum fuisse remedium Romæ in vino metro aut diluto potam. Capit nostris temporibus afferri Bolus pallidus cum omnibus conditionibus à Galeno traditis. Glebae enim sunt prædensæ, quæ tactu linguæ hærent ut cæteri boli nobiliores. Si verò affundatur aqua, citissimè absorbent, & calcis modo solvuntur in succum absque ulla asperitate. Sed qui vires terrarum loco non generi ascribunt, omnes prædictas terras suspectas habent, præcipue quibus virtus Alexiteria tribuitur, hanc ignotæ naturæ tribuentes. At videmus conditiones Lemniæ, Samiæ, & Armeniae, quas omnes adversus venena præstantissimas prædicant, in eo consentire, quod frigidæ sunt, & siccant vehementer absque morsu: nullamque asperitatem arenosam habent, sed facillimè in tenuem succum solvuntur: sic enim latè diffundi possunt, & solidas partes adhærendo tueri, & pravas humilitates absorbere. Indicio est multum aborbere, quod linguæ opposita gleba hæret vehementer. Paulus Aegineta tradit Armenicæ similem facultatem habere Glebam Alanam sed ejus notas minimè tradit. Cur igitur & alios multos bolos similes, quales ex Ilua, aut Lilio, aut aliis locis habemus, recusabimus? sive candidi ut Samia, sive rubicundi ut Lemnia, sive pallidi ut Armenia: sive varii ut ex Ilua. Sed in summa contrahantur terræ à Medicis usurpatæ: quædam astringunt, & siccant, & refrigerant, quod est terræ simplicioris proprium, ut Eretria, Samia, Lemnia, Armenia, quibus antiqui utebantur, nostris autem temporibus boli genera & terra Melitensis. Quædam cum altricione mordacitatem aliquam participant aut ex nitro, ut Chia, Selinusia, Cimolia, Pignitis, ideo abstergunt, & apud nos variæ Cretæ fullonum: aut ex alumine

alumine, ut Melia, & apud nos luta varia balincorum aluminosorum, quibus utimur ad Podagricos, & ulceræ malignæ: aut ex bitumine, ut Ampelitis: aut ex sulphure, ut luta quædam juxta balnea sulphurea. Habemus & terras a-tramentosas continentes Chalcitum, Mysi, Melanteriam, Sori, ex quibus omnibus traditur Chalcanthum, ut loco proprio dicemus. Habemus & mistas ex pluribus metalli-cis, ut lutum, quod ex Balneis Patavinis in usu est, ad maligna tibiarum ulceræ sananda, illinendo totum crus, & in Sole siccando: tradunt constare ex Gypso & sale. Et balneum Sancti Cassiani, cuius luto simili modo utuntur: quod con-stat ex sulphure & alumine.

C A P. X V.

Explatis iis quæ propriè terræ vocantur, reliqua hu-more solubilia explicemus, ut sales, alumina, & alia similia. Differunt hæc à terris, quia à calido & sicco magis passa sunt: ideo rētinent ignis vestigium: præterea ob rarefactionem, & attenuationem humore solvuntur magis quæ terræ. Sapores autem evidentes habent, nec insipida sunt, ut pleræque terræ. Sic enim generari sapores tradit Arist. 2. Meteo. Cap. 3. ubi inquit: Exulta enim terra secundum magis, & minus omnimas accipit formas saporum, & colores: quod experientia docet. Ex omnibus enim cineribus, & corporibus combustis per aquæ ablutionem extrahitur substantia sapida, quæ consistit in quodam vistigio ignis, quod Empyreuma vocatur. Hæc vero substantia concrescit in salem, aut aliquod genus simile, evaporante aqua, in qua soluta fuit: reliquum autem cineris corpus ablutū, terra est insipida. Idem putandum est contingere in exhalatione: cum enim substantia sit terrea accedens ad naturam ignis, si ab aqua appræhendatur, aut in pluvia, aut in visceribus terræ: pars quidem ejus ignita falsas reddit aquas, reliquum autem vertitur in terram. Duplex autem est gene-rationis

rationis modus horum corporum, ut terrarum. Nam aut ex ipsa exhalatione refrigerata gignuntur, seu soluta in aqua sit, ut sal marinus, & lacustris: seu terræ agglutinata, ut sal fossilis. Nitrum naturale, alumem, & chalcanti genera naturalia. Aut ex combustionē corporum, ut fæx vini combusta, quæ respondent terris ex putredine mistorum ortis, & ex diversorum lapidum solutione. Sic enim diversa corpora combusta diversa genera salium pariunt. Appellamus autem hæc omnia communi nomine tales, ut plerique vocant: cum tamen sal propriè dicatur, quo utimur ad condiendum: de quo primo loco dicamus.

C A P. X V I.

SAlis tria genera facit Dioscorides: fossile, marinum, & lacustrem. Fossilis, qui & efficacior traditur cum in multis locis fodiatur, præfertur tamen Ammoniacus, quasi Harenarius, quia inter harenas foderetur in Africa, Cyrenaico tractu: fissilis secundum longitudinem, rectis scissuris: sapore quidem ingratus, ut inquit Plinius, sed medicinæ utilis. Communiter autem in hoc genere Dioscorides laudat candidum, minimè calculosum, perspicuum, densum, æquali compage. Fodi autem & in Cappadocia traditur lapidum specularium modo: & in India montem esse Oromenum appellatum salis nativi, in quo lapidicinarum modo ceditur renascens: majusque esse Regum vestigal ex eo, quam ex auro atqua Margaritis. In Arabiæ quoque oppido ex massis salis muros, & domos construi, aqua cementi vice conglutinante. In Hispania quoque cedi glebis penè translucentibus, cui jam pridem à medicis plerisque palma dabatur. Sed hodiè in Germania pluribus in locis foditur. In Italia quoque reperitur. Nam in Calabria salis fodinæ sunt crystallum imitantis, & ob id sal gemna vulgo appellatur, cuius apud medicos usus est pro Ammoniaco, adeò ut eo invento non queratur Ammoniacus. Fossilis igitur

igitur hoc modo hábet. Marinus autem non nisi artificio paratur ex aqua maris in salinas transfusa non sine aqua dulci, sed imbre maximè juvante, & Sole multo. Nam non aliter inarescit. In Africa circa Uticam hoc modo acervos salis construunt ad collum speciem. Qui verò Sole, Lunaque induerere, nullo humore liquescunt: vixque etiam ferro ceduntur. Hæc Plinius. Salis marini eligit Dioscorides candidum, æquale, & densum. Probatissimus erat in Cipro, præsertim Salamine, & Megaris, in Sicilia, & Africa. Hodie habemus in Italia communissimum sed turbidum coloris cinerei, micis crassioribus. Vbi calor Solis non sufficit, igne perficitur. Purgatur tamen, ut candidior fiat, solutione & congelatione. Vritur quoque donec non exiliat, ut docet Dioscorides de omni sale. Lacustris videtur è sale fœsili ortum duxisse aquis præterfluentibus soluto. Traduntur enim fontes salis, & flumina in multis locis, ut apud Caspias portas salis flumina appellata, quia eorum summa densantur in salem reliquo amnis veluti sub glacie fluente: & apud Bactros amnis, Ochus, & Oxus deferunt ex appositis montibus salis ramenta. Fontes quoque calidi Pegasei salem ferunt. Meminit & Aristoteles in Chœnia fontes esse, cuius aqua postquam decocta fuerit, & frigefacta, evaporato humido cum calido, in salem vertitur non crassum & compactum, sed laxum, & subtilem ut nix, qui alio sale imbecillior est, largiusque injectus delectat. Non absimilem hodiè habemus in Aeturia agro Volaterano: putei enim sunt salis, qui coctione salem candidum, & admodum tenuem reddunt tanta ubertate, ut toti Aeturiæ satisfaciat, ea lege ut alio non utantur. Sed lacus multi sponte congelantur æstivis Solibus ut Tarentinus, qui totus congelatur, Cocanicus in Sicila, & alter juxa Gelam secundum extremitates tantum abeuunt in salem. In Phrygia & Cappadocia, & Aspendi usque ad medium lacum. Inter lacustres autem Dioscorides validissimum tradit Phrygium: celebratur quoque Tarentinus omnium suavissimus, atque

candidissimus. Econverso amarior, qui ex lacu Asphaltite habetur, Sodomiticus vocatur. Differunt quoque colore: nam rubet Memphi: ruffus circa Oxum: purpureus Centuripis. Circa Gelam Siciliæ tanti splendoris, ut imaginem recipiat. In Cappadocia croceus translucidus, & odoratissimus effoditur, ex Plinio. Quò autem candidior est sal eò fragilior: omnis dulcescit pluvia: suaviorem tamen rores faciunt: sed copiosum Aquilonis flatus: nam austro non congelatur, sed liquefit. Facilius autem liquantur qui rariores sunt ac tenuiores: ut marinus, & lacustris. Fossilis ut substantia constat magis compacta, sic difficilius solvitur. Omnium usus multiplex, sed præcipuus ad condimenta: nullum enim ferè sine sale jucundum videtur, ut etiam jumentis expetatur: sale enim excitantur ad pastum, undè largior lactis copia, & caseus grætior provenit. Hinc ad viæ quoque lepores atque animi voluptates salis vocabulum transit, ut nulla humanior vita sine sale queat degere: & salario etiam nunc dicta, quæ honoribus & militiae interponuntur. Illud præterea sali in est eximium, quod corpora conservat à putredine incorrupta, ut carnes, pisces, & quæcunque humore constant putrescibili, cum enim humor hujusmodi in corpore latenti commixtus est, quod ob bibulam ejus proprietatem facile contingit, exsiccans contrahit, & ut ipse est, imputrescibile reddit. Bibula quoque est natura terrarum, at non solvitur ut sal, ideo non in profundum penetrat. Quamvis autem sal à putredine defendat, non tamen convenit in febribus putridis, non solum quia calidus, sed etiam quia exsiccando indurat viscera: quod experientia compertum est iis, qui aquas falsas bibunt, ut Hippocrates testatur in libro de aëre, aquis, & locis. Facultates autem in medicina habet calfaciendi, & exsiccandi, abstergendi, & astringendi. Sed quo durior, & compactior est, eò minus calidus, ac magis astringens ut fossilis. Laxior autem calidior est ac tenuior, ideo magis abstergit, & minus contrahit: maximè autem sal ustus hujusmodi est.

Sunt

Sunt & genera salis factitii apud antiquos, ardentibus lignis
in aquam salsam infusis : quod in Gallia, & Germania, &
quadam Hispaniae parte fieri solitum scribit Plinius : ad id
• quercus optima, & quæ per se cinere syncero vim salis red-
dat: alibi corylus laudatur, ita infuso liquore salso. Carbo
etiam in salem vertitur. Quicunque ligno conficitur sal ni-
ger est. Scribit & Aristoteles 2. Meteo. cap. 3. in Vmbris lo-
cum quendam esse ferentem calamos, & juncos: quorum
cinerem in aqua decoquunt, hac autem refrigerata salis co-
piam fieri. Hodiè alia factitii habentur genera, ut sal Arme-
niacus, sal nitrum, sal alcali, & alia quædam, quæ nos inter
nitra commodiùs reponenda censemus.

C A P. X V I I.

AD salem reducuntur spuma salis, muria, & flos salis.
De spuma, inquit Dioscorides: ramentum est spumo-
si maris in exilibus petris juventum, cui vis eadem quæ sa-
lis : appellat autem græcè Halosachnem, quasi exiguum
maris stillam. Plinius inter genera salis, inquit: aliud ge-
nus ex aqua maris sponte gignitur, spuma in extremis lit-
toribus, & scopulis relicta, quæ rore densatur, & est acrior.
Hanc videre licet veluti crustam candidam lapillis, & littor-
ibus inhærentem: lanosa facie agglomeratam, sed duram,
& fermè lapidosam, simili consistentiæ, qualis in lapidibus
spongiae reperitur. Eandem inter Alcyonia quinto loco
Dioscorides tradit, quam Halosachnem similiter vocat. Ex
hoc genere videtur esse Parætonium apud Plinium ex Ae-
gypti loco appellatum inter candida pigmenta. Est, inquit,
spuma maris condensata cum limo, ideo Conchæ minutæ
reperiuntur in eo, è candidis coloribus pinguissimum. Di-
scedit autem hæc substantia à natura salis, quia non solvi-
tur: lapidosior enim est, quam sal fossilis, videtur enim ve-
luti excrementum salis derelictum in scopulis, à quo absces-
sit tantum id quod solvi potuit. Sed Galenus 11. Simpl 2.

fortè non hanc substantiam intellexit, cum de Halosachne inquit: spuma est salis efflorescentia multò tenuioris substantiæ quam sal ipse, quare & extenuare, & digerere multò plus ipso potest: verum quod reliquum est substantiæ contrahere ut sal nequit. Cum enim efflorescentiam salis dicat, innuit florem salis à Plinio vocatum, de quo inquit: salinarum synceritas summam fecit suam differentiam: quædam enim favilla salis, quæ levissima in eo est & candidissima, Flos salis appellatur: non fit nisi Aquilonaribus. Est autem hujusmodi id quod in salinis ex muria optimè purgata, & syncera concrescit in sale in tenuissimum & candidissimum: quod ex quocunque sale soluto, & defæcato parari potest. Efflorescit etiam sponte non solum in salinis ad similitudinem lanuginis canescens, sed & in vasis in quibus sal continetur. At hoc genus in scopulis maris, aut littoribus nunquam reperitur. Igitur Halosachne modo salis, modo maris spumam significat. Hals enim apud Græcos pro utroque accipitur. Quamvis autem flos salis ejus efflorescentiam significet, accipitur tamen etiam pro alia substantia admodum diversa, de qua Dioscorides inquit: defluit flumine Nilo, lacubus autem quibusdam innat: eligitur crocei coloris, odore graviusculo, ceu Gari: aliquando ingratior, gustu mordaci, & subpingui. Improbatur qui rubricam habet & grumos: syncerus autem solo oleo solvit, adulteratus etiam aqua: acris & ferventis naturæ ut sal: Galenus medicamentum liquidum esse testatur, tenuius quam sal usus, acris qualitatis, & admodum digerentis facultatis. Plinius eadem fermè habet, inquiens: Et flos quidem salis in totum diversa res, humidiorisque naturæ & crocei coloris, aut ruffi, veluti rubigo salis, odore quoque ingratior, ceu Gari, dissentiens à sale non modo à spuma. In Aegypto invenitur, videturque Nilo deferri, & fontibus tamen quibusdam innat. Optimum ex eo, quod olei quandam pinguitudinem reddit. Est enim in sale pinguitudo quod miremur. Adulteratur autem & tinguitur

gitur Rubrica, aut plerunque testa trita: qui fucus aqua deprehenditur diluente factitum colorem, cum verus ille non nisi oleo resolvatur: & unguentarii propter colorem eo maximè utantur. Canicia in vasis summa est, media verò pars humidior: & quæ sequuntur. Quamvis autem hodiè hoc genus non adferatur ad nos: reperitur tamen in quibusdam fontibus balneorum innatans hujusmodi substantia, colore varia, nunc croceo, nunc ruffo, nunc viridi, odore gravi, & gustu mordaci. Pinguedo igitur, levitas, & odor ostendunt materiam exhalationis ustibilis, non ustæ ut salis, ex sulphure, aut bitumine, aut exhalatione quacunque.

C A P. X V I I.

Maria idem quod falsugo seu falsilago appellatur in fâlinis tota liquida, marina aqua falsior, ut Plinius inquit, de qua Dioscorides inter sales, nihil enim aliud est quam sal liquefactus: ideo effectus salis præbet, abstergitque Dysentericis infunditur ad ulceræ depascentia. Ejus species, est Garum, liquamen scilicet piscium aut carnium, quæ sale macerantur ut Dioscorides tradit inter pisces. Solvit enim sal eorum humore, eademque præstat: mitigatur tamen ejus acrimonia ab humiditate piscium, aut carnium. Sed apud Plinium & Galenum non quoruncunque piscium salitorum liquamen Garum dicitur: sed genus quoddam exquisiti liquoris intestinis piscium, cæterisque quæ abjicienda essent, sale maceratis, ut sit illa putrescentium sanies. Hoc olim conficiebatur ex pisce, quem Græci Garon vocabant: sed postea ex Sombro laudatissimum fieri cœpit, adeo ut Mauritania, & Bætica aliæque finitimæ regiones Scombros ex Ocæano intrantes caperent Gari conficiendi gratia, ad nihil aliud utiles. Creveruntque genera in infinitum: ut quoddam conficeretur ad colore mulsi veteris, adeoque dilutam suavitatem, ut bibi posset. Gari verò fex imperfeta nec colata Alex appellatur, quod ejus vitium est. Capit
tamen

tamen & privatim alex ex inutili pisciculo, minimoque confici, Apuam nostri, aphyem Græci vocant, quoniam is pisciculus è pluvia nascitur, tandem pervenit ad Ostreas Vraticas, Cammaros, Mullorumque jocinora: innumerisque generibus ad saporem gulæ cœpit sal tabescere, Hæc Plinius. Reperitur pañum apud Galenum Garimentio inter condimenta: multi enim cibi ex oleo, & Garo parari solebant. Sed hodiè disperiit ejus usus, ideò nec amplius conficitur. Alecis autem quædam genera habentur, unum ex pisciculo, quod Romæ alice vocatur, alibi acciuga, aliud genus ex Thunnijecinore, quod vulgo Caviale appellatur. Sed hæc præter nostrum institutum. Muria omnis falsamentorum si coquatur absumpto humore concrescit in sale.

C A P . X I X .

Nitrum non multum à sale distat, tenuior tantum substantia, & mollior, ac levior: Nascitur ex aquis nitrois, efflorescit quoque è terra: non exilit in igne ut sal, sed bullas attollit ut alumén. Præterea majorem acrimoniā nitro inesse eo argumento colligunt, quod citò nitriariae calciamenta consumunt, & in iis nulla herba vivit, nec animal. Ejus historiam Plinius ex Theophrasto admodum diligenter tradit. Quædam sponte nasci, quædam fieri. Nasci apud Medos exiguum canescensibus siccitate convallisibus, quod vocant Halmiraga, quasi terræ salsuginem: minus etiam in Thracia juxta Philippos sordidum terra, quod Agrion, id est, sylvestre vocant. Apud nos in plerisque locis terræ sunt salsuginosæ, parietes quoque salsuginem expuunt tenuem, candidam, instar lanuginis, quamvis exiguum, acrem, quæ in igne accenditur: continet enim flatuosam, & ustibilem exhalationem, cuius accensione impetus gignitur: ut in sale crepitus exultans. Hinc excogitata est pulveris compositio, quæ ictu oculi ignem concipit, & pilas ingentis ponderis lapideas, aut ferreas ex bellicis machinis quas.

quas bombardas vocant, ejaculatur: imitatione quadam fulminis. Quoniam verò exigua est hujusmodi falsugo spontè efflorescens: arte ex terris salsa ginosis, quas depræhendunt lingua, extrahunt in aqua abluentes, hæc enim post coctionem densatur in id genus nitri, quod salnitrum vocant: nam & Plinius quandoque ipsum nitrum salnitrum appellat. Spontè quoque nasci traditur in Asia in speluncis mollibus distillans: deinde collectum siccari Sole: optimum Lydium: cuius probatio, ut sit minimè ponderosum, & maximè friabile colore penè purpureo: afferri in pastillis: Aegyptium in vasis picatis ne liquefacat. Aphronitrum hoc genus vocari, quasi spumam nitri. Dioscorides Aphronitrum, inquit, optimum censer levissimum, glebosum, friabile, colore penè purpureo aut spumosum, & mordax, quale ex Philadelphia Lidiæ defertur: Secundum esse Aegyptium: gigni quoque in Magnesia Cariæ. Ex aquarum autem concretione spontè nascebatur apud antiquos in Macedonia, quod vocant chalaisticum, candidum, purumque proximum sali: lacum esse nitrosum exiliente è medio dulci fonticulo: ibi fieri nitru circa Canis ortum novenis diebus, totitemque cassare, ac rursus innatare, & deinde cessare. Quo apparet soli naturam esse, quæ gignat: quoniam compertum est, nec Soles proficere quicquam, cum cesset, nec imbræ. Imbris salius nitrum fieri, Aquiloniis deterius, quia validius commovent limum. Videtur Dioscoridis hoc genus intellexisse, quod inquit ex Bunis afferri optimum colore roseo aut candido sponge modo fistulosum. Sed hæc nequaquam adferuntur ad nos, neque comperta sunt oriri. Non desunt tamen aquæ nitroæ, sed sine viribus densandi. Prædicta igitur genera nascuntur. Conficlebatur autem in Aegypto multò abundantius sed deterius: nam fuscum, lapidosumque erat. Eodem penè modo fiebat ut sal, nisi quod salinis mare infundebatur: nitrariis autem nilum: quo recedente madent succo nitri quadraginta diebus continuis: statimque ut densari est cæptum rapitur ne resolvatur in nitrariis

trariis. Sic quoque olei natura intervenit ad scabiem animalium utilis. Ipsum autem conditum in acervis durat. Circa Memphis lapides cit, adeò ut ex iis faciant vasā , ideo deterius, alicubi ruffum à colore terræ. Arabes tradunt quoddam genus fossile lapidosum , quem salem petrosum vocant, recentiores salem petræ. Albertus Magnus testatur in Goseilaria Teutoniæ se nitrum abundantier invenisse, quem tamen incolæ salem esse putabant. Pluvia enim cadiens super montem vena æris refertum , cum ad centum passus in fodina pervenerit, congelatur, inquit in nitrum, qui ab incolis putatur esse sal gemma. Ex hoc genere videtur esse lapis, ex quo fit borax vulgo appellatus, de quo inferius. In nitro optimum , quod tenuissimum, & ideo spuma melior. Hunc antiqui negabant fieri, nisi cum ros decidisset prægnantibus nitrariis nondum parturientibus: itaque non fieri incitatis, etiam si caderet. Alii operimentorum fermento gigni existimavere. Hoc genus spumæ Galenus spumam litri leunitri vocat, alia ab Aphronitro nomine composito. Medicamentum inquit, exsiccatorium esse aspectu triticeæ farinæ : alba enim est, non ut Asia petræ flos cinerea: ejusdem facultatis cum nitro , sed essentiæ tenuioris. Aphronitrum autem farinæ speciem non habet, neque solutum est, sed congelatum & coactum, quo utuntur quotidie, qui in balneo sordes auferunt, ea detergendi facultate, ut non modo sordes extergeat, sed etiam pruriunt sanet, nempe digerendis quæ ipsum excitant saniebus. At devorandum non est nisi gravis urgeat necesse sitas, quippe quod inimicū stomacho, nam plus nitro incidit. Ad fungos tamen suffocantes rusticus quidam utebatur, & semper profuisse probatum est. Nos autem in talibus nitro usto simul, & non usto, & multò etiam magis ejus spuma uti consuevimus. Hæc Galenus. At hodie inventis aliis generibus nitri, non amplius ex aqua Nili conficitur, quod sciatur. Habemus enim Almiragem, de qua diximus, tenuissimam substantiam spumæ nitri respondentem: & salnitrum,

trum, quod ex terra ejus succi gravida extrahitur: nitro respondens quod ex aquis colligitur. Nili enim aquæ in alluvionibus abluentes loca à Sole exusta similem sanguinem ferunt, quæ in nitrum vertitur: continere autem pinguem substantiam ustibilem ut nostrum salnitrum, ostendit oleum, quod ex nitrariis habebatur teste Plinio: ut hinc concicere liceat exhalationem ustibilem tenuem in nitro contineri, quæ ipsum tenuius, & amarius sale reddit. Hinc sal Sodomiticus ex bitumine amarius nascitur, & Babyloniam prima densatio in bitumen liquidum cogitur, oleo simile, quo & in lucernis utuntur: hoc detracto subest sal, ut Plinius testatur. Eiusdem generis est flos salis, de quo diximus: oleosam enim naturam habet ex nitro. Non igitur absurdum fuerit salnitrum pro nitro antiquorum assumere, & Halmiragem pro spuma nitri. In conjectura autem salis nitri, quod prælongis ac tenuibus veluti crystallis condensatur, subest sal quidam candidus farinæ specie, quo utuntur pro sale, sed parcus, quia acrior sentitur. Antiqui etiam nitris quibusdā pro sale utebantur, ut Chalastrico in pane: ad Raphanos Aegyptios, teneriores enim facit.

C A P. X X.

AD nitram reduci possunt multa genera factitia ex cermatis, aut lapidibus, aut plantis, aliisq; corporibus: quibus varii artifices utuntur. Antiqui ex quercu cremata conficiebant, sed ob exiguitatem ab opere destiterunt. Hodie ex calce parant lixivium, quo incrassato cum oleo, nitri vice utuntur ad fordes abstergendas non solum ex corpore in balneis, sed & ad lintea dealbanda, & maculas ex pannis delendas: saponem vulgo vocant. Adulteratur & in Aegypto calce ipsum nitrum: depræhendebatur gusto: syncerum enim facile solvitur: adulteratum pungit: calce aspersum reddit odorem vehementem. Fit calx usto lapide calcario, quod marmor fusaneum vocatur:

G

Fit

Fit & ex testis conchiliorum: Dioscorides ex Buccinis mari-
nis, & ex calculis littoralibus, medicamentum acerrimum
urens ad crustas inducendas efficacissimum, quandiu recens
fuerit, & aquam non tetigerit: quæ calx viva appellatur: sed
citò hebetescit: in aqua autem in qua solvitur, ignem depo-
nit: lixivium id capitellum vocant, primum acerrimum, fe-
cundarium mitius, quam aquam medianam vocant: reliqua
invalida, unde varia saponum genera conficiuntur, additis
quoque cineribus. Fæx vini usta, quod vulgo Tartarum vo-
catur, nitrum quoddam est factitium urens & abstergentis
facultatis: eo mulieres utuntur ad ruffandum capillum, &
fullones ad præparandas varias colorum infectiones. Anti-
qui utebantur nitro quodam folido ad inficiendas purpu-
ras, tinturasq; omnes, ut Plinius testatur. Nobilius fit ex
crusta, quæ circa dolia concrescit ex vino, saporis acidi: hæc
enim cremata facillimè solvitur etiam in aëre humido in li-
quorem acerrimum, quod oleum Tartari vocatur: cuius
gutta diluta ex aqua efficacissimè abstergit faciem, & macu-
las delet: Borax vulgo appellatur quasi Baurach, quod apud
Mauros nitrum significat: factitium quoddam genus nitri
translucidum micis grandini similibus, quo aurifices utun-
tur ad scobem auri glutinandam, ut chrysocolla apud anti-
quos, adjuvat enim fusionem. Conficitur Venetiis ex cre-
mato lapide quodam candido, & fissili, quem boracem crudi-
um vocant. Serapio Botacem Tincar appellat: esse inquit
speciem salis sapore nitri cum quadam amaritudine: Repe-
riri fossilem in littoribus maris, & factitium, quod teste Rhasi
inter genera nitri continetur, sigillo imprimi solitum: alii
ex impuberis urina factitari tradiderunt commodum ad au-
rum glutinandum, qua in re Chrysocollam antiquorum si-
gnificat. Quamvis autem Arabes lapidosi nitri mentionem
faciant, non tamen is borax videtur, quem crudum vocari
diximus: hic enim non solvitur, neque saporem ullum præ-
se fert sed ustione, & præparatione mordentem saporem ac-
quirit. At nitrum quamquam lapidosum, quale circa Mem-
phim

phim saxeis tumulis addensatum scribit Plinius: saporem
tamen salsum & amarum possidet. Serapioni sal petrosus,
& apud chimicos sal petræ vocatur. Galenus 4. Simpl. ii.
etiam inter aphronitra quædam esse testatur duræ, & crassæ
essentiae: quæque nec facilè liquari in aqua possint: sed hæc
improbari. Sal Armeniacus, & Armoniacus, ut vulgo ap-
pellatur, ob nominis vicinitatem Ammoniacus creditur, de
quo inter sales fossiles diximus. Est sal acutissimus, vel po-
tiùs nitrum, quo chimistæ utuntur ad sublimationem argen-
ti vivi, & solutiones metallorum. Fit ex quinque partibus
utinae humanæ, & parte una salis communis, & parte di-
mida fuliginis lignorum, his simul coctis usque ad consum-
ptionem humiditatis, reliquum sublimatur in salem Armo-
niacum, hunc iterum in sudore dissolvunt & congelant & à
sale communi sublimant, & est optimè præparatus, ut Chi-
mistæ docent. Adfertur ex Germania candidus translucens
figura placenta nigredine quadam obductus, acerrimi sa-
poris. Sunt qui in Armenia fieri testantur ex urina Chame-
lorum undè Armeniacus vocatur. Arabes genus quod-
dam nitri optimum ex Armenia quondam afferri solitum
tradunt. Posteriora salem Armoniacum intrerprætati sunt
apud Serapionem quod Huxander seu Nusader vocat: salem
candidum purpureum, rubrumvè, qui extrahitur è lapidi-
bus maximè duris, & trælucidis: gustu salso & summè mor-
daci ad quartum gradum caliditatis accedens, vi attenuan-
di, exterendi, evocandi ex alto remedium ad columellam
laxatam, & anginas. Qui vitra conficiunt, suum quoque
genus habent nitri, sine quo arena non glutinatur in vi-
trum. Vtebantur quondam nitro Aegyptio, quod ingen-
tibus glebis lapidosis transvehebatur: ut colligere licet ex
prima vitri inventione, quam tradit Plinius. Mercatores
enim in littore quodam arenoso cum non adessent lapides
ad construendum focum, glebas nitri cortinis subdidisse fe-
runtut: his igne liquatis, & arenæ permistis fluxisse trans-
lucentes nobilis liquoris rivos, quæ prima fuit vitri origo.

Se in nostris temporibus ad id alio genere nitri utuntur, quod ex frutice quodam falsuginoso cremato conficitur, Sodam vocant: Futicem existimant esse Vnsem, & Cali apud Arabes vocatum, unde sal Alcali ab ipsis vocatur. Affertur ex Hispania ingentibus gebis cinecis aut nigricantibus præduris. Quod autem in confectione vitri separatur liquidum, sanguineumq; colore candido, sapore per quam acris, sal vitri appellatur, quo utuntur pro sapone ad pannos purgandos, & ad faciem mundandam. Nitra igitur tum naturalia tum factitia explicata sunt.

C A P. X X I.

A Lumen græcè Stypteria ob vehementiam saporis stringentis appellata est: ejusque plura genera apud antiquos recensentur, omnia nativa, ex aqua limoque, ut Plinius inquit, veluti exsudantis terræ natura. Nam hymene corrivatum æstivis solibus maturatur. Quod fuerit ex eo præcox, candidum sit; hoc liquidum vocatur, utilissimum lanis inficiendis claro colore. Ejus probatio, ut sit lymphidum lacteumq; sine offendis fricantium, cum quodam caloris igniculo. Dioscorides inquit: æquale undiquaque succosum sine lapidibus, spirans igneum quid. Vidimus hoc veluti lutum candidum, quod vetustate in glebas candidas transit, quas si fregeris, partim in capillamenta concrevisse conspicitur, partim in grumos. Quamvis autem liquidum appelleretur non tamen fluidum est, sumi enim pilulis conformatum testatur Plinius contra lienis vitia, & ad pellendum pruritum, & sanguinem per urinā. Alterum genus concretum est varia figura: unum in capillamenta quædam cæscentia dehiscit, quod Schiston Græci, id est, scissile vocant. Hoc Dioscorides tanquam optimum primo loco describit, intelligitur veluti flos glebosæ aluminis; probatur recens, candidissimum, gustu per quam astringens, grave olens, calculorum expers, nec glebulosæ, aut assulosæ compactum,

sed

sed sigillatim in capillamenta quædam canescens dehinc
scens, quale est quod trichites, id est, capillare vocatur, in
Aegypto natum. Adulteratur lapide simili, id est Amian-
tho, sed gustu facile discernitur. Hodiè adulteratum pro le-
gitimo publicè vendit: alumen plumæ vocant, alii floræ
petræ: sed non solvitur in aqua, neque gustu astringit. Le-
gitimum vidi propè loca ardentia & sulphurea quasi cinis sit
sulphuris combusti, glebis candidis valde astringentibus,
nunc mollibus, quod liquidum alumen est, nunc concretis
in filamenta, quod schiston dicitur, nunc grumes, aut
spongiosa facie veluti bullis extuberantibus, quod rotun-
dum vocatur: omnia in iisdem locis, quod & Dioscorides
testatur: in Aegypto enim omne genus, & in iisdem metal-
lis inveniri. De Rotundo inquit: assūendum quod suapte
natura rotundum est, non manu confictum, bullis turgens
instar Pompholygis, albo proprius, atque validius astringens,
præterea non nihil palloris cum quadam pinguedine præ se
ferens, sine arenis, friabile, quale in Melo Insula, & Ae-
gypto reperitur. Plinius Strongilem, id est, rotundum iner-
tioris facultatis: duas ejus esse species: Fungosum atque
omnium ore dilui facilè, quod in totum damnatur. Melius
pumicosum, & foraminum fistulis, spongiæ simile, rotun-
dumq; natura, candido proprio, nec inficiens nigritia. Qua
in reconsiderandum magnam affinitatem esse inter genera
aluminum, & chalcanthi: nam præter similitudinem sapo-
ris, etiam vis inficiendi colore nigro tribuitur aluminum, ut
Chalcantho & melanteriæ. Deliquido enim testatur Pli-
nius, syncerum nigrescere mistura succi mali Punici: de con-
creto inquit: pallidæ & scabré naturæ galla infici: Hæc ea-
dem videntur in Chalcantho, nam aut galla, aut mali pu-
nici cordicibus atrum colorē efficit. De schisto præterea
inquit: hoc quoque sit ex lapide, ex quo & id chalcitum vo-
cant, ut sit sudor ejus lapidis in spumam coagulati. Hinc
aluminum divisio in candidum, & nigrum exigua coloris
differentia: magni usus, quoniam inficiendis claro colore

lanis

Ianis candidum, liquidumq; utilissimum est, contraq; fuscis,
aut obscuris nigrum: & aurum nigro purgatur. Hæc Plinius.
Hodiè in colectura chalcanthi spumosa quædam substantia
efflorescit extra vasa, quæ concrescit spongiosa facie colore
pallido, cuperosam vocant. Reperitur & albicans pluma-
sa intus substantia. Resudant quoque sponte omnia gene-
ra in illa, ubi chalcitis reperitur & melanteria, & tandem
ubi lapis ærarius continetur, quem chalcitum Plinius vocat:
cujus exemplo non ineptè hodiè cuperosam vocant, non so-
lum chalcitum, & congenera ejus, sed etiam alumina ipsa
nativa; Efflorescunt enim magna ex parte ex lapide ærario
cui multa est vis sulphurea: quæ cremata saporem acerbum,
& acrem reddit. Galenus addit astragalotem, idest, talarem,
quasi angulosa constet figura instar Tali, non rotunda: &
placitem quasi crustosum: & Plinthitem laterculi effigie.
Omnibus inesse vim astringendi vehementissimam, ideo
crassarum partium: tenuiori tamen quodammodo substan-
tia constare Schistum, deinde Rotundum, & Astragalotem:
admodum crassa liquidum, Placitem, & Plinthitem. Dio-
scorides vim calefaciendi tribuit, stringendi & expurgandi:
quod non mirum: nam cum astrictione acredinem possidet
mordentem quam obustionem acquisivit. Hodiè pro alu-
minibus naturalibus cessit in usum factitium, quod vulgo
alumen Rochæ appellatur, & Chimicis glaciale, quia in-
star glaciei coagulatum est. Conficitur ex cremato lapide
quodam in agro Romano propè Tolsam. Cæditur inibi la-
pis prædurus candicans, qui mollior est, subrubens qui du-
rior. Vnde aluminis duo genera, candidum, subrubensque
oriuntur. Vetus hic lapis fornacibus, pluribus diebus irri-
gatur, donec in lutum tabescat: qui injectus ferventi aquæ
substantiam aluminosam deponit, quæ à fæcibus defæcata
concrescit in ligneis receptaculis ad similitudinem crystalli
angulosum nucis crassitudine pellucidum: candidū sericis,
& lanis tingendis claro colore expetitur: Ruffum acrius est.
Hoc quoque medici utuntur ad ulcera putrida, gingivas &
ubicumq;

ubicumq; astrictione vehementi opus est: Vrunt quoq; donec bullas non attollat, sic enim pumicolum redditur, cuius pulvis exterit supercrescentem in ulceribus carnem, & ad cicatricem dicit. Cuperosa autem quidam utuntur etiam intrinsecus ad venena, & pestem: præcipue candida, quod alumen liquidum esse diximus: hoc enim propinari interius ex Plinio habemus. Multa alia hodiè recentient inter alumina: ut alumen plumæ, quod amiantum esse diximus, alumen scaliolum, qui lapis est specularis inter genera Gypsi: alumen Catinum quod vulgo Sodam vocant inter nitra factitia: alumen fæcis, quæ fæx vini est combusta inter nitra factitia: alumen Zucharinum, quod ad mulierum dealbationes componitur ex alumine Rocchæ, ovorum albumine, & aqua rosacea. Alumen Iamenum Arabes intelligunt Scissile Dioscoridis.

C A P. X X I I.

CHalcanthum à Græcis appellatum quasi æris efflorescentia: à Latinis Atramentum Sutorium vocatur, quia eo coria tinguntur: aliud ab Atramento scriptorio seu librario, quod ex fuligine pictoria conficitur: & ab Atramento Metallico, quæ Melanteria dicitur. Dioscorides tradit humorem esse concretum aut spontè, aut arte: undè quoddam nativum, quoddam factitium habetur: non ut quidam interpretantur quoddam molle, quoddam concretum. Spontè quidem concretum in Cypro oriri, quod vel guttatum humore in cuniculis distillante in stirias cōcrescit, undè stillatum vocatur, quod optimum est: vel in speluncis corrivatum transfunditur in scrobes, in quibus concrescit, quod Pecton, idest, concretitum vocatur. Tertium factitium est in Hispania, quod Ephthon, idest, percoctum dicitur, omnium invalidissimum. Nam aqua materiam diluentes decoquunt, dein in piseinis trans fusum sinunt, donec concrescat, quod certis diebus fit racematiū digesta materia

ria in complura corpuscula tesserae similia. Optimum creditur cæruleum, grave, densum, translucidum: cuiusmodi est stillatum: Proximum concretum: Percoctum ad infectus, & denigrationes aptius est cæteris, sed in medicina invalidius. Plinius in Hispania puteos esse & stagna habentia id genus aquæ: decoqui eam admista dulci pari mensura, & in piscinas ligneas fundi: Dependere immobilibus super has transversis restes lapillis extentas, quibus exhaerescens limus vitreis acinis imaginem quandam uvæ reddit. Exemptum ita siccari diebus triginta. Colorem esse cæruleum per quam spectabili nitore, vitrumque esse credi. Diluendo fieri atramentum tingendis coriis. Hinc hodiè vitreolum vulgo appellatur ob vitri similitudinem. De nativo autem idem Plinius inquit. Fit & pluribus modis generare eo in scrobe cavato, quarum è lateribus distillantes hiberno gelu stirias, stalagmias vocant, nec est purius aliud. Sed ex eo candidum colorem sentientem violam leucoion appellant. Fit & salis modo flagrantissimo Sole admissas dulces aquas cogente. Ideò duplii quidam differentia: Fossile, & factitium appellant. Hoc pallidius, & quantum colore, tantum bonitate deterius. Hæc Plinius. Hodiè Cyprium raro ad fertur, cum suppetant in magna copia quæ in Italia conficiuntur, & ad tingendum efficaciora. Præ cæteris autem laudatur, quod Bagnareæ conficitur in agro Romano, undè Vitreolum Romanum appellatur: colore viridi. Postea cæpit Massæ confici Romano longè pulchrius, & efficacius, quod Cyprium colore imitatur, ex viridi, & cæruleo mixtum. Ex Germania quoque habetur coloris cærulei elegantissimi ut Cyprium, sed ad infectum infirmissimum. Ratio conficiendi in Italia est: Effodiunt lapidem, quandam mollem, vel potius terræ cuiusdam glebas cinerei coloris intermixtis maculis viridibus, ac rufis, sapore acerbo, odore viroso fossoribus noxiis, ideo non cuniculis, sed in aperto solo fodunt. Acervos exponunt Solibus, & imbris per sex menses, & amplius, saepius versantes, ut matutinum

retur.

retur Chalcanthi materia. Totidem aliis sub te^cto servant. Tandem aqua solvunt, defæcant, & in vasis plumbeis coquunt: sola enim plumbi materia nequaquam corroditur ab ejus acrimonia. Injiciunt, & ferri, & Aeris ramenta, ut soluta faciliorem coagulationem præstent. Coagulantur autem refrigerata, & transfusa ligneis alveis, ut alumen Rochæ. Dum verò in acervis maturatur, efflorescit in cute substantia quædam spongiosa varii coloris, quam cuperosam vocant: efflorescit & extra vasā lignea, in quibus Chalcanthum coagulatur, tenuior ejus substantia. In Ilua terræ sunt variæ Chalcanthum, & alumén continentēs, quædam subnigræ, quædam flavæ, quædam subruffæ: aliæ candidæ, omnes sapore acerbo & acri. Similis substantia putanda est, quam Galenus se vidisse testatur, in Metallis Cypri, ternas scilicet Zonas in specu, quarum infima erat Sory: altera Calcitis: Media Misy. Aquam verò pluviam totius collis terram illam abluere: quæ collecta in profundo specus lacum viridem constituebat, cuius aqua asportata in piscinas paucis diebus concrescet in Chalcanthum. Ex ea autem terra sponte quidem fiebat Sory, Misy, & Chalcitis, & per fornaces Aes, Cadmia, Pompholyx, Spodium, & Diphrides. Hæc Galenus. Sunt hodiè qui cremato Pyrite, Chalcanthum extrahunt quod ferrum tingit colore æris. Ipse videt ad lapidem ærarium sponte agglutinatum Chalcanthum crystalli modo candidum sentientem violas, & æuginem. Vnde arguitur chalcanthi materiam ex Aere ortum duxisse, quod & color viridis ostendit, in quem Aes putrescens convertitur. Viridis enim est aqua in Cypri fodinis licet reddat cæruleum Chalcanthum. Viride est Chalcanthum Italicum: sed omnia vetustate immutantur extrinsecus aut in pallidum colorem, aut flavum, aut subrufum: quam conversionem Galenus in chalcitum fuisse assertit ex Cyprio chalcantho. Vstum quoque chalcanthum rubedinem acquirit rubricæ similem. Miratur Galenus quo pacto in hoc medicamento vehementissimæ astrictioni ad-

mista sit caliditas non mediocre. De hoc diximus in medicamentorum facultatibus. Omnia maximè humidas carnes condire & servare potest incorruptas, nimis rurum caliditate humiditatem absumentes, atque astrictione substantiam contrahentes, atque constipantes. Constringit, desiccat, & contrahit in se totius carnis substantiam. Dioscorides crustam inducere ait. Exhibit quoque intrinsecus drachmæ pondere ad latos vermes enecandos, & adversus venena fungorū. Hodiè per distillationem extrahunt liquorem acerimum, quod oleum vitrioli appellant, cuius tactu abscessus disrumpuntur: ejusdem gutta una aut altera ex aqua hausta morbos pestilentes corrigit. Vistum chalcanthum mitius redditur, imponitur præcipue ad sanguinem sistendum.

C A P. X X I I.

Chalcitis ab Aere cognominata, apud Dioscoridem præfertur similis Aeri, friabilis, syncera, nec inveterata, inter cursantibus ob longis venis, splendentibusque. Differentias præterea habere ex eo colligitur, quod idem Dioscorides de ejus ustione afferit. Quandam humidorem esse, quæ dum uritur, bullas excitat, & tandem inarescit. Alias sicciores, quarum modus urendi est, donec floridum colorem contraxerint, nempè rubricæ in profundum, aut luteo colore pallescant. Sed apud Galenum i. de Antid. c. 15. ex modo ustionis colores variantur. Nam cum in olla absq; operculo super carbones ardentes ponitur, liquefit, & levissima spumosaque ejus pars innatet. Si igitur statim ab igne eximatur non perflatis carbonibus colorem non mutat alioqui emerget luteus, flavusvè color, eo autem modo servatur chalcitis pristino colore, quam partem in Theriacam assumendum esse vult, scilicet viridem, aut cinereum, qualis accepta est: dummodo in spumam fuerit elata, quæ modica erit: hæc enim Theriacam reddit nigram, quod excepti solet. In veteratam autem chalcitum transire in Misy, idem testatur 9. Simpl. extimis scilicet partibus in flavum conver-

conversis. Ex quibus interpretari licet similitudinem Aeris apud Dioscoridem intelligendam esse, ob colorem viridem non rubentem, rubedinem enim ex perfecta ustione acquirit. Quamvis autem Aes nitidum colore rubenti conseruit, neglectum tamē ob Aeruginem contrahit viriditatem. Erit igitur chalcitis optima quod chalcanthum viridi diximus, sed nativum. Nam Vitriolum Romanum factitium est: non tamen à conditionibus nativi distat: nam vetustate flavescit exterius, in igne attollitur in spumam, & tandem rubricæ colorem assumit: tingit præterea colore nigro antequam perfectè uratur. Sed apud Plinium chalcitis est lapis Aerarius, ex quo eradi inquit, æruginem scoleciam: & ipsum æs coqui. Cædi non è subdialibus petris, ut Cadmiam, sed ex obbrutis: continere tria genera æris, Misyos, & Soryos. Ex quibus patet alium esse lapidem chalcitim apud Pliniunt, à chalciti Dioscoridis. Cum verò inquit: Chalcitis friat se statim mollis natura ut videatur lanugo concreta: consenit cum Dioscoridis chalciti: non enim lapis est, sed succus concretus: cum inustione, quæ humidor est, attollatur in spumam, & liquefacit, ut Galenus inquit. Idem enim contingit in alumine, & nitro. Cum præterea Plinius inquit: habet autem æris venas ob longas, probatur mellei coloris, gracili venarum discursu, friabilis, nec lapidosa, significat glebas chalcitis complexas æris venas, quæ mellei coloris sunt, & splendentes, ut Dioscorides tradit: cum syncera chalcitis viridis sit, aut cinerea, ut Galenus testatur. Addit Plinius, recenerem utiliorem esse, quoniam inveterata Sory fiat: Galenus Misy: quia vetustate siccior evadit, & lapidescit: ut contingere diximus nitro. Hujusmodi autem sunt Sory, & Misy. Suspiciatur est Galenus Sory longo tempore mutationem in chalcitim posse accipere. Est apud me chalcitis lapis ex Germania durus, & ponderosus cui efflorescit exterius quid cinerei coloris, interiorius autem sublividum colorem præse fert: in meditullio subrubens, & maculosus est: sapore acerbo & mordente. Videtur hic Sory con-

tinere, quod sublivido colore spectatur. Vitriolum igitur viride, & candicans ad genera chalcitis reducimus ex Galeno. Facultates habet mistas astringentem & acrem, sed vincit acris, quæ odeò vehemens est, ut carnem urat, & crustam efficiat. Sed usta mitior evadit, nam minus mordicat, non tamen minus desiccat. Ex chalcite addita Cadmia in aceto sub Sole ardente caniculae quadraginta diebus fiebat medicamentum Psoricum appellatum apud Dioscoridem & Plinum, sed apud Galenum addito litargyro, quod minus chalcite mordicat.

C A P. X X I I I .

Misly apud Dioscoridem chalciti affine est, & viribus, & uestione. Laudatur Cyprium auro simile, durum, quod friando auri colorem imitatur, & stellæ modo splendet. Aegyptium autem in cæteris efficacius, sed ad ocularia medicamenta præstat Cyprium. Galenus 9. Simpl. testatur vidisse in Cypro Zonam Misyo longissimam in specu supra chalcitem: non constare magnis glebis, ut chalcitis, sed dividi in parva frustula, ægrius quoque liquefcere quam chalcitis, quia siccus: efflorescere super chalcitem vetustate, ut Aerugo super æs. Plinius ex chalcite lapide fieri asserit concretum natura discretumque, & optimum in Cypriorum officinis, cujus notæ sunt: friati aureæ scintillæ, & cum teratur arenosa natura sive terra chalciti similis: Hoc autem miscere, qui aurum purgant. Hodie vulgo non cognoscitur: reperitur tamen in fodiinis chalcanthi: habemus ex Ilua glebas friabiles aurei coloris punctis ad Solem scintillantibus, sapore valdè acri & acerbo: Alterum genus ex Germania colore intus ex luteo vergente ad viridem, ut videatur chalcitem æmulari: Aliud quod per vetustatem ex vitriolo Romano translivit in Misly scintillis caret, & dilutiori colore spectatur. Vires habet similes chalciti, ac tenuiorum est partium ut Galenus tradit.

C A P.

C A P. X X V.

Melanteria non multum discedit à Misy: nam lutei coloris est, ut sulphur, at scintillis caret, inquit Di scorides. Quædam in fauibus cuniculorum, quibus æs eruitur, salis modo concrescit: alia in summa facie supra dictorum locorum coit, quæ terra est. Reperitur & fossilis in Cilicia & aliis quibusdam locis. Præstat quæ sulphuris colorem trahit, lœvis, pura, æquabilis: & quæ contactu aquæ statim nigrescit. Vim causticam obtinet eandem, quæ Misy. Galenus, omnia propemodum astringentia tenuitate exuperat. Hodiè hanc habemus efflorescentem super acervos terræ, ex qua vitriolum extrahitur, inter cuperas. Substantia est fragilis, crustosa, sublutea, aut varia ad cinereum vergens, quæ facile in aqua liquefcit, nigredinem autem non gignit madefacta, nisi ferveat. Hinc Melanteria quasi atramentum appellatum est.

C A P. X X VI.

SOry existimatum est Melanteriæ species, ut Di scorides tradit, neque enim absimile est: sed differt, quia Sory virus grave olet, nauseosumque est. Præfertur Aegyptium, quodque frianti nigrius apparet, in multa foramina dehiscens, sub pingue, astringens, & olfactu ac devoratione magnum virus olet, & stomachum subvertit. Quod autem friatum scintillas ut Misy non emittit, alterius generis esse & invalidum censendum est. Vim & ustionem supradictis similem habet. Hæc Di scorides. Galenus 9. Simpl. inquit, ejusdem generis esse, & facultatis cum chalciti, & Misy: & oriri in eisdem locis: ternas enim zonas simul junctas vidisse in metallis Cypri, quarum infima erat Soryos, suprema Misyos: media chalciteos. Esse autem Sory crassissimum nec liquefcere, quia lapidosius sit & vehementius compactum:

Plinius

Plinius spongiosum esse tradit, trituque pinguis nigrescens, & cætera ut Dioscorides. Hodiè habemus inter cuperas, quæ spongiosa est, prædura colore luteo punctis scintillantibus: aliam colore cinereo, quæ nequaquam scintillat, at alumén rotundum aceedens. Reperiuntur ubi conficitur chalcanthum: discernuntur à cæteris odore viroso. Prædicta autē omnia corpora humore liquabilia sunt quamvis alia magis, alia minus: facilius, vel difficilius.

C A P. X X V I I.

Sequuntur ea, quæ oleo solvuntur, ut sulphur bitumen, & congenera his: eadem ex pingui exhalatione constare dictum est, ideò exhalabilia sunt & etiam inflammabilia. Quædam eorum liquida sunt in genere Bituminis, retinent enim humiditatem aëream ut oleum: Quædam sicca, ut sulphur, sed à calido molescunt instar ceræ, & picis. Cum enim eorum humiditas non sit aquæa non dicuntur propriè liquari, ut metalla, & glacies, sed mollificari tantum 4. Meteo. cap. 9. Indurantur enim à frigido. Nam ut vapor refrigeratus in aquam aut corpus Metallicum constat: sic exhalatio quamdiu aëream humiditatem seu pinguedinem ustibilem habet, refrigerata in succum pingueum oleosum aut durum vertitur: Combusta autem ex toto pinguedine concrescit in terram aut sales, aut lapides illiquabiles, quorū nulla exhalabilia sunt, nec inflammabilia. Quædam tamen ambigua sunt, continent enim exhalationem secundum partem combustam, non ex toto: ut sainitrum, terra Ampelitis, & inter lapides Pyrites, Gagates, & alii, & inter Metalla Aes,flammam enim reddit sulphuream.

C A P. X X V I I I.

SVlphur Græcis Thion, fortè quia res divina judicaretur: nam in religione suffiri solitum ad domos expiandas poten-

potentissima res in natura. Fulmina enim & fulgura sulphur olent. Terræ motus, eversionesq; atq; incendia subterranea ex eo potissimum fiunt. Hinc aris tormenta illa bellica exco-
gitavit, quibus resistere nulla vis potest. Pulveris enim com-
positio, quæ momento ignem vehementissimum concipit,
quo globi ferrei, aut plumbei imitatione fulminis impellun-
tur, ex sulphure constant. Duo autem genera sulphuris po-
nit Dioscorides. Vivum, quod Græci Apyron vocant, id est,
ignem non expertum, non enim eo eget ad superflua sepa-
randam, cum purum nascatur, solidum, glebosum, quo solo
medici utuntur. Effoditur hoc translucetque & viret, ut
Plinius inquit. Sed fortè legendum, nitet, ex Dioscoride:
de hoc enim inquit optimum Apyron & colore nitens,
translucidum, syncerumq;. Hodiè hujusmodi raro visitur:
vidi electro simile pallidius, & ad viride inclinans. Quod
frequentius est in genere vivi, cinerei coloris est, aut nigri-
cantis minimè translucidum. Effoditur glebis, utuntur eo
fullones. Hoc videtur Plinius intellexisse, cum inquit: Al-
terum genus appellant Glebam fullonum tantum offici-
nis familiare. Quod autem ignem expertum est Pepy-
romenon Græci vocant, quia igne perficitur, oleo in-
coctum, ut Plinius refert. Probatur apud Dioscoridem,
quod viret, & præpingue spectatur. Hodiè duas ejus habe-
mus differentias colore, & figura: Quod pallidius est & fi-
gura panis congelatum, virginem vocant, quia eo utuntur
Virgines suffitu ad capillos ruffandos: lanis candorem, &
mollitiem affert. Plinius Egulam appellat hoc genus. Quod
autem viret magis tereti figura, quia in fistulas harundineas
transfusum concrescit ea figura, quarto generi Plinius ascri-
bit ad Ellychnia conficienda maximè usurpatum, proindè
quidam Cauton vocant, ut Hermolaus tradit. Conficitur
in pluribus Italix locis: in Senensi, Volaterrano, Puteola-
no, aliisque. Effoditur impurum terræ, aut lapidi commi-
stum: quoddam pumicōsum, tenuibus scintillis emicans ad
solem; aliud densius intermisstis partibus luteis, aliquando
translu-

translucidis, ut potè purioribus, quale Apyron describitur. Quoddam cinerei coloris. Separatur autem sulphureus liquor ab aliena substantia fistilibus urnis ignem in fundo tantum sentientibus: sic enim sublimatur purior ejus substantia, quæ cum ascenderit ad superiorem vasis regionem, per rostrum descendit in aliud vas recipiens olei modo liquata: inde egressum habens in locum frigidum coit varia figura. De sulphure multa Chimistæ prædicant: esse metallorum principium tanquam semen masculi ad argentum vivum coagulandum: secundum varias conditiones. Nam ad auri & argenti generationem requiri sulphur incombustibile album vel rubeum, quod enim combustibile est, omnia denigrare, & in igne absuumi. At id genus sulphuris, quod non comburitur, & fusionem præstat metallicam ipsis solis notum est inter eorum arcana. Tentarunt multi variis præparationibus sulphur in eam naturam convertere, sed omnes delusi sunt, aut enim pinguedo illa combustibilis non deleta est: aut ea deleta inveniunt aluminis quoddam genus aut chalcanthi ortum esse, quibus alia fusio est, quam metallica. Sublimatum cum argento vivo in pigmentum rubicundissimum vertitur, quod Cinabrium vocant pictoribus utile. Eadem per decoctionem in cæruleum elegans converti compertum est, cum Aere autem in Violaceum. Per se ejus flamma si vitrea concha superposita recipiatur, in liquorem acerrimum vertitur, quod oleum sulphuris vocant, iisdem viribus cum oleo chalcanthi. Sulphur in medicinis vim habet calfaciendi, attrahendi: venenatorum ictibus impositum ex aceto venenum trahit. Præterea abstergit, unde scabiem sanat cum resina illitum. Propinatur quoque ad purulentos: suffitu gravedines tollit, & lethargicos excitat. At ejus nidor comitiales irritat.

CAP. XXIX.

Avripigmentum ab aureo colore dictum à Græcis Arsenicum vocatur: sed hodiè hoc nomine intelligimus ipsum auripigmentum toties cum sale sublimatum donec candidum reddatur, inter venena erodentia, & putrefactio[n]a validissimū: ex eo quoddam in præparatione perspicuum redditur in similitudinem crystalli, undē Arsenicum crystallinum vocatur chimistarum inventum. Cum enim ejus fumus Aes inficiat colore argenti: speraverunt variis præparationibus adhibitis firmā transmutationem efficere, difficilius enim comburitur, quam sulphur. Duo autē auripigmenta genera tradit Dioscorides: unum coloris aurei crustosum, squamis invicem hærentibus, non permixtis cum aliena materia, quod optimum est, quale in Misya Helleponi nascitur: Alterum glebosum (βωλῶδες non βαλανῶδες, id est, glan-dis effigie, ut quidam legunt) & ad Sandarachæ colorem accedens, quod ex Ponto & Cappadocia affertur deterius altero. Plinius tria genera facit. Quod optimum coloris etiam in auro excellentius. Quod verò pallidius, aut sandarachæ similius est deterius existimat. Est & tertium genus, quo miscetur aureus color Sandarachæ. Vtraque hæc squamosa: illud verò siccum purumque gracili venarum discursu fissile. Hodiè tam primum, quam tertium genus pectoribus notissima sunt, vulgo appellant orpimentum: At secundum genus, quod nequaquam ex squamis aureis compactum est, sed glebosum & pallidius, vulgo appellatur Rīsagallum, quo aurifices utuntur. Glebæ sunt candidæ, & subrubentes zonis cinereis discurrentibus, graves. Traduntur ex impuro auri pigmento igne separari, inter venena putrefactio[n]a. Torri inquit Dioscorides, donec mutet colorem, scilicet & flammœum, & rubeum assumat, qualis in Sandaracha est. Vim habet astrictoriam, & erodentem, crustas molitur cum vehementi cruciatu. Galenus in usu esse ad Pilos auferendos.

C A P. X X X.

SAndaracha ex Dioscoride reperitur in eisdem Metallis, ubi auripigmentum, scilicet in aurariis, & argentariis ut Plinius testatur. Probatur rufa, & saturatior, friabilis, & pura: ad cinnabarim colore accedens, odore sulphuris: cuius eadem vis & uestio ut in auripigmento. Hodiè raro reperiatur sola, sed plerumque admista cum auripigmento squamoso, quale tertium genus positum est à Plinio. Substantia enim rubens & florida, Sandarachæ intermixta est cum aureo colore auripigmenti: alia verò est Sandaracha factitia apud Plinium ex cerussa cocta, quæ Sandyx à Dioscoride vocatur, de qua alibi dicitur. Aliud quoque est apud Arabes Sandarax, scilicet gummi Iuniperi, quam vernicem vulgo appellant: Dioscorides Sandaracham tanquam mitiorem auripigmento exhibet intus ad purulentos, & fumum ejusdem laudat haustum ad veterem tussim. Avicenna in cura Icteri propinat Arsenicum. Nicolaus Alexandrinus in Athanasia majori recipit auripigmentum. An venena castigata multa, Alexiteria redduntur, ut Viperinæ carnes in Theriaca: quidam gestant sacculum ex auripigmento, vel Arsenico supra cordis regionem in peste, ad arcendam vim tabificam à corde: extrahit enim virus & pravos vapores absunt.

C A P. X X X I.

BItumen Græcè Asphaltos, unde Asphaltites lacus in Iudæa cognominatus, quia Bitumen fert & inter trifolia Asphaltite, quia Bitumen redolet: substantia est igni familiarissima ut sulphur, tenuior, & levior. Ideò naturæ viventium minus adversa, virent enim plantæ quædam, ut Fraxinus juxta fontem igneum Bituminis teste Plinio: fundunt

dunt etiam arbores quædam Bitumen, ut apud nos Betula,
& Populus: & in India quæ Camphoram reddunt. At sul-
phuris halitus omnibus viventibus perniciosus est, maximè
autem auripigmenti. Peculiare in Bitumine, accendi aqua,
extingui tantum terra, ut Plinius tradit de Maltha: etiam
oleo, ut testatur Dioscorides in Thracio lapide: ferunt quo-
que extingui sulphure, visco, aceto. Quod non parvā admi-
rationem affert. Ardent enim continue multa loca, ut mons
Æthna in Sicilia, mons Chimera in Phaselide, & in Italia
complura loca, quæ imbribusflammam emittunt majorem:
& quod magis mirandum in Licia montes Ephestii igne ta-
eti flagrat, adeò ut lapides quoque rivotrum & arenæ in
ipsis aquis ardeant, aliturque ignis ille pluviosis. Fontes quo-
que ignei visi sunt: nam in agro Mutinensi fons est Bitumi-
nis liquidi aquæ supernatantis, qui statim quibusdam tem-
potibus exit igneus: Mirum igitur ignem hunc cum aqua
gaudere, cum cæteri omnes ab aqua extinguantur: Adhuc
magis mirandum, quæ reliquos ignes nutriunt, hunc extin-
guere, ut oleum, sulphur, palea, simum, ut docet experien-
tia. An quod avidissimè ignem rapit, ab aqua irritatur ma-
gis, quam vincatur? patet id in oleo, quod in Sartagine
adeò fervet, ut combustioni proximum sit. Si enim aquam
instilles accenditur: quod si ardenti oleo aut pici, aquam
superfundas flammarum augebis: antiperistalsim enim facit,
ut in calce. At si addantur quæ familiaria sunt, sive com-
bustibilia, ut oleum, sulphur, paleæ: sive incombustibilia, ut
terra, simum, facile conjunguntur: siccitate enim conve-
niunt cum igne & sua frigiditate extinguunt, priusquam ab
igne illo accendantur: quod enim tenuius est citius commu-
tatur. Bituminum genera complura: nam alibi limus, ut in
Iudeæ lacu: alibi terra, ut in Syria circa Sidonem, quæ ter-
ra Ampelitis dicta est: quoddam liquidum veluti oleum,
aliud molle, aliud durum, aliud etiam in lapidem addensa-
tum est. Sed quæ in lapidem transierunt, inter lapides ex-
plicabuntur, ut de Ampeliti inter terras. Reliqua genera

tum liquida tum sicca h̄ic perquiremus. Liquidum igitur,
quod olei instar fluit, traditur in Agragantino Siciliæ fontibus innatare, quo ad lucernarum lumina vice olei utuntur, undè oleum Siculum quidam appellant, ut testatur Dioscorides: ad scabiem jumentorum laudat Plinius. Simile in Italia habemus in agro Mutinensi, quod petroleum vocatur quoniam è petris stillat, odore validissimo, colore ruffo, aut candicante. H̄ec vetustate & coctione incrassantur. In Germanico mari tradunt, & Ruffum, & fulvum, & mellei coloris inveniri. Inter liquida reponit Dioscorides Naphtham: esse enim Babylonii Bituminis liquamen colore candidum, inveniri & nigrum, cui vis adeò ignium rapax, ut ex spatio protinus flamma in illud transfiliat, ob id procul absesse ab omni usu testatur Plinius. Possidonius existimavit Naphtham candidam sulphur esse liquidum ignium rapacissimam: nigram verò liquidum bitumen olei vice. Qui autem veluti limus est in Iudeæ lacu supernatans, Bitumen Iudaicum vocatur, quod cœteris ante ponit Dioscorides: feligit autem quod purpuræ modo splendet, ponderosumq; est ac validum odorem vibrat: nigrum autem & sordidum vitiosum esse: adulterari Pice. Gigni etiam in Babylone Zacinthro, & Sidone, quod pice adulteratum est, levius esse tradit Plinius. Aliud genus in Apollonio Epiri, quod Pissasphalthum vocatur, quia redoleat picem Bituminis mistam: devoluti fluminis impetu ex montibus Cerauniis & in littore recogniti in glebas testatur Dioscorides. Sed omnia h̄ec Pissasphalthum appellari tradit Plinius ex argumento Picis & Bituminis. Galenus omnia nomine Bituminis vocat: esse ex iis, quæ in aqua Marina proveniunt, & in alia quapiam quæ non est marinæ dissimilis, ut in Apollonio Epiri, & per alia id genus loca multa aquis sponte nascentibus innatare ceu spumam: & molle quidem esse, dum innatat, postea verò resiccatum Pice sicca durius effici. In Comagenę urbe Samosata stagnum esse tradit Plinius emittens limum (Malham vocant) flagrantem: cum quid attingit solidi adhærente: præ-

re: præterea tactum sequi fugientes: sic defendisse muros
oppungante Lucullo: flagrabat enim miles armis suis. Est
autem propriè Maltha cementi genus tenacissimum, & du-
riciem lapidis antecedens, quod fieri solebat ex calce recen-
ti vino extincta, mox tusa cum adipe suillo, & fico, dupli-
linamento, ut quod malthatur, oleo perungatur ante. Bitu-
mem autem id, quod hæret, & lapides cit, cementi vice
usurpatum est, quo muri Babylonis constructi traduntur,
undè Maltha appellata est. Bitumen, quod in lacu Iudeæ na-
scitur, adeò sequax & lentum traditur, urayelli nequeat,
præterquam filo, quod menstruum mulieris infecerit. Fo-
ditur alicubi Bitumen addensatum, quam picem fossilem
vocat Theopompus: fodi, & in Pannonia ceram fossilem.
Hodiè Venetiis venditur Bitumen pro Iudaico, pici adeo si-
mili, ut vix discerni queat, nigerrimi coloris, sed splendi-
di, pice durius, majori igne egens ad sui mollificationem:
& odore validius: Suspicio est Pissasphaltum esse: affertur
enim magna copia ex Valona, quæ Apollonia Epiri cense-
tur. Utuntur cum pice ad naves picandas. Afferri etiam
ajunt, ex Dalmatia. In Germania coquunt Bitumen liqui-
dum donec spissetur & siccum fiat, quo Bituminis Iudaici lo-
co utuntur. Vires Iudaici, & consimilium exsiccandi, & cal-
faciendi in secundo ordine, ut Galenus tradit. Glutinat vul-
nera recentia, & sanguinolenta, cuius gratia Emplastrum
Barbarum ex eo conficitur. Exhibitetur & intra ad dolores la-
terum & coxendicis, ad grumos sanguinis dissolvendos,
& ad alia multa, apud Dioscoridem. Pissasphaltum autem
mistas habet facultates Picis, & Bituminis, ut Dioscorides
testatur. Plinius Pissasphaltum arte mistum prædicat reme-
diū ad scabiem pecorum, aut si foetus mammas læserit.
Petrolei autem caliditas vehementior est, & tenuium par-
tium: Dioscorides laudat Naphtham ad dissolvendas ocul-
lorum suffusiones, & abstergendas corundem albugines,
Arabes pollere testantur ad flatus dissolvendos, præcipue
vesicæ, & morbos frigidos membrorum, propinari parū præ-
cipue

cipue ejus quog candidum est ad tussim antiquam, Asthma, vesicæ flatus, & dolores frigidos articulorum: datur scrupulus unus usque ad duos, sed ne partes exurant, dilui ex aqua, aut jusculo debet. Nigrum Alcarides interficit, cum lana impositum. Quæ de Naphtha scribuntur, nostro Petroleo convenient.

CAP. XXXII.

MVMIA apud Arabes & pro Pissasphalto accipitur, & pro mistura, qua condiri cadavera solebant, ne in se pulchris putrescerent. Constatbat autem communior ex pice, & Bitumine, undè Pissasphalthos dicta est. Nobilior autem ex Myrrha & Aloë atque aliis aromatis. Hujusmodi igitur misturæ cum sanie cadaveris tempore exsiccatae in medicinis assumptæ ab Arabibus, Mumiam vocantibus. Reperitur hic liquor concretus juxta ossa modo niger odore Bituminis, modo subflavus pro ingredientiū mistura. Effodiunt integra cadavera arenit condita in Africa, & linteis involuta; quorum caro ob vim misturæ concreta est. Laudant in potu & extrinsecus ad varias corporis affectiones frigidas, ad dolorem capitum antiquum, paralysim, vertiginem, epilepsiam, singultum, cardiacam, tussim, sed præcipua dos in sanguine sistendo, & consolidandis membris confractis. Ideo datur præcipitatis ex alto; quæ facultas in Bitumine est. Ex substantia autem cadaveris affinitatem contraxit, cum partibus corporis humani. Sunt qui pro Bitumine Iudaico accipient non ab re, illis enim major copia est Bituminis, quam picis, ut cum pice adulterare, dispendium sit. At in eum usum non caro cadaveris, sed quod in cavitatibus concretum est, convenit.

CAP. XXXIII.

Exstant & genera Bituminis odorata, ut Camfora, Ambra. Si enim Camfora res Metallica est, ut quidam putant, profecta cum Bitumine convenit, præcipue cum Naphtha: est enim ignium rapacissima, at non liquida, sed gummi modo coagulata colore candido, adeò exhalabilis, ut facilè ac sponte in halitum dispereat, nisi diligenter loco frigido asservetur. Affertur ex India Orientali. Arabes tradunt esse lachrymam arboris Indiæ. Idem confirmant, qui hodiè ex Lusitania ad illa loca navigarunt. Nuper de ea scriptis mandavit Garzias ab Horto proregis Indiæ medicus: testatur hic vidisse arboris tabulas Camforam resudantes. Idecirco de ea nos inter lachrymas arborum diximus. Sed quoiam duplex Camforæ genus traditur, unum præciosius, quam Camforam de Burneo vocant ex loco Indiæ, minutis granulis, aut bolis drachmam non excedentibus: Alterum de China vilius, orbiculis, seu panibus coactum pondere quatuor unciarum aut amplius, quod genus solum affertur ad nos. Camfora Chinensis fortè ex aliquo Bitumine extracta est artificio sublimationis, ut ferunt Arabes, artificium enim indicat figura orbicularum, sed ex qua materia conficiant, incertum est. Burnensis autem omni artificio caret, & comperta est ex arboribus resudare: nec absunitur in exhalationem spontinam ut Chinensis. Solere etiam adulterari admiscendo paucā Burnensem, cum multa Chinensi, ut ejus augeantur præcia: longè igitur differt Burnensis à Chinensi. Nec injuria fortè Averroës inquit, Camforæ genus esse, quod nascitur in maris fontibus, aquis innatans, quæ Ambra dicitur ex genere succini.

CAP. XXXIII.

Amber vulgo nomen commune est ad omne succinū. Privatim autē apud Arabes medicamentum est odooratissimum,

ratisimum, à recentioribus Græcis Ambar, à Latinis Ambarum vocatur, vulgo Ambracane & Ambragriscia: Hermolaus Barbarus primus Succinum Orientale vocavit, scaturiens, ex multis locis Bituminis, & sulphuris modo veteribus incompertum. Fortè autem non erraret, qui diceret apud Plinium esse Aromatitem inter gemmas odoratas, quæ Myrrham colore & odore imitatur in Arabia & Aegypto circa Pisias inventa, ubique lapidosa reginis frequentata: & Myrrites gemmæ minimæ facie, colore Myrræ, odore unguenti, & attrita etiam Nardi: Et Myrsinites, quæ colorum habet melleum, odorem vero Myrti. Antacates, quæ cum uritur, Myrrham redolet: Baptes mollis odore excellit: Zanthenes à Democrito scripta Electri colore, quæ tritata vino Palmeo, & Croco lente scit ceræ modo, odore magnæ suavitatis: oritur in Media. Omnia hæc & alia ex genere Succini odorati esse videntur. Ambarum scribit Serapio, oriri in mari instar fungorum, quod postea una cum lapillis, quibus adhæret, expellitur ad littus. At Avicenna, & Pseillus ex fontibus in mari effluere testantur. Lusitani ferunt in toto maritimo tractu Aethyopiz reperiri etiam ingenti magnitudine fluitans: transferri ad littora ventis quibusdam flantibus in magna copia: exstimator ab ignaris Picem, aut Bitumen, sed varii coloris pro natura terrarum: complecti lapillos, conchilia, & alia hujusmodi. Esse præterea pisces scribunt ex genere Cetaceo, Azelas appellant, Ambari avidos, quod postquam devoraverint, stupidos reddi: ex quorum ventre ambarum extrahi: quod adhuc fabulosum ne sit an verum, incompertum est. Ejus tres notantur differentiae, Selachiticum ex Zeilam insula Indiæ, ruffum & pingue, quod cæteris præfertur. Alterum ex Sechra loco maritimo Arabiæ Felicis, subalbidum colore ovi Struthiocameli, quale ut plurimum est, quod fertur ad nos: varium enim est maculis nigricantibus. Tertium omnium deterrium, quod nigricat, quale ajunt esse, quod pisces devoraverunt. Hujus quoque duplex faciunt discrimen: unum in ventre reperi-


riri, deterius: alterum juxta spinam dorsi, magis probatum quia syncerum. Adulterari tradunt quodam genere factio, quod constat ex ligno Aloës, Styrace, Ladano, resolutis, & addito Mosco: aut alia ratione, & Benzoo, cera alba, ligno Fraxini putrefacto, musco arborum addito Mosco aut Zibetto. Sed fraus depræhenditur, quia facile mollescit aqua, aut manibus ceræ modo lentescit. Optimum verò censetur, quod à sordibus est maximè repurgatum, quodq; plurimum ad candorem accedit, cinerei scilicet coloris, aut quod ex venis nunc cinereis, nunc candicantibus constat, leve, quodque acu perforatum multum oleacei liquoris refudat. Nigrum improbatur: præterea candidissimum, quoniam Gypso adulteratum esse existimatur. Avicenna calidum statuit in secundo ordine, siccum in primo. Conferre cerebro, cordi, sensus vegetiores reddere, utile senibus, & natura frigidioribus, dari ad Syncopem, suffiri ad Epilepticos, & suffocationes uteri. Sed de iis, quæ Sulphuri, ac Bitumini affinia sunt, hæc satis. Nam reliqua genera Succini, & Gagatis ad lapides magis pertinent. De lapidibus autem illiquabilibus, quæ sola relinquuntur inter fossiliæ, deinceps dicamus.

FINIS LIBRI PRIMI.



K

DE



DE METAL.
LICIS LIBER
SECUNDVS.
ANDREA CAESAL.
PINO AVCTORE.

CAP. I.

CVM lapides duritie distent à cæteris fossilibus, sunt enim fossilia plurima, aut pulveres colorati, aut lapides, ex tali consistencia geniti, ut inquit Aristoteles: durities autem per coagulationem habeatur, necesse est lapidum generationem coagulatione fieri. Cum autem coagulentur, & aqua, & communia aquæ, & terræ: atque alia quidem eductio humidi, alia vero ejusdem condensatione. Illiquabilium omnium materiam magis sicciam esse Aristoteles, & Theophrastus tradiderunt. Sed Albertus Magnus excipit lapides perspicuos, ut crystallum, Berillum, Adamantem, Carbunculum & hujusmodi. Vult enim eorum materiam aqueam esse, non tamen simplicem, sed admistam terreo tenui, à quo vehementer passa est, densataque. Signum autem ostendens aquam esse materiam, inquit, pessicuitas est, terra enim opacitas tribuitur, Aristotelis quoque authoritas citatur de crystallo.

crystallo loquentis, fieri ex aqua remoto universaliter calido. Addit & in montibus Pyrenæis aquam pluviam ex virtute loci densari in lapidem. Ex his igitur concludit non unam esse omnium lapidum materiam, sed eorum quidem qui opaci sunt terram esse humore quodam viscoſo glutinatam, nam alijs humor per coctionem evaporans terram relinqueret inconglutinatam. Eorum verò qui perspicui sunt, aquam à ſicco vehementer paſſam: nam alioqui non conſtarent in lapidis duritiem. Albertum ſecuti ſunt plerique. Quidam tamen ex recentioribus addit ſuccum lapidescentem tanquam tertiam materiam, ex qua Corallium fit, & alii multi lapides, non perspicui. Quemadmodum autem materiam lapidum iſti authores diversam censuerunt, ſic & agentia diversa. Qui enim ex luto hunc per affationem à calido & ſicco tantum coagulari putarunt, ut lateres. Qui autem materia conſtant aquea, à frigore vehementi, ut crystallum: Quæ ſentētia videtur à Plinio fluxisse: ſcribit enim crystallum, gelu vehementiore concretum eſſe: non enim alibi reperitur inquit, quam ubi maximæ hybernæ nives rigent. Glaciemque eſſe certū est undē & nomen Græci deſtere. Qui ſuccum lapidescentem introducit, hunc quoque à frigore coagulari tradit, ſed ſimul alia quoque coagulare, ut ide in agentiis & materiæ vicem præſtet. Impugnat præterea Aristotelem negans ſiccā exhalationem ignitam, materiam eſſe lapidum, quia partes non cohærent, aut imbecilliter absque humoris beneficio. Teindè plurimi lapides in aere gignerentur, ubi hujusmodi exhalatio incendiatur in Cometas, & ſtellæ cadentes, quod repugnat ſensui. In incendiis autem ſubterraneis cineres potius evorni, aut ſolos pumices inter lapides, ut patet in Puteolano. Hæc ſunt præcipua quibus Aristotelis ſententiam refellit. Sed ut veritas ſummi Philosophi patefiat, animadvertere oportet: Aquam & terram materiam eſſe omnium miftorū, ſed agente caliditate quæ miftionem perficit, & frigiditate, quæ miſtum condensat. Caliditas enim necessaria eſt ad miftionem,

quia aqua & terra non unum fierent, nisi utraque elementa
a calore extenuarentur in naturam aëris & ignis: sic enim
humidum cum secco unum fiunt, nec sejungi possunt, nisi
magna vi. Alioqui ex humido & secco compositio tantum
fieret non mistio, ut lutum ex aqua & terra quæ facile sejun-
guntur, aqua in vapores evanescere, & terra in glebam
triabilem transeunte. Frigiditas autem non mistionem fa-
cit, sed condensat tantum non solum quæ permissionem in
unum convenerunt, ut pultem, & lateres, sed & heteroge-
nea, ut lutum. Pro varia autem proportione humidi, & sic-
cifici, ut in coagulatione, & liquefactione vario modo se ha-
beant. Quæ enim aquæ sunt, non coagulantur, nisi ab ex-
cessu frigoris, liquantur autem modico tempore ut glacies.
Quæ vero terrea sunt, non coagulantur à frigore, nisi prius
ab igne mollescant ut later. Emollescant autem ab igne non
omnia, sed quæ humiditatem aliquam habent insitam, cù-
jus beneficio aliquando excessu ignis liquantur, ut fluant,
ut lapis molaris, Pyrimachus, & Testæ, ut tradit Aristot. 4.
Meteo. cap. 6. Later igitur crudus tanquam gleba est terræ,
cujus partes non hærent pertinaciter, sed facile in pulverem
dissolvuntur. In igne autem valido partes emolitæ uniun-
tur, hæc enim est natura humidi invicem glutinari: abscede-
nte autem igne, eadem relinquuntur induratæ: quæ coagula-
tio est ab utroque facta igne scilicet, & frigore. Hæc
autem non liquantur nisi excessu ignis, coagulantur autem
vel modico frigore, sufficit enim, si ignis paulum remittatur:
opposito modo quam Glacies. In quibus autem nulla
humiditas remanet insita, à solo igne omnem humiditatem
adventitiam absumente coagulantur, ut sales: i dcirco ab a-
qua tantum solvuntur, humore qui perditus fuit, restituto:
quod nequeunt efficere, in quibus insita est humiditas coa-
gulata à frigore: vel quia pori per quos ignis exivit, angu-
litiores sunt, quam ut aqua ingredi possit: ut inquit Ariosto-
teles: vel quia inexistent humiditas coagulata respuit alie-
nam humiditatem: quam etsi attrahat ut later, non tamen

ab

ab ea remollitur, quia inexistentis humiditas coagulata non liquatur ab humido, sed ab igne. Quæ igitur hoc pacto coagulata fuere, merito insolubilia ponuntur ab Aristotele, cum nec humore solvantur, ut sales, nec ab igne, ut Metalla. Patet quoque in his dominari terram: hæc enim prohibet quo minus ab igne liqueantur: nam neq; ab excessu ignis quidem liquecentur, nisi aliqua humiditas insita in ipsis es-
ses. Pro facilitiori autem, & difficiliori liquefactione, quæ ab igne fit, mensura colligitur aquæ, & terræ. Ut inter Metalla Ferrum maximè terrestre est, quia ad liquefactionem eget excessu ignis. Plumbum, & stannum maximè humida, quia facillimè liqueantur. Siigitur Gemmæ perspicuæ neque ab humido liqueantur, neque ab igne, nisi forte ab excessu, ut patet experientia, non sunt aquæ naturæ, ut Albertus putavit, sed terreæ dominantis. Earum quoque coagulationem, non solum à frigore factâ esse dicendum est, sed etiam à calido humorē & terram attenuante, & comiscente, ac superfluam humiditatem absumente. Hoc enim modo differt aquæ, & luti coagulatio in glaciem ab insolubiliū coagulatione. Glacies enim fit educ̄to solum calido universo. Sales educ̄to universo humido. Insolubilia autem partim educ̄to humido superfluo, partim calido, ideo ab utrisq; coagulata fuere. Reliquit ut objecta solvamus.

C A P. II.

PErspicuitas si propria esset humidorum corporum, ue-
quidam putant non inesset quibusdam salibus, qui ab omnibus conceduntur terræ esse: nec lapidi speculiari, quod in igne non liquatur, sed in Gypsum convertitur, quod est maximè terreum. At omnia elementa, cum alba sint, ut in libro de coloribus habetur, perspicua esse necesse est, ut in Peripateticis questionibus explicavimus. Quod autem scribit aliquando Aristoteles, crystallum fieri ex aqua remoto universaliter calido, de glacie intelligit, non de Gemma,
quam-

quamvis & hæc ob similitudinem Crystallus dicatur. Et si Plinio concedatur lapidem hunc hyberno gelu concredere, non tamen ex hoc sequitur glaciem esse: Nam & à frigore humidum quoque educi potest cum calido, undè remanet siccum, substantiam lapideam constituens. Quod autem aqua pluvia in montibus Pyrenæis virtute loci condensetur in lapidem, idem accedit, quod calci. Postquam enim aqua calcem solverit, quod solutum est iterum coit in lapidem abscedente aqua. Videtur autem aqua in lapidem defari cum guttæ in ædificiis cadentes in stirias concrescunt: cum enim calcis substantia soluta in aqua fuerit, fluit ut aqua, non tamen concrescit aqua, sed terreum quod latet in aqua cum separatur ab ea. Idem patet in pulvere Puteolano, hic enim si decidat in mare, lapidescit, idem facit si aspergatur aqua maris: falsedo enim juvat ad ejus concretionem. At Gypsum quacunque aqua affusa concrescit in duritiem lapideam. Cæterum sine aqua non coirent in unum. Quod enim siccum est, non glutinatur, sed particulae separantur, manent in propriis terminis. Postquam verò partes humor superveniente glutinatae invicem fuerint, non egent humore aliquo ut constent: imò sàpè humor impedimento est, nisi enim siccentur non constant. Hie succus lapidescens à quibusdam vocatus est, tanquā nova materia ad lapidum generationem. Est autem terrena substantia ab igne valde attenuata, ideo solvitur in aqua, ut sales, & calx: undè succus ille conficitur. Nam & salis montes imbribus, & Solibus in lapideam substantiam durescunt: similiter & nitrum, ut loco proprio explicatum est. Nec mirū si hujusmodi succus lapidescens aliena corpora, quæ illum biberint, in lapidem convertat, ut enim sale condita, aut saccharo, in omnem partem succo permeante, concrescunt in eorum naturā, sic lapidescente succo cætera lapidescūt, quæ in eo maduerint. Non igitur alia materia ponenda est lapidum illiquabilium, quam terrea substantia prædominans. Cum autem terra in sui natura nequaquam lapidescat, neque sola, neque humo-

humori conjuncta ob causas dictas, idcirco necesse est prius in naturam exhalationis converti ab igne aut à Sole, seu in altum sublata exhalatione, seu inclusa intra terram, ut patet in corporibus combustis: retinetur enim Empyreuma in cineribus & calce, quæ est portio exhalationis ignitæ. Quod igitur supra terram sublimatum in aëris regionem ascenderit, efficit impresiones, quæ in primo libro Meteorologorum explicantur, ut flamas, aut impetum ventorum, donec exhalatio diffusa in immensum aut dispereat, conversa in ambientem aërem, aut decidat in tenuem pulvirculum, qui ab aqua pluvia solutus in fine æstatis aquas reddit subfalsas. Non possunt autem lapides in hoc loco fieri, quia exhalatio non cogitur in angustum: nisi forte aliquando indensâ nube id contingat, ut quidam referunt ex ea lapides cecidisse. Quod autem inclusum intra terram fuerit, ob loci angustiam, compingi in substantiam lapideam potest, aut in reliqua corpora fossilia. Hinc patet quam leves sint dubitationes adversus Aristotelem allatae: non fieri ex exhalatione ignita lapides, quia sicca non cohærent sine humore: non decidunt lapides ex aëre: in incendiis subterraneis non videmus egredi nisi pulverem, & pumices. Patet enim ex dictis, qua ratione humidum & siccum unum fiant, & quomodo invicem glutinentur partes siccæ, & cur in aëre non coeant in unum. In incendiis autem subterraneis comburuntur corpora, ut in cinerem redigantur, aut in pumices, quæ ignis excrementa sunt: absunta omni substantia combustibili. Quod autem dicit Aristoteles exhalationem, ignitæ fossilia omnia parere, significat non combustam sed ab igne præparatam. Nam sulphur & Bitumen inter fossilia responduntur: exhalatione tamen constant non combusta.

C A P. III.

DVplex autem est modus generationis lapidum: unus per ignem fusionis, ut cum ex terra in fornacibus lapidis fit:

pis fit: nisi enim aliqua ex parte funderentur aut mollificarentur partes, non cohærerent in substantiam lapideam: eodem modo gignitur vitrum ex arenis, & scoriæ metallorum. Sed horum que facile ab igne liquantur, reponuntur inter corpora humidiora ut etiam metalla: reliqua inter seca & illiquabilia. Alter modus est per solutionem terræ adustæ in aqua, ut patet in calce soluta: hæc enim siccata lapides descit. Similiter exhalatio quæcumque soluta in aqua partim quidem in fæles transit, partim in lapides. Quæ autem præ pinguedine non solvitur in aqua, concrescit in Sulphur, Bitumen, & reliqua ejus generis. In corporibus quoq; animalium, ut in renibus & vesica hoc modo lapides gignuntur. Ex urina enim continente humorum adustionem secernuntur crassities, quæ in lapidem transit, ut patet in matulis post refrigerationem urinæ: depositum enim sedimentum secreto humore obdurescit in crustam: sic & intra corpus ut plurimum secundum crustas lapides coagmentantur, nova materia priori lapidi adhærente, quod & in multis intra terram genitis, fieri videmus. Ob puritatem autem materiæ, & impuritatem, crassitiem, & tenuitatem lapides oriuntur nobiliores, & ignobiliores, perspicui, opaci, duriiores, & molliores, aliisque differentiis. Quo enim exhalatio magis attenuata fuerit, & purior: lapis gignitur densior, & durior, & magis perspicuus, ut Adamas, & Gemmæ præstantiores. Quo autem crassior fuerit materia, & impurior, eo viliores lapides gignuntur: minus enim densari possunt, quæ crassa sunt, ideoque minus cohærent partes invicem: ob impuritatem autem non similis fit omnium partium concretio, sed quædam molliores, quædam duriores, quædam spongiosæ, & rarae consurgunt. Apprehenduntur quoque aliena corpora in lapidum concretione, quæ simul lapidescentia inæqualitatem faciunt: nunc arenæ, nunc variæ generis lapilli: nunc terra; nunc animalium, aut plantarum partes. Reperita enim sunt conchilia in cæsura lapidum. Præterea nobiliores ignem perpeti magna ex parte visi sunt, ignobiliores autem

autem nequaquam. Nam aut dissiliunt in igne, aut in calcem abeunt, absumpto videlicet humore, qui glutinavit: quod mistionis imperfectionem arguit. Sunt tamen inter viores, qui in igne perennes sunt, ut Amiantus, & in genere saxi arenarii, quod mortuum vocant, ex quibus fornaces extruuntur. Exivit enim ex iis id quod ab igne absumi potest: quod autem relinquitur, terra est per se inalterabilis. Quatuor autem genera summa lapidum traduntur vulgo nota: Marmora, faxa, gemmæ, lapides. Distant magnitudine, & parvitate, duritie & mollitie. Ingenti mole oriuntur, marmora, & faxa: nam aliquando montes integri iis constant: & maris scopuli. Videlur enim terra postquam aqua maris diu maduerit, siccata lapidescere. Fontes quoq; Thermarum colles lapideos constituunt, ut multis in locis videre licet: Gemmæ non nisi in parva mole reperiuntur, sic & qui propriè lapides vocantur. Distant autem duritie, ac nitore gemmæ à reliquis lapidibus: oriti solent in saxonum aut marmororum fibris, aqua præterlabente ejus succi grava. Scinduntur autem montes lapidei Solibus incoeti: in scissuris autem tanquam in venis aquæ præterlabentes, & exhalationes subterraneæ varia corpora gignunt, lapillos, metalla, terras, succos concretos. Ut autem Gemmæ à cæteris lapidibus nobilitate, nitore, ac duritie differunt, sic marmora à saxis.

C A P. IIII.

SAxorum genera partim ex consistentia distincta sunt, ut Tophus, & Silex: mollis enim est Tophus: Silex prædurus. Partim ex usu ut quadratum, quod in ædificiis quadrari potest ad postes & limina. Crustosum quod finditur in crustas utiles stratis, ac tectis. Saxum calcarium quod excutitur in calcem pro cemento. Focale, quod attritu scintillas ignis emittit, fortè Pyrimachus apud Aristotelem dictus, quia uterentur in Bello ad ignem parandum, alias à Pyrite.

L

Cotes

Cotes alii dicti sunt, qui ad acuendam gladiorum aciem exceptuntur. Saxum arenarium, quod asperum est, veluti ex arenis compactum, ideo levorem non suscipit: utile ædificiis, quia calcem bibit. Limosum quod attritu in limum solvitur: quas differentias notant qui aquarum fontes scruntur. Agricolæ quoque saxorum quædam genera exceptunt ut quæ eruta Solibus, & pluviis, & glacie dissolvuntur. Contrà ædificiis commoda, quæ perennia sunt. Fornacibus, quæ vim ignis tollerare possunt. Sed nostrum non est sigillatim ea persequi, quæ variis artificibus in usu sunt. Solum præcipua genera perquirere satis est, præsertim quæ in Medicina aliquem usum præstant. Tophi igitur appellantur apud Græcos Pori, quia porosi sunt: alioqui ut plurimum similes marmori Pario candore & duritate apud Theophrastum, sed levitas inest Pumicis. Ideò commodissimi ad replendas parietum collabentium scissuras, cum præ sua levitate non premant, & glutinent facile extrema. Reperiuntur & nigri, & rubentes, & colore terreo. Cum cæduntur è subterraneis, sèpè molles sunt, ut præcidi ligni modo possint, & serra facile secari, auctore Vitruvio: postea durantur in aëre. Hujusmodi fodiuntur in Vrbe veteri. Artifices enim qui parietes construunt, ad præsecanda quæ extuberant, securi utuntur, non malleo, neque scalpello. Est, & genus Tophi, quod in speluncis coagulatur in stirias ex aquis cadentibus, relinquuntur enim inania, quibus aqua continebatur, undè à similitudine cum spongiis, spongiones vulgo appellantur. Ad Tophos referuntur, & qui in articulorum tumoribus indurantur: atque aliis abscessibus pure in lapidem concreto: & qui in renibus ac vesica oriuntur Tophi à medicis dicti sunt. Tandem apud Plinium Tophus dicitur scaber natura, & friabilis.

C A P. V.

SIlex autem vocatur durissimum genus saxi adeò ut percussu vibret ignis scintillas: & hoc superat marmorata,

sed

sed ad scalpendum ineptus quia diffilit vulneratus ferro,
Ædificiis quoque minus probatur, quia calcem non bibit,
ündē sequitur murorum scissio. Color ut plurimum fuscus
ut Albertus testatur. Plinius nigros & rubentes, & nonnun-
quam albos reperiri tradit, ut circa lacum Volsinensem. Ex
hoc Silice fuisse putandæ sunt Molæ Volsinæ repertæ: nam
& hodiè inter molas ad farinam parandam, quādam focales
vocant, quæ tenuius atterunt: Alias spongias, quæ ob le-
vitatem furfur crassum relinquunt, ut syncerior farina ex-
cerni possit. De lapide molari scribit Aristoteles 4. Meteo.
cap. 6. fieri ab igne terra combusta: liquari etiam molas, ut
fluant: cum autem id quod fluit, coagulatum fuerit, nigrum
fieri, sed simile calci: id est, leve, spongiosum enim redditur.
Hujusmodi in incendiis ex monte Ætna fluere testantur.
Liquatur & silex, quem Aristoteles Pyritrachum vocat: ut
ejusdem naturæ videatur lapis molaris, ex quo molæ fo-
cales fiunt. Has videtur intellexisse Galenus 2. ad Gla. 4. cum
ad Scirrhosos affectus dissolvendos lapide molari utitur, ubi
Pyrites haberri non possit. Lapis niger ab Hippocrate voca-
tur in insula Nysiro plurimus. Fiunt etiam molæ ex lapide
calcario spongioso, undē calx optimam ob quandā pinguitu-
dinem, ut Plinius testatur: apud eundem Silex nusquam uti-
lior, quam in Italia gignitur: lapisque non saxum est. In
quibusdam vero Provinciis omnino non invenitur. Sunt
quidam in eo genere moliores, qui & cote levigantur, ut
procul intuentibus Ophitæ videri possint. Neque est aliud
firmior, quando & lapidis, natura ut lignū similiter imbræ,
folesq; aut hyemes non patitur. In Stratoniensi sunt quibus
ne ignis quidem noceat. Idem & in monumenta sculpi con-
tra vetustatem incorrupti permanēt: ex eisque formæ fiunt,
in quibus Æra funduntur. Est & viridis lapis vehementer
igni resistens, sed nusquam copiosus, & ubi invenitur lapis
est, non saxum. Ex reliquis pallidus in cemento raro uti-
lis. Glebosus contra injurias fortis, sed ad structuram infi-
delis, nisi devinctus multa suffrenatione sit. Nec certior

fluvia tilis semper veluti madens. Græci è lapide duro ac silice æ quo conſtruunt, veluti lateritios parietes, Isodomos vocant genus structuræ. Hæc ex Plinio. Existimant quidam confundi apud veteres Silicem cum marmore, & cæteris lapidibus: cum apud Varronem legatur, silicē Lunensem ferrari secati quod est genus marmoris: & apud Catonem ex silice calcem fieri sed improbatam: ut silicis appellatio transeat ad saxum calcarium. At id nequaquam verum, nam ex saxo calcario utilis fit calx tum ad structuram, tum ad teetoria: ad utrumque damnatur è silice. Si igitur aliquod genus silicis cremetur in calcem, degenerat à natura silicis, & ejus calx à cæteris. Silicem præterea tanquam globum duriorem inter marmora reperiit, non est absurdum: secantur autem ferræ non denticulata, sed ex aqua, & arena silices durissimi, qui scalpellum respuunt.

C A P. VI.

QUADRATUM apud Albertum Quadrum vocatur, quod scalpello cæditur qualibet figura ad postes, limina, arcus, columnas instar marmoris, sed nitorem non recipit: nam tactu aspero, & arenoso constat, ideo inter saxa arenaria: è lapide quadrato constructum fuisse Labyrinthum sub urbe Clusio tradit Marcus Varro. Color aliis cinereus, aliis ad cæruleum vergit, qui præfertur: serenā hanc petram vocant, illam mortuam. Plerisque insunt micæ argenteæ. In Petra sancta Ætruriæ mons est, cuius saxa argenteo nitore splendent, in igne invicta, fragilia tamen, ob id inepta operi quadrato, ut alia multa, quæ aut in crustas sponte finduntur, aut cavernosa sunt. Ex fissilibus quadrari potest quod Pisæ Abainum vocant: foditur in Liguria: finditur hoc in latissimas, & prætenues laminas ad tecta, mensas, abacos: Perpoliti hoc potest ut nitorem recipiat colore nigro, cum foditur, molle est, ut facillimè præcidi quacunq; figura possit: sed in aere obduratur, redditurque scalpello infidele.

C A P.

CAP. VII.

SAxum undè calx excoquitur, calcarium dici potest: Diocorides marmor Fusaneum vocat, quasi vile, & ubique obvium. Extat album marmori similè, aliud tuscum, & durius. Ex albo calx melior quam è duro, & structuræ utilior: Quæ ex fistuloso testoriis, ut Plinius tradit. Candidior calx ex albo, nigrior ex altero: candidissima ex fistuloso, qualis è lapide Tiburtino; ex quo Romæ constructum est templum Divi Petri in Vaticano: eligitur ex eo calx ad dealbandos parietes Trevertinum vocant, quasi Tiburtinum. Fit quoque calx è littoralibus calculis, sed è vario lapide improbatum: ideò utilior ex effosso. Fieri etiam è testis Bucinorum matinorum tradit Dioscorides breviori opera: hodiè ex relictis testis ostrearum quæ alicubi in mediterraneis magna coquia reperiuntur, calcem conficiunt candidissimam. Nulla res cum arserit, retinet tam vehemens ignis vestigium, ut urat, & crustas molitur, quam calx: sed progressu temporis amittit vires expirante occulto igne. Calx viva, quæ nō extincta est, Asbestos Græcè dicitur. Cum verò extincta fuerit, protinus ipsa quoque crustas molitur, sed post diem unum aut alterum minus id facit, donec progressu temporis nullam crustam efficiat, sed calfaciat tantum, & carnem liqueat. Quid si ter kavetur, sine morsu ullo valenter exsiccat, undè ad cicatrices obducēdas hodiè in usu est unguatum de calce. Quidam calce recenti acetō extincta, & ter locata, mox oleo rosaceo ad linimenti formam redacta utuntur ad combusta: non enim permittit bullas elevari, & absque ullo cicatricis vestigio sanat.

CAP. VIII.

COgnata res calci Gypsum est, nam similiter fit ex lapidibus quibusdam ustis, sed longe briviori ustione perfici-

perficitur: idcirco non utit, sed emplasticum est astringit & obstruit: ad sanguinis eruptiones impositum convenit: citissime enim postquam madefactum est, coit in lapidem; ideo potum strangulat. Quod vero ustionem non est expertum, repercussorum est ex oxycrato impositum. Vstum minus emplasticum est, ut valentius exsiccat, & tenuiorum est partium, ut Galenus testatur. Lapis qui coquitur, non dissimilis esse debet alabastrae, ut Plinius tradit: aut marmoso. In Syria durissimos ad id eligunt, coquuntque simo bulbo ut celerius urantur. Sed omnium optimum est lapide speculari. Foditur & est terrae, ut in Cypro summa tellure, & Tympheticum est, quo ut auctor est Theophrastus, pro Cimolia infectores vestium utebantur. Hodiernè foduntur Gypsi lapides in Italia multis locis diversorum colorum, qui tamen in igne omnes in candorem vertuntur. Sed lapis Alabastrae similis foditur in agro Volaterrano pulcherrimus aspectu. Ex eoq; conficiunt ad Tornum valcula, & varias imagines, Alabastrum vocant. Candidum enim est, ac maculosum, levoremque suscipit cum splendore: videreturq; inter nobilia marmorata esse, si duricies adesset: ex ejus rafura, ac cæteris fragmentis modico igne conficiunt Gypsum. Lapis autem specularis crystalli modo translucidus est, & scissilis in tenuissimas crustas: olim in Hispania tantum, sed postea in Cypro, Cappadocia, Sicilia, Africa, & in agro Bononiensi Italæ inventus: alicubi niger. Hunc lapidem nostri inter alumina recensent, vocantq; alumien Scaliolum, quasi scissile, cum tamen fapor aluminis nullus adsit. In igne facile in pulverem candidissimum vertitur quo mulieres utuntur ad faciem dealbādam, & contrahendā cutem instar aluminis. Putant quidam Selenitem esse inter gemmas, de quo loco proprio dicemus. Nam specularis tener est, & in Gypsum facilè excoquitur. Reperitur sæpè implexus saxo marinoro, aliquando laterculis distinctus, aliquando sexangula figura istar Crystalli ut videatur quoddam ejus rudimentum.

CAP.

C A P. IX.

Non inutile fuerit & lapides recensere, ex quibus cotes fiunt: nam medici aliquando iis utuntur: Aliæ aquarioræ dicuntur, quia ad aciem acuendam egent aqua: ut Naxia: & Armenia: aliæ oleares, ut Creticæ, & Laconicæ. Quædam aqua & oleo indigent, ut Ciliciae: quædam hominis saliva sed mollissimæ, ut Flamminitanæ ex Hispania citeriore. Dioscorides de Naxia tantum agit, cuius ramentum ferro attritum Alopecias pilis explet: mammas prohibet intumescere: lienem extanuat cum aceto potum, & comitalibus prodest. Hodiè in Italia habemus alia genera cotium tum aquaticarum tum olearium. Haec nigræ sunt, & perpolitæ, à barbiton soribus quæsitæ ad cultri aciem levigandam. Illæ nempè aquaticæ ex lapide constant arenoso, sed molli, & æquali, colore cinereo: ex iis rotas versatiles constituunt, ut ex earum motu circulari aqua cadente ferrum atteratur: aliæ & præcipue oleares oblonga figura, & plana constant, ut placidiori motu levigetur potius quam atteratur ferri acies. Alia prætera sunt genera cotium ad aurum, & argentum explorandum attritione eorum super lapidem, de quibus inter marmora dicendum est.

C A P. X.

Ex omni genere lapidum comminutorum gignuntur arenæ aquis devolventibus atterentibusque. Nam Petræ in sua sede aut siccatae, aut concussæ in terræ motu, aut eversione quacunque scinduntur. Saxa autem discissa, aquarum vi torrentibus devolvuntur, ac primum attritis angulis rotunda fiunt, deinde paulatim abrasa in arenam, sabbulum, & Glaream convertuntur. Dicitur autem arena, cum in partes minutissimas comminuta fuerint: Cujus tria genera Plinio: Fossilia, fluviatilis, & ex littore maris. Diferunt

ferunt etiam ex quo lapide fiant. Aliquæ enim moliores, pinguioresque sunt, ut ex Saxo Calcario, Gypso, & reliquis mollieribus: aliquæ asperæ aridæque, ut ex marmore, silice, saxo arenario, & cæteris durioribus. Reperitur & arena carbunculosa, quæ nigri coloris est. Quædam fusibles sunt, quibus ad vitri confectionem utuntur, candidæ, ex silice, & aliis ejusdem naturæ lapidibus: asperioribus, tenuioribusque utuntur ad marmora secanda, & ad Gemmas poliendas. Medicis utuntur maritima & candida, quam Dioscorides littoralem vocat, ad siccandam Hydropem, toti corpori aggerata excepto capite. Sabulum cassifie ab arena differt: vocant autem Sabulum masculum, quod durum est, fœminam verò mollem. Glarea calculis adhuc crassioribus constat, petuntur ad purgandas aquas percolatione in Cisternis.

C A P. XI.

MArmora dicuntur, quæcunque duritie insigni præcidi possunt, & nitorum assumere in statuas, columnas, & reliqua opera magna. Contingunt autem hæc, ob materiæ puritatem, æqualiter, & exacte concretam. Durities enim insignis optimam concretionem sequitur, nitor autem æqualitatem materiæ. Perfectionem quoque coctionis in eorum generatione ostendit colorum vivacitas eujuscunque generis: non enim consurgunt colores synceri nisi coctione. Quos enim artifex efficere nequit commissione, solus calor efficit coctione. Exhalatio igitur sicca ignita pulveres coloratos efficit: ex iisdem verò pulveribus solutis lapides simili colore præditos, ut Cinnabari, 3. Meteo. ultimo. Colorum autem varietas, quæ in eodem marmore sèpè reperiatur, exhalationis varietatem ostendit, aut quæ simul ascenderit, & concreverit, aut quæ posterius advenit, fragmenta prioris lapidis ferruminet: quomodo Ophitis genera coagmentari videntur: veluti punctis distincta.

Quemad-

Quemadmodum enim glareæ, & arenæ diversi generis admista calce ferruminantur in lapidem unum, sic plerumq; varia marmorum fragmenta noua exhalatione adueniente veluti calce in vnum continuum lapidem coeunt maculis diversis: quod in marmoribus magis contingit quam in saxis ob exhalationis tenuitatem ad intima permeantem, & æ qualiter congelatam. Si verò lapillos alterius generis ac molliores apprehenderit, lapis redditur veluti scabiosus, ut multa eorum sunt, quæ vulgò Granita vocantur. Pleraque autem vetustate adeo indurantur, ut scalpi nequeant: nam instar Silicis dissiliunt: quod vetustæ columnæ Porphiritis ostendunt. Qui enim tentarunt ex iis nova opera præcidere difficultate victi desisterunt. Quod omnibus lapidibus communè est. Cum enim initio molles sint, è subterraneis eruti, & aëri expositi assidue siccantur, ut tandem in terram dissolvantur, quod quibusdam citò fit, quibusdam in longissimis ævis. Marmorum genera, & colores ut inquit Plinius, non facile est enumerare in tanta multitudine, cum locus unusquisque suum habet. Nos tamen breviter ex numero colorum colligemus.

C A P . X I I .

NOtissimum est candidū, quale traditur Parium in Paro insula effossum. Paro etiam candidius est Lunense, quod hodiè Carrariense vocatur ex Oppido Ætruria in agro Lunensi: at nitore vincitur à Paro, ut videre est Pisis in templo divi Ioannis Baptistæ, ex eo enim constitutum est Pulpitum variis figuris insculpum nitore eximio. Candoris eximii scribitur Lygdinum ex Arabia ad vehi solitum, sed postea in Tauro repertum magnitudine qua lances, & crateras non excedat. Coralitico candor inest Ebori proximus, & similitudo quædam. Candidus sed varius est Alabastrites, qui & Onyx cognominatus est ob similitudinem Gemmæ, cuius color unguem humanum resert. Dicitus est autem alabastrites à loco Ægypti circa Thebas, ubi nascitur. Sed circa Daina-

scum Syriæ candidior est: probatissimus in Carmania. Probatatur mellei coloris in vertice maculosi, & non translucidi: damnatur color corneus, aut candidus, & quod inest simile vitro. Excavabatur Alabastrites ad vase unguentaria, quoniam incorruptum unguentum conservare dicitur. Alabastrum pro vase unguentario accipitur apud Hermolaum nō solum ex Alabastrite lapide, sed ex vitro. Idemque etiam exustus emplastris convenit: sunt hodiè qui crudum cerato imponant refrigeratorio, appellant unguentū de Alabastro, ad capitis dolores. Diocorides, & Galenus cremato utuntur. Pice aut resina exceptus duritias discutit. Stomachi dolores cum cerato levat, gingivas comprimit: quidam eum bibendum dant stomachicis. Ostendunt ex Alabastrite duas ingentes columnas Romæ in templo sanctæ Agnetis atq; aliis locis maculosas. Alii Alabastrum esse genus limpidi marmoris & albi, quod visui est pervium: sed hi Onychem significant, quod vulgo Calcedonium vocamus inter Gemmas numerandum, ut loco proprio dicetur. Nam apud antiquos Alabastrites etiam Onyx dicebatur, ut apud Diocoridem, & Galenum reperitur: forte propter similitudinem cum Gemma ab ungue cognominata. Plinius Onychem inter marmora alium esse inquit ab Onyche inter Gemmas. Qui inter marmora in Arabia montibus primo inventus est, postea in Germania, ex eo siebant vase potoria, & pedes lectorum, & Sellæ, & Amphoræ, & urcei: inventæ sunt & columnæ, quæ pro miraculo positæ sunt. Si igitur hic Alabastrites est: majus erit miraculum ingentes columnas reperiri. Quod præterea urii Alabastritem in Medicamentis tradunt antiqui, significatur non esse Calcedonium: hoc enim in igne non crematur, cum ex iis sit, qui attritu scintillas edunt, & funduntur. Quod in Volaterrano fuditur Alabastrum nomine, facilimè quidem uritur, nec ingenti mole reperitur, materia pulcherrima candida, & varia, & aliqua ex parte translucida, ut Onyx: fragilitate tamen recedit à natura marmorum ideo repositū est inter genera Gypsi: Hoc igitur pro Alaba-

Alabastrite lapide uti non fuerit absurdum: Candida igitur marmora hæc sunt.

C A P. XIII.

LIvidum est Numidicum sed eximio splendore ut vide-
re licet Pisis in templo Episcopali: Nam ex eo statua
Herculis, quam Pisani ex Numidia transtulerunt, vice co-
lumnæ posita est sub marmoreo suggesto. De Numidico Pli-
nius inquit Marcus Lepidus Consul Primus omnium limi-
na ex Numidico marmore in domo posuit magna repræhē-
sione, hoc primum invefti Numidici marmoris inveniri ve-
ftigium non in columnis tantum, crustisve, sed in massa, &
viliſſimo limium uſu. Sunt qui Numidicum tradunt colore
flavo, ex quo multæ columnæ viſuntur Romæ. Nigra verò
traduntur Alabandicum terræ ſuæ nomine, quanquam &
Mileti nascens ad purpuram magis declinante aſpectu: liqua-
tur igni, ac funditur ad uſum vitri. Tēnarium ex monte ejus-
dem nominis, & lucileūm atrum. Obsidianus quoq; lapis,
quem primo invenit Obsidiuſ nigerrimi coloris, aliquando,
& translucidi crassiore viſu, atque in ſpeculis parietum pro
imagine umbras reddente: unde quatuor Obsidiani Ele-
phantii in templo concordiæ poſiti. Hodie foditur Seravitia
& Carrariæ, in Ætruria quoddam adeò atrum, ut cum per-
politum eſt ſpeculi modo ſynceras iſmagines reflectat. Hujus-
modi visitur Pisis ad poſtes templi Episcopalis. Extant &
diſtincta venis candidis, & aureis, hoc foditur Seravitia.
Duæ Columnæ atri coloris intercursantibus raris venis al-
bis nuper poſitæ ſunt in Campo ſancto Pifano ad monumē-
tum, quod Gregorius XIII. Pont. Max. fratri poſuit. Vocant
hoc genus marmoris Paragone, quia eo inſtar Baſanitis la-
pidis utuntur ad examinādum aurum, & argentum. Quon-
dam ad hunc uſum liebant coticulæ ex lapide Lydio, nec in-
veniebantur niſi in flumine Tmolo Lydiæ, poſtea verò paſ-
ſim: Chryſitem vocabant ab auro explorando: Medici Ba-

sanitem: hic lapis nihil ex seremittit, sed rapit signum ex auro, & argento, & ære, si ad eum fricentur, unde examen fit. Hodiè nigro genere marmoris utuntur, & alio subviridi, quod vocant Verdellum. Ferrei verò coloris marmor durissimum Basaltes appellatur in Æthyopia, quo utuntur pro incude. Ex Hispania affertur lapis niger durissimus, cuius pulvere utuntur ad vulnera glutinanda, appellant lapidem de Buga.

CAP. X I I I .

EX albo, & nigro maculis frequentibus constant genera Ophitis, dicta à similitudine macularum serpentum. Ejus multa esse genera tradit Dioscorides, quæ tamen ad tres differentias reducit. Vnum ponderosum, & nigrum: alterum cinereo colore punctis distinctum: tertium lineis quibusdam candidis. Plinius ad duas r educit, candidum quod molle est, & nigricans dutum: Ex Ophite albo vasa etiam Cados faciunt. Meminit tamen postea cinerei, quem Tephriam appellat à colore cineris, præcipue laudatum à quibusdam contra serpentes: licet omnes alligati ad serpentium iectus prosint teste Dioscoride & capitib dolores. Qui lineas habent candicantes Phreneticis, & Lethargicis auxiliari putantur. Ex Ophite nigro hodiè visitur parya columnæ inter alias, quæ sustinent suggestum in templo Divi Io. Baptistæ Pisis: vulgo vocant Viperam Ægypti, constat punctis nigris in livido corpore. Quatuor aliæ in eodem loco ejusdem magnitudinis ex Ophite cinereo, vocant Granitum. Syriæ: Insunt puncta nigra in corpore candicante, unde color cinereus. Quod lineis constat candidis in nigro, fuditur Seravitiæ cum aliis multis mistis: Inter quæ reponenda videntur Augustum, & Tiberium in principatu eorum Imperatorum in Ægypto reperta: differunt ab Ophite maculis diverso modo dispositis. Augustum undatum crispū in vertices: Tiberium sparsim convoluta canicie. Neque ex Ophite

et columnæ nisi parvæ admodum reperiuntur. Ex Seravienti conficiunt parvos globos ut manibus contrectentur in febre ardente. Hoc modo Ophitem Lethargicis & Phreneticis opitulari putandum est, marmoris frigiditate capiti, & præcordiis communicata, arcere pestilentiam in qua apparent exanthemata, & serpentium virus. Galenus Ophitem propinat cum vino ad lapidem frangendum : habere enim vim abstergendi & confringendi ut vitrum. Albis & nigris explicatis reliquos colores persequamur.

C A P. X V.

VIride est Lacedemonium præciosissimi generis & cunctis hilarius. Hoc hodiè vulgo Serpentinum vocant ex Alberto, qui secundam speciem Ophitis viridem tradit maculis candidis. Insunt enim in viriditate maculæ parvæ & frequentes clariores similitudine Ophitis. Hujus non reperiuntur nisi parva fragmenta, ex quibus pavimentum exornatum est Pisis in templo Episcopali, & parietes opere Mosaico: alibi quoque incrustationes ex eo habentur. Hoc alii Laconium vocant. Alterum genus est varia macularum compositione: cuiusmodi sunt duæ crustæ quadratæ amplitudine cubitali ad monumentum Gregorianum in campo sancto Pisano: hilari viriditate splendentes, & duæ columnæ ad facillū sancti Rainieri in templo. Ex hoc genere est Thyites, cuius mentionem facit Dioscorides: in Æthyopia gigni colore subviridi similitudine Iaspidis cum tamen diluitur succum lacteum reddit: vehementer mordet, tenebras quoꝝ pupillis obversantur, expurgat. Galenus inquit: valentem habere facultatem exterendi cicatrices oculorum recentes, & unguem, si non in veteratus fuerit auferre. Hermolaus lapidem mortarium intelligi apud Plinium: quoniam Thya mortarium significat, unde Thyites, & ab Hippocrate Acone, idest, cotis, quia cotes ex eo fierent. An hujusmodi fuerint Cotes virides, quibus utuntur ad aurum, exami-

examinandum, quod Verdellum appellari diximus. Reperiuntur & in fluminibus quibusdam hujusmodi lapides virides, qui succum lacteum remittunt. Virtutem autem extrendi oculorum cicatrices, ex participatione viridis eris haberi putandum est, undē & color viridis.

CAP. XVI.

RVbet Porphirites in Ægypto, quod vulgò Porfidum vocatur: cuius duæ extant columnæ præ cæteris eximiæ magnitudinis ante fores Sancti Io. Baptistæ Florentiæ. Ex eo candidis intervenientibus punctis, Leucostictos vocatur. Foditur quoddam genus Seravitiæ & in monte Pisano, non punctis, sed maculis vario modo agglomeratis, ut videre licet Pisis ejus crustas in Æde sancti Ioannis. Id quod minus maculosum est, vocant Porfidum Liguriæ: alterum magis varium ex monte Pisano. Porphirite Ægyptio præ cæteris utuntur pictores ad leviganda pigmenta, & medici ad fragmenta Gemmarum cote atterenda, durissimus enim lapis est ut attritione nihil ex se remittat. Ad Porphiritum reducendus est & qui colore constat violaceo, cujusmodi est in Campo sancto Pisano ad monumentum Gregorianum. Foditur & Seravitiæ, ut videre licet in Sacello Incoronatæ Templi Episcopalis, sed ubique albo interstinctus. Subrubet Syenites circa Syenem Thebaidis, vel ut alii legunt apud Plinium Stigmates, nam punctis nigris interstinctum est: vulgò Granitum rubrum, antea Pyrrhopœilon vacabant, quasi fulvo colore variatum. Trabes ex eo fecere Reges quodam certamine, Obeliscos vocantes Solis numini sacros. Radiorum ejus argumentum in effigie est. Quidam extant adhuc Romæ characteribus Ægyptiis inscripti, in quorum numero est maximus ille Obeliscus è circa Maximo erutus, & ad Ædem Lateranensem eretus, & alter in Vaticano, qui maxima cū admiratione ex latere templi sancti Petri translatus est in Plateam Sixto V. regnante: cum longè mirabilius fuerit

fuerit tantam molem mari Romanam devectam esse : de iis diligentissime agit Michaëles Mercatus. Rubet & Thebaicus aureis guttis distinctus, ex quo Coticulæ siebant ad colliria terenda, vulgo Broccatellum vocant, ob similitudinem telæ ex auro, & serico contextæ, quod Broccatum vocatur. Ex hoc lapide extant Pisæ parvæ columnæ sustinentes suggestum in templo Episcopali & in altero S. Ioannis. Sanguinæ etiam maculæ reperiuntur in candido Lunensi, ut Flarentiæ videre licet in templo sanctæ Reparatæ.

CAP. XVII.

Flavo colore marmora fodiuntur Seravetiæ specie melis, aut Terebynthinæ, ut videre est Pisæ in sacellis Templi Episcopalis. Hujus coloris apud antiquos reperio Alabastritem præ cæteris laudatum. Translucet Phengites lapis apud Plinium lapidum Specularium modo, unde appellatio. Repertum esse in Cappadocia duritie marmoris, candidum, & translucidum, etiam qua parte fulvæ incidabant venæ. Hoc constructam esse ædem fortunæ, in qua etiam foribus opertis interdiu claritas diurna erat. Extat Romæ in æde S. Mariæ in Porticu è Phengite columna dimidiata colore flavo, quæ parietis rimam obstruens externam lucem auri fulgore intromittit: Sed multa sunt marmora quæ secata in tenues crustas translucent. Cærulei coloris lapides non inter marmora recensentur, sed inter Gemmas, ideo in eum locum differantur. Selegerunt autem Medici quædam genera marmorum ad mortaria, & cotes, partim quæ nihil remitterent, ut Bafanites, hodiè Porphiritem selligunt: partim quæ succum utilem redderent, ut Thyites ad medicamenta ocularia. Ex eodem autem lapide, & quod substernitur excavatum mortarium parant, & cotem qua atteruntur colliria, & pigmenta, & margaritæ, ac gemmarum fragmenta, ut in levorem redigantur. Non enim in his convenit Aeneum mortarium neque ferreus pistillus, quibus ad res

res molliores atterendas utuntur. De saxis igitur & marmoribus hæc satis.

C A P. X V I I I.

Gemmae intelliguntur lapides insigniter duri, qui aut ob perspicuitatem aut splendorem, visui grati sunt, ideo anulos aureos exornant & monilia. In præcio autem habentur, tum ob substantiam nobilitatem, tum quia rarae & parvae inveniuntur. Perspicuae aliæ sola claritate oblectant, ut crystallus, Adamas: Aliæ colorum quoque pulchritudine ut Smaragdus, Carbunculus. Opacæ solo splendore, & colorum pulchritudine. Gignuntur intra alios lapides, aut veluti nodi, & tuberculi, aut scissuris eorum adhaerentes tanquam verrucae, ideo non ampla mole. Reperiuntur ut plurimum in fluminibus Indiæ atque Æthyopiæ inter arenas à montibus devolutæ: quasi calore torridæ regionis egeant ad sui concretionem. Incipiamus autem à perspicuis, quæ omnium colorum reperiuntur excepto nigro.

C A P. X I X.

Crystallus ideo dictus, quia videatur glacies: putatusq; est verè glacies ex vehementi frigore in lapidem versus, quam sententiam superius reprobavimus, magis autem nunc patebit. Loca enim ubi nascuntur Crystalli, Adamas, & his affines non in Septentrione sunt, sed in India, Arabia, & calidioribus regionibus. Sudines negat nisi ad meridiem spectantibus locis nasci, quod certum est. Ostendit autem & figura, quæ in omnibus sexangula est. Nam glacies figuram conservat, vel continentis corporis, vel rotundam, aut fortuitam, qualis est in gutta, cum in grandinem congelatur. At angulosa facie congelari videmus alumén Rocchæ, calcanthum, salnitrum, Saccarum candum cum post coctionem separatur humor à crassitudine terrestri. Idem ergo accidere

eidere crystallis putandum est. Sed illud admiratione dignum videatur, cur sexangula figura perpetuò oriatur, nunquam aliter. Ab una enim veluti radice multi egrediuntur sexilateri in cuspidem desinentes: fleuntur autem latera propè mucronem angulis rectilineis adeò exactis ut ab artifice imitari vix possint. Corporibus vero inanimatis figuram certam ascribere non videtur rationi consentaneum: ad virtutem enim organicam pertinet certam figuram efficere, ideo solis animatis inest, anima alicujus gratia agente: Patet autem figuram determinatam organici esse non similans, quia quælibet pars pyramidis non est pyramis: similiaria igitur corpora per se non habent determinatam figuram: Quoniam verò omne corpus figuratum esse oportet, particulae humidorum cum per se fuerint, rotundæ sūt, ut aquæ guttulæ, aut à continente figurantur: siccæ autem, qua contigerit discindi, talem figuram servant. Quæ igitur in divisione ordinatam habent divisionem, ordinatam etiam figuram retinere necesse est, quæ variam, variari etiam figuram. Divisio autem solidorum corporum aliquando fit ordinata, ut quæ in crustas solvuntur, ex quibus coagulata sunt. Aliquando in varias fortuitò ut cum frangitur malleo lapis. Potest verò & divisio fieri in coagulatione, dum humida adhuc sunt corpora. Si enim in coagulatione partes in diversa tendant, divisionem fieri necesse est, & pro divisione figuras determinatas: perinde ac in exsiccatione soli palustris, scinditur enim in multas rimas unde figuræ diversæ contingunt. Simile quid contingere putandum est in crystalli coagulatione. Succus enim lapidescens cum totum spacium impleat loci in quo est, in coagulatione discedentibus in diversa partibus terrenis, & ad latera saxi continentis attractis, agglutinatisque figuram quoque faciet in concretis lapillis, quæ apta nata sit spacium replere. Si igitur non uniformiter, sed vario modo divisiones contingent, etiam varietate figurarum implebitur spacium: Si autem uniformiter quod ob puritatem, & æqualitatem succi contingit,

tingit, necesse est vnum genus figuræ oriri in omnibus, quæ apta nata sit spaciū implere. Tres autem sunt huiusmodi apud Arist. 3. cœl. 66. Triangularis, Quadrangularis, & Hexagona. Non fit triangularis quia medium non habet, ad quod tanquam ad centrum vndiquaque æqualiter constringantur partes: Nec quadrangula, quia imperfecta, oriens tantum ex duabus lineis se inuicem secantibus ad angulos rectos. Quamuis autem quatuor quadranguli in vnu veluti centrum coeant, relinquentur tamen quatuor anguli à centro remotissimi. In omni autem coagulatione partes vndique in idem coeuntes quam maxime accedere ad circulum exoptant. Relinquitur igitur, vt sola Hexagona fiat, sola enim perfecta est, quia fit ex triplici diuisione superficie ad angulos acutos, sex triangulis in vnum veluti centrum coeuntibus, vt omnes anguli externi maiores sint recto, ideo ad circuli naturam prope accedunt. Inspicere quoq. licet in glacie angulos acutos, cum aquæ superspicieſ concrueerit: nam lineæ quædam conspicuntur nunquam ad angulos rectos, sed acutos concurrentes, vt ex huiusmodi positione linearum trianguli videantur inchoari, hi autem Hexagonam constituunt triplici diuisione secundum lineas Parallelas. Si autem huiusmodi superficie diuiso in profundum tendat, corpora constituet sexilatera, vt pacet. Flectuntur autem in Crystallo iuxta cuspidem latera, deficiente materia, quæ cum purior quoque sit, & magis constringitur, & clarior apparet. Crassior enim & turbulentior, & plenior ad radicem concrescit, ideo plerunq. in ea parte non pellucidi sunt Crystalli. Idem contingit in Adamâte, & plerisq. gemmis translucidis. Contingit quoque lapidibus quibusdam ignobilibus, vt Hæmatiti, Gypso: præterea salibus quibusdam & saccharo cando. Omnia enim hæc similem habent concretionem, sed ob materiæ impuritatem, & perturbationem figuræ minus distinguuntur. Hoc modo se habere putandum est, quem Plinius Pangonium vocat, hic non longior dico, ne crystallus videatur numero plurium angulorum cavitur.

verur. Et qui à quibusdam scribuntur fluminibus Allera, & Ochra deferri constantes lateribus duodecim, sed fauorum modo foraminulenti, nec pellucidi & crystalli modo in mucronem desinentes. Coeunt enim aliquando plures crystalli in unum lapidem multos mucrones, & latera ostendentes, ut apud nos propè Pisas reperiuntur in quadam torrente qui ex monte Magno fluit, in Vetrucha enim monte propinquo foduntur inter faxa rupibus invijs, vix autem scalpello auelli possunt a saxis, quibus conglobati harent. Oritur crystallus, ut Plinius testatur, in cætibus Alpium adeo invijs, ut saepe homines fune pendentes, eam extra-hant, quamvis & alicubi in campis aratro inueniri tradant, fluminibus enim ex montibus deuoluitur. Oricis & hanc mittit, sed Indicæ nulla præfertur. Nascitur in Asia, item in Cypro, sed laudata in Europæ Alpium iugis. Cubitalem alicubi effossam esse tradunt, & in Lusitania perquam mirandi ponderis. Qui Pisæ reperiuntur, raro digitalem classitudinem excedunt, plerunque aceruatis paruis & frequentibus in unum laquidem crystallis. Infestari solent plurimis vitijs, scabro, ferragine, maculosa nube, occulta aliquando vomica, præduro fragilique centro, & sale appellato. Est alicibus rufa rubigo, alijs capillamentum rimæ simile. Quæ sine vitio puræ lypidaq. sunt nec spumei coloris, hunc Crystallum montanum vocant, & aquam marinam. Inter crystallos esse videtur Iris appellata apud Plinium. Effodi inquit in quadam insula Rubri maris, cætera sui parte crystallum, ideo quidam radicem Crystalli esse dixerunt. Sexangulum esse ut crystallum constat, vocatur Iris, quia obiectus Solis radijs colores arcus cælestis ejaculatur in proximos parietes umbrosos, quod ex percussu fit in angulo mucrone. Id pulcherrimè faciunt exigui crystalli qui in Pisano reperiuntur. Gemmarij concinnant ad similitudinem Adamantis, & anulis includunt appellantes Berillum, cum tamen alia sit Berillus, ut suo loco patebit. Aliam Iridem tradit Plinius cere similem, præduram, in Perside, quæ crema-

ta, tusaq; ad Ichneumonum morsus remedio est. Similis est aspectu, sed non ejusdem effectus, quæ vocatur Zeros alba, nigraque macula in transversum distinguente crystallum. Crystallini calices expetebantur pro frigido potu, nam caloris impatiens est. Hodiè vitri genere lympidissimo imitantur, crystallum vocantes. Fit ex lapidibus crystallinis fusis in vitrum clarissimum. Non atem per se funditur crystallus nisi adjungantur quæ fusionem præstent, ut nitrum & alia quædam. Pila crystallina quidam medici utuntur adversis Solis radiis apposita ad inurenda corpora. Albertus ejus pulverem cum melle assumptum ubertatem lactis facere testatur.

C A P. X X.

ADamas quasi indomitus Græca interpretatione, quia ejus duritia inenarrabilis est, simul, & ignium viætrix natura, & nunquam incalescens. Ideò in maximo præcio diu non nisi regibus cognitus: Crystallo similis obscurior, ut Gemmarii inquiunt: ac si in aqua lympidissima profundi putei visus incidat. Traditur non nisi in metallis reperiri, præcipue auri. Plinius sex genera recenset. Indicus non in auro nascens, sed quadam crystalli cognitione: siquidem colore translucido non differt, & laterum sexangulo levore turbinatus in mucronem: aliquando duabus paribus ac si duo turbines jungantur, magnitudine verò etiam nuclei avellanæ. At sponte utrinque turbinatos ori-ri non puto: sed artificio configi. Arabicus ei similis, minor tantum, similiter & nascens, cæterum pallore gentis, & in auro non nisi excellentissimo natalis. Vtriq; incudibus deprehenduntur, ita respuentes iustum ut ferrum dissultet: includesque etiam ipsæ dissiliant. Vnum ex iis Cenchron vocant, quod est milii magnitudine. Alterum Macedonicū in Philippico auro repertum, & hic cucumis semini par. Post hos Cyprius vergens in æreum colorem, sed in medicina effica-

efficacissimum: ultimo Siderites ferrei splendoris, pondere ante cæteros, sed natura dissimilis: nam & ictibus frangitur, & alio Adamante perforari potest, quod & Cyprio evenit: degeneres, nominis tantum authoritatem habent. Puto Cyprium inter Pyritas esse angulosum Adamantis similitudine. Sideritim autem in ferri metallis simili modo angulosum, sed utrumque neglectum inter gemmas. Ex hoc genere videtur esse Androdamas argenteo nitore ut Adamas quadrata, & semper tessellis similis magnis: putantq; nomen impositum ab eo quod impetus hominum, & iracundias docet. An Argyrodamas idem sit auctores non explicant. Hodie duo genera Adamantis habent, unum appellant de Arco nova, præstantiorem: alterum de Arce veteri. Addunt & fastitium, ex Saphiro fœmina igne dealbata, nam præ cæteris prædura est. Illud admirandum tradunt de Adamante: naturam ferri, & ignis contempricem, hircino rumpi sanguine, nec nisi recenti, & calido maceratam, sic quoque multis ictibus egere, & eximias incudes, & malleos exposcere: rumpi in tenues crustas: expeti fragmenta à sculporibus: ferroq; includi, iis nullam duriciem non ex facilicavari. Testatur Serapio solvi etiam plumbo. Dissidet præterea cum Magne, ut juxta ppitus ferrum non patiatur abstrahi, aut si admotus Magnes apprehenderit, rapiat, atque auferat. Vena irrita facit, lymphationes abigit, metusque vanos expellit à mente. Hæc omnia gestatione efficere posse putatur.

C A P . X X I .

In ter candidas, & translucentes numerantur, quæ à stella nomen habuerunt: ut Asteria, quæ principatum habet proprietate naturæ, quod inclusam lucem pupillæ modo cōtinet ac transfundit in inclinatione velut intus ambularem. Eadem opposita Soli radidos reflectit, undè nomen. Difficilis ad cælandum: Indicæ præfertur in Carmania natæ. Astrios crystallo proxima cui intus à centro lucte fulgore

fulgore Lunæ plenæ : causa nominis quibusdam, quod astris opposita, fulgorem rapiat ac regerat : in India nascens & in Pallenæ litoribus : sed optimam in Carmania : Cerauniam vocari quæ sit deterior : pessimam lucernarum luminis similem : Lychnitem hanc vocat Eustachius. De Ceraunia Plinius inquit, inter candidas fulgorem siderum rapiens : albam esse Zenotemis fatetur, sed habere intus stellam concursantem. Aliæ tamen sunt Ceraunæ nigrae & rubentes, de quibus alibi dicendum. Astroites in Magicis à Zoroastre miris laudibus decantata. At hæc non inter Gemmas, pulcherrime describitur a diligentissimo Michaelo Mercato, Astrobolos oculis piscium similis, radiat candido ut Sol. Omnes hos lapides hodie vocant oculum felis, quia pupillæ modo radiant ut felis, modo clarissimus, modo obscurius: in omnibus enim inspicitur lux veluti stella: aut Sol, aut Luna obambulans in declinatione. Constant autem figura orbiculari. Ab his distat Beli oculus, vulgo Bellochio inter Achates, non enim translucet.

CAP. XXII.

Selenites quasi lunaris a Galeno Aphrozelinon quasi Lunæ spuma vocatur. Dioscorides sic appellatum scribit, quia noctu inuenitur plenus Luna crescente. Nascitur in Arabia candidus translucidus, ponderis exigui: huius scobem comitialibus dant in potu: eum gestant mulieres ad uitanda pericula: Videtur & arboribus applicatus frugiferas reddere. Apud Plinium Selenites ex candido trâs lucet melio fulgore imaginem Lunæ continens, redditq. eam in dies singulos crescentis minuentisq. numero: nasciq. putatur in Arabia. Ex varia hac historia meritò hæsitatum fuit in hoc lapide. Nam ex Plinij historia videtur conuenire cum Astro: cui sententia astipulatur Eustathius, qui Selenitè vocat Asterium & Lychnitum. Recétores putant intelligi lapidem specularem, de quo diximus inter Gypsi genera, quia speculi

culi modo imaginem Lunæ reddat. Melius Albertus ex quo-
rundam sententia tradit nasci in quodam genere Testaceo
in India, frequentius inveniri in Perside, & in Arabia. Cum
enim inter Gemmas ponatur tum apud Dioscoridem, tum
apud Plinium. Quid si dicamus: Selenitem esse Margari-
tas, quas vulgo Perlas vocamus? De his enim solis inter
gemmas exploratum est plena reperiri Luna crescente, ut
Dioscorides tradit, testatur id Garzias Medicus Lusitanus
in India: cuius hæc sunt verba. Certum est Margaritas post
plenilunium captas cum tempore minui & decrescere, quæ
vetò ante plenilunium capiuntur, huic vitio haudquaquam
sunt obnoxiae. Quod autem scribit Dioscorides inueniri no-
stu, contingit, non quia Lunæ lumen receptum emittat, ut
interpretatur Plinius, sed quia conchæ eam ferentes noctu
pandunt se ut rore fruantur, quo conceptus fieri putatur, &
augmentum Margaritarum. Nam si tempestive satientur,
grandescere Margaritas, si fulguret, comprimi conchas, ac
pro ieiunij modo minui. Si vero tonuerit, pauidas, ac re-
pentè compressas efficere, quæ vocant Phymata, speciem
inani inflatam sine corpore, ut Plinius inquit. Cæteræ con-
ditiones Selenitis manifestæ sunt: Nam Margaritæ candidæ
pellucidæ, & leues inter cæteras Gemmas. Vires quoque
in medicina consentiunt: ut enim Dioscorides Epilepticis
propinat, sic Arabes ad roborandum cor exhibent: nam cum
temperamentum earū constituatur frigidum & siccū, pra-
vashumiditates exsiccare possunt, sanguinem cordis clari-
ficare: conferre cardiacæ, tremori cordis, & Symptomatis
melancholicis ex humorum prauitate ortis: ab ijsdem au-
tem Epilepsia nascitur. Margaritas ferunt ut Plinius refert,
conchæ non multū ab Ostreis differentes, quas Indicus ma-
xime Oceanus mittit. In nostro etiam Mari reperiri solitas
scribit ex conchis, quas Myas appellant circa Bosphorum
Thracium & in Armenia, quæ Pinna vocatur. Testatur Al-
bertus in mari Brittanico inveniri in ostreis, dum enim esita-
ret, decem Margaritas in ore sensisse. E junioribus melio-

res

res signuntur, senecta flavescent, & rugis torpescunt, in aqua molles sunt, exemptæ protinus durescent. Porrò oriti quidam putant in media carne grandinis modo: alii ubique adeo ut visæ sint etiam in extremis marginibus veluti è concha exeuntes. Scribit Americus Vesputius, se in una ostreola centum & triginta Margaritas reperiisse, monetque imperfectas esse, nisi maturæ sint, & sponte decidant ex ostreis. Paulus Venetus testatur in Zipangri Indiæ Orientalis reperiri Margaritas rotundas & crassas rubei coloris, quæ albas præcio & viribus longè præcellant. Pondus semunciae repertum fuisse scribit Plinius: paucæ verò singulos scrupulos excessere. Garzias oriri maximas ad Promontorium Comarim, quæ pendebant centena grana tritici, quarum præcium aurei mille & quingenti, multo majores se vidisse ex insula Burneo quamvis minoris elegantia, quæ pendebant centum sexaginta grana tritici. Laudantur candidæ, magnæ, lœves, graves. In his autem adeo discrepant, ut raro duæ reperiantur similes: undè Vniones Ramanis dicti: quāquam sunt, qui non omnes Margaritas Vniones appellant, sed tantum magnas. Constant multiplice cute, adeo ut callum corporis videatur, & à peritis purgari possint. Indici specularium lapidum squamas assimilant candore & perspicuitate, qui præferuntur. Sunt qui Margaritas liquore dissolvunt, ut ex pluribus parvis unam magnam constituant. Dissolvi clarum est succis acidis: fertur enim Cleopatra aceto dissoluisse ingentem Vnionem, quem appensum auriculæ gestabat, & Antonio propinasse, ut magnificentia vinceret. Commendant quoque ad Margaritas tabefaciendas succum limonum, ömphacium acerbissimum, & succum cucumeris agrestis. Sed an resarciantur in lapidem perspicuum, qui pristinam venustatem retineat, incertum est. Cum ex quæ crassiores sunt perforari soleant ad mulierum ornamenta, medici seligunt non perforatas, nam usu, & gestatione vires amittunt. Ex iis conficitur Diamargariton ad prædictos morbos.

CAP.

CAP. XXIII.

MEmphites & apud Dioscoridem numeratur inter Gemmas, & a Plinio traditur Gemmantis naturæ: reperiri in Aegypto circa Memphis calculorum magnitudine, pinguem, versicolorem, ut Dioscorides inquit. Hodie pingui aspectu est Gemma, quæ in Germania a Lardo nomen accepit, a quibusdam Huia appellata. Albedo inest lardo similis, quæ materiam distinguit modo nigram modo cinereum. Vidi calculum nucis magnitudine, ex Alexandria Aegypti allatum, cui ex una parte albedo sublucens inerat, specie lardi, sub eo pallebat magis translucidus veluti jardum vetus distinguente linea: ab altera parte definiebat in Onychem non translucidū. Huic insignem facultatem tribuit Dioscorides: nam illitus, ut Plinius addit, ex aceto stuporem infert sine periculo, ut quæ vrenda sunt, aut secanda, non sentiant cruciatum.

CAP. XXIIII.

VIrentis autem coloris præciosissimus est Smaragdus, quo nullus iucundior est: eius enim viriditas fulgens omnia virentia superat: implet oculos ut nunquam satiet, atque interim oculorum aciem recreat, si quando ob diutnam aliorum inspectionem debilitata aut obscurior redditæ fuerit. Ideo Gemmarij libenter hunc scalpunt, quia oculorum refæctione dulci laſitudinem mulcent. Eius præterea viriditas non minuitur ex longinquio, nec Sole, nec umbra, nec lucernis: visumenim semper admittit ob translucidam facilitatem pro sui crassitudine quod vel in aquis ipsis translucidissimus fit. Ob hanc coloris nobilitatem vetitum fuit insculpi: quanquam Scythicorum Aegyptiorumq. tanta duricies est ut nequeant vulnerari. Eius genera ultra duodecim a Plinio recensentur, sed Scyticis summa authoritas,

O nullis

nullis enim maior austertas, nec minus vitij : & quantum Smaragdi à cæteris Gemmis distant, tantum Scythici à cæteris Smaragdis. Bactriani multò minores Scythicis reperiuntur in commissuris saxonum. Tertium locum Ægyptij habent, qui eruuntur in collibus, & cautibus, quorum dos non in colore liquido nec diluto, verum ex humido pingue imitante translucidum mare, pariterque translucet, & nitet : Reliqua genera in çrarijs metallis inveniuntur, ut Cyprij varie glauci magisque ac minus in eodem Smaragdo : alijs partibus tenorem illum Scythicæ austertatis non semper custodientes. Quibusdam intercurrit vmbra, surdusque fit color, & hinc genera distinguunter. Nam sunt alij obscuri, quos vocant cœcos, alij densi nec è liquido translucidi, quidam varia nubecula improbati. Aethyopici acriter virides, sed non facilè puri aut concolores. Persici non translucidi, sed iucundi tenoris visum implent, quem non admittant ij, qui felium Pantherarumq; oculis similes sunt: In Sole hebetantnr, vmbbris refulgent, & longius quam cæteri nitent. Attici in Argentarijs metallis reperti minus pingues, & longinquo speciosiores : ex his quidam senescunt paulatim viriditate euanida, & Sole læduntur. Medi ei plurimum viriditatis habent, interdum, & ex Sapphiro, & rerum diuersarum imagines complexi. Charchedonij fragiles, colore incerti, & virentium in caudis pauonum, columbarumque collo plumis similes ad inclinationem magis, aut minus lucidi, Smaragdites hic vocabatur. Smaragdus, quem Cholam vocant in Arabia, ædificiorum ornamtnis includebatur. Recensentur & Laconici Medicis similes, & Siculi. Item quæ Tanos vocatur è Persis veniens gemma integrè viridis, atque intus sordida : & Chalcosmaragdos, è Cypro turbida æreis venis. Videtur hæc accedere ad Chrysocollam, nam in Cypro vtuntur ad glutinandum aurum, authore Theophrasto. Traditur & ingenti magnitudine, vnde statuæ, & Obelisci erecti sint, quem Plinius Pseudo-smaragdum putat. In Cypro inuentum dimidia parte Smaragdum,

ragdum, & dimidia Iaspidem: Adulteratur hodie Smaragdus lapidibus crystallinis tritis, & cum duplo pondere Sandycis, quod Minium vulgo vocant, in fornace vitraria fusis: lapis enim sit adeo similis Smaragdo, ut etiam peritos fallat. Sed in his præcipuum vitium est Plumbago, hoc est, quia in Sole Plumbei videntur. Serapio ad tria genera reducit: Smaragdum, Smaragdeum, & Pseudosmaragdum: ut interpres vertunt. Smaragdum intelligit, qui acriter & impensè viridis est, & translucidus: cognoscitur, ut Albertus testatur, quia aërem circumstantem inficit colore viridi. Smaragdeum, qui illum imitatur, sed obscurior est. Pseudosmaragdum, qui non similiter translucet. Smaragdum, & Smaragdeum vtrunq; in metallis Auri inueniri. Porro laudat Smaragdum ad venena lethalia, & iecus venenatos in potu pondere octo granorum Hordei, liberat enim à morte si citò sumatur, antequam venenum impressionem fecerit: confert, & leprosis: gestatus quoq; præseruat, ab Epilepsia. Albertus Venerem prohibere testatur, & compertum aliquando frangi si gestetur in coitu. Recipitur hodie a medicis inter fragmenta Gemmarum: sed cauere oportet ne adulteretur Pseudosmaragdo: quod deprehenditur igne, flamمام enim edit ut Chrysocolla ob æris participationē.

C A P. X X V.

Prasius à succo porri dictus, vulgo Prasma ponitur à Plinio inter viridiania vilioris turbæ: eiusque tria genera facit: primum quod syncerum est: alterum sanguineis punctis abhorret: Tertium distinctum virgulis tribus candidis. Albertus inquit, esse veluti Matricem Smaragdi, quia frequenter in eo reperitur inclusus: eique vires tribuit medias inter Smaragdum & Iaspidem: innuens quem Plinius in Cyprio tradit media parre Iaspidem, media Smaragdum. Ut dubitandum videatur an Prasius inter non translucidas sit, quemadmodum Iaspis viridis- Quæ tamen hodie Prasina

vocatur translucet, quamquam modicè. Chrysoprasius Pra-sio nobilior porri succum, & ipsa refert, sed paulum declinans à Topatio in aurum. Amplitudo ea est, ut Cymbia etiam ex ea fiant: India eas gignit: hæc apud Plinium. Albertus tribuit auri guttas. Aliam præterea tradit quæ luceat in tenebris, evanescat in lumine, vocat Chrysopatum, innuens genus Smaragdi, quam Plinius similem oculis felium Pantherarumque scribit: nam hi in Sole hebetantur, in umbris resurgent.

C A P. X X V I.

Intra virentes Plinius recenset Topatium Callaidem, Nilion & Beryllum. De Topatio inquit: placuisse suo vi-renti genere, & cum reperta est omnibus prælatam. Inventam in Arabiae insula in Rubro mari, unde nomen, postea & circa Thebaidis Alabastrum. Duo ejus genera, Praesoides, & Chrysopteros similis Chrysoprasio. Ejus enim tota similitudo ad succum porri dirigitur: amplissima Gemmarum: statua ex ea facta: sola nobilium limam sentit, cæteræ saxo, & cote poliuntur: hæc & vsu atteritur. Quæ conditiones Smaragdo magis: quam vulgari Topatio conueniunt: Describitur hæc ab Alberto: auri similitudinem habet duæ eius species: vna in omnibus est auro similis, quæ & præciosior est. Altera ad croceum magis vergit, & hæc vtilior est. Compertū enim esse feruorem aquæ bullientis sisteret, vt si-ne noxa manu contrectari possit statim ea iniecta: ardorem etiam ventris extinguere: obiectum reddere vt speculum concavum: Soli obiecta radios emittere, vt videatur ignem euomere. Callais viride pallens traditur extuberans oculi figura leuiter adhærens petris, vt videatur non agnata, sed appolita in rupibus inuijs, & gelidis Caucasi montis, & in Carmania: tali sectura formantur, aliæ fragiles: Optimus color Smaragdi. Inclusæ decorantur auro, Aurumque nullæ magis decent. Quæ sunt earum pulchriores, oleo, vnguento,

guento, & mero colorem deperdunt. Viliores constantius repræsentant. Nec est mutabilior alia, aut mendacior vitri. At quænam sit ex iis quæ hodiè habentur incertum est: nisi intelligatur inter eas, quæ non transflucet, quam vulgo Turchinam vocamus, nam hæc non nisi oculi extuberantis figura cernitur: viride pallens pro colore æteris accipi potest: ut Plinius solet: nam in Pæderote inquit: coeunt in transfluidam Crystallum viridis suo modo aer: aliis tamen placet Turchinam inter Iaspidis genera ponendam, quam Plinius Boream vocat, ut suo loco dicetur. Quod si viride pallens viriditatem Smaragdi vergentem ad pallidum significet, ambiget hæc Gemma inter Smaragdum, & Topatium. Nilios in littoribus Nili reperta, quamvis & in India cognatur, & Attica: fulgoris si ante habeas, brevis, & cum intueare, fallacis: est color fumidæ Topatii aut aliquando melleæ. Sed prædictæ cum non admodum transfluidæ sunt, ponuntur à Plinio inter virentes non transfluidas. Berylli vero clarius quidem translucent, at fulgorem non habent, nisi eorum color surdus repercuttu angulorum excitetur. Idcirco sexangula figura artificum ingenij poliri soliti sunt, placetque magis eorum longitudo, ut ex umbilicis aureis pendent. Aut perforati gestentur: quod non solum in virentibus faciunt, sed & in aliis multis. Ideò eandem multis naturam aut certè similem habere, Berylli videntur: In India originem habentes, raro alibi reperti. Probatissimi qui viriditatem puri maris imitantur: proximi qui vocantur Chrysoberylli, & sunt paulo pallidiores, sed in aureum colorem exente fulgore: Vicinum genus huic est pallidius, vocaturq; Chrysoprasus. Quarto loco Hyacinthizontes, colorem scilicet Hyacinthi imitantes. Quinto Æroides: post hos Cerini, Oleagini, & tandem Crystallis similes. Hæc Plinius. Albertus describit coloris pallidi, lucidi, & ut aqua perspicui: cum vero volvitur videtur aqua innatare. Hodie gemmas ex Crystallo angulosas Beryllos vocant: & lingua Ætrusca Brillare est scintillare, quod ob varium repercutsum facie-

C A P. X X V I I .

Chrysolithos Aethyopia mittit aureo colore translucentes. Praferuntur ijs Indicæ, & si varie non sint, Bætrianæ: deterrimæ Arabicæ, quoniā turbidæ sunt & variæ, & fulgoris interpollati nubilo macularum, quæ etiam lypmidis contigere velute seobe sua refertæ. Optimæ sunt, quæ in collatione aurum albicare quadam argenti specie cogunt. Quidam Chrysélétri appellantur, in colorem electri declinantes. Visam Chrysolithon duodecim pondo. Leuochrysæ dicuntur interueniente candida vena. Sunt & Capniæ: sunt & vitreis similes, veluti croco resfulgentes: depræhenduntur a vitreis tactu frigidiori linguae: nam visu depræhendi nequeunt. Melichrysæ veluti per aurum syncero Melle translucente, quas India mittit, quamquam ad iniuriam fragiles. Hæc apud Plinium. Ex his colligere licet omnes aureas Gemmas Chrysolithos vocari inter quas tenet principatum Topatius vulgaris: dein quæ Chrysopatium vulgo appellatur inclinans ad Electri colorem, Hyacinthus vulgaris, qui perspicuitate vitrea ad Crocum tendit: & aliæ similes.

C A P. X X V I I I .

Electrum Latinè succinū dicitur, quia videatur, succus concretus splendore Solis, qui Elector vocatus est ut Plinius refert, ex antiquorum Poëtarum auctoritate, vnde appellatio Eleætri: quamvis hoc nomen significet quoq; aurum, cui quinta pars argenti mixta est, quod cum naturale fuerit venena depræhendit. Calyces enim ex Electro arcus cælestibus similes cum igneo stridore ostendunt. Pterigophoron quoque ipsum succinum appellatum est, quia penas & leuia quæque trahit. Arabes Carabem vocant, vulgo Ambram flauam. Variæ eius irradiuntur historiæ circa originem, quas

quas reprobat Plinius certitudinem naestus ex equite Romano, qui eius gratia missus fuit in Germaniam, oriti Succinum in insulis Oceani Septentrionalis, ex medulla arboris Pinei generis, ut Gummi ex Cerasis: crumpere ex ijs arboribus humoris abundantiam, qui frigore aut tempore Autumnali densatus rapitur vndis maris aestuantis in littora Germaniae, ubi multa copia colligitur. indeq; Pannionam & Venetias asportari, & circa mare Adriaticum. Esse autem ex Pineo arbore illud argumentum affert, quod eo attrito odor pineus sentitur, & accensum flagrat tenebro modo. Densari autem cum prius liquidum esset indicio est, quod saepe intus translucentia apparent, ut formicæ, culices, lacertæ, & huiusmodi alia, quæ adhæsisse oportet cum liquidum esset & simul concreuisse. Alij quoque ante ipsum arboris lachrymam dixerunt: ut Dioscorides ex Populo iuxta Heridanum, unde fabula de Phaetonis sororibus in Populum conuersis, & earum lachrymas in Electrum. Alij ex Cedro: alijs ex alijs arboribus, quas Electridas vocant. Non defuere qui urinam Lyncis esse putarunt condensatam in lapidem, unde Lyncurium dictum est, e maribus Fuluum, & igneum, è foemineis languidius, & candidum. De Lyncurio Plinius inquit. Lyncum humor glaciatur, arectitq; in gemmas Carbunculis similes & igneo colore fulgentes Lyncurion vocatas: atque ob id Succino a plerisque ita generari prodito, nouere hoc, sciuntq; Lynces, & invidentes urinam terra operiunt, eoq; celerius solidatur illa. Dioscorides affirmat Lyncurij nomine Electrum intelligi, non urinam Lyncis esse. Circumfertur autem hodie aliud Lyncurion quem lapidem Lyncis vocant, de quo alibi dicendum est. Alia porro extat Electri sententia, non esse arborum succum, neq; animalium, sed rem fossilem, ex genere Bituminis, effodi ut Theophrastus est auctor, in Liguria: & Philemon in Scythia duobus locis: alijs tradunt iuxta mare Atlanticum esse lacum Cephisida, qui Soli excalfactus è limo dat Electrum fluitans: & Cratim aminem Sacione & lacu effluentem eodem

dem modo Succinum ferre: undè sudor terræ pinguis à Sole
excitatus existimatus est, qui densatus & undis Oceani ra-
ptus feratur ad littora Germanorum. In eadem sententia
Albertus fuisse videtur, & Evax Maurus: qui Succinum in-
genere Gagatis reponunt: combustibilis enim est, ut cætera
corpora Bituminosa: at verò non est absurdum succum hu-
jusmodi à quibusdam arboribus trahi, undè emanare Ele-
ctrum visum est, ut de camfora, & manna patet. Lapides ce-
re autem hujusmodi succum aut sponte, aut virtute aquæ
marinæ non est absurdum. Fortè & urina Lyncis instar succi
lapidescentis alicubi faciat ad ejus concretionem. Genera
ejus multa, candidum, flavum, colorem ceræ imitans, aut
auri, quale describit Dioscorides: hoc Falernum cognomi-
natur quia imitatur vini Falerni perspicuitatem: aliud ignei
coloris magis est: aliud mellis decocti, aliud cinereum.
Omnia fricata trahunt paleas, folia, pennas, & hujusmodi
corpora levia. Flagrant quoque & odorem spirant, qui Indi-
gratior est Thure. Candidum suavius est, ad Camforam
accedens, quod & levissimum est, & hodiè in majori præ-
cio. Antiquis contrà Falernis major erat auctoritas ob co-
loris gratiam. Nam cæteris magis translucente molli fulgo-
re, & ignea quædam imago in ipsis non ignis placet. Habi-
ta sunt in delitiis adeò ut parva hominis imago præcia su-
peraret hominum viventium & vigétium, ut Plinius testatur.
Ex his hodiè fiunt monilia, quæ collo circundantur mulie-
rum, vt quondam frequentissimus fuit usus Transpadanis
mulieribus, non solum decoris gratia, sed & medicinæ: quia
creditur resistere morbis fauciū & gutturis, quibus illæ ob-
noxiae sunt ob aquarum vitium. Ex succino candido fiunt
tæilli ad ludum quemadmodum apud nos ex Ebore. Lau-
datur in medicinis ad fluxiones sistendas tum sanguinis, tū-
alui, & ventriculi, & humorum à capite defluentinum: cor-
roborat ventriculum, & cor. Extant Trohisci de Carabe ad
ea omnia in communi usu. Hodiè quidam oleum per subli-
mationem eliciunto cuius gutte duę ex aqua Plantaginis po-
tx spu-

et sputum sanguinis celerrimè sistunt antequam putrefacat. Suffitum emendat aërem pestilentem. Ad Succini genera pertinere putandum est, gemmas benè olentes, ut Myrrhites colore Myrrhæ, odore vnguenti. Et attrita etiam nardi, Myrsinites colore melleo, odore Myrthi: Antachates, quæ cum vritur, Myrrham redolet: Aromatites, quæ eandem colore, & odore imitatur. Zanthenes Eletri colore, quæ trita vino Palmeo, & Croco lente scit ceræ modo, odoræ magnæ suavitatis. Baptes mollis odore, excellit. Libanochros Thuri similitudinem ostendit, sed mellis dulcedinem. Antizois splendet argenti modo, trium digitorum crassitudine, lentis figura, odore suavi: Liparis suffita omnes bestias euocat. De Succino hæc satis.

C A P. X X I X.

Rvbentes ob spendorē & colorem igneū ardentes vocantur, inter quas principatum tenent Carbunculi à similitudine ignium appellati, cum ipsi non sentiant ignes, ob id à quibusdam Apyroti vocati. Recentiores Pyropos vocant, & Carbones, quia putantur in tenebris Carbonis igniti modo lucere. Nam testatur Albertus optimum carbunculum id præstare: post ipsum qui affusa tantum aqualympida in vase nigro emicat in tenebris: quod si nullo modo luceat, improbari. Hodiè tamen id famosum est magis quam compertum. Dissuadet præterea ratio. Nam quæ in tenebris lucent, si ponantur in lumine, alio colore spectantur: at carbunculi igneū colorem vibrant in lumine. Generaeorum nationibus distinguuntur a Plinio & in uno quoque genere masculi appellantur ariores, foeminæ languidius resfulgentes. In masculis quoque alios observant liquidioris flammæ, alios nigriores, & quosdam lucidius ac magis exteris in Sole flagrantes. Optimos Amethystizontas, quorum extremus igniculus in Amethysti violam exeat. Proximos illis quos Syrtitas vocant pinnato fulgore radiantes. Calli-

P stratus

stratus fulgorem carbunculi debere candidum esse posuit
extremo visu nubilantem, et si ita attollatur, ex ardescētem:
ob id à plerisque hunc carbunculum candidum vocari. Indi-
citraduntur minus clari, ac plerūque sordidi, ac semper
fulgoris retorridi: qui ex his languidius, & lividius lucent,
Lithizontas vocari: minus festarii unius mensura cavari: can-
didiiores esse & inclinatione hebetari. Charchedonii multò
minores Indicis, nigrioris aspectus, sed igne vel Sole, & in-
clinatione acrius quam cæteros excitari: umbrāte tecto pur-
pureos videri, sub cœlo flammicos, contra radios Solis scintil-
lare, ceras liquefacere. In Carchedoniis masculis stellas in-
tus ardere, foeminas universum fulgorem fundere extra se,
Æthyopici pingues lucemque non emitentes, sed convolu-
luto igne flagrantes. Alabandici cæteris nigriores & scabri.
In Thracia coloris ejusdem ignem minimè sentientes: in Or-
chomeno Arcadiæ inveniri, & in Chio, illos nigriores, è
quibus & specula fieri. Esse & Troezenios varios interve-
nientibus maculis albis: item Corinthios ex pallidiore can-
didos. Hæc apud Plinium. Hodie Gemmarii aliis nominibus
distinxerunt, sex genera facientes. Primum Spinellas vo-
cant, quarum rubedo dilutior est sed maximè splendens, nō
reperiuntur nisi exiguæ: forte carbunculi candidi antiquis
appellati. Secundum genus Rubinos vocatos continet in-
tensiōri rubidine ac splendidissimi: reperiuntu hi majoris
molis. Tertio loco Balasci recensentur dilutiores Spinellis,
ac minus radianes. Quarto Granati dicti à granis mali Pu-
nici, nigrioris aspectus, nec radiant nisi in clariori lumine.
Inter hos quidam cum rubore violæ colorem sentiunt, quos
violaceos vocant, cæteris præstantiores, videntur hi Ame-
tystizontes vocati: Quinto loco Alamandini ponuntur qua-
si corrupta voce Alabandici, Granatis nigriores. Ultimo A-
mandini varii coloris intertinguentibus maculis albis, ut
Troezenii apud Plinium. Omnia colores Gemmarii cha-
racteribus distinguunt, quibus præcia astimant. Ex his me-
dici solum recipiunt Granatos inter fragmenta præciosa. Vi-
res

res enim ascribunt lætificandi cor, & pellendi tristitiam. Albertus carbunculum testatur vires habere cæterorū omnium lapidum, sed præcipue expellendi venenum.

C A P. X X X.

Intra Ardentes est & Anthracitis appellata, carbonibus similis, igneus enim inest color ut superioribus. Reperiuntur quædam præcinctæ candida vena: Peculiare quidem his, quod jaætati in ignem velut intermortui extinguuntur, contrà aquis perfusæ exardescunt. Fodiuntur in Thesprotia, tradunt & in Liguria nasci. Cognata his est Sandastros in India & in Arabia ad meridiem versa. Commendatio summa, quod velut in translucido stellantes intus fulgent aureæ guttæ, semper in corpore, nunquam in eute: ferè stellas Hyadas, & numero, & positione imitantes, undè in religione habita, & in ceremoniis apud Caldeos. Mares austriores, quoniam vigore quodam apposita corpora tingunt. Indicæ etiam hebetare visus dicuntur. Blandior fœminis flamma alliciens magis quam aceendens. Arabicas furnidæ Chrysolitho similes dicunt. Negant aliqui Sandastros poliri propter teneritatem. Ex genere ardentium traditur Lychnites appellata à lucernarum accensarum præcipua gratia, circa Orthosiam & tota Caria: sed probatissima in Indis, quam quidam remissiorem Carbunculum esse dixerūt. Lychniti similis est sed secunda bonitate Ionis appellata à prælatis floribus: quædam radiat purpura, altera Cocco. Calfactæ à Sole aut digitorum attritu, paleas & Chartarum fila ad se rapiunt, quod & Charchedonius facere dicitur, quanquam multò vilior prædictis. Nascitur apud Nasamonas in montibus, ut incolæ putant, imbre divino: inveniuntur ad percussum Lunæ maximè plenæ. Potoria vasæ ex hoc lapi de & è Lychnite factitata traduntur. Omnia hæc genera sculpturæ contumaciter resistunt, partemq; ceræ in signo tenent. Hæc apud Plinium habentur: an vero hodiè noscan-

tur, incertum est: forte & aliquæ eodem sunt cum prædictis.

C A P. X X X I.

SArda gemma vulgaris nec enim alia apud antiquos fuit vsu frequentior, præcipue, ad sigilla, nihil enim ceræ in signo tenet. Primum Sardibus repeita, sed laudatissima circa Babylonem hærens in saxy corde. In India trium generum: Rubrum, & quod Demium vocant à pinguedine: tertium quod argenteis bracteis sublinitur. Indicæ præludent: crassiores sunt Arabicæ. Inueniuntur & circa Leucada Eptiri, & circa Aegyptum, quæ bractea aurea sublinuntur. Mares excitatius fulgent, feminæ pinguiores sunt, & crassius nitent. Damnantur ex his melleæ & validius testaceæ. Hæc Plinius. Hodie Corneolus vocatur, vel potius carneolus dicendus est, ex colore carnis, ut Albertus vult: habet enim rubedinem remissam veluti lotura carnis. Serapio inquit multas eius esse species, melior autem est ille, qui magis vergit ad rubedinem: quidam similis in colore suo aquæ, quæ distillat a carnibus salitis, in quo sunt lineæ albæ. Gestatus stringit fluxum sanguinis yndecunque exit, præcipue menstruorum: ex eius puluere dentifricium fit ad dentes dealbandos. Albertus hunc eundem Sardium vocat, Sardibus scilicet repertum: habet inquit ruborem spissum cum substantia peruvia: accedit animum ad gaudium, & acuit ingenia, resistit malignitati Onychis. Aliam præterea idem tradit Sardam, quæ potius Sagda dicenda est apud Plinium colore virenti, cuius proprietas est tabulis ligai adhærere, ut Magnes ferro, adeo ut è nauibus auelli nequeat, nisi pars ligni absindatnr, Alius præterea est Sardonix, de quo inferiorius dicemus. Sardam etiam aliam Serapio tradit, quam sua lingua vocat Hager albuzedi, lapidem rubentem languidius quam Hyacinthus ac liuidius: Hyacinthi enim tubedo gravior est nullam admittens obscuritatem. Affer tur hic ex Oriente dū rudis est recens effossus, obscurus videtur, perpolitus

politus autem nitet: oculos tactu eius roborat. Fricatus ad capitis capillos trahit paleas, ut Magnes ferrum. Ex quibus videtur significare Electrū: eodem enim colore constat quod ex eo fuluum, & igneum est, ut Hyacinthus vulgaris. Cum autem Sarda inter fragmenta præciosa a recentioribus medicis reperiatur dubitatio est, an Corneolus eo nomine intelligatur, quæ Sarda antiquorum videtur: an Serapionis Sarda. Præualuit autem consuetudo, ut Corneolus accipiatur, quia malignitate Onychis resistit, quod Albertus sue Sardio tribuit. Confusionem autem peperit nominum nautitudo, quasi alias esse putaretur ab Alberto Corneolus & Sardius.

CAP. XXXII.

Purpureo colore seu violaceo constat Amethystus, ratio nominis, quia cum ad colorē yini inclinaret, priusquam degustet, in violam definit: ob id gestantem putant tutum reddere ab ebrietate. Fulgor inest purpuræ non ex toto igneus, sed in vini colorem deficiens: perlucent omnes violaceo colore. Inter eos quidam absolutum purpuræ colorem habent, ut Indici, quem tamen leniter blandum fundunt, nec vibrant in oculos ut carbunculi. Alij ad Hyacinthi colorem recedunt. Tertio generi hic idem color inest, sed dilutior. Quartum colorem vini habet. Ultimum Crystallo accedit albicante Purpura, quod minimè probatur. Optimus censetur, cui inest in purpura resulgens quidam roseus nitor, velut ex carbunculo, leniter tamen, qualis in primo genere reperitur. Hujusmodi quidam Pæderotas appellant, alij Antherotas & Veneris gemmam, quia specie, & colore maximè placet. Nota est hodiè hæc gemma, & Amethysti nomen adhuc servat: sed ad Medicinæ usum non venit.

CAP.

C A P . X X X I I I .

HYacinthus quoque Violaceus est, quemadmodum & flos ejus nominis sed multū distat ab Ametysto. Nam emicans in Ametysto fulgor Violaceus , dilutus est in Hyacintho, gratus primo aspectu, sed cyanescit antequam satiet: adeoq; non implet oculos, ut penè non attingat marcescens celerius nominis sui flore. Ex Æthyopia habetur : Hæc Plinius. A quo non videtur recedere Albertus duas faciens Hyacinthorum differentias, unum aquaticum, alterum Sapphirinum. Aquatico flavus & albescens inest color, in quo genere quidam est rubeus aquescens. Sapphirinus flavus est, & maximè perspicuus. Vtrique autem colorem tribuit Sapphiri, cum de Aquatico dicat ex quorundam sententia cæruleum esse. Omnes durissimi, ut scalpi vix patiantur, quod perfecto Sapphiro contingit. Ex quibus colligere possumus Hyacinthi colorem ad cæruleum quidem accedere, sed ex aliqua rubei aut flavi mixtione eum fieri, quem vulgo dicimus à Pavone Pavonatum: à Latinis autem Violaceus, & Purpureus vocatur: undè & Hyacinthinus color dictus est quia in flore Hyacinthi reperitur. Dicitur tamen & cœli color Hyacinthinus, ut Solinus scribit, nam cæruleus non multum recedit à Violaceo. At Serapio longè aliter describere videtur. Tres enim Hyacinthi differentias tradit, unū rubeum, alterum flavum, tertium coloris Ametysti, & Antimonii. Laudat autem magis rubeum, quia in igne rubescit absque lœsione: minus resistit, qui flavus est: minimè omnium tertius. Extollit Hyacinthum gestatum, nam tutū hominem reddit à peste & fulmine. Sed quoniam addit sigillum ex eo idem præstare indicat ex Magicis vanitatibus vires has diuulgatas esse. Hodie pro Hyacintho Gemmarij Serapionem imitantes accipiunt Gemmam translucidam, ex rubro ad croceum seu aureum inclinantem, quæ inter Chrysolithi genera reponenda videtur. Recipitur autem à regen-

recentioribus inter fragmenta præciosa quæ in electuario de
Gemmis recipiuntur. Antiquorum autem Hyacinthus in-
ter Amethysti, & Sapphirigena ponitur.

CAP. XXXIIII.

Cærulei coloris translucet sola Sappirus apud nos
quam vulgò Zaffirum vocamus. Plinius hanc non
Sappirum sed Cyanum vocat. Nam Sappiri apud ipsum
nisi quam perlucidæ. De Cyano autem inquit, gratiam in-
esse colore cœruleo: optimam Scythicam, dein Cypriam,
postremo Ægyptiam. Adulterari maximè tinctura, quod
in gloria regis Ægypti ascribitur, qui primus eam tinxit, di-
viditur in mares féminasque: inest aliquando & aureus pul-
vis, non qualis in Sappirinis: Sappirus enim & aureis pun-
ctis collucet, ex quibus patet Sappirum apud eum esse,
quem hodiè lapidem Lazuli vocamus, de quo inter Opacas
dicendum. Mares hodiè intelligunt, quibus Cœruleus color
inest magis saturatus: féminas autem dilutiores: aureus pul-
visculus raro appetet. Albertus celo sereno similem esse
tradit, meliorem esse non admodum pellucidum, optimum
qui habet nubes obscuras ad rubedinem declinantes; in ve-
nirietiam probum, qui albidas habet nubeculas cuius sub-
stantia ut nubes fusca aliquantum translucida. Idem testa-
tur ejus tactu carbunculos extingui: & Veneris ardorem, su-
dores cohibere: dolores sedare frontis & linguæ, si impona-
tur ex aqua refrigeratus: eodem abstergi sordes ex oculis uti-
liter, ut quidam sèpius in anulo gestans facere solebat. Dio-
scorides Sappiri pulverem in potu laudat ad iectus Scorpio-
num ad exulcerationes internas: inhibere excrescentias in
oculis, uvasq; & pustulas, & ruptas membranas cogere: Re-
centiores recipiunt inter fragmenta præciosa.

CAP. XXXV.

SVnt & inter perspicuas, quæ motione vñrios colores ostenduant, vulgo Scambia colore & Girasole vt apud antiquos Pæderos & Opalus. In Pæderote inquit Plinius coeunt in translucidam crystallum viridis suo modo aër simulq; purpura, & quidam vini aureus nitor semper extremus in visu, sed purpura coronatus: nec Gemmarum ulla est liquidior; capiti jucunda, suavis & oculis laudatissima in Indis. Opalus ob eandem rationem etiam Pæderotes appellata est, in maximo præcio soli Smaragdo cædens: India sola eum dignit. Inest carbunculi tenuior ignis: inest Amethysti fulgens purpura: inest Smaragi virens mare, & cuncta pariter incredibili mistura lucentia. Alii summo fulgoris argumento colores pigmentorum æquavere: ali⁹ sulphuris ardenterflammam, aut etiam ignis olei accensi. Magnitudo nucem avellanam æquat: qualis visa fuit Romæ festertiis viginti millibus æstimata. Opaligenus est Sangenon: hæc mollius nitet, raro non seabra color ex aëre & purpura constat: viriditas Smaragi deest: melior est cuius fulgor vini colore fuscatur, quam qui diluitur aqua. Gemmæ perspicuæ tot modis variantur.

CAP. XXXVI.

INter opacas colore cædido Onyx habetur ab ungue dicta ob similitudinem unguis humani. Transiit in gemmam etiam à lapide ex Carmania, quem Alabastritem diximus inter marmora, qua enim in parte fulget Gemma est: Gemma enim non solum nitet, sed etiam fulget. Præterea in Alabastrite træslucere vitiū est, & quod inest simile uitro & color corneus, aut candidus. In Onychē gemma candor laudatur, varietas colorum, igneus, niger, corneus cingentibus candidis venis oculi modo intervenientibus: trans lucere autem traditur

traditnr Onyx in Sardoniche. Onyx Arabica nigra inveni-
tur candidis zonis: multisq; modis colores in ea componun-
tur, veram autem Onychem dici inquit Plinius quæ pluri-
mas, variasque cum lacteis zonis habet venas omnium in
transitu colore inenarrabili, & in unum redeunte concentū
suavitate grata. Hodiè candidum Onychem Calcedonium
vocant, sive omnino opacus sit, sive aliquantisper translu-
ceat. De quo Albertus inquit pallidum esse, & fuscum qua-
dantibus obscurum: valere contra fantasticas illusiones ex
melancholia ortas. Ex India Occidentali afferuntur qui-
dam modicè translucidi, ex albo pallescentes, quidam lacteis
zonis distincti, quos prædicant appensos valere ad lactis u-
bertatem. Nigrum autem vulgo Sardonium vocant: Pli-
nius Morion Indicam, & Pramnion, quæ nigerrimo colore
translucet: ex eodem genere Obsidianus lapis nigerrimi co-
loris, aliquando & translucidi crassiore visu: Gemmas mul-
ti ex eo faciunt, habetur ex Æthyopia, traditur in Hispania
calculi nigri splendentes Zonis candicantibus intersecti,
cujus pulverem collyrii modo attritum propinant in vino
ad calculum. Forte intra vitra obsidiana: omne enim vi-
trum calculum comminuit, ut Galenus tradidit. De nigro
Onyche Albertus inquit, inveniri quidem nigri coloris, sed
melius esse illud genus, quod nigredinem habet albis venis
distinctum, afferri ex India & Arabia, quod consentit cum
Plinio. Traditur hic gestatus similitudine nigredinis exci-
tare tristitiam & timores, & insomnia tumultuosa: commo-
vere enim atram bilem: augere in pueris salivam ad os: cor-
rigi ejus noxam à Sarda admixta. Ex India Occidentali la-
pis quidam niger affertur, qui sculptura sulcis quibusdam in-
tersectus, carni fricatus affigitur ad vteri dolores. Alia est
gemma Samotracia apud Plinium, ex insula ejusdem nomi-
nis nigra ac sine pondere ligno similis. Hæc hodiè ambra
nigra vocatur, copiosa in Compostella: ex ea conficiunt ima-
ges sancti Iacobi Compostellani, quas pergrini ferunt re-

figionis gratia: globulos etiam formant ad Coronas præcarias: constant ex materia Bituminosa, exhalant enim, &flammam concipiunt. At qui in genere Onychis continetur, & duriores sunt, & incombustibles, ignem autem attritu facilimè edunt. Ex his qui candidis Zonis interpellantur vulgò Niccolos vocant, quasi Onyculos: Albertus Onychinus: compræhendens ea voce etiam Sardonychem: inquit enim in nostris Onychinis multos colores inveniri, albos, nigros, & rubicundos, qui tamen omnes fricati similitudinem exprimunt unguis humani. Scalpunt gemmarii has vario modo. Si enim crusta alba alteri nigræ superposita sit, aut secundum alias colores, ut rubens, albæ aut nigræ, aut è converso, scalpunt in superiori imaginem, ut inferior veluti stratum sit, has vulgò Cameos vocant. Ex hoc genere Sardonyx apud antiquos appellata est, nam ex eo nomine appetit intelligi Onychis candorem in Sarda, hoc est, veluti carnibus ungue hominis imposito, & utroque translucido, ut Plinius inquit, tales autem Indicæ traduntur, quæ non translucent cæcas appellant. Arabicæ nullo Sardarum vestigio sunt, cæperuntq; pluribus coloribus hæ gemmæ intelligi, radice nigra, aut cæruleum imitante & unguem. In India reperiuntur torrentibus detectæ tantæ magnitudinis, ut indè capulos factitarent. Placuere initio apud nos, quoniam solæ propè gemmarum sculptæ ceram non auferrent. Arabicæ excellunt candore circulo prælucido atque non gracili, præterea substrato nigerrimi coloris, & hoc in Indicis cereum, aut cornuum, invenitur etiam circuli albi, quædam in iis cœlestis arcus anhelatio est, superficies verò locustatum maris crustis rubentior est. Iam melleæ & fæculentæ improbantur, et si Zona alba fundat se, non colligat. Simili modo si ex alio colore in se admittat aliquid enormiter. Armeniacæ quoque improbandæ pallida Zona. Hæc de Sardoniche Plinius. Hos omnes hodiè Niccolos vocant, cum solùm perpoliti sunt: ex sculptos autem, ut substratum alterius coloris sit, Cameos.

CAP.

C A P. XXXVII.

A Chates ab his distare videtur sola eorundem colorum compositione: nō enim Zonis aut circulis, aut crustis compositus est, sed lineis aut maculis vario modo varias rerum imagines præ se ferentibus. Nam quæ in India reperiuntur, reddunt species fluminum, nemorum, & jumentorum: etiam esseda, & staticula, & equorum ornamenta. Repertæ primum in Sicilia juxta flumen ejusdem nominis, postea plurimis locis excedens amplitudine numerosa, varietatibus diversis mutantibus cognomina ejus. Vocatur enim Phasacates, Cerachates, Sardachates, Hæmachates, Leucachates, Dendrachates, velut arbuscula insignis: Antachates cum uritur, myrrham redolens. Corallachates guttis aureis Sapphiri modo distincta: qualis copiosissima in Creta, sacra appellata. Putant eam contra Araneorum & Scorpionum iætus prodesse. Medicæ coticulas indè faciunt, nam spectasse prodest oculis, fitimque sedant in os additæ. Phrygiæ vires non habent. Thebis Ægyptiis repertæ carent rubentibus venis, & albis. Sunt etiam qui maximè probent vitream perspicuitatem in his. Fertur admirabilis Achates Pyrrhi Regis, in qua spectabantur novem musæ, & Appollo Citharam tenens, non arte, sed sponte naturæ ita discurrentibus maculis, ut Musis quoque singulis redderentur insignia. Notissimæ sunt hodiè hæ gemmæ, vulgo Agatas vocant. Extant Pisces duæ crustæ ex hoc lapide, ovatae, amplitudine fermè cubitali ad monumentum Gregorianum in Campo sancto.

C A P. XXXVIII.

VIridi colore Iaspis vocatur, Smaragdo similis, ut Indica, quæ præ cæteris laudatur ad Amuleta ut Plinius tradit. Transiit tamen nomen ad alios colores, & mixturas.

Nara alia Crystallo, & pituitæ similis traditur à Dioscoride: quæ Onychipuncta, & Iasponyx à Plinio vocatur, quia Onychem complexa est: vel specie nubis vel nivis, rutilis punctis stellata, & sali Megarico similis. Alia aëris colore: Plinius Boream vocat imitantem cœlum Autumnale matutinum: vulgo hanc Turchinam vocant. Alia fumo infecta, quæ Capnitis ob id vocatur vel Capnias, ut Plinius appellat. Alia venis albis & nitentibus interstincta, cui nomen Asyriæ, apud Plinium Grammatias vocatur, quæ pluribus Polygrammos, è Petra habetur. Alia Terebinthinæ similis colore, undè Terebinthusa dicitur: alia tandem Calaidam, æmulatur, scilicet viride pallens. Omnes pro Amuletis gestantur, & ad partus accelerandos apud Dioscoridem. Plinius Iaspidem etiam roseam esse tradit, aliam purpuream, aliam Cæruleam: esse & similem Sardæ, imitatam & violas: apud Cyprios glaucam pinguemque. Hodiè ex India Occidentali multæ afferuntur, inter quas quædam colore hepatis prædicatur ad ejusdem affectus. Galenus Iaspidem viridem (hujus enim tantum meminit) testatur experimento compertum esse, ventriculi os adjuvare adhæsu propria natura: licet nonnulli hanc vim inesse ex imagine Draconis insculpta tradiderint: nam expertum esse & cum imagine, & absq; sculptura idem præstare. Ex India Occidentali afferuntur lapides virentes maculis albis, quas suspendunt ad dolores colicos, & renales, ut particulam doloris tangant. Albertus Iaspidem multorum colorum esse meliorem, tamen inquit, esse viridem perspicuum habentem venas rubeas. Hunc laudat gestatum ad sanguinis fluxum, & menstrua compescenda. Hodiè ad sistendum sanguinem quoddam genus Iaspidis accipiunt, colore sanguineo, aut roseo: Galenus meminit cujusdam lapidis, qui tacto vulnere sanguinem emanantem compescit: quod totius substantiæ proprietate fieri tradit. 9. Simpl. 6. & Hieracitem & Indicum sanguinem ex hemorrhoidibus sistere. Describitur autē Hieracites apud Plinium in hunc modū: Alternat tota milyinis nigricas plumis.

CAP.

C A P. XXXIX.

H Eliotropium gemma apud Plinium nascitur in Æthiopia, Africa, Cypro, porracei coloris, sanguineis venis distincta: Causa nominis, quoniam dejecta in vas aquæ, fulgorem Solis accedentem percussu sanguineo mutat, maximè Æthyopica, eademque extra aquam speculi modo Solem accipit, depræhenditque defectus subeuntem Lunam ostendens. Eadem videtur quæ inter genera Praesii recensetur porracei coloris sanguineis punctis abhorrens. Afferuntur ex India Occidentali efficacissimi ad sanguinem sistendum. Molochites non translucet spissius virens à colore Malvæ nomine accepto, reddendis laudata signis, & infantium custodia quadam innato contra pericula eorum medicamine. Hermolaus putat Morochthum esse apud Dioscoridem: At is non inter gemmas. Omnes hæ hodiè nomine Iaspidis intelliguntur.

C A P. X L.

C Olore cæruleo hodiè lapis Lazuli vocatur: Plinius Sapphirum vocat aureis punctis, collucentem. Ceruleæ enim ut Cyani, raroque cum purpura. Optimæ apud Medos nusquam tamen pellucidæ. Præterea inutiles sculpturæ interventientibus crystallinis centris. Quæ vero sunt ex iis cyanæ coloris, mares existimantur. Staturior enim est cyanus color quam cæruleus. Nos tamen hodiè nomine Sapphiri pellucidæ accipimus, quas Cyanos Plinius vocat. Sed apud Dioscoridem, & Galenum Cyanos pigmentum est, quod Plinius Cæruleum vocat, de quo alibi dicetur. Hinc error apud quosdam, qui lapidem Lazulicum cæruleo confundunt. Mesues hunc lapidem stellatum vocat, de quo inquit: est de genere marmororum habens maculas ex auro, & est alius albus, & dicitur Marcassita: Alius viridis clarus cœlestis,

lestis, & vocatur lapis Lazuli, & quandoque uterque simul reperitur. Melior est, cuius color viridior in colore Lazuli, & habet maculas aureas: & mixtus cum Pyrite non est bonus, & non maculatus est pravus, similiter lenis. Verbum autem: viridis, clarus, cælestis, non accipiendum est, ut duo colores significantur, ut in lapide Armeno, sed viriditas significat intensiōnē coloris cælestis. Similiter cum dicit: melior est cuius color viridior in colore Lazuli, id est, saturatior. Sic apud Plinium videtur accipi, cum de Pederote gemma inquit, inest viridis suo modo aér, id est, cæruleus saturatus. Temperamentum porrò hujus lapidis statuit Mesues calidum, & siccum in tertio ordine, nam a credinē, habet cum aliqua astrictione. Adurit, ulcerat, putrefacit, abstergit, & incidit: Aufert etiam pilos non lotus: si autem lotus fuerit, palpebrarum pilos gignit. Præparatus ut decet, purgat humores melancholicos, & adustos: non lotus provocat per vomitum, & per alvum humores crassos & melancholicos: confert ægritudinibus cerebri, & cordis, Epilepsia, Mania & Melancholia, tremori cordis & syncopi: latitiam gignit, purgat thoracem & pulmonem: confert Asthamati, lieni: conservat in juventute: suppositus educit menstrua: ejus Dosis est à Drachma una usq; ad duas, & semis. Ex quibus colligere licet hunc lapidem cum cæruleo multum convenire: quamedmodum Smaragdum cum Chrysocolla: metallicam enim naturam participant, præcipue æris, undè vires aliqua ex parte maleficæ. Ex India Occidentali afferuntur lapides cærulei obscuri sine maculis, quos figura cordis efformatos laudant ad cordis affectus gestatione.

C A P . X L I .

AD Gemmas non pellucidas reduci possunt genera corallii, rubrum, candidum, & nigrum, quod Antipathes dicitur. Egimus autem de iis inter plantas. Antipathis similis est Ebenus fossilis, sive radix sit, lignum vero Ebeni in lapidem

pidem concreti: sive omnino lapis per se genitus ligno similiis. Differt à Corallio nigro: hoc enim non nisi in mari nascitur: Ebenus foditur. Scribit enim Pausanias Ebenum radicem tantum esse in terra conditam, quæ nec folia nec fructus ullos ferat, ideo non omnibus facilem inventu, sed peritis tantum. Et Theophrastus tradit, Ebenum fossilem inveniri inclusum aliis lapidibus tanquam fœtum in ventre. Si igitur hæc vera sunt, nec radix nec arbor dicenda est in lapidem conversa, sed lapis Ebeno similis in fibris Saxonum genitus: Nec tamen absurdum etiam Ebeni lignum intra terram diu conditum, lapidescere, quod & aliis generibus lignorum contigisse compertum est. Abies enim in Elbogano simul cum corticibus lapideis inventæ sunt, in quarum scissuris Pyrites Aureus concrevis: & querna trabes lapidea in Hildesheimio. Lapidescunt & ossa animalium, testæ ostrearum, ac reliqua conchilia, & animalia integra: nam succus lapidescens, quæcumque ipsum biberint, in lapidem convertit. Eadem ratio videtur in Ebore fossili apud Theophrastum, candido & nigro. Nam aut ipsum met Ebur intra terram lapidescit, aut lapides similes illi dignuntur, ut corallium album, & apud Plinium gemma Arabica Ebori simillima, & hoc videretur, nisi abnueret duritia, quamque putant contra dolores nervorum prodeesse habentibus. Reperiuntur, & in animalibus viventibus lapides gemmantis naturæ, ut margaritæ in quodam genere ostrearum, de quibus egimus. Sinodontes in cerebro pisces Sinodontis, quem hodiè Denticem vocamus. Lapis est candidus, figura oblonga, altera parte gibba: laudatur ad dolores colicos. In eo genere sunt Cinædiae. In India Occidentali ex pisce magno quem Tiburonem vocant similes lapides extrahuntur, pondere dyarum librarum cuius pulverem propinan ad dolores colicos & renales, expellit enim calculos. Draconites seu Dracontias è cerebro draconum haberit traditur apud Plinium sed nisi viventibus absconditum, nunquam gemmascere invidia animalis mori se sentientis.

tientis. Ideò mos est dormientibus caput amputare: esse candore translucido, nec postea poliri, aut artem admittere. Albertus testatur se hunc vidisse colore nigro, figura pyramidis abscessa, non pellucidum in circuitu colore pallido, in quo pulcherrimus serpens est descriptus: inventum in Suevia in capite serpentis magni. Apud me hic lapis est effigie corniculi abscessa cuspide, colore partim nigro, partim flavescente splendido, non pellucido, ad cuius basim linea nigra circundat specie serpentis. Qui mihi tradidit affirmabat linguam esse serpentis cuiusdam magni in Germania: acictum inferre lethalem. Sed si gestetur (suspenditur enim ex umbilico argenteo aut aureo) adversari venenis iactu illatis: absconditur autem cuspis, ne aculeo offendat. Imponunt & poculis adversus venena. Ex hoc genere serpentis forte fuerit Cerastes binis in capite corniculis, ut quidam referunt, sèpè quadrigeminis ut Plinius scribit, nam linguae serpentum bifurcatæ sunt: quæ si duræ fuerint, aculei modo feriunt. Etiam in capite Rubetæ quem Bufonem vocant, lapidem reperiri tradunt. Albertus & Evax, lapidem Nusæ vocant, subalbidum vel nigrum, in quo aliquando Rana rubeta reperitur depicta, hie prædicatur efficax ad venena depræhendenda, nam veneno præsente colorem mutare ajunt. Aleatoria apud Plinium Gemma in ventriculis Gallinaceorum invenitur Crystallina specie, magnitudine fabæ, qua Milonem usum fuisse tradunt in certaminibus, invictum enim reddere gestantem volunt, de hac multa alia promittunt Albertus & Evax: Optimam haberi ex Gallo decrepitis Gemmatis naturæ videntur, & Umbilici mari- ni, lapilli enim sunt rotundi ac depresso fabæ domesticæ amplitudine, altera facie leviter excavati instar acetabuli similitudine umbilici humani, admodum lèves ac perpoliti colore candido, maculis flavis: altera patre plani, minus nitentes, lineis nigricantibus ad imaginem cochlearum circunduetis. Materies ossea & candida significat ex animalibus haberi. Reperi eos tradunt in litoribus maris cohærentes simul multos

multos ut *Dentales*, afferri ex *Venetiis*. Recipiuntur à *Nicolao Alexandrino* in *unguento Citrino* ad faciei maculas delendas: frigidi enim & siccisunt cum facultate abstergendi ob asperitatem. *Theodorus Gaza* umbilicos vertit, qui apud *Aristotelem Cochliæ* dicuntur. Figura autem & turbinis designatio ostendit esse ex genere *Cochlearum*, quarum testa non extra est, sed intus condita, aut in genere terrestri sunt, quos vulgo limaces, & *Lumacones* vocant juxta puteos degentes. Meminit & *Cicero lib. 2. de Oratore* inquiens: *socerum suum Lælum & Scipionem* cum ruri degarent *Conchas* & umbilicos ad *Cajetam*, & *Lucrinum* legere consuevisse. Sed *Rondeletius* pro umbilicis pingit *Cochleas* quasdam, quarum testa exterius alterum meatum ostendit instar umbilici, unde umbilicatas vocat. *Dentales* autem seu *Dentali* in eodem unguento recipiuntur, quorum mentio reperitur tantum apud recentiores, affrentes ossa quædam esse candida instar dentis canini longiora perforata, & intus inania, reperiiri in cavernis lapidum in profundis maris. Eandem facultatem habere quam umbilici. Venduntur hodiè exiguae quædam *Cochlea* candidæ, & leves, rimula per longitudinem tendente, leviter denticulata, ut quæ concha *Veneris* apud *Rodeletium* pingitur: mulieres utuntur ad faciem abstergendam. Antali præterea adjunguntur à recentioribus, & in eodem unguento iis affines longiores *Dentalis*, superficie non lævi, sed virgulata, & tota alba, oriri tradunt in iisdem locis & easdem habere facultates. Ostenduntur inter parva conchilia, quæ turbinis modo lineis intortis in longitudinem mucronatā tendunt, frequentes in nostris litoribus, includunt autem ut plurimum cancellos. Sed de *Gemmis* hæc satis.

C A P. X L I I.

Q VI communi nomine *lapides* vocantur discedunt à *Gemmis*, quia aut lævorem splendentem non admittunt,

R

tunt, aut duriciem illam insignem non possident. Nascuntur autem in eisdem locis: nam quidam ex animalibus aut plantis habentur: quidam in fibris saxorum, aut metallis reperiuntur. Dicamus autem primo de iis qui ex plantis, & animalibus ortum ducunt Syringites, Calamites, & Phycites apud Plinium, & Theophrastum, videtur frutices corallii modo in lapidem conversi. Syringites enim stipulae inter-nodio similis perpetua fistula cavatur. Calamites à calamo dictus: feruntq; simul plures inveniri. Phycites Algæ similis, id est, fuco marino, qui futex est corallio similis. H̄i plerunq; in cortice tantum lapidescunt, undē surculi fistulosi redduntur: quidam etiam gemmantis naturæ in genere corallii candidi: ideo Plinius inter gemmas recenset: Nam Syringites & calamites à candido corallio eo tantum differunt, quod fistulosi sunt: verum enim corallium candidum solidum est, & ramosum, ut Rubrum. Phycites autem omne genus corallii dici potest cum impolitum est: obducitur enim lanugine quadam instar Fuci marini, quam corallinam vocant. Ex Germania afferuntur veluti radiculae aut surculi lapidei cinerei coloris, intus spongiosi, fragiles, quos celebrant ad osfa fracta. Quæ Rosa marina vulgo appellatur frutex est lapideus, figura spongiæ, undē spongites apud Pliniū dici potest, inter gemmas spongiæ similes: de hac egimus inter plantas.

C A P. X L I I I .

IN spongiis reperitur lapis, qui lapis spongiæ vocatur, candidus, & friabilis, quem Dioscorides laudat ad vesicæ lapidem frangendum in vino potum. Galenus tamē id negat: solum valere ad renūm calculos frangendos, ut qui ex Cappadocia convehuntur: solvuntur iij in succum lacteum facultate extenuandi absque insigni caliditate: lapis Cappadox à quibusdam vocatur. Plinius inquit à quibusdam Cysteolithos vocari: quoniam vesicæ medentur in vino poti: Nam calculos rumpunt. Similis concretio reperitur circa frutices maris,

maris, & aliquando in palustribus salmis juxta arundines, & alias herbas: Spumam maris vocant, quia videatur ex spuma crassescente congelari. Recentiores spumam maris vocant omne genus Alcyonii, de quibus egimus inter plantas: cum tamen id nomen soli quinto generi tribuat Dioscorides, Halosachne enim, id est, spuma maris patrio nomine in Propontide appellatur: figura fungi, sine odore, asperum parte interna, & quadammodo pumicolum, foris leve, acre: valet ad dentifricia, & pilos evelendos. Ab hoc non valde distat Adarces seu Adarcha, ut Dioscorides tradit. Est enim tanquam concreta salmisago in palustribus Cappadociæ, per siccitatem emergens circa arundines, & herbas colore floris Asii lapidis, specie Alcyonii mollioris & cani, ut videri possit Alcyonium lacustre. Galenus Adarcion etiam vocari scribit & Adarcon, acerrimum & calidissimum medicamentum foris tantum utile aliis commistum, quæ ejus vim frangant. Evocat ex alto, aufert lepras, & lentigines & alia cutis vitia. Plinius Adarcha inquit, Latine dicta, Calamochnus Græcè, quasi calami Lanugo, nascitur circa arundines tenues è spuma aquæ dulcis & marinæ, ubi se miscent: vim habet causticam: Alibi idem Plinius Adarcham in Italia nascentem tradit palustrem, in cortice tantum sub ipsa coma nascentem. Hujusmodi vidimus fruticulum quedam aujuni pennis similem, quam Pennam marinam vocant, cuius caulinculo sub coma lanugo adhæret mollis, instar serici: quam in parte inferna tegit crusta lapidea acris Calamochnus igitur lanugo est prædicta: Crusta autem Adarcha. Quæ autem solidiori constat substantia lapillis agglutinata aut per se, candidior est, & mitior: hanc diximus Parætonium appellari apud Plinium, de quo superius dictum est.

CAP. XLIII.

LApis Iudaicus in Iudea reperitur glandis effigie sulcis veluti lineis secundum longitudinem discurrentibus,

R 2

quasi

quasi de industria excavatis, colore candido, fragmentis
splendentibus. Diocorides inquit, lapis in Iudaea nascitur
glandis effigie candidus, scita ad modum configuratione li-
neis æqualiter inter se distantibus quasi de industria detor-
natis: solutus nullam qualitatem manifestam gustui repræ-
sentat. Potest ciceris magnitudine tritus ad cotem ut colli-
rium, cum tribus cyatis aquæ calidæ potus difficultati urinæ
auxiliari, & calculos in vesica comminuere. Galenus non
vesicæ calculis prodesse, sed iis, qui in renibus sunt, efficac-
em esse. In libro de Renum affectuum dignotione, & cura-
tione, qui Galeno ascribitur, traditur, potentet lapidem
dividere, esse masculum, & fœminam: masculum ad lapidem
renum facere: fœminam ad eum qui in vesica. At quomo-
do mas à fœmina discernatur, non explicat. Extant quidam
erastiores, brevioresque, quidam tenuiores, & oblongiores
nuclei olivæ magnitudine, & sine sulcis: apud Plinium Teco-
lithos vocatur, quasi lapidem liquefaciens, inter gemmas,
sed non inest ei gemmæ honor: oleæ nucleo similis videtur,
lingentium calculos frangit, pellitque. Sed unde ejus origo,
& tam pulchra configuratio, res est contemplatione digna.
Profectò, & alii multi lapides variis figuris reperiuntur à na-
tura conficti, ut quos in Hildesheimio inveniri testantur
Tympani modo certis lineis ornatos, Trochitas vocant:
quodam figura lilii: alias sagittæ Belemnitas vocant, in
quorum genere est, & qui in fulmine creditur decidere Ce-
rauniam vocant effigie vomeris linea alba in ambitu circun-
dante leviter denticulata: & Glossopetra apud Plinium lin-
guæ humanae similis è cœlo creditur cadere deficiente Luna.
Cum igitur eadem figura in multis reperiatur, non casu, sed
aliqua ratione configurationem hujusmodi factam esse pu-
tandum est: Quæ enim casu fiunt, non in multis, nec fre-
quenter, sed in paucis eadem, & raro contingunt: ut imagi-
nes quædam in marmoribus, & gemmis maculosis. Ratio
autem quædam ex fine habetur, ut in figuris organicarum
parium, quæ alicujus gratia ab anima fiunt, aut ab arte:

alia

alia ex necessitate, ut in coagulatione Crystalli sexangula figura, de qua egimus: aut quæ ex loco continentis insequuntur, ut contingit iis, quæ in cavernulis saxorum coagulantur. At vero finis cuius gratia rationem in iis quæ carent anima ponere non possumus, quanquam sunt qui putent ob influxus cœlestes figuras animalium, & plantarum introduci etiam in inanimatis: unde Ostreas & multa Conchilia, & alia animalia lapidea reperiri. At facultatem organicam, quæ animæ propria est, non offendemus, si dicamus: hujusmodi corpora non pauca, sed multa imò innumerabilia eandem prorsus configurationem cum viventibus habentia, viventia extitisse, sed postea aut sponte, aut ob aliquem succum lapidescentem concrevisse in lapideam substantiam. Præcipue id patiuntur ostrearum, & cæterorum similium teste, & ossa animalium, & ligna quædam intra terram diu condita: cum enim minus putrescant interim lapidescūt ob terream substantiam. Repertæ autem sunt veluti Ostrearum medullæ figura crassioris Amygdalæ aut mali Persici, materia ad figuram continentis concreta. His similem ortum habere putandum est lapidem Iudaicum: esse scilicet veluti medullam concretam alicujus Conchilii, aut arboris fructum, materia lapidescente in eum locum corrivata. Sic videtur Belemnites, Glossopetra, & ea quæ in fulmine putatur decidere, ex Pinna, aut aliquo ejus generis Conchilio ortum ducere. Neque mirandum in mediterraneis, & montibus altissimis reperiri animalia maritima in lapides conversa, non enim absurdum est, ubique mare extitisse, imò necessarium ut tradit Aristoteles. Alia porrò videtur in Trochite, Entrocho, & Pentacrino, ut recentiores vocant, figuræ ratio: & in iis, qui serpentines convolutos in tenuem caudam sensim desinentes, aut vermiculos terrestres imitantur, reperti in agro Senensi locis sterilibus, & Cretosis, colore candido, substantia Gypsea: qui si frangantur, intus globuli in aënes veluti ampullæ spectantur assidue tenuiores propè caudam. Fervente enim materia, ut sæpè videntur in balneis sulphureis, Bullæ attollantur:

luntur: dum vero spiritus vario modo convolvitur, is materialiam sequacem eodem modo dicit, quæ postea concrescens, eandem figuram retinet, ut patet in aluminis combustionē. Quemadmodum autem serpentes prædicti, & vermiculi ex spherulis inanibus ordine quadam compositis coagmentati sunt, sic Entrochi & cæteri hujusmodi veluti ex vertebris invicem commissis, ob eandem causam compositi spectatur.

CAP. XLV.

LApis Lyncis apud Evacem, fit ex urina Lyncis, qui vulgo lupus Cervarius vocatur: hæc mixta in montibus coagulatur in lapidem, qui in domo servatus gignit optimos fungos supra se toto anno: valet contra dolorem stomachi, iæteritiam, & fluxus ventris. Dioscorides vanum putavit, ex urina Lyncis Lyncurium appellatum fieri, sed Electrum esse. Alii lapidem diversum ab Electro, gemmam igneo colore carbunculo similem, atque frigidam, quæ & scalpatur, sed è fœminis præsertim ciciribus candidam, & languidam existere: nec frondes & acus modo rapere, sed æris quoque ferrique bracteolas, ut Diocles & Theophrastus referunt. Idem Theophrastus Lyncurio tribuit fungos ferre. Hodiè Neapolit notissimus est lapis, qui domi asservatus si irrigetur, fungos fert toto anno: de quo Hermolaus inquit: Oritur fungus & è saxo, id est, lapide Lyncurio sive Lyncæo vulgari voce dicto admirabili natura: præciditur hic in esum, & ali⁹ subnascitur anno toto: pediculi pars relicta duratur in silicem, atque ita semper crescit lapis restibili fecunditate: nec credidimus, antequam dominatos ita manducaremus. Fortè Dioscorides hūc significavit: cum de Populo inquit: Corticem Populi albæ, & nigræ particulatim cæsum, & fulcis stercoreatis mandatū, omni tempore anni fungos ediles proferre, ut referunt. Quid autem mirum, eos cortices alicubi aut ob loci naturam aut propter irrigationem certam, & stercorationem, aut ex urina Lyncis concrescere in lapides hujusmodi,

hujusmodi, & populi lachrymam in Eleætrum? Inest enim & in urina humana vis quædam lapidifica, ut patet in matulis, quæ crustam lapidosam contrahunt. Nec igitur Eleætrum, nec lapides qui ferunt fungos, ex humore illo constare dicendum est, hoc enim jure vitum est incredibile, sed succum lapidescentem qui latet in urina, ad eorum concretiæ facere. Circunferuntur lapides subnigri maculis albicantibus, aut cinerei, fungosi, fibrosi, specie quadam ligni, friabiles. Sed à plerisque exploduntur, putantibus Lyncurrium seu lapidem Lyncis inter Eleætri genera perquirendum esse. Ideò in Germania pro Lyncurio assumunt lapidem Eleætro similem inter Belemnitas à quibusdam vocatas ob sagittæ figuram. Alii ostendunt quoddam genus Eleætri colore mellis, non translucidum. At lapis Lyncis fungos ferens longè distat ab Electro: nec puto repudiandos esse lapides, qui quasi per manus hucusq; ab antiquis traditi sunt hoc nomine. Recipitur lapis Lyncis à Nicolao Alexandrino in compositionibus facientibus ad calculum, & vitia renum ac vesicæ, quod & Populi albæ cortex facit, teste Dioscorides,

CAP. XLVI.

SVNT & lapides in viventibus animalibus geniti, ut in reñibus & vesica & aliis partibus, sed præter naturam: non enim contingunt nisi morbos, ex urinæ quidem sedimento in renibus aut vesicæ condensato: aliquando ex crassitate fellis in ejus vesica, qui crocei sunt, aut subvirides. At nulli ex his ad medicinæ usum assumpti sunt. Bezaar secundum naturam videtur in animalibus eum ferentibus nasci, nam in plerisque ejus generis reperi traduntur. Ferunt enim Lusitanî qui Indiam incolunt, capras esse silvestres magnitudine & figura Cervis similes, cornibus Hirci. In eorum ventriculo reperi lapides, quos Arabes extollunt adversus venena: animal in Persia, & Corasone Pazan vocant, id est, Hircum: lapidem vero Pazar, Indi Bazar: Arabes Bezaar.

Quoniam

Quoniam verò hic lapis unicè super omnia Alexipharmacæ pollere visus est, ideo omnia Antidota, quæ à tota substantia venenis adversantur, Bezaartica vocant, quasi Alexipharmacæ. Concrescit hic lapis, ut referunt, in eorum ventriculo propè meatum, undè pabulum ruminatum in alterum ventriculum transmittitur: initio juxta paleam quandam tenuissimam, ex pabulo ruminato congestam, succo ambiente in crustam friabilem transeunte, superficie admodum lævi & splendida colore herbaceo nigricante, aut palescente, aut cinereo: figura in plerisque oblonga glandis effigie: interdum alia, atque alia forma. Supervenit in processu temporis aliud, atque alius succus, undè lapidis coagmentatio fit per crustas instar cepæ. Maximi non excedunt ovi Gallinacei amplitudinem: plerique ut ova columbarum & exiliores reperiuntur. Quò majores eo valentiores existimantur, ideo in majori precio habentur. Persici reliquos bonitate antecellunt. Reperti postea sunt & in India Occidentalí magna copia in simili animali, sed caret cornibus, degit in locis frigidis in montibus Peru. Differunt quoque lapides ejus: nam crustæ non ejusdem coloris sunt intus, & extra, ut Orientalium: sed extra quidem ut plurimum nigræ sunt, aut fulvæ, aut cinereæ minus splendidæ, inest aliquando veluti aureus pulvisculus splendens: intus autem omnes subcandidæ sunt, veluti ex fibris compositæ: idcirco minus adulterari possunt quam Orientales. Depræhenduntur adulterati, nā calfacti mollescunt, si ferro candente perforentur: synceri nequaquam. Præterea adulterati, si frangantur, non habent in meditullio cavitatem, neque paleam, sed aliquid aliud. Quidam fabulati sunt lachrymam esse cervorum in angulis oculorum congelatam, postquam afflatus serpentium molestati, in piscinas refrigerationis gratia se dimiserint: tunc enim lachrymam hujusmodi erumpere, quæ lapidescat in angulis: fortè quia hic lapis aliquando lachrymam præ se fert, tereti figura, nullo intus cavo instar guttæ congelatæ. Serapio tradit multos habere colores:

res: nam inquit quidam lutei sunt, quidam cinerei, alii subvirides, alij candicantes. Probatissimi omnium lutei, deinde cinerei, qui ex Corasceni adferuntur: oriuntur in Syria, India, & Oriente. Multi alij lapides illi similes sunt, qui non eandem habent naturam, neque accedunt ad eius efficaciam. At Bezaar lapis est valde lubricus, lenis, & tactu mollis, mediocriter calidus. Ex authoritate Rhasis, inquit lapis est citrinus, mollis, non habens saporem: aut vergit ad citrinitatem, & albedinem cum quodam colore vini, lenis & splendens sicut lumen. Aduersatur secundum totam substantiam omnibus venenis tum calidis tum frigidis, seu intus assumptis, seu iectu venenosorum animalium illatis: ram haustus, quam gestatus, & impositus super plaga. Assumptus pondere duodecim granorum hordei, aut plagæ illitus liberat à morte & expellit venenum per sudorem: confert quoque anulo inclusus, si ore exsugatur: ulcera purulenta ex veneno pulvis ejus inspersus purgat. Rhasis testatur, bis vidisse efficaciam hujus lapidis adversus venenum Nipelli, quod est toxicum validissimum, quam nec in Therriaca, nec in alio ullo antidoto vidit. Lusitani ejus usum transtulerunt ad multos alias morbos edocti ab Indis. Nam pondere trium granorum hordei cum aqua florum Citri aut lamæ, quæ ex floribus Aurætiae habetur, adversus omne venenum exhibent: cum aqua verò Acetosæ ad febres pestilentes, ad animi deliquium, quod per intervalla repetit, ad stomachi vexationes, uteri molestias, vertigines, epilepsiam, & tandem in omnibus morbis melancholicis, veluti in scabie fœrina, lepra, prurigine, quartana cum aqua Buglosæ iæpius propinant jejuno ventriculo post universales purgationes. Ad præservationem ab iisdem morbis solent quinque diebus post purgationem hunc lapidem sumere: quidam pôdere decem granorum pro singulis vicibus exhibent cum aqua rosacea: alii audent usque ad triginta propinare: non timentes noxam ex medicamento, cui nulla sit insignis qualitas. Sed cum omnia metallica, & quæcumque

venenis adversantur, aliqua ex parte inimica sunt naturæ humanæ, non tutum est in magna quantitate uti ut Galenus testatur. 5. Simpl. cap. 18. inquit enim: Quæ deleteriis adversantur, si largius sumpta fuerint, graviter animantis corpus oblaedunt. Quamobrem ea moderatione quantitatis omnes id genus facultates exhibere oportet, ut neque copia nimia corpus offendat, neque exiguitate sua à deleteriis vincantur. Hæc Galenus. Ideò melius qui circa Ormuz degunt, non nisi in exigua quantitate exhibent, qui usus hodiè in nostris regionibus in valuit. Nam pondus trium granorum exhibent, & quotidiè per plures menses in morbis diuturnis: cum vino ubi non adsit febris: aut cum aqua ex prædictis, ubi ea adsit. At urgente qualitate venenosâ satius est ampliori pondere uti, idque rarius: ut unica vice, aut altera vincatur venenum, tardare enim & mollius agere, periculosum est. Repertum porrò experientia est, si lapis verus est, & syncerus, dentes eorum nigrescere, qui hauserint, ideo carent, cum devorant, ne medicamentum dentes attingat, cochleari intra fauces demisso. Hoc signum est vim aliquam deleteriam continere ut solent Alexipharmacæ. Quoniam verò Bezaar Occidentalis minoris efficaciam compertus est, augent ejus dosim usque ad sex grana. Cum igitur magna sit differentia inter optimum, qui ex Persia habetur & cæteros, qui in aliis regionibus inveniuntur, solebant experimento optimum depræhendere, sine quo emptor recusabat. Id hoc modo siebat: filum toxicum illinebant, qui apud eos est succus radicum Ellebori albi, deinde acu filum trajiciebant per canis pedem, aut aliam animalis partem relicto filo in vulnere: cum verò urgerent gravia symptomata, lapidem propinabant ex aqua: nam si legitimus esset, auxilium ex eo temedio animal sentiebat: si minus, adulterinum censebant. Sed hodiè mercatores examen id recusant: quasi pauci effectis promissis respondeant. Alium lapidem prædicant in India Orientali, quem Malacensem vocant, quia in Malaca invenitur in felle Histricis,

fricis, colore purpuræ dilutioris, gustu amaro, tangentilævis, & lubricus ut Sapo. Hunc Malacenses præferunt lapidi Bezaar adversus venena eodem modo exhibentes ex aqua, quæ amara redditur: sed hic rarius invenitur.

C A P. X L V I I .

AEtites, vulgò Aquilina, quia reperitur in nidis Aquilæ, ut Plinius testatur, simili ratione videtur compositus, ut Bezaar, habet enim in meditullio cavitatem in qua aliud corpus continetur: sed fossilis est nō ut ille gignitur in animali. Continet autem in alvo alium lapidem, qui dum quatitur, sonat, ut Dioscorides tradit, quasi prægnans alium in utero gerat: undè gravidis conferre existimatus est: nam sinistro brachio alligatus custodire partus creditur: in tempore autem parturiendi indè ablatus & fœminibus applicatus faciles partus reddere, ut legitur apud Dioscoridem: multaque alia promittit vana, quæ non solum Medicinæ, sed & naturæ limites egrediuntur. Plinius tradit binos inveniri, marem & fœminam: nec sine iis parere Aquilas, & ideò binos tantum. Fœminam putant in Africa nascentem pusillum & mollem, intra se ac veluti in alvo habentem Argillam suavem, candidam. Marem autem in Arabia durum similem Gallæ, aut subrutilum, in alvo habentem durum lapidem. Tertius in Cypro invenitur colore similis Africano, amplior & dilatatus: nam cæteris globosa est facies: habet in alvo arenam jucundam & lapillos, ipse tam mollis, ut etiam digitis fricitur. Quarti generis Taphiusius appellatur nascens juxta Levcadem in Taphiusa, invenitur in fluminibus candidus & rotundus, huic est in alvo lapis, qui Callimus vocatur, nec quicquam tenerius. Alius præterea Ætites ponitur inter Gemas dictus à colore Aquilæ cauda candicante. Item Enhydros semper rotunditatis absolutæ, in candore lœvis, sed adnotum fluctuat intus in ea veluti in ovis liquor. Ætitem in Italia habemus colore ful-

vo intus magis nigricante figura varia, & magnitudine: ejus crusta prædura, densa, gravis, nunc aspera, nunc lævis: in alvo nunc continet lapidem ejusdem substantiæ, nunc argillam pallidam, mollissimam, bolo Armeno similem: nunc utrinq;. Reperiuntur & glebæ instar pānis, plures Ætitas in se continentes: Quædam solidæ intra crustam furrugineam, & asperæ farctos lapides multos continet, & cretam mollissimam: aliquando eadem crusta intersectos, nullo inani spatio. Inter hos contineri lapidem Ostracitem puto. Nam glebæ solidæ sunt, lapidem continentes scissilem in plures lapides intercedente crusta, non in laminas, ut quidam interpretantur apud Dioscoridem. Inquit enim Ostracites testæ similitudinem habet, crustosus, & scissilis: mulieres utuntur pro Pumice ad pilos auferendos: Potus in vino drachmæ pondere, menses fistit: à purgatione sumptus prohibet conceptionem: Mammarū inflammationibus imponitur, & ad normas. Alius porrò est apud Plinium Ostracites sive Ostracias inter gemmas, cui ostrea nomen & similitudinē dedere, unus adeo durus, ut ejus ramentis aliæ gemmæ sculpātur, alter Achatæ similis. Alius præterea est Ostraciti congregatus, de quo inter Hæmatitas dicetur. Oriuntur hi omnes in collibus fabulosis, & argillosis propè Levanem, qua tēditur Aretium. In eisdem locis reperitur & lapis Geodes, cādīdus figura oblonga utrinq; acuminata specie stercoris canini, videtur ex argilla parum addensata cōstare, si frangatur, & plenus repetitur ex eadem substantia per crustas aggregata, friabili, instar Bezaar: Hunc fortè quidam acceperūt pro Bezaar fossili in Ægypto: Plinius Ætitem foeminam non absimilem tradidit in Africa nascentem. Geodes hic non ab re dici potest, quia argilla quædam videtur lapidosa. Ei Dioscorides tribuit vim astringendi, siccandi: caligines oculorum discutiendi: illiniti ex aqua ad testiū & mammarum inflammations. Ex hoc genere videtur esse lapis Samius, de quo egimus in terra Samia: nam simili modo nascitur in argilla candida, & creditur ut Ætites partus accelerare, & conceptus custodire.

CAP.

C A P. X L V I I I .

LApis Arabicus apud Dioscoridem maculoso Ebori similis: tritus, & illitus hæmorrhoidas siccatur, ejus cinis dentifricio optimus. Effoditur hic in Montacutensi Ætruria, & aliis multis locis crustosus, sed veluti ex fibris compactus, ut aliquando videatur Amiantus, sed solidus & fragilis: colore candido, splendore Eboris punctis nigris intercedentibus, aliquando subviridis, aliquando cinereus sine splendore, instar ossis combusti: Appellant vulgo hæc ossa Liocorni seu Alicorni, medicamentum celebre adversus venena, & ad vermes necandos, & ad febres pestilentes, ex aqua potum: at feligunt, Ebori simillimum, & quod linguæ admotum hæret, ut Bolus. Aliud tamen est cornu unicorni animalis, cui easdem vires, & longè efficaciores tribuunt. Plinius inter gemmas Arabicam tradit Ebori simillimam, nisi abnueret duritia, utilem habenti ad dolores nervorum: Ossa autem è terra nasci, inveniriique lapides osseos idem testatur ex Theophrasto. Fodiuntur hodiè propè oppidum S. Ioannis in valle Arni ossa lapidea ingentis staturæ, unde putant suisse ex Elephantibus ab Annibale ductis in Italiam. Extat humeri caput aut coxendicis magnitudine, quam utraque ulna amplecti vix possit: Apud me sunt fragmenta crurum intus spongiosa exterius solida, colore marmoris Porphiritis, nigriora, sonora ut marmor.

C A P. X L I X .

AMiantus apud Dioscoridem lapis in Cypro nascitur alumini schisto similis: Ex eo utpote flexili, inquit, ve la texi spectaculi gratia, quæ ignibus injæcta inflammantur quidem, sed splendidiora exeunt, non deusta. Eodem adulterari inquit alumen scissile, at gustu non astringit. Plinius alumini quidem similem esse tradit, at nihil ligni deperdere.

Alibi

Alibilinum vivum appellat, quod ignibus non absumitur: visas esse mappas ex eo in focis conviviorum ardentes, sor-dibus exustis splendescere magis igni, quam possent aquis. Regum inde funebres tunicas, quibus combusta cadavera à reliquo cinere separantur. Nasci in desertis Indiæ, adustis que Sole, ubi non cadunt imbræ. Rarum inventu, difficile textu propter brevitatem: cum invētum est, & quare præcia Margaritarum. Russus de cætero colōt splendescit igni, vocatur à Græcis Asbestinum, ex argumento naturæ, id est, in-combustibile. Paulus Venetus in suo Itinerario hunc lapi-dem appellat Salamandram, quia vivit in igne. Idem testa-tur effodi in Asiæ provincia quadam, & esse fila non dissimi-lia lanæ, quæ Sole siccata teruntur in mortario æneo, dein-dè lavantur, & à terra purgantur, postea nentur, & demum texuntur. Pannos autem sordidos non aqua sed igne ad can-dorem pristinum restituunt. Oritur & in Italia, sed adeò breve ac fragile, ut neri non possit: tantum ellychnia ex eo parari possunt in lucernis perpetua: vocant alumnen plumæ, quia attritione solvitur in tenuia filamenta, instar plumæ canescientia: undè pro alumine scissili usurpatum est. Nec desunt, quibus etiam fapor quidam aluminosus inest. Ipse lapis ligni modo fibrosus est, & mollis colore candido, aut sub viridi. Quod autem ex eo per attritionem efflorescit in plumas, florem petræ vocant, quia fortè putaretur esse Asiæ petræ flos: nam cuti applicatus vehementer mordet, & ure-dinem gignit veluti ab urtica tactis: quod videtur non ob acrimoniam fieri, sed ob asperitatem tenuibus aculeis carni infixis, mulieres utuntur ad sinegmatu.

C A P. L.

PUmex veluti spuma est in lapidem concreta, ideo levif-simus, & solus aquæ supernatat, à Græcis Cifferis dici-tur, quasi erosus. Cis enim vermiculum significat qui trití-cum erodit. Dicuntur & Pumices saxa eroſa annis, ut Plinius

nius notat , qualia sunt quæ in ædificiis Musea vocant dependentia ad imaginem specus arte reddendam : undè Musica opera hodiè dicuntur in templis , ex variis lapillis imagines diversas exprimentibus composita. De Pumice scribit Vitruvius quendam fieri exusto alio lapide circa Æthnam & in collibus Myœz, qui Catacecaumenos, id est, deustus dicitur : Spongiam & Pumicem Pompejanum vocari. Hujusmodi & Lipareum esse Theophrastus testatur, alioqui antequam uratur, nigrum, levem atque farctum. Et Pumicem Sicum ponderosum esse & nigrum. An spongiae intelligantur in genere molarum, de quibus egimus in Silice ? Alius vero est Pumex poliendis libris accommodatus , & mulieribus ad cutem exterendam & dentifricia : candidus , levissimusque, de quo Dioscorides inquit : probari valde levem , spongiosum , scissilem nec arenosum , teri facilem & candidum. Videtur enim ex capillis canescientibus coagmentatus , ut Amiantus & alumen scissile. Reperitur in litoribus maris undis detrusus, copiosus in tractu maris Tyrrheni , quamvis remotus ab Æthna monte. Laudatissimi præterea traduntur oriri in Melo Scyro, & insulis Æoliis. Pumicem intellectus Plinius, cum inquit : lapidem è Scyro insula integrum fluctuare, comminutum autem mergi. Veteres è spuma maris aliquando coalescere, itemque ex arena litorali testantur, ut in insula Cyclade , Nisiro , ut Hermolaus tradit. Galenus ambiguus est , an inter lapides, an inter terras , vel marina reponendus sit : illud certum esse recipi inter Sarco-tica medicamenta & dentifricia tum ustum , tum non-ustum. Splendorem corporibus conciliare non tantum facultate extergendi, sed & asperitate. Theophrastus author est, potores in certamine bibendi præsumere Pumicis farinam, sed nisi imēmno potu impleantur, periclitari : tanquam vini restinguendi fervorem vim habeat, ut musta feryere desinant Pumice addito.

CAP. L I.

Assius seu Asius lapis in Asso Troadis nascens Sarcophagus cognominatur, id est, carnem exedens: fissili vena scinditur: corpora defunctorum in eo condita absumi constat quadraginta diebus exceptis dentibus. Ejus generis & in Lycia & in Oriente faxa sunt, quæ viventibus quoque adalligata erodunt corpora. Asius est gustu salsus, podagras lenit pedibus in vase ex eo excavato inditis. Ejusdem vero lapidis flos appellatur in firmam redigendam molis ad quædam perinde efficax. Hæc apud Plinium. Diocorides Asium inquit, feligendum colore pumicis, levem, fungosum, friabilem, habentem venas luteas ad imum actas. Ejus flos salsugo subflava est summo lapidi insidens, tenuis, nunc alba, nunc instar pumicis ad luteum vergens, linguam aliquantum mordens. Vim uterque haber astrictoriam, & modice erodentem: longè validior est flos. Galenus lapidem esse inquit, non durum ut petræ, sed laxum, friabilem, consistentiæ, & colore quasi Tophi. Innutritur ei quiddam farinæ tenuissimæ ad simile, qualis in pistriñorum parietibus adhærere visitur, quod petræ Asia florem vocat. Est verò subtilium partium, ut sine morsu carnes nimis molles, & fluidas eliqueret. Petra vero, in qua nascitur similem sed infirmiorem vim habet: falsedinem quandam in gustu flos participat. Hæc Galenus. Hodie lapis hic non est vulgo notus: reperiatur tamen in Ilia, & alibi, ubi alumen fossile, & Chalcanthi vena foditur, colore candido instar Sacchari, venis vel maculis luteis, gustu subastrigente & linguam modice mordente. Reperitur & sine maculis luteis pumici similis fungosus, in superficie concretio quædam est similis sali, sed lapidosa, sapore fermè insipido. Tertius durior venis se interfecantibus in profundum: hie exterius in tenuem farinæ candidam solvit modice mordentem, qui ejus flos est: non emanat autem flos luteus, nisi ex habente maculas luteas, cuius

cujus sapor etiam est efficacior. Videtur autem hic lapis valmine & nitro participare.

CAP. LII.

Phrygius dictus, quia Phryges eo utebantur ad tingendas vestes, quamvis inter lapides reponatur, glebam, tamen pumicosam esse Plinius testatur, nascitur in Cappadocia, ut Dioscorides tradit. Optimus pallescens modicè gravis, non solida corporis compage, intercedentibus albis venis ut in Cadmia. Vritur vino optimo perfusus, vivis carbonibus perflatis, donec mutato colore ruffescat, ter opere repetito. Vim habet astringendi, expurgandi, & crustas inducendi. Lavatur ut Cadmia: usus ejus est tum crudi tum combusti, hæc apud Dioscoridem. Galenus inter alias facultates, utiliem reperit oculis, siccum medicamentum adhibendo ad ulceræ, & scabritias. Quamvis hic minime vulgo cognoscatur, existimo tamen haberi in Italia & ubique efficitur Chalcanthum. Cum enim ad tingendas vestes eo uterentur antiqui, putandum est Chalcanthi vim habere. Glebae igitur quæ foduntur, ex quibus Chalcanthum extrahitur lapis Phrygius vocabatur: Sunt enim quædam pallescentes, quædam cinereæ, maculis aut venis aliquando canticantibus, aliquando subvirentibus, gustu astringente & mordaci. Ex eodem genere videtur esse Ageratus apud Galenum, quo coriarii utebantur, mistæ facultatis, digerentis scilicet, & astringentis, quemvis gustu non evidentem astrictionem, aut acrimoniam habere videatur. Evidenter juvat Columellas phlegmone gravatas, mitiorem igitur vim habet, quam Phrygius. Ageratus ad nitorem calceis præbendum prædicatur, ut notat Hermolaus.

CAP. XLIII.

QVI autem Bituminosam naturam participant comburuntur in igne & odorem Bitumini similem edunt. Hujusmodi est Gagates à flumine Lyciae dictus ut Dioscorides tradit. Ejus plura esse genera idem innuit, inquiens: præferendi in genere Gagatarum, qui celeriter accenduntur, & odorem Bituminis reddunt. Lapis hic plerunque niger est & squalidus, crustosus, per quam levis. Plinius inquit, niger est, planus, pumilus, non multum à ligno differens, levis, fragilis, odore si teratur gravis. Fictilia ex eo inscripta non delentur: Cum uritur odorem sulphureum reddit; mirumque accenditur aqua, oleo restingitur. Galenus testatur vidisse in Syria Cæle in colle, qui à mari mortuo circundatur, ubi & Bitumen est, lapides esse crustaceos nigros, odore Bituminis, qui in ignem additi exilem flamnam edunt. Apud nos propè oppidum sancti Iohannis in colle, qui Villa Magna dicitur, pars quædam est, quæ ex hoc lapide constat: Crustosus est colore fulvo, aut cinereo veluti lignum vetustate marcescens: quo incolæ pro ligno utūtur ad ignes: cum uritur niger fit, ut lignum semiustum: & tandem in carbones transit. Eruuntur autem, ubi collis flagrat, carbones ardentes. Incolæ tentarunt initio ignem casu accensum extinguere fluvio propinquo ad eum locum derivato, sed magis ac magis flagrabat, quod & imbris contingit hucusque. Distant hi carbones à terra Ampeliti, nam duri sunt & lapidosi. Utuntur in Germania vice carbonum ad fundenda metalla, quem usum Ampelitis præstare nequit. Præterea de Ampelite Theophrastus Hermolaus teste, in Cilicia coqui tradit, atque ita lentescere, vitesq; obungere. At carbones fossiles non solvuntur. In Olanda Belgiae peninsula lutum provenit nigrum in palustribus, cuius glebas aggeribus compositas durescere tradunt in lapides, quibus utuntur ad ignes parandos, & ex eisdem carbones efficiunt

efficiunt. Ex quibus colligere licet, plures esse Gagatis species, quasdam ligni effigie, quasdam carbonum: quibus adnumerare liceat Thracium ab inventore appellatum, qui & Thracius dicitur: nascitur ut Dioscorides inquit, in quodam flumine Scythiae, cui Ponto nomen est, vis ei Gagatae traditur aqua accendi, & oleo restinguiri, quod Bitumini accidit. Eadem apud Nicandrum leguntur, ejusque nidore fugari serpentes: quae omnia Gagati insunt. Evax hunc lapidem nigrum esse tradit. Differt autem hic à Gemma Thracia, quæ trium generum à Plinio traditur: viridis, pallidior, tertia sanguineis guttis: Et à Samothracia, quam diximus Ambram nigram vocari inter Gemmas. Gagatis vires emolliendi, & disentiendi. Galenus utebatur ad genuum tumores flatuosos diuturnos, & agrè curabiles: miscerat & Barbaro Emplastro, quod exficcantius effectum est, adeò ut & sinus contraheret, ne dum cruenta vulnera glutinaret. Mefues ex Gagate oleum per ignem extrahit, quod laudat ad epilepticos, daemoniacos, paralysim, convulsionem, tetanum: præstare magnum auxilium præfocatio- ni uteri, juvare ad conceptum. Simile oleum extrahunt ex ambra nigra: & ex Electro: Bituminosa enim est eorum na- tura.

C A P. L I I I .

PYrites autem ad Metallicam naturam accedit: nam specie Auri aut Argenti, aut potius Aurichalci spectatur, sed substantia lapidea. Ab igne autem, quem continet, nomen habuit, quoniam plurimus illi sit ignis, ut Plinius interpretatur. Attritu enim alterius corporis durior multas edit scintillas, ut potè quia multa exit sulphurea exhalatio ab iactu decessa & inflammata. Translata est tamen vox Pyritis ad corallium teste Plinio ob igneum colorum. Sed alias inquit etiamimum est Pyrites similitudine Æris: de quo Dioscorides inquit: lapis unde Æs foditur:

Eligi debet Æris similitudine facile scintillas edens. Alii interpretantur verbum ἀφέχαλνος μεταλλένεται à quo æs conflatur. At repugnat experientiæ conflari à Pyrite æs: qui-cunq; enim ignis scintillas edit, sterilis reperitur. At vena æris seu terra sit, seu lapis, ignem attritu non edit, ideo Pyrites non est dicendus. Ex eodem præterea Dioscoride & Galeno in Cadmia pater, alium esse Pyritem, & Æris ynam, quæ in fornacibus excoquitur in Æs: testatur enim Cadmiam ab utroq; haberii in fornacibus. Recētores quoq; fatentur à Pyrite quamvis colore uniuscujusq; metalli reperiatur, nullum tamen metallum distillare, sed in igne evanescere in fumum relicto corpore quodā nigro, & inutili. Melius sententia Dioscoridis accipienda est, ut Pyrites lapis sit, qui in metallis Æris reperitur: cui astipulatur Plinius cum inquit: In Cypro eum reperiri volunt, & in metallis quæ sunt circa Acarnanaim: unum argenteo colore, alterum aureo: Avicenna etiam æreo & ferreo. Tandem recentiores putant unumquodq; metallum suum Pyritem habere, Maccasitam vocant vulgo: adeò ut quidam innumerās ponant ejus species, quia unum vel plura metalla continet, vel sterilis sit. Quamvis autem multi lapides reperiuntur, qui colore Metalla imitantur, non tamen Pyritæ dicendi sunt, nisi vibrat percussu ignis scintillas. At Serapionis interpres ex Dioscoride non bene hoc transtulit, dicens: quando ponitur in igne, saliunt ex eo scintillæ facile: quasi ejectus in ignem frangatur & saliat, ut quidam exponunt. Ideò apud eos non est necesse Pyritem i&tu ignem vibrare. Dicendum est igitur, si nomen habuit ab igne, qui ex eo eliditur, non esse Pyritem, cui hujusmodi ignis non insit: eumque apud Galenū & Dioscoridem unum tantū esse scilicet Æri similem. Sic enim Plinius accipit alterū genus à Corallio distinctum. Quod autem idem Plinius subjungit unum argēteo colore, alterum aureo, de eodem profertur, qui est similis Æri. Nam Pyrites Aurichalcum potius imitatur quā Æs simplex: ejus autem color nunc flavior est & auro similior, nunc albidior ad ar-

ad argenti speciem accedens. At colore omnino candido; quale est argentum nullus adhuc Pyrites à nobis visus est, nisi quis in genere Stanni id quod fragile est, Pyritem esse contendat: nam quidam Marcassitam argenteam vocant: aut Talchum, aut lapidem argenteum quem diximus in Petra sancta oriri. Colore autem ferri, ut Avicenna testatur, reperiuntur lapides, qui scintillas edunt, sed hi in metallis ferri oriuntur, & ferrum ab iisdem excoquitur. Alterius igitur generis sunt à Pyrite Dioscoridis. Alia genera Dioscorides innuit, cum inquit: Seligendum esse Æri similem quasi reperiantur alii, quos respuit. Frequentissimus apud nos est Pyrites non solum ubi Æs reperitur & Chalcanthum: sed & in metallis ferri: adhæret enim quandoque ei vena ferri in Ilua. Vbi reperitur indicium esse ajunt subesse metallum: plerunq; veluti Zonæ quedam ejus in montibus discurrent: Cohærent lapilli angulosi ut in crystallo nō in cuspidem desinentes, sed magis tesseris similes: Ob similitudinem autem Adamantis Androdamas inter gemmas à Plinio dicitur. Argenti nitorem habet, ut Adamas quadrata, & semper tessellis similis magnis. Et Amphitanes in Indiæ parte, in qua formicæ eruunt aurum, nascitur auro similis quadrata, virtute magnetis prædicta, nisi quod aurum quoq; trahit. Hæc Plinius. Quidam autem minutis granis conitant, quidam grandioribus: minuti subesse magis metallum significant: color Aurichalci splendens, aut aureus: in his aliquando intercedit quid similitudine Opali colores inclinatione mutans in Smaragdi viriditatem, & Amethysti purpuram, quod granis minutioribus magis contingit. Chimistæ sublimant colligentes fumosam ejus substantiam, quæ Æri admista, albedinem præstat specie argenti. Et Dioscorides inter Cadmias numerat eam, quæ ex fuligine Pyritis colligitur. Medici carbonibus urunt melle madefactum donec rufescat, & friabilis reddatur: ut untur tam crudo, quam usq; ad calignum oculorum expurgandam: undē Arabes lapidem luminis vocant, duritias concoquit, & concoctas discutit. Galenus testatur

testatur validam habere facultatē digerēdi in halitum : nam sæpenumero eo medicamento pus & consistentia grumo-
sa in spaciis intermediis musculorum nata per halitum dige-
sta est : Sed præter Pyritem , qui similitudinem æris præ se
fert , aliqui genus unum faciunt , inquit Plinius , plurimum
habens ignis , quos vivos appellamus & ponderosissimi sunt :
Hi exploratoribus castrorum maximè necessarii , qui clavo ,
vel altero lapide percussi , scintillas edunt , quæ exceptæ sul-
phuratis aut fungis aridis vel foliis , dicto cælerius ignem tra-
hunt . Quanquam hodiè nostri milites ad ignem in pulvere
Sclopetorum excitandum utantur Calcedonio , aut Marca-
fita circumacta rota quadam ferrea . Extat tamen lapis te-
staceus subniger Cadmiæ similis , aliis lapillis testæ modo
adnatus , in superficie veluti bullis extuberantibus : Reperi-
tur hic præcipuè in fodinis Chalcanthi , ponderosissimus ,
atque admodum durus : attritu Chalybis copiosissimas edit
scintillas & odorem sulphuris reddit : in igne flamمام emit-
tit sulphuream . Galenus Cadmiam lapidosam vocat , quam
in Cypro se reperisse testatur in mōtibus & rivis multò præ-
stantiorem omni Cadmia . Similis huic lapis describitur à
Dioscoride in fodinis repertus & pro Cadmia à quibusdam
receptus ob similitudinem , qualis apud Cumas invenitur ,
Sed hos testatur nullam habere vim : leviores esse Cadmia ,
nullum saporem alienum mādentibus exhibere : dentes du-
ricie offendere : in igne profilire & fumum ignis similem pro-
ferte , post ignitionem colorem mutare & multo leviores
fieri : fortè hi fuerint , qui in agro Senensi reperiuntur parvo
quodam loco in Greta quā spectat turrim Montalceti : cru-
stulæ quædam sunt lapideæ rotundæ veluti clavorū capita ,
aut nummi punctis quibusdam extuberantibus impressi co-
lore cinereo nigricante . Oriri videntur ex fumis subterra-
neis in superficie terræ congelatis , ideo terram amplexan-
tur , qualis Cadmia Ostracitis à Dioscoride traditur : ut al-
tera , quem Pyritem vivum diximus , lapillis adhæret . Ideo
Cadmia fossilis non ex obrutis habetur , sed è subdialibus
petris

petris cæditur, ut Plinius testatur. Plinius inter gemmas alium Pyritem tradit: nigra quidem hæc, sed attritu digitos adurit: At mirum videatur solo digitorum attritu id præstare. Albertus simili effectu tradit Pyrite seu Peridonium vocatum fulgore ignis, qui si manu arctius stringatur, adurit, ideo leviter tangendum esse, quod ipse experimento verum esse fatetur. Ejus generis alium esse Chrysolitho similem, sed viridiorem. Hi forte ex iis fuerint, quorum caliditas excitari possit à calore manus, ut faciunt medicamenta Septica, inter quæ est Auripigmentum, & Sandaracha: hæc quidem fulgore ignis constat: Auripigmentum autem Chrysolitho simile: quorum substantiam eos lapides participare putandum est, ut Pyrites sulphuris. Sed de Pyrite hæc satis.

C A P . L V ,

M Agnes supra omnes lapides admirabilis non solum quia ferrum ad se rapit, sed etiam quia lineam meridianam commostrat, adeò ut sine illo erronea sit omnis navigatio. Nomen habuit ab inventore, ut Nicander testatur. Nam pastor cum armenta pasceret, invenisse fertur clavis crepidarum, & baculi cuspide hærentibus in Ida monte. Appellatur & Herculeus, & Sideritis à ferro: cui affinis videtur & effectu attractionis, quæ inter similia fit & visu. Ferrum enim rude videtur sine splendore metallico. Differunt colore & efficacia: marem vocant, qui efficacius trahit: fœminam imbecilliorē. Qui in Macedonia & Magnesia reperiuntur, ruffi, nigrique sunt. Bœotius ruffi coloris plus habet, quam nigri. Qui in Troade invenitur, niger est, & fœminæ sexus, ideoque sine viribus. Deterrimus in Magnesia Asia, candidus neque attrahans ferrum, similisque Pumici. Compertum est meliores esse quanto sunt magis cærulei. Æthyopicis laus summa datur, pondusq; argento rependitur. Hi Magnetem quoque aliud ad se trahunt. In eadem Æthyopia alias mons non procul gignit lapidem Theamedem,

dem, qui ferrum omne abigit, respuitque. Hæc apud Pliniūm. De Theamede quid sentiam explicatur in Quæstionib⁹ Peripateticis: nemp̄ quodcūque fragmentum Magnetis oppositam faciem habere Theamedis: Magnetem non solum ferrū trahere, sed & Magnetem: Ferrum quoq; absq; Magnetis infectione & ferrum aliud trahere & Magnetem. Et quo mōdo acus Magnete infecta meridianā certius com̄mostrat, quam ratio Mathematica. Dioscorides Magnetem præfert, qui ferrum facilē trahit, colore ad cœruleum vergente, densus, nec admodum gravis. Habemus ex Ilua exterius subruffum, intus in fracturis nigricantem, & parum tendentem ad cœruleum, densum, atq; admodum efficacem in attractione: qui dum percutitur, inhorrescit, lanugine quadam oborta, quæ transmigrat ad ferrum, si admoveatur. Vulgō vocatur Calamita. Reperitur in eadem insula lapis quidam candidus lineis nigris inscriptus, quam Calamitam albam vocant. At hic non trahit ferrum: sed creditur carnem trahere, quia linguae admotus adhæret, ut aliis quibusdam contingit. Multa quoque promittunt de Magnete. At Medicis cremato Magnete utuntur pro Hæmatite. Dioscorides crudum, inquit, habere vim purgādi humores crassos, si ex aqua multa detur pondere trium obolorum. Plinius scribit asperiora reddi vulnera, si Magnes telum infecerit. Remedio ajunt Magnetis pulverem inspersum: addi etiam solitum ad confectionem vitri, quoniam in se liquorem vitri quoque ut ferrum trahere creditur. Hoc genus hodiè vulgō vocatur Manganese, ab Alberto Magnesia: lapis est niger Magnetis similis, quo utuntur vitrearii: Si enim modicum ejus vitro admisceatur, illud purgat ab alienis coloribus, & clariss reddit: si verò amplius, tingit colore purpureo. Affertur ex Germania: Foditur quoque in Italia in montibus Viterbii, & alibi. Meminit Plinius & Pseudomagnetis: inquit enim, in Cantabria nascitur non ille Magnes verus caute continua sed sparsa, nescio an vitro fundendo perinde utilis, nondum enim expertus est quisquam: ferri utique inficit aciem, ut magnes.

Magnes. Alius est lapis vitrum tingens colore cæruleo, & si plufulcum addatur, inficit nigredine: Zafferam vocant: hic ex cinereo tendit ad purpureum, ponderosus, & friabilis: per se solus non funditur, sed cum vitro fluit aquæ modo.

CAP. L VI.

Hæmatites à sanguine appellationem habet, tum quia succum sanguineum reddit ad Cotem: tum quia utilis est ad sanguinis fluxum. Dioscorides præfert friabilem, & saturato colore, aut nigrum: sed per se durum, & æqualem nulla sorde admista, aut septo inter medio. Adulterari enim solet gleba rotunda & densa lapidis schisti (quales sunt, quæ ejus radices vocantur, torrefacta in fictili inter eineres, donec ad cotem colorem Hematitæ reddat. Sed deprehenditur dolus, primum quidem intersectionibus, nam hic in laminae rectas frangitur: Hæmatites autem non eo modo: deinde colore, hic enim floridum reddit, Hæmatites autem saturatiorem Cinnabari similem. Reperitur autem Hæmatites etiam in Rubrica Sinopide. Fit & è Magnete lapide cremato, donec sufficiat. Nativus autem in Aegypto foditur. Vritur ut Phrygius irrigato vino. Sic enim Græcus codex Aldinus habet: sic & Serapio legit: At interpretes ex Plinio vertunt: Vritur ut Phrygius, sed non extinguitur vino. Modus ustionis, ut modicè levis fiat & bullis quibusdam intumescat. Plinius ex Sotaco vetustissimo authore Hæmatitarum quinque genera tradat. Primum Aethyopicum proveniens ubi Magnes in Aethyopia sanguinei coloris, sanguinemque reddens, si teratur & crocum: in attrahendo ferrum non eadem natura: hic medicamentis oculorum utilissimus & iis quæ Panchresta appellantur: item ambustis. Alterum Andromanta vocari, colore nigro, pondere ac duritate insignem & inde nomen traxisse præcipueq; in Africa repertum, trahere autem in se argentum, æs, ferrum. Experimentum ejus esse in cote ex lapide Basanite: reddere

enim succum sanguineum & esse ad Iocinoris vitia præcipui
remedii. Tertium genus Arabici facit, simili duritia, vix
reddentis succum ad coterum aquariam, aliquando Croco si-
milem. Quarti generis Elatitem vocari quandiu crudus sit:
coctum vero Miltitem, utilem ambustis ad omnia utiliorem
Rubrica. Quinti generis Schistos hæmorrhoidas reprimit,
qui diversus est ab altero Schisto, de quo inferius. Hodiè
utitur Hæmatite lapide durissimo in coticulas formato ar-
tifices ad auri vel argenti bracteas ferro sublinendas & per-
poliendas: Color coticularum est instar ferri perpoliti, ni-
grior: tingit tamen colore sanguineo si alteri coti duriori af-
fricitur. Nascuntur in Ilua in Metallis ferri: meliores affe-
runtur ex Compostella: constant figura angulosa ut Pyrites,
splendidi colore ferri nigricantis: cohærent racematis nunc
magnitudine nucis, nunc exiliores, nunc veluti squamæ pi-
scium compositæ: sæpius in cavernulis rubricam continent.
Excoquunt autem hunc lapidem in ferrum cum reliqua ma-
teria, in qua nascitur. Reperiri in his aliquam vim Magne-
tis trahendi ferrum, licet obscuram. Possumus igitur assere-
re, inter hos esse Adrodamanta nigrum, ut inter Pyritas
argenteum, utrumq; figura quadrata: & Hæmatitem Schi-
stum, qui scilicet squamis constat, sed non scinditur in squa-
mas. Alterum genus in eisdem metallis reperitur globofum
colore partim Rubricæ, partim ferri nigrantis. Hic friabilis
ob inæqualitatem, durus tamen. Hujusmodi videtur descri-
bi à Dioscoride, saturato colore aut nigro, friabilis, per se
durus, adulterari solitus gleba radicum Schisti. Nam cæte-
ri solidiores adulterari nequeunt, neque colore sanguineo
spectantur, sed ferri perpoliti. In hoc genere quidam repe-
riuntur colore profundiori, simul & pulvisculum croceum
fundentes, quales describuntur à Plinio in Æthyopia nati.
Ad hoc genus reduci posse reor lapidem ferrugineū gravem
obductum Rubrica, & supra rubricam creta pallida, ultimò
tegitur crusta simili Ætiti tenuiore & fragiliore, quæ & se-
pti modo peryadit ad intima. Lapis hic ad coterum cro-
ceum,

eeum & sanguineum succum parit. Reperitur Aretii, ubi fons est Acidula: congener Ostraciti, de quo superius in Ætite dictum est. Vim habet astringentem & aliquantum excalculatoriam & extenuantem, ut Dioscorides tradit: ideo exterit oculorum cicatrices & scabritias cum melle. Facit & ad lippitudines & oculos fractos, & cruento fuffusos cum lacte muliebri. Bibitur ad difficultatem urinæ & fluxus muliebres, & iis qui sanguinem rejicerunt. At Galenus non excalculatoriam vim inesse, sed refrigeratoriam: inquit enim: Lapis Hæmatites tantum frigiditatis habet, quantum astritionis. Alexander Trallianus extollit hunc lapidem optimè contritum ad cotem, ad sanguinis refectiones & ulcera pulmonis purulenta: exsiccat enim & glutinat cum efficacia absque calefactione: exhibet autem pondere scrupulorum quatuor in potu frequenti.

C A P. L V I I .

S Myris ab abstergente facultate dictus, vulgo Smeriglo: durissimus quidam Hæmatites videtur esse: nam ad contem aquariam aliquem succum sanguineum reddit, ut videatur apud Plinium tertium genus Hæmatitis, quod Arabicum vocat simili duricie, ut secundum, vix reddens succum ad cotem aquariam, aliquando croco similem. Lapis est ferrugineus ad nigredinem vergens, adeò durus, ut eo Gemmarii utantur ad Gemmas scalpendas & arma expolienda. Orisur in Metallis ferri. Dioscorides inquit: lapidem esse, quo Gemmarii scalptores poliendis Gemmis utuntur: utilis ad erodendum & urendum: & ad gingivas humentes & dentifricia.

C A P. L V I I I .

S Chistus, id est, scissilis apud Dioscoridem in Iberia Hispania nascitur, optimus existimatur, qui colore ad croceum
V 2 vergit,

vergit, facileque friatur, ac scinditur sua natura: similis autem est sали Ammoniaco ratione compositionis & cohären-
tiæ laminarum. Ejus glebæ duræ & rotundæ Schisti radices
vocantur, quibus uscis Hæmatites adulterari solebat, sed
franguntur in rectas laminas, quod Hæmatiti non inest. Plinius addit Schistum peculiarius splendere; à Sotaco Antra-
citum vocari: nasci in Africa nigrum: attritu reddere aqua-
riis cotibus ab ea parte, quæ fuerit ab radice, nigrum colo-
rem, ab altera parte croci: ipsum utilem esse oculorum me-
dicamentis: valere autem ad eadem, quæ Hæmatites, sed
imbecillius, testatur Dioscorides. Hodie Schistus incognitus
est vulgo, quamvis quidam ostendant varios lapides. Repe-
ritur tamen verus Romæ in Vaticano effossus ē fundamētis.
Glebæ sunt colore nigro, quæ laminas complectuntur ad-
modum tenues invicem hærentes, ut in lapide speculari: sed
colore ex nigro ad croceum inclinante, splendentes & per-
spicuae: per quas si Sol inspiciatur, videtur croceus: inspici
autem potest sine noxa. Idem in saxo nigro & durissimo re-
peritur in Montacuto propè Anglarium. Nam ejus montis
cacumen ex hoc lapide constat.

C A P. L I X.

TAlcus vulgo appellatur in Italia lapis ex tenuissimis
laminis veluti bracteis argenteis constans, unde & hic
scissilis dici potest. Distat autem à Schisto non solum colo-
re, sed & quia non in rectas laminas scinditur, flexibiles enim
sunt & vario modo complicatae. Ejus glebæ ponderosæ &
subvirides, licet bracteæ separatae sint argenteæ: in igne pe-
remnis est, neque enim funditur, neque comburitur, neque
colorem amittit: ideo & Ellychnia ex eo complicato faciunt
perpetua, ut ex Amianto. Chimistæ tamen artificio solvunt
in liquorem, quod oleum Talci vocant, sperantes argen-
teum splendorem æri tribuere. Nam pulvis ejus Æri mixtus
ipsum dealbat: & fictilibus nitorem argenteum tribuit. For-
tè hic

tè hic fuerit Argyrodamas apud antiquos vocatus, quasi argentum indomitum cum in igne perseveret invictus. Et Argyrolithos à Chemicis vocatus diversus à Lithargyro, quavis Hermolaus hoc nomen tribuit Seleniti: nam Chemici Lunæ tribuunt argentum. Diogenianus Magnetem vocat non eum qui trahit ferrum, sed hunc tam argento similem, ut decipiat. In multis præterea saxis, arenis & terris, ejus micæ splendent stellæ modo, undè nomen barbarum desumptum videtur: nam apud Mauros Talc Stellam significat, quo nomine stellam Samiam intelligere putantur. Avicenna tamen eo nomine manifestè non terram, sed lapidem, de quo loquimur, aut Schistum intelligit. Inquit enim periculosum esse si assumatur interius, quia ejus laminæ hærent infixæ ventriculo, fauibus & gulæ. Ideò eget magna industria ut solvatur & percoletur, & propinetur cum aqua gummi: Sed ustum efficacius esse ac tenuius: ipsum verò non adurit ignis nisi cum artificio. Frigidum est in primo, siccum in secundo ordine: astringens, retinet sanguinem, prohibet abscessus mamillarum & testiculorum & quæ post aures & in partibus laxis sunt. Datur cum aqua Plantaginis ad sputum sanguinis, & fluxum menstruorum, & Hæmorrhoidarum: infunditur dyfentericis: quæ facultates convenient Schisto paulò ante explicato. Lapis quidam argenteus crustosus & fragilis in colle Petræ sanctæ, quem ignis non absunit, forte apud Plinium est Galaicos Argyrodamanti similis, paulo sordidior. Multi præterea lapides veluti armatura ab his vestiuntur, quidam aureo colore, ut Hammochrycos inter gemmas, cui videtur aurum inesse arenis mistum & quædam arenæ apud nos, aurei coloris, quas scriptores aspergunt chartis præscriptis. Ex Schisto aut Pyrite hunc colorem haberi putandum est: ut argenteum ex Talco.

C A P . L X .

Glaætites à Laæte nomen habet, quia laætum succum emittit, cum alioqui cinereus sit, & dulcis ut Dioscorides

tides tradit, conditur aqua tritus in Plumbea pixide ob vim
glutinis, quæ in eo continetur. Ex quibus colligimus cum
Plumbo affinitatem habere: nam & Cerusia candida est &
dulcis: Laudatur ad oculorum fluxiones & ulcera. Galenus
in caliditate & frigiditate ponit temperatum ob dulcedi-
nem. Plinius meminit inter Gemmas. Galactites inquit:
ex uno colore lactis est: eandem dicunt Leucogeam & Leu-
cographiam, & Synephitem lactis succo & sapore notabi-
lem. In educatione nutricibus lactis fæcunditatem: infan-
tium quoque alligata collo salivam facere dicitur, in ore au-
tem liquefcere: eandem memoriam adimere. Mittit eam
& Achelous amnis. Sunt qui Smaragdū albis lineis circum-
ligatum Galactitem vocent. Hæc Plinius. Ex eodem gene-
re est Melitites & Morochthus. Melitites quidem à melle
appellatus est, quia melleam habet dulcedinem. Est inquit
Dioscorides in omnibus Galactiti similis, sed succum dulcio-
rem parit & valet ad eadem. Plinius inquit: Melitites la-
pis succum remittit dulcem mellitumq; tusus & ceræ mi-
stus eruptionibus pituitæ, maculisque corporis medetur &
vulvarum dolores impositus velleri. Galenus huic calidita-
tis non nihil adjunxit, ideo colligere possumus aliquam vim
abstergendi habere. De Morochtho Dioscorides inquit: ali-
qui Galaxiam à Lacte scilicet appellant, aut Leucographida,
quia scilicet eo linea albæ ducuntur: in quem usum hodiè
Mathematici assumunt. In Ægypto nascitur, quo utpote
molli & facile liquefcente utuntur ad linteal dealbanda.
Vim habet obstruendi corporis spiracula, ideo confert iis,
qui sanguinem expuunt, Cæliacis & vesicæ doloribus ex
aqua potus: & fluxionibus vulvæ impositus velleri: mollibus
oculorum collyriis miscetur: explet cava & lachrymas sistit:
cum cera dicit ad cicatricem ulcera in teneris partibus. Ga-
lenus inquit: hunc minimè omnium qualitates participare,
nec astrictionem, nec morsum, nec abstersionem præseferre.
Quo circa hoc ipsum duntaxat huic lapidi inesse, quod desic-
cat: hunc quidam Moroxum, nonnulli Graphida nuncupat:

quia

quia usum calami scriptorii præstat. Plinius Meroëtem vocat inter gemmas, porraceam, quæ lacte sudat. Hodiè omnes hos lapides habemus in Ætruria, pictoribus & Mathematicis cognitos ad lineas ducendas. Reperiuntur in fluminibus devoluti ex Apennino in Lunæsi regione. Quidam cinerei, quidam nigri: alii subvirides, alii mellei coloris: omnes tactu adeò lubrico, ut peruncti videantur saponis modo: omnes succum lacteum reddunt ac dulcem, facileq; solvuntur. Qui igitur cinereo colore constat, aut nigro, Galatites fuerit: qui flavescit mellis similitudinem etiam in colore præferens, merito dici possit Melitites. Subviridis autem Morochthus. Nitet autem gemmæ instar Morochthus magis quam cæteri.

CAP. LXI.

Minium Græcis Ammion appellatur, quia ex arena quadam rubente in metallis argenti fieret, ut tradit Plinius: in Hispania reperiri, sed durum & arenosum. Optimum supra Ephesum: arenam esse Coccii colore: hanc teri, dein lavari farinam & quod subsidet, iterum lavari. Quod postea desiit, quia magni operis erat. Celeberrimum ex Sisaponensi regione in Bætica, quod non licebat inibi perficere & excoqui: sed Romam perferrebat vena signata, ibique lavabatur. Arena hæc sine argento excoquitur. Adulterari autem multis modis: esse enim alterum genus, quod secundarium vocatur, in omnibus ferè argentariis & Plumbariis Metallis, quod fit exusto lapide venis permisto, qui non rubescat nisi in fornacibus, exustusque tunditur in farinam multùm infra naturales illas arenas. Hæc apud Plinium. Dioscorides non videtur hoc distinguere quod secundarium dicunt, ab altero. Nam ubi Minium à Cinnabari distinguit, tradit Minium fieri in Hispania ex lapide quodam permisto argenteæ arenæ, qui non dignoscatur, nisi in fornacibus: inibi enim permutari in florentissimum & fla-

gran-

grantissimum colorem. Vbi autem de argento vivo agit, inquit, fieri ex Minio, quod malè à quibusdam Cinnabaris dicitur. Lapidem hunc, qui continet argentum vivum tanquam vomicam, etiam in argentum ex eo qui testatur Plinius: compertum est rubicundum esse, licet guttae argenti vivi in eo appareant sparsæ. Ex his colligere licet, Minium quoddam ex arena rubra, coninente argentum, fieri: hæc aliquando Carbunculum imitatur, unde Vitruvius Minii glebam Anthracem à Græcis appellari scribit: aliud ex lapide continente argentum vivum, ut Dioscorides testatur: Tertiū ex arena propria, in qua nullum metallum, ut Sifaponense. His addi potest quartum, Minium scilicet secundarium, quod ex sterili lapide fit, nec rubente nisi in fornacibus. Qui Minium in officinis poliunt, faciem laxis vesicis illigant, ne in respirando perniciale pulvrem trahant & tamen ut per illas spectent: Idem efficiunt & fossores in Metallis, ut testatur Dioscorides: nam strangulantem halitum emittit. Fuit autem inter pigmenta magnæ authoritatis Aristoteles 3. Meteo. in fine: id vocat Cinnabari: esse lapidem inter eos, quorum consistentia est pulvis coloratus: sic & Galenus vocat. Sed alia est Cinnabaris apud Dioscoridem, de qua egimus in Plantis. Plinius inquit, vocem esse Indicam significantem sanguinem Draconis. Ipsum Cinnabari hodiè vocant Cinabrium, sed fossile non amplius in usu, invento alio genere, quod fit ex sulphure, & argento vivo simul ustis. Hoc utuntur pictores, & quidam medici in suffumigiis ad morbum Gallicum: & Ceratis excipiunt ad ulcera maligna: habet enim vim causticam & erudentem. Minii autem nomen in Sandycem Dioscoridis transtulerunt, de qua inferius dicetur:

C A P . L X I I .

O Chra à Græcis dicta, quia luteo colore constat, pictoris in usu pro auripigmento, ut Theophrastus refert. Diosco-

Dioscorides eligendam esse levissimam & omnino luteam, saturatam, non lapidosam, friabilem & natione Atticam: ura & lavari ut Cadmiam. Vim habere astringendi, erodendi, dissipare collectiones & tubercula: reprimere exscentia in carne: cava explere cum cerato & articulorum, tophos comminuere: Quæ facultates ostendunt multum, continere de substantia metallica ignea: ideo extrinsecus tantum adhibetur. Plinius inter pigmenta vocat Sil, qui propriè limus est in metallis argenti & auri, teritur tamen, difficillime, forte ob lentorem Plumbeum, unde nasci videtur. Optimum quod Atticum vocatur: proximum Marmosum: tertium genus est Pressum, quod alii Scyricum vocant. Videtur autem aliud intelligere Sil & Ochram: De Ochra enim inquit, ex Iuba, nasci in insula maris Rubri, sed inde non adveni ad nos. Fieri autem ex Rubrica usta ollis novis luto circumlitis: ut factitium in locum nativi cesserit. At de Sile alias regiones recenset, ex quibus habebatur pigmentum pictoribus necessarium ad lumina & umbras: quod hodiè arte paratur ex plumbo usto vulgoque Giallolinum, vocat. Quod autem Rubrica usta luteum colorem acquirat, non consentit cū eo, quod scribit Dioscorides: Ochram per iustionem transire in Rubricam. Habetur hodiè Ochra proprio nomine appellata pictoribus notissima, quæ multis in locis foditur: videtur ex Plumbi fumo, qui luteus est, ortum duxisse: ideo in metallis Plumbi reperitur. Quidam inter terras reponunt, sed lapidosior est: ideo inter metallicos lapides reposuimus.

C A P. LXIII.

Chrysocolla inter pigmenta recensetur colore virenti: limus autem potius est quam lapis: humor per venam auri defluens crassescente limo rigoribus hybernis usque in duriciem Pumicis. Laudator in Ærariis metallis, proxima in argentariis: invenitur & in Plumbariis vilior etiam aura-

ria. Fieri etiam traditur cura in omnibus iis metallis multum infra naturalem illam: immisis in venam aquis leviter hyeme tota usque in Iunium mensem, dein siccatis in aestate, ut plane intelligatur nil aliud Chrysocolla, quam vena putris. Nativa duritie maximè distat, luteam vocant. Et tamen ille quoque tingitur herba quam luteam appellant. Hæc Plinius. At qua sit herba lutea incomptum est, qua etiam tusa Cæruleum tingi scribit, quod pro Chrysocolla venditur vilissimo genere & fallacilissimo. Videtur autem Plinius ex vulgata opinione loqui, cum dicat. Luteam putant à Lutea herba dictam. Verisimilius enim est præparatione floridum colorem acquirere qualis est herbæ segetis latè virentis, in quo summa est ejus commendatio: qui color Græcis χλωρός dicitur: & à quibusdam vertitur luteus, uravis χλωρίς lutea Latinis appellatur. Dicitur autem Chrysocolla quasi auri glutinum, non quia hæc in eum usum veniret, sed quia imitaretur aurifcum Chrysocollam, quæ ex Cypria Ærugine & pueri impuberis urina addito Nitro temperabatur, Santernam Latini vocant. Hujus loco hodiè quodam genere nitri utitur ad aurum glutinandum, quem Boracem vocant. De nativa Chrysocolla Dioscorides inquit: laudadissimam esse in Armenia colore porri quam simillimo. Secundo loco Macedonicam: deinde Cypriam, quo in genere præfertur pura, damnatur quæ terram aut calculos collegerit. Sæpius tunditur, lavatur, percolaturque & siccatur, donec syncera spectetur. Vim habet valenter digerendi & siccandi, carnem liquat absque insigni morsu: Cicatrices exterit: excrescentem carnem coercet, astringit & purgat: Intus assumpta vomitiones concitat & enecare potest. Eadem facultates habet aurifcum Chrysocolla, sed tenuior est quam metallica: magis desiccat & minus mordicat, commodissima ulceribus contumacibus apud Galenū. Hodiè et si in metallis præcipue æris Chrysocolla inveniatur, qualis descripta est: non tamen assuinitur in usum quemquam. Nam pictores pigmenta viridia alia ratione parant.

CAP.

CAP. LXIII.

LApis Armenus pigmentum facit, quod Armenium vocatur. Armenia eum mittit: est Chrysocolla modo infectus: optimumque est Armenium quod maxime viride est communicato colore cum cæruleo. Inventa per Hispanias arena est similem curam recipiens: Distat à cæruleo candore modico, qui teneriorem hunc efficit colorem. Hæc apud Plinium. Dioscorides inquit: Armenium præfertur lœvé colore cæruleo per quam æquabile & syncerum, friabile. Eadem præstat, quæ Chrysocolla, sed in efficacius. Amplius vim habet ad pilos in palpebris alendos. Galenus Armenia cum inquit: vim habet abstergentem cum levicula acrimonia & levissima astrictione: ideo ocularibus miscetur facultatibus & per se ad pollinis lœvorem redacto utimur sicco ad pilorum in palpebris incrementum. Sed præter has facultates Alexander Trallianus primus laudavit lapidem Armenum optimè lotum ad purgados humores crassos & melanochlicos felicius quam per Elleborum album: à quo cum acceptissent Arabes experti sunt efficaciorem quoque esse lapide Lazuli. Oportet autem eum præparare diutius terendo & lavando. Quod si non præparetur, movet simul per inferiora & superiora cum labore: at lotus per inferiora tantum & sine noxa. Configunt autem ad hoc medicamentū, ubi alia non profint. Extant & pillulæ de lapide Armeno apud Mesuem. Sed utrum hunc lapidem legitimum habeamus à multis dubitatur. Nam controversiæ ortæ sunt ex varia descriptione. Dioscorides enim colorem cæruleum ei tradit, similiter Avicenna. Plinius viridem esse prædicat, ut Chrysocolla, sed admisto cæruleo. Mesues inquit: melior est habens colorem medium inter viridem & obscurum terreum & Indum, & habet macularum distinctiones virides & nigras, & qui non est lapidosus, sed facilis dissolutu in pulvitem: & qui est tactu lenis carens asperitate. At in lapide,

qui hodiè appellatur Verdazur vulgo , quasi viridis & cæruleus, sedantur controversiæ. Nam etsi Dioscorides præferat eum, qui est colore cæruleo, innuit tamen viridem esse, cum eundem conjungat cum Chrysocolla etiam viribus: unde non mirum, esse vomitorium medicamentum ut Chrysocolla nisi optimè laretur. Color vero Indus, quem Mesues illi tradit, cæruleum significat: Indicum enim inter pigmenta est, quod diluendo misturam purpuræ cærulei q; mirabilem reddit, ut Plinius inquit. Habetur hic lapis multa copia ex Germania, ex quo pictores pigmentum Armenium conficiunt, appellantes Verdazzurrum. Lapilli sunt varii maculis aliis virentibus, aliis cæruleis, aliis nigricati bus: in quibusdam vincunt cæruleæ, quales præferre videtur Dioscorides: in quibusdam virides pictoribus magis expetiti, ut innuere videtur Plinius, optimum Armenium prædicans, quod maximè viride est. Constat igitur hic lapis ex Chrysocolla & cæruleo, utrisque vim purgandi habentibus: sed Chrysocolla periculosior est, utpote quæ ex Ære ortum ducat, & ad Æruginem accedat. Sic & Smaragdi pulvis vomitorius est: ab eodem enim principio ortum ducere videtur. Alia vero est terra Armenia, seu Bolus Armenus, licet & hic lapis quibusdam dicatur.


C A P . L X V .

Cæruleum arena est ut Plinius inquit, in auri & argenti metallis. Hujus genera tria antiquitus. Ægyptium quod maximè laudatur. Scythicum, quod facile diluitur, cumq; teritur, in quatuor colores mutatur, candidorem, nigriorem, crassiores, tenuioresque. Præfertur huic etiamnum Cyprium: Acceslit his Puteolanū & Hispaniente, arena ibi confici cæpta. Tingitur omne & sua coquitur herba: bibitq; succum: reliqua confectiona eadem quæ Chrysocolla. At quæ herba sit, qua tingitur non explicatur: ut hoc quoque fabulosum putetur, quemadmodum in Chrysocolla. Quod ex eo arguitur, quia adulterari scribit incocta viola

vioala arida & succo expreso in cretam Eretriam, sed depræhendi syncerum igne, ut flagret: ignis enim quemcunq; succum herbaceum absunt, metallicum nequaquam. Ex cæruleo præterea fit quod Lomentum vocatur: perficitur id lavando terendoq; & hoc est cæruleo candidius. De eodem inquit Dioscorides. Cyanos oritur in Ærariis metallis in Cypro: copiosior ex arena litorali juxta quosdam specus maris excavatos, qui magis probatur. Eligi debet valdè saturatus. Vritur ut Chalcitis, lavatur ut Cadmia. Vim habet reprimenter & modicè erodentem, crustas gignit & exulcerat. Galenus quoq; medicamentum asserit acri facultate tum detrahendi tum digerendi potentiore quam Cinnabari. Inneft quoque ei nonnulla astrictio. Hodiè hoc habemus inter pigmenta nobilia: appellant Azurrum ultra mari- num, quod fortè Ægyptium significat cæteris prælatum. Alterum ex Germania habetur vilius, quod Scythico vide- tur respondere. Difert autem Cæruleum à lapide Lazuli inter gemmas quamvis eandem naturam participare vide- antur, ut Smaragdus & Chrysocolla. Gemma enim non adeò copiosa est, ut specus ejus arena pleni reperiantur, ut in Cypro: præterea durities renuit, ut pigmenta ex ea fiant: quamvis sint qui testentur ex lapide Lazuli fieri cæruleum ultramarinum optimum, quod non est absurdum. Apud Serapionis interpres lapis Lazuli vocatur, qui apud antiquos est lapis Armenus: fortè ob cæruleum colorem, qui ei admistus. Vndè significatur hanc vocem Lazuli, quod apud barbaros cæruleum significat, omnibus accommodari, quæ cum colorem participant, seu gemmæ sint, seu arenæ, omnes vim purgandi habent, ut de Armeno patuit & de lapide La- zuli apud Mesuem: Sed de lapidibus hæc satis.

FINIS LIBRI SECUNDI.

DE



DE METAL- LICIS LIBER TER TIVS.

ANDREA CAESAL- PINO AVCTORE.

CAP. I.



AM ad Metalla accedamus, & ea quæ ex Metallis separantur. Prius autem eorum generationem explicemus. Vulgata est Chimistarum sententia: Metalla omnia ex sulphure tanquam semine maris & ex argento vivo tanquam menstruo coagulari. Pro differentia autem istorum principiorū diversa oriri metalla, partim quidem ex argenti vivi puritate & impuritate, partim vero ex sulphure coagulante: quoddā enim ponunt incombustibile album vel rubeum, unde argentum vel aurum fieri afferunt, quæ igni resistunt: quoddam combustibile unde fiant cætera metalla imperfecta. Inter eos autem quidam vindentes tam sulphuris, quam argenti vivi esse proprias fodinas: in Metallis autem neutrum reperiri, nisi fortè raro: dixerunt utraque principia in terream quandam substantiam converti, quæ sublimata & aquis lambētibus purgata, calore subterra-

subterraneo in Metallum transeat. Non absimilis est sententia, quam Democrito ascribunt, calcem & lixivium, seu cinerem infusum, ut alii dicunt, materiam esse Metallorum. Has sententias ex arte Chimistarum prolatas esse testatur Albertus. Alio tamen modo naturam metalla parere, quam imitari in omnibus ars nequeat. Ex propria igitur sententia idem asserit: Metallorum materiam ut omnium liquabilium aquam esse, at non simplicē, facile enim in igne metalla evanescerent: sed unctuosam seu viscosam, non tamē cremabilem, ut sulphuris, putam non fęculentam admistā terreo tenui optima permīstione, ut tangendi non adhæreat. Hanc materiam inquit coētione, non assatione perfici & in metallum converti. Non desunt, qui hanc quoque impugnent, quia pinguedo nulla reperiatur incombustibilis. Idcirco aliā rationem excogitarunt. Aqueam quidem esse metallorum materiam, paucō terreo admistam, undē perspicuitas auferratur: humorem hunc à frigore congelari & in metallum verti. Sed admodum frigida est ratio. Quid enim non aqua & terra constat mistorum, qua hic sunt? Præterea qua ratione lapidum perspicuorum generatio distabit apud eos? ponunt enim aquam esse à frigore congelatam. At verò neque lapides opaci & fusibles distabunt à metallis. Amplius nullus humor aqueus frigore densatus ductilis est, sed fragilis, ut glacies. At metalla ductilia sunt & præssilia. Melius igitur Albertus humorem pingue posuit, non frigore, sed calore addensatum: sic enim multos succos videmus post eorum incrassationem præssiles esse, ut lac plantarum succi. Sed tamen à Peripatetica disciplina & ipse recedit, neq; solū ipse, sed quicunq; humorem materiam ponunt seu à calido, seu à frigido condensatum. Quod videntur etiam intellectisse, qui calcem & lixivium, seu cinerem infusum dixerunt. Si enim humor aliquis esset qui incrassetur: in fodinis metallorum veniret aliquando in conspectum non adhuc densatus, aut non integre: nullibi tamen hoc apparet. Præterea possimus per ampliorem decoctionem corpora mollia, ut Plumbum, & Stan-

& Stannum indurare, quod non contingit: nam in igne aut totum evanescit in fumum, aut relinquitur quiddam, quod metallum non est, ut Scoria: siquid autem remanet in forma Plumbi aut Stanni, eandem mollietatem & fusionis modum habet, ut prius. In eadem difficultatem inciderunt, qui conati sunt argentum vivum coagulare per decoctionem: non enim ad id pervenire potuerunt, ut contingere videmus in cera, resinis liquidis & succis. Relinquitur unus modus ab Aristotele positus 3. Meteo. cap. ult. quem aut non animadverterunt posteriores, aut non bene intellectum audactius reprobaverunt quidam. Verba Aristotelis in hunc modum habent: Facit autem hæc omnia exhalatio vaporosa inclusa & maximè in lapidibus propter siccitatem in unum coarctata & coagulata, veluti ros aut pruina, cum segregata fuerit: hic autem antequam segregetur, generantur hæc. Quo loco per siccitatem, exhalationem sicciam intellexit, quæ est coagulationis causa in Metallum. Vult igitur Aristoteles quemadmodum fossilia omnia ab exhalatione fumosa fiunt, ut superius explicatum est: sic metalla omnia ex vaporosa ortum ducere: humiditas enim prævaleret, cum fossilia sint aut ductilia. Modum autem generationis hunc esse: ut vapor subterraneus inclusus præterit in lapidibus, propter siccitatem, id est, sicciam exhalationem, quæ sursum ducebatur, coarctetur in unum & coaguletur veluti ros & pruina in minimas scilicet guttas: quod profectò sine frigiditate non fit: sed hæc differentia est, quod in rotis & pruinæ generatione, separatur dicta siccitas, quæ sursum ducebatur: at in metallorum ortu, segregatio illa nō fit, simulementum compræhenditur siccæ exhalatio. Nam antequam vapor qui erat potentia aqua, verteretur in aquam actu, coagulata exhalatione vertitur in metallum: quod fieri nequaquam potuisset, si jam transiisset in aquam: ex aqua enim tum simplici tum aliquid passa, ut humores, non fit metallum, ut superius patuit. Fit autem id sub terra, & in lapidibus magis, quia exhalatio fumosa minus separatur in loco angusto. Apprehensus igitur hujus-

hujusmodi spiritus & coagulatus simul retinet vaporem sibi uniformiter conjunctū, eumq; indurat, ante quam in aquam vertatur. Ideò non adhæret tangenti, neque madefacit: aërea enim humiditas non bibitur à terra, ut aquea, neq; madefacit. At in locis patentibus evanescere spiritu vapores derelicti à calido, in aquam vertuntur. Hinc fit, ut omnia metalla præter aurum comburantur: habent enim siccā exhalationem, adeò ut quædam flāmam edant sulphuream, ut Æs: aurum autem solum non combustitur: post ipsum argentum: Quoniam sicca exhalatio quædam incombustibilis est, ut ea, ex qua sales gignūtur. Hæc Chimici intellexisse videntur, cum scribunt: argētum vivum, id est, vaporem coagulari odore sulphuris, id est, à modica quantitate exhalationis siccæ, quam duplē statuerunt, appellantes unum sulphur comburens, alterum incombustibile: Vbi igitur minima ejus portio appræhensa fuerit, eaque combustibilis, argentum vivum fit, quod liquidum est & facillimè evolat in igne, nihil enim habet quod resistat, ne iterum exhalet. Vbi verò major ejus portio appræhenditur, ut soliditatem præstat, sed majori ex parte sit combustibilis, metalla fiunt mollia, ut Plumbi genera: pinguedo enim exhalationis facilem præstat fusionem. Quæ autem exhalationem sortita sunt magis incombustibilē, hæc difficilius funduntur, ut corpora dura, æs, ferrum, aurum, argentum. Incombustibilis enim exhalatio non patitur sui rarefactionē. In ferro igitur maxima est hujusmodi portio, quæ & crassissima est: ideo inter illiquabilia aliquando ponitur ab ipso Aristotele. Si autem ferro addatur sulphur, facile funditur, ut patet experientia. In Ære plus inest exhalationis combustibilis, ideo flammam edit & facilius funditur quam ferrum. In auro & argento exhalatio in minima quantitate est, eaque aut omnino incombustibilis, ut in auro, aut paulo minus, ut in argento. Hæc enim ob paucitatem non difficilem reddit fusionem: quia verò incombustibilis est, in igne plus resistunt quā cætera metalla, ne evolent. In combustionē autem metalorū,

si quid relinquitur, incombustibile est, ut scoriæ appellatae, quæ fusionem patiuntur: ut vitrum, vaporosa enim exhalatio siccitati optimè admista fusionem præstat, siccitas autem frangibile reddit corpus. Ideo Scoriæ fusibles sunt, non ductiles. Quod autem roris aut pruinæ modo fiat exhalationis condensatio in metallum, illud indicio est: quia in fodinis metalla non reperiuntur coagulata in molem ingentem, sed aut sparsim nūnus granis intra terram, aut in tenuissimas bracteas composita, quod in vena ferri maximè spectatur similitudine lapidis Schisti. Nam ob materiae exiguitatem, celeremq; coagulationem, glutinari nequeunt in massam insignem, ut contingit aquæ pluviae, sed aut corpuscula admodum minuta consistunt glebam constituëtia magis & minus lapidosam: aut in latitudinem quandam uniformiter distensa coagulantur secundū tenues crustas coamentata, quia altera materia adveniens hærere quidem potest crustæ coagulatæ, glutinari autem illi nequit: hoc pacto laminosum corpus fieri necesse est. Pilorum autem instar fibrosum in metallis minus reperitur, sed magis in fossilibus, ut alumini scissili & Amianto lapidi contingit: emanant enim hæc ex radice quadam ut situs efflorescens. Quod aliquando in argento & auro vidimus, cum artificio per argentum vivum sublimantur, ascendit enim ex massa capillorum modo substantia vasculis adhærens. At generatio metallorum non ex sublimatione metallū fit, sed ex exhalatione prædicta ab juncta à corpore unde nascitur in profundis terræ. Quod vero scribunt massam aliquādo insignem auria aut argenti, aut aliorum metallorum in fodinis repartam esse, id fit ob materiae abundantiam, quæ tota simul coagulata molem hujusmodi constituerit, sed id raro contingit. Raro etiam purum metallū in fodinis reperitur: frangibile enim est, non ductile ob lapidosæ substantiæ admitionem, quæ in igne fundente separatur in Scoriā: purgato interim metallo ab alienis substantiis admistis. Vnde quis merito dubitare possit, utrum à natura an arte metallum gignatur: eget enim

enim artificio, ut etiam vitri confectio. Sed ars separat tantum quæ à natura condita sunt: efficere autem nequit metallicam substantiam: quod fortè idem contingit in vitro, extrahitur enim liquor hujusmodi ex lapidibus illum continentibus. Purum tamen aliquando metallum repertum esse in fodinis testantur. Quid enim prohibet, separationem terreæ substantiæ quam facit ars, sponte aliquando fieri à natura? De generatione igitur metallorum in communi hęc dicta sint.

C A P. II.

Divisio autem eorum summa est in liquabilia & ductilia. Liquabilia ut Plumbum, Æs, Aurum & cætera, ferro excepto: hoc enim illiquabile ponitur, licet excessu ignis liqueatur cuius causam attulimus: sed ductile est, undē reponitur inter metalla, cum alioqui illiquabilia ponantur inter siccora 4. Meteo. cap. 6. Quod igitur liquabile tantum est, non ductile inter metalla stannum reperitur: Ductile autem non fusile, solum ferrum. Ductilia simul & fusilia, cæterā metalla. Omnia autem humidiori materia constare necesse est. Non enim in igne funditur nisi humidum à frigore congelatum: nec malleo ducitur nisi molle, hoc autem ad humidum pertinet. Sed merito quis dubitabit, propter quid non omne liquabile etiam ductilie sit & è converso cū utraq; affectio ab humiditate fiat? Dicendum est liquabilia esse, quæ potentia humida sunt, sed aëtu sicca, ut glacies. At ductilia sunt quæ aëtu aliqua ex parte sunt humida, non omnino humida, aut sicca. Nam neque aqua ductilis est, neque lapis, sed utraque frangibilia sunt. Vitrum igitur & glacies liquabilia quidem, quia humiditatem habent à frigore congelatam: at non ductilia, quia aëtu omnino sicca sunt. Argentum autem vivum fragile est ut aqua, ideo & metalla, quibus jungitur reddit fragilia. Idem efficit Stannum: nam si Æri admisceatur, aut Argento, fractionem af-

Y 2 fert.

fert. Ductilia autem sunt cætera metalla, quia in coagulatione non ex toto reddita sunt sicca, sed mollities quedam magis & minus relicta est. Ideo ferrum quo durius est eo minus ductile, ut patet, quando in Chalybem convertitur per iteratas fusiones, si presertim in succis quibusdam astringentibus extinguitur: fragile enim redditur, neque ductile fit, nisi igne mollificetur. Quomodo autem sub hac divisione contineantur omnia corpora metallica, tam venæ metallorum, quam quæ ab ipsis egrediuntur ut Scoriæ & quæ similem naturam habent, ut vitrum, superius explicatum est. Omnia enim hæc dominantem habent vaporosam exhalationem, ideo inter ductilia sunt aut fusilia. Metallorum autem species quidam septem ponunt secundū numerum Planetarum, à quibus exortus principia duci creduntur: Vnde Chimici nominibus Planetarum singula appellant, ascribentes Saturno Plumbum: Iovi Stannum: Marti Ferrum: Soli Aurum: Lunæ Argentum: Veneri Æs: Mercurio argentum vivum. Imitati Platonicos, ut Ficinus testatur in Critia: sed quibusdam mutatis. Nam Iovi Electrum tradunt: Marti Æs & Ferrum: Mercurio Stannum: eximunt autem argentum vivum è numero metallorum. Alii sex tantum esse metalla: duo perfecta aurum & argentum, quatuor imperfecta, quorum duo dura sunt, Ferrum & Æs: duo mollia Plumbum & Stannum. Argentum vivum non adhuc metallum esse sed in quodcunq; mutari posse, si congeletur. At hoc opus, hic labor est. Ponitur enim ab Aristotele incoagulabile. Quod si hoc verti nequeat in metalla, quorum putatur esse materia, multo minus ipsa metalla invicem transmutari possunt, nisi vertatur in materiam utriusq; communem. Oportet igitur tam metalla, quam argentum vivum revolvere in vaporosam exhalationem, ex qua facta sunt & fumosam uniuscujusque, ut iterum perficiantur. At id impossibile esse ipsimet Chimistæ fatentur. Quod enim natura calore cælesti sublimando perficit in visceribus terræ, non potest artifex calore ignis in vasis exiguis imitari. Ideò quidam ex iis

ex iis aliam rationem excogitarunt, ut ex Metallis jam natura conditis elicerent id quod perfectum est in ipsis. Putant autem in omnibus contineri aurum & argentum, sed latere ob impuritatem admistam in metallis imperfectis. Ut igitur hanc eliciant & de commisto separant, medicamentum componunt, quod projectum super illa in fusione, id præstet. Quoniam verò attractio non sit nisi inter similia, ideo innuunt obscuris tamen verbis, ut solent medicamentum id fieri ex auro ad extrahendum aurū, & ex argento ad argentum. At vero experti eā in sua crassitie minus penetrare in profundum eorum quibus commiscentur, varia adhuc articia ad attenuandum, partim coquētes cum argento vivo, cujus natura est pervadere in profundum metallorum, partim cum aquis acutis ex salib⁹ & aluminibus, variisq; ingenis lapidem constituere profitentur rubrum aut albū, fusibilem ut cera, ingressivum in metalla & tandem purgativum ab omni impuritate id quod inest in ipsis, auri aut argenti colorem addendo, & pondus & cæteras conditiones perfectorum. Verum etsi reperiantur aliquando in fodinis metalla mista cuiuscunque generis, non tamen post eorum separationem quæ artificio sit in fornacibus, remanere semper alterius mistionem verisimile est. Hoc enim esset secundum Anaxagoræ opinionem putare in unoquoque cætera inesse & nullum dari simplex corpus separatum. Inanis igitur est eorum labor, qui tentant extrahere aurum & argentum ex iis corporibus, in quibus non est. Delusi autem sunt à variis eorum pigmentis, quibus aliqua ex parte veluti palliantes imperfectorum metallorum fordes, putant se extraisse ab iis aurum & argentum. Sed cum in eorum profundo materia adsit combustibilis & impura nequaquam tollerare possunt quodcunq; examen, aut igne factum, aut per succos acutos erodentes eorum substantiam. Sed nostrum non est eorum ineptias redarguere. Ideò institutum persequamur. Illud contemplatione dignum est, omnia metalla quamvis ex vaporosa exhalatione constant, pondere tamen vincere omnia

omnia corpora, tam lapides quam terram ipsam omnium gravissimam. Nam fusis metallis omnia alia supernant, ut aquæ oleum aut lignum. Quod argento vivo maximè contingit: nam illi etiam omnia reliqua metalla supernant excepto auro. Auget admirationem ejus natura aërea, ponitur enim ab Aristotele inter ea, quæ plus aëris habent,
4. Meteo. cap. 8. nam facillimè evolat in fumum, quod significat, id maximè ex exhalatione constare: ideo Chimistæ inter spiritus connumerant. An corpora tenuia & humida in unum & angustum magis compingi possunt, quam crassa & sicca? sicca enim non invicem glutinantur in unum: crassa vero difficiliter penetrant in angustum. Quando autem multa materia gravis in unum compingitur, gravis redditur, quam ubi pauca: tanta enim est gravitas, quanta est materia, ut tanta est albo, quanta est superficies. At metallorum materia cum vaporosa sit, utrumq; possidet, tenuis enim est & humida. Patet autem experimento. Nam aurum gravissimum omnium, simul & tenuissimarum partium: duci enim potest in bracteas adeo tenues, ut evolent in auram. Nec mirum vaporem utpote aëreum levem esse, gravitatem autem acquirere in metallū generatione amplioremi quam aqua: nam ab exhalatione sicca alteratus conditiones terræ acquirit, graviorq; fit ipsa terra, quia humiditatem actu retinet, qua ductibilitas oritur & tenuissimarum est partium. Talis est humiditas metallica omnium gravissima, non adhærens tangenti, nec madefaciens ut aqua: nulli alii similis: non enim aqua est neque ex aqua, sed erat potentia aqua antequam metallum fieret. Ideo benè à Medicis omnia Metallica terræ species appellantur, etiā ipsum argentum vivum: & omnia vim exsicandi habent. Sed jam singula explicemus exorientes à perfectioribus: ultimè quæ ab illis egrediuntur, perquiremus.

C A P. III.

AVrum cæteris metallis prælatum non ob colorem flavum, quia clarior in argento videtur & longius fulget: nec pondere, aut facilitate materiae, quia in utroq; vincitur à Plumbo, ut Plinius putat. At contrarium apparet, si utraque projiciantur in argentum vivum: Plumbum enim supernatat, aurum solum mergitur, gravissimum igitur omnium. Sed pefectionis signū est quia solum inter metalla in igne nihil deperdit, durante materia etiam in incendiis, rogisque. Quinimo quo sèpius arsit, proficit ad bonitatem. Præterea quia usu minimum ejus atteritur, cum aliis Metallo lineæ producantur & manus sordescant decidua materia. Hinc anuli aurei, cum primum è ferro instituti fuissent à Prometheo, tantum in signum vinculi, sed postea successerunt aurei in signum bellicæ virtutis apud Romanos, aut etiam dignitatis gratia publicè dabantur iis, qui legati ituri essent ad extereras nationes. Nullum præterea aliud latius dilatatur, aut numerosius dividitur: una enim uncia in septuagenas & quinquagenas, pluresq; bracteas quaternum utroq; digitorū sparguntur apud Plinium: sed hodiè drachma quinquagenas sex digitorum facit apud Aromatarios. Ideo legendum puto apud Plinium: Septingentas & quinquagenas. Apud Pictores autem triplo numerosiores & tandem tenuissimas ejus bracteas argento substrato eosq; dilatant, ut color tantum non substantia videatur remanere, quibus inaurant æs, ferrum, ligna, marmora. Dicitur quoq; eadem ratione in filum tenuissimum, quod stamini circumductum & per se sine stamine texitur. Accedit substantiae incorruptibilitas: solum enim nullam contrahit rubiginem, nec squalorem, adeò ut contra salis & acetii succos rerum domitores constans perduret. Id autem contingit tantum in auro purissimo, nam impurum floret quidem, sed cæruleum amænissimum. Vna tantum res est, quæ veneni mo-

do

do ipsum corrumpere videtur: hoc est argentū vivum: nam quamprimum illud tetigerit, permeat intus, frangit & tandem in pulverem convertit, nulla auri specie apparente. Sed in igne resurgit pulchrius quam prius. Hæc igitur indicia sunt nobilitatis substantiæ, ut merito præciosissimum habeatur. Ejus autem vena, undè excoquitor varia est: nam vel in fluminum arenis reperitur, quod genus perfectius est, cursu ipso & tritu perpolitum, in quorum numero Padus est Italizæ: in montibus enim abradi ejus micas tenuissimas unā cum lapillis creditur: aut exhalationes subterraneæ in ipso cursu aquarum purgatae, lapillisque hærentes in aurum convertuntur. Aliud genus effoditur puteis aliquando summa tellure inventum, inhæret autem glareæ marmoreæ in Hispania: at in Oriente Sapphiro, quem lapidem Lazuli vocari diximus: & Thebaico, aliisque gemmis. Tertia ratio est excavatis montibus cuniculis per magna spatia actis ad lucernarum lumina. Vena enim propria in fibris saxonum continentur præcipue ubi Silex fuerit, duriores enim lapides amat. Testatur Albertus eandem auri fibram visam per Silicem transiuntem, degenerasse in argentum cum ad aliud genus lapidis molioris rarerisque pervenisset. Ex quo colligit magnam vim loco inesse ad generanda metalla, cum ex eadem materia diversa corpora ob id fiant. An tenuior exhalatio, quæ in aurum convertitur, exhalat facilius & evanescit in lapide rario? crassior autem cæteris metallis propria non penetrat in lapides densiores? Quamvis autem excoqui venam oporteat, ut perfectum aurum eliciatur, repeiri tamen tradunt in metallis perfectum, quod igne non egeat. Factum quoque aliquando aurum ex auripigmento in Syria pictoribus effosso, sed tam parva quantitate, ut magis esset dispendium. Auro omni argentum inesse testantur vario pondere, alibi dena, alibi nona, alibi octava parte. Cui quinta pars est, Electrum appellatum est, cui maxima authoritas apud antiquos & quia clarus splendet quam argentum ad lucernatum lumina: & quia nativum venena de-

præhen-

præhendit: nam in calicibus discurrunt arcus cælestibus similes cum igneo stridore. Quod vero aurum purum est & ab omni argento separatum, Obryzum appellatur, quod igne depræhenditur, si rubeat colore quo ignis. Cum enim ignitur & funditur, rubedinem fulgentem, ignis modo acquirit. Difficillimè quoq; acceditur. Est & alterum sine igne putum, quod Apyron appellatur, quale Arabicum esse traditur: cætera argentosa Græcis leuca appellata. In medicinis usurpantur auri bractæ, quæ folia appellantur, ad cordis palpitationes cæterasq; ejus imbecillitates præfertim ab atra bile ortas: nam Arabes vim latificandi illi tribuunt. Sua enim frigiditate repellit à corde pravas fluxiones. Siccitate autem ac substantia incorruptibili tuetur, ne putrescat. Chimici promittunt ejus solutionem, ut poculentum fiat, cui vires tribuunt adversus omnem morbū: reficere omnes corporis imbecillitates & in juventute conservare: cum tamen aurum ostensum sit à nullo solvi, præterquam ab argento vivo, quod venenum est. Quamvis autē ponatur in aquis acutis, quas aurifices parant ad separandum aurum ab argento: non tamen in liquorem solvit: tantum dividitur in partes insensibiles, quæ iterum siccatis aquis glutinari possunt in pristinum corpus. Tanto igitur minus solvetur ab aliis aquis quæ vim erodendi non habent. At ejus pulvillus ab omni aliena substantia ablutus, ut potè tenuissimus, ex quoctinq; liquore assumi potest quo modo potabilis redditur. Qui vero putant aurum elixando qualitatem auream juscules communicare, inanem operam moliuntur. At extincione ejus fortè aliqua virtus imprimi possit in liquoribus, sed ea potius ex igne erit, quam ex auro. Cauterium tradunt ex auro ignito factum, non excitare bullas & ulcus citius ad cicatricem perduci. Plinius experimentum quoddam probabile afferit: Iubet aurum torrefieri cum salis grumo trīplici pondere & rursus cum duabus salis portionibus, & una lapidis Schisti: ita enim virus tradit rebus unà crematis in fictili vase ipsum purum & incorruptum, utitur autem

reliquo cinere cum aqua ad Lichenas & fistulas & Hamorrhoidas, atque alia. Aurum pollere tradit contra maleficia applicatum, inesse tamen ipsi superlato vim maleficam.

C A P. I I I I.

Argenti paulo infirmior est natura, nam in igne aliquid deperdit, licet modicum & à Sulphure comburitur, si illi fuso admisceatur. Et super vapores acutorū expuit suam rubiginem, difficulter tamen, quæ cærulei coloris est amæni, pictoribus charior cæruleo ultramarino dicto. Lineas autem dicit ex se nigras, ideo manus inficit. Dilatatur malleo in amplam latitudinem, sed minus quam aurum, quia durius est & crassius. Eodem quoque levius est & Plumbo: nam fusum illis supernatat olei modo, quibus rationibus discedit ab auri perfectione, sed cæteris longè præstat. Nam splendore & candore omnia vincit. Dilatatur & texitur ut aurum, aliaque opera ex eo similiter fiunt. Vena, unde excoquitur, non nisi in puteis reperitur nulla sui spe, ut Plinius scribit, nullis enim scintillis lucet, ut aurum. Nam terra est alia ruffa, alia cineracea, sed hoc in Hispania. Alibi enim lucentibus scintillis reperitur, ut in Germania tradunt & in Ætruria vidimus Seravitæ. Laudant autem fossores eam, cui minutissimæ sunt scintillæ. Item quæ in lapide cando & Plumbo reperitur, aut quæ soluta est in superficie terræ, sed hæc minus splendet, quam reliquæ. Non laudant in lapide duriori, aut ubi Pyrites aureus mistus est, sterilior enim reperitur. Vbi Pyrites candidior, rarior & minutior, majorem spem præbet. Albertus Magnus optimum argentum nasci tradit molle sub terra, ut spissæ pultes, quod tamē aëri expositum siccatur & congelatur, funditurque in optimum argentum, sed huic admistum est argentum vivum. Minium quoque, cuius vomica est argentum vivum, excoqui in argentum testatur Plinius. Reperitur & carbunculo similis: quod genus Minii Vitruvius Anthracem vocat. Tradunt

dunt in Germania repertas esse in fodinis argéti massas, quæ ope ignis non indigeant: quarum una gloriatur Dux Saxoniæ, ea forma genita ut pro mensa ejus usus sit. Quemadmodum autem cum auro ut plurimum conjunctū est argentum, sic cum argento Æs & Plumbum, aut argentum vivum. Non potest autem excoqui argentum, nisi cum Plumbo aut vena Plumbi: nam ejus auxilio purgatur. Odore ex argenti fodinis omnibus animalibus noxius est, præsertim canibus ut testatur Plinius. Arabes etiam argentum assumunt in medicamenta. Laudant enim ejus scobem ad cordis palpitationem, facultate scilicet refrigerandi & siccandi.

C A P . V.

AES imitatur colore quidem aurū, si enim ejus rubedo modicè diluatur, aurichalcum fit auro simillimum. Substantia autem tractibili & fusionis tarditate argentum, expectat enim ignitionem antequam fundatur. Differt autem ab utrisque, quia ignium examen non tolerat, sed comburitur universum, undē significatur multūm continere exhalationis combustibilis, nam præ cæteris odorem & flammatum sulphuream reddit. Præterea madefactum facilimè contrahit suam rubiginem, quæ Ærugo dicitur colore viridi, quod imperfectam mistionem significat exhalationis adusta cum vaporosa: humore enim non solvit, nisi quod unctionem passum est. Eo Chimistæ facile adulterant aurum & argentum. Tingitur enim argento vivo, aut arsenico, aut Talco in speciem argenti, præcipue addita aliqua portione argenti: Cadmia autem in speciem auri, quod Auri-chalcum vocant, vulgo Ottone. Tradit Plinius etiam à natura fieri aurichalcum, quod ob præcipuā bonitatem admirationem obtinuit, sed postea desit. Effoditur æs multis locis, sed non eadem bonitate. Quondam primum obtinuit Cyprium, quod Palladius Cuprinum æs appellat, undē apud barbaros Cuprum assumptum est pro Ære. Postea alia

multa huic prælata sunt partim à dominis metallorum appellata, ut Salustianum, Livianum, Marianum: partim à loco, ut Cordubense, quæ naturalia erant. Alia laudata sunt ex artificio officinarum, ut Corinthium, quod in ejus urbis conflagratione repertum est à fortuna mistum, postea ab artificibus imitatum, omnium nobilissimum propter colorēm. Quoddam enim argenteum videtur, quoddam aureum, quoddam locinoris imaginem imitatur, undè Hepatizon appellatum est. Alias laudatum fuit Ægineticum & Deliacum, ex loco ubi erant ejus officinæ. Mifturæ quoque ejus diversæ repertæ sunt ad diversos usus, undè & Æris cognomina multa. Nam quoddam Coronarium appellatum est, quia dilatatum in tenuissimas laminas & felle tinctum speciem auri prebet in Coronis histrionum: cuius exemplo hodiè appellare possemus id quod vulgo appellatur Oroscrillo, ad ornatum solum in usu. Aliud Caldarium, quod tantum fusile, sed malleo non extensibile, quoniam frangitur. Aliud Ollarium, quia Ollæ ex eo fierent: Aliud statuarium: aliud Formale, quod ex miftura eum colorem contrahebat, quem Græcanicum vocant. Præcipue autem Stannum Æri admiscent, ubi opera fusoria sunt, sic enim facilius decurrit, & facilius recipit signa: quam miftionem hodiè appellamus Bronzo, ideo nullum malleo extensibile ob Stanni miftionem, quod fractionem præstat. In præcio hoc fuit quondam ob statuas & signa & vasæ, candelabra & templorum valvas, ac limina: quorum exempla hodiè Florentiæ videri possunt in templo S. Ioannis Baptistæ: & Pisis in Æde Episcopali. Similis miftura hodiè expetitur ad tormenta bellica, quas Bombardas vocant & ad Tintinnabula, quas Campanas appellant. Quod autem in igne ab omnibus vitiis purgatum est, Regulare appellatur. Aera extensa rubiginem celerius contrahunt, quam neglecta, nisi oleo perungantur: servari autem ea optimè tradunt in pice liquida, qua fortè obducta sunt Emblemata illa Imperatorum, quæ adhuc tot annis condita intra terram, eruuntur illæsa. Excoquitur autem

autem $\text{\textit{Æs}}$ ex vena propria, quam Galenus aliquando terram, aliquando lapidem appellat, coloris purpurei interstinguentibus lineis viridibus, ut Metallici notarunt. Plinius hunc lapidem Chalcitum vocat, in Cypro, ubi prima fuit $\text{\textit{Æris}}$ inventio: ex quo eruditur $\text{\textit{Ærugo}}$ Scolecia & ipsum $\text{\textit{Æs}}$ coquitur. Alium præterea esse lapidem $\text{\textit{Æros}}$, quem vocant Cadmiam cuius celebritas in Asia & quondam in Campania, tandem in Bergonatum agro extrema parte Italæ: in Germania etiam repertum. De quo inquit: Ipse lapis ex quo fit $\text{\textit{Æs}}$, Cadmia vocatur fusuris necessarius, medicinæ inutilis, qui in fornacibus aliam dat Cadmiam, quam medici querunt. Distat Chalcitis ab hujusmodi Cadmia, quod illa super terram ex subdialibus petris cæditur: Chalcitis ex obrutis mollis natura, friabilis, ut videatur lanugo concreta, & continet tria genera: $\text{\textit{Æs}}$, Misy & Sory. At de hujusmodi lapidibus dictum est superius in Pyrite & Chalciti. $\text{\textit{Æs}}$ in medicina multiplicem habet usum, præsertim ad ulcera sananda. Intra noxius est ejus usus: ob id abdicantur ænea vasæ tum ad esculenta, tum ad pocula, nisi illata fuerint Stanno: nam cum facile æruginem fundat, noxias inducit graves: Elephantiasim, Cancrum, dolorem Iocinoris & lienis: præsertim si vasæ acidos succos contineant, aut vina dulcia: eoque magis, si moram in illis traxerint, amare cunct enim. Testantur Arabes: si vasæ æneum superponatur piscibus fricis adhuc calentibus, eos infici, ad eo ut instar veneni lethales reddantur. Quod si æra illinatur Stanno cohibetur æruginis virus. Pro ulceribus autem uritur $\text{\textit{Æs}}$ diversimodè: ut Dioscorides docet: vel cum sulphure tantum, aut addito alumine, aut per se solum. Optimum æs usum conficiebatur in Aegypti Memphide, deinde in Cypro: cuius notæ sunt: ut sit rubrum & attritu colore Cinnabaris imitetur: nam nigrum plusquam decet exustum est. Hodiè in Hispania conficitur, appellant autem Feretum, sed nigrum est, inficit nigredine, ideo utuntur ad capillum denigrandum. Habet autem acrimoniæ cum astrictione

etione conjunctam, sed si laretur, optimum sit medicamen-
tum ad cicatrices inducendas.

C A P . V I .

Ferrum vilissimum omnium censetur, quamvis vita hu-
manæ sit maximè necessarium, quia robustissimum est.
Ignobilitas tamen significatur, primum ob fusionis impotē-
tiā, significat enim multum continere exhalationis siccæ
atque admodum crassæ & terrestris. Deindè ex colore livi-
do materiae impuritas significatur: facillimè quoque contra-
hit suam rubiginem & in pulverem tandem vertitur. In
examine tamen ignium diutius perdurat, quam reliqua im-
perfecta, quia multam habet terram incombustibilem. Pur-
gatum vero accedit maximè ad argenti albedinem, vocatur
que Chalybs & Stomoma Græcis, à Latinis autem acies, vul-
gò Accialo. Cujus perficiendi rationem docet Aristoteles
4. Meteo. cap. 6. Ferrum enim igne vehementissimo fundūt,
ut fluat sicut reliqua metalla: in quo opere separatur multa
Scoria, redditurque ferrum purius, ac durius, quod cum
sæpè efficerint, fit Chalybs. Sed quia ob vim ignis multum
ab eo abscedit, undè corpus minuitur, non curant ultimam
ejus perfectionem, præsertim cum tandem reddatur inutilè
operibus, nam sit frangibile: operibus autē est commodius,
quod minus purgatum est. Durius quoque redditur aqua-
rum ratione, in quibus extinguitur postquam ignitum fue-
rit: extant autem aliæ aliis præstantiores. In Italia Comum
ob hujusmodi aquam est nobilitatum. Ferrum enim ibi a-
quarum vi optimum paratnr: variis quoque succi excogitati
& medicamenta, quibus loricas, enses, aliaque instrumen-
ta sæpius extinguunt, ut robustiora fiant adversus omnes
ictus & durissima quæque scindant, & gemmas insculpant.
Albertus ad id laudat succum Raphani adjunctis lumbricis
terrestribus. Ferri differentiae in mollitie & ductibilitate,
quod syncerum est, magis probatur. Admixtum cum Ære
aut

aut Stanno agrestius redditur, operibus fragilior & difficultioris fusionis. Vena ejus copiosissima est in Italia: ob eam nobilitata illua Tyrrheni maris insula, incredibili copia etiam nostris temporibus eam dignens: nam terra quæ eruitur, dum vena effoditur, tota procedente tempore in venam convertitur. Laudant candidorem & quæ Rubricam habeat admittam dominant luteam nigram. Quædam minutis scintillis aut veluti bracteis lapidis scissilis modo composita est, glebofa, quæ magis probatur. Alia lapidosa, in qua tanquam in radice angulosi lapilli aliquando visuntur, splendidi, de quibus diximus in Hæmatite. Illud mirum: venam sine multo labore fundi, ut ferrum aquæ modo decurrat, ipsum autem ferrum non posse nisi aucta vi ignis. Quod ostendit in igne deperire multum de ejus humiditate fusionem præstante. Si autem sulphur aut Stibium admisceatur, minimo labore funditur. Ferri natura est exsiccare astringereque. Candens extinguitur saepius in aqua aut vino adversus cæliacam passionem, dysenteriam, choleram, stomachi dissolutionem & lenenosos apud Dioscoridem: prodest humiditates exsiccando & astringendo. Ad hæc præstâda efficacior est Chalybs. Sunt qui hujus scobem in vino generoso infundant, quod multis diebus propinant jejuno ventriculo, ut statim a potu deambulent, adversus magnas Hepatis aut Lienis obstructiones: aut ipsammet scobem cum Diarhodon aut cum Hierâ exhibent pondere scrupulorum quinque: sed tutius est in minori quantitate sumere, præsertim si præparetur, ut jubent cum aceto, nam in rubiginem convertitur, quæ malefica est.

C A P. VII.

Plumbum quamvis apud Latinos in duo genera distribuatur, nigrum & candidum, ut inquit Plinius, apud Græcos tamen Molibdos nigrum significat, quod nos simpliciter Plumbum vocamus: Cassiteron autem candidum, quod vulgo Stannum dicimus: Quamvis hoc nomen Plinio aliud

aliud significet. Non convenient autem nisi int mollitie & fusionis celeritate: in cæteris valde distant, ut patebit. Nam Plumbum gravitate aurum imitatur, nullumq; sonum edit, ideo mutum vocant. Ejus albedo admodum livida est, unde color Plumbeus dicitur de iis, quorum virtus emoritur. Peculiare huic, quod derelictum fertilius revolvit, crescit enim imbribus: unde Chimistæ argumentū sumunt, etiam aurum & argentum augeri posse. Sed illud magis admiratione dignum est, quod ustum in fornace, donec cinis fiat, crescit ejus pondus octo aut decem pro singulis centenariis ut Metallici testantur. An idem lateribus in fornace coctis contingit? nam & hī graviores post asfationem redduntur: cum tamen oppositum debuisset fieri, absunta multa eorum substantia in igne. Sed in locum deperditæ substantiæ accedit fuligo ignis, quæ adhærens lateribus in poris condensatur: simili modo & cineribus Plumbi, unde pondus augetur. Id vero magis in Plumbi ustione fit, quia in furno, quem Reverberi vocant, reflectitur flamma super cineres, ibique suam fuliginem reponit. Hujus signum est: quod si iterum cinis fundatur vertitur quidem in Plumbum, sed admodum diminuta mole, reliquum in recrementum transit. Ustione igitur non augetur Plumbum, sed minuitur. At imbribus augetur, ut in tectis Plumbeis resarcitis experimento compertum est: & Galenus testatur, Plumbea statuarum vincula crevisse & quædam adeo intumuisse, ut ex lapidibus pendenter instar glaciei: contingere id inquit ob aëream substantiam, quam continet cum aqua. Si enim condatur in ædibus subterraneis aërem turbidum habentibus, situm contrahere. Oportet igitur Plumbum exhalationem siccari & ustibilem habere multam, quam aëream substantiam Galenus vocat: hæc igitur in locis humidioribus vaporosam exhalationem Plumbo hærentem coagulat, efficitque veluti sorde circa Plumbum, unde augetur ejus substantia. Non contingit autem id cæteris metallis, quoniam aurum quidem & argentum non habent exhalationem ustibilem:

Aes

Aes autem & ferrum plus habent de combusta exhalatione, quæ non amplius exhalat nisi in igne. His adde attractio-
nem quandam fieri à Plumbo vaporosæ quidem substantiæ,
quando ea superet in Ære humecto & turbido, fumosæ au-
tem in fornace. Vndè ibi quidem augetur Plumbi substanc-
tia, hic autem recrementum. Nam etsi cætera metalla in
eodem furno urantur, ut flammam reflexam recipiant, non
tamen iis adhæret fuligo, ut Plumbo: hoc enim solum reti-
net, cætera reddunt cum substantia evaporante. Ideo cæte-
ra assimilantur calcis, quæ levior redditur ex uſtione. Plum-
bum autem lateri, qui gravior evadit. Plumbi usti cinis lu-
teum colorem contrahit ob nigram fuliginem albedini mi-
stam. Stannum vero candidum reddit cinerem. Illo utun-
tur pictores ad lumina & flammarum repræsentandam appelle-
lantes Giallolinum. Hoc figuli ad albedinem ſtilibus præ-
standam. Alia præterea est Plumbi conditio maximè necel-
faria. Est enim veluti Sapo ad ſordes abſtergendas auri &
argenti, & gemarum: nam sine eo nequaquam purgari poſ-
ſunt ab iis, quæ eorum ſubstantiam inficiunt. Iungitur enim
Plumbum facillimè cum cæteris metallis fuſis, ſed cum diu-
tiuſ vim ignis tolerare nequeat, dum abſcedit, ſimul aufert
eorum ſordes. Efficiunt autem hoc opus in auro & argento,
quia hæc in igne perdurant illæſa, dum Plumbum evanescat.
Cætera metalla aut non junguntur, aut conjuncta, non ex
toto recedunt, aut tardius. Qui modus purgandi Cupella
appellatur ab aurificibus. Quibus jungitur Plumbum aur
vena Plumbi, facilius funduntur: ideo expetuntur ad venas
agrestiores: neque argentum excoqui potest ſine iis. Gem-
mæ ſordidiores & obcæcatæ ſi incoquātur in Plumbo, ſplen-
didiiores redduntur: quod oſtendit aliquā vim attrahentem
in Plumbo contineri. Sunt qui teſtātur, ex Plumbo aliquam
portionem argenti vivi ſublimari, quia multum cum eo con-
venit in ſubstantia evaporabili. Impurissimam autem eſſe
ejus ſubstantiam oſtendit color lividus cum modico ſplen-
dore: & quia plusquam cætera metalla, tractantium manus

inficit nigredine. Facillimè quoque rubiginem contrahit, quæ Cerussa vocatur. Plumbi vena nunc per se reperitur, nunc cum argento, mixtisq; venis conflatur. In Hispania & per totas Gallias eruitur laboriosius, sed in Britannia summo terræ corio adeo largè, ut lex ultro dicatur, ne plus certo modo fiat. Alicubi terra est cineracea scintillis minutis splendentibus. Alicubi lapis splendore Plumbeo ex quadratis veluti tessellis constans inhærentibus saxo candido aut rufso. Melior quæ in saxo candido, aut terra minutis granis. Dioscorides ipsam venam arenam vocat Plumbariam in spuma argenti. Recipitur Plumbum inter medicamenta externa ad refrigerandum & astringendum: sifit fluxiones & cicatricem inducit: ad quem usum teritur & lavatur, ut docet Dioscorides, in mortario plumbeo & plumbeo pistillo: facile enim ob mollitiem succum reddit: Galenus varios liquores adjungit simul terens, ut efficaciores reddantur. Aut uritur & lavatur ad eosdem usus, quod siccantius redditur & acrius. Plumbi laminæ lumbis adalligantur ad refrigerandam Venerem: & Gangliis imponuntur, nam ea dissipant.

C A P. VIII.

POst Plumbum meminit Dioscorides lapidis Plumbarii, quem Molibdoide vocat, dictum à Plumbi similitudine, cuius vis respondet recremento Plumbi & eodem modo lavatur. Hic profectò alias est à vena Plumbi, quam arenam Plumbariam vocat, Græcè Molibditim, ex qua fit quædam species Lithargyri. Puto autem Molibdoide esse lapidem quendam in nigro splendentem colore Plumbeo, tactu adeo lubrico, ut peruncus videatur, manusque tangentium inficit colore cinereo, non sine aliquo splendore plumbeo: utuntur eo pistores coticulis in cuspidem excisis, ad figuræ designandas: appellant autem lapidem Flandriæ, quia ex Belgia affertur. Eundem reperiri tradunt in Germania, ubi Bisemutum vocant, quem assumunt cum stibio,

mi-

mistura liquefacta ad formandos Charæteres, quibus impressores librorum utuntur, materia admodum dura ac frangibili. Testantur ex eo quandoque excoqui argenti aliquid & ubi reperitur, subesse argentum sperant. Aliud genus affertur nigrum ut carbo & crustosum, quem pictores Matitam nigram vocant. Hilapides si urantur, in Lithargyrum vertuntur, ut vena Plumbi.

C A P. I X.

Alter est lapis Plumbo similis, quod Stimni Græci vocant, Latini Stibium: vulgo Antimonium: de quo inquit Dioscorides, optimum esse, quod splendidissimum est, atq; emicat, contra factu crustosum nihil terræ aut sordidi habens, friabile. Plinius inquit: In argenti Metallis invenitur, ut propriè dicamus, lapis spumæ candidæ nitentisque, non tamen translucentis. Duo ejus genera: mas & fœmina: magis probant fœminam: horridior est mas, scabriorque & minus ponderosus, minusq; radians & arenosior. Fœmina contra nitet, friabilis, fissurisq; non globis dehiscens. Videlur autem Plinius ad marem reducere Molibdoidem, de quo diximus, hic enim non fissuris scinditur, horridiorque est, minusq; radians: cum alioqui Molibdoidis nusquam meminerit. Affertur hodiè Stibium ex Germania fusum & in massas congelatum, quo utuntur præcipue fusores æris ad campanas construendas, nam sonum adauget: Admiscent & vasis stanneis & ad specula. Ferro admistum reddit fusibile, unde globos conficiunt, quos Bombardæ ejaculantur: sed metalla, quibus admiscetur, fragilia reddit, præter Plumbū. Reperitur & in Ætruria in agro Senensi pluribus in locis, Vim habet astringendi, meatus occludendi, refrigerandi: cohibet excrescentia in carne & ulcera ad cicatricem perducit: aufert sordes oculorum & sistit sanguinem ex membra cerebri profluentem: & ut in universum dicatur vis usto Plumbo similis est: privatim autem ad ambusta, non

patitur pustulas erumpere. Torretur autem certo modo & uritur usque ad ignitionem : nam si amplius, funditur in Plumbum. Hæc apud Dioscoridem. At Plumbum id candore argentum imitatur, sed vitro fragilior est. Ex eo Chymistæ conficiunt oleum rubicundum , quod prædicant ad tingendum argentum colore auri & ad ulcera contumacia, exedit enim. Nuper ex eo parant lapillos rubentes & flavos Hyacintho æmulos, diutius usto donec luteus quidam fumus exierit & in cinerem conversum fuerit: quem addita portione Boracis, aut salis Armoniaci conflant & fundunt super æris laminam, aut marmor: coit enim in lapillos translucidos Hyacinthinos, quod Antimonium præparatum vocant. Hoc postquam ad metallorum transmutationem reperient inutile, converterunt in usum Medicinæ. Exhibit enim ejus in pulverem comminuti grana tria, aut quatuor, aliquando usque ad octo & amplius cum saccharo rosaceo ad purgandos humores crassos & melancholicos, in morbis contumacibus. Dicit per superiora & inferiora, & hanc purgationem sæpius repetunt. Sanari testantur tremorem cordis, Hypochondriacam passionem, Asthmaticos, Hydroscopicos, Phthisicos. Sunt qui in robustissimo corpore exhibuerint usque ad grana duodecim: Ejicere etiam sanguinem nigrum concretum felici successu.

C A P. X.

STANUM à Latinis vocatum derivato nomine à Stimmæ, similem enim habet naturam: ab Homero Cassiteron vocatur. Non reperitur autem apud Dioscoridem nisi velimus cum Stibio compræhensum esse, quod enim ex eo conflatur & candore, & fragilitate non differt à Stanno: Plumbum tamen id vocat Dioscorides & Latini distinguentes Plumbum candidum appellant. De quo inquit Plinius: Præciosissimum candidum à Græcis appellatum Cassiteron, fabuloseq; narratum in insulis Atlantici maris peti, vitilibusq; navigiis

navigiis circumfutis corio advechi. Nunc certum est in Lusitania gigni & in Gallecia summa tellure arenosa & coloris nigri. Pondere tantum ea depræhenditur: interveniunt & minutus calculi maximè torrentibus siccatis. Lavant eas arenas metallici & quod subsidit, coquunt in fornacibus. Invenitur & in aurariis metallis, quæ Elutia vocant, aqua immissa eluente calculos nigros paulùm candore variatos, quibus eadem grauitas, quæ auro. Et ideo in Calathis, in quibus aurum colligitur, remanent cum eo: Postea caminis separantur, conflatique in album Plumbum resoluuntur. Albinatura plus aridi habet, ideo nulli rei sine mistura utile est. Nec argentum ex eo plumbatur, quoniam prius liquatur argentum. Hactenus Plinius. Videtur autem significare Stannum non utile esse ob siccitatem ad argentum: quod non contingit Plumbo, hoc enim sua humiditate velocem reddit fusionem argento. Ideo superius dixit: nec ex albo argentum, cum fiat ex nigro. Ex quibus patet Stannum per se solum ob ariditatem inutile esse, difficile fundi tam ipsum quam ejus venam: egere Plumbo mollificantem: quod hodiè affirmant, qui Stannum ex Anglia advehunt ejus metalli fertilissima. Hinc nomen Stanni misturis datum est. Nam primū mistis venis argenti & plumbi primus liquor qui fluit in fornacibus Stannum appellatur Plinio, frangibile enim est. Hoc illitum æneis vasis, saporem gratiorem facit & compescit æruginis virus: mirumque pondus non auget, specula quoque ex eo laudatissima. Sed postea adulteratum est stannum addita Æris candidi tertia portione in Plumbum album. Fit & alio modo, misti albi plumbi, nigrique libris, hoc aliqui argentarium appellant: idem & tertiarium vocat, in quo duæ nigri portiones sunt & tertia albi: & hoc fistulæ solidantur. Hodiè hoc genus vulgo Saldaturam vocant, ferro enim ignito rapiunt aliquam ejus partem, qua illico ad ejus tactum liquata illinunt Æra, subjecta pice colophonia, sic enim cohæret & diversas partes veluti gluten colligat & rimas claudit, unde vulgo derivatum est verbum:

Sta.

Stagnate. Hoc eodem illinunt ollas Æneas, ne ærugo efflorescat. Sed si plus addatur Plumbi facile contrahunt cerusæ fæditatem. Improbiore ad Tertiarium additis æquis portionibus albi argentarium vocant & eo incoquunt quæ volunt. Nam si album incoquatur Aereis operibus, vix discerni ab argento possunt. Simili modo argentarium incoquere cœperunt, equorum maximè ornamentis & aliis multis. Hæc apud Plinium leguntur. Patet igitur Stannum, quod hodiè affertur ex Anglia ad vasâ conficienda, Plumbi portionem habere, extensibile enim est & facile funditur. Sed cum flebitur, aut dentibus mordetur stridorem quendam edit, qua disrumpat particulae stanni humore Plumbi glutinatæ. Si autem cæteris metallis admisceatur, fragilia reddit, excepto Plumbo & auro purissimo, etiam si minima quantitate addatur, adeo ut solus odor aliquando sufficiat ad fragilitatem præstandam. Si enim in catino in quo stannum fuerit conflatum, Aes aut argentum fundatur, fractionem patiūtur. Cum Plumbo autem convenit: nam jungi inter se plumbum nigrum sine albo non potest, ut Plinius inquit, ac ne album quidem sine nigro: Quod hoc modo intelligendum videtur. Ex utriusque enim mistura corpus sit magis extensibile, quam singula scorsum: nam stannum per se non extenditur. Plumbum autem extēditur quidem, sed non in multam latitudinem, disrumpitur enim: at commistum tenuius dilatari potest absque fracione. Oportet igitur tam plumbum sua humiditate extensionem communicare stanno, quam stannum sua tenuitate plumbum tenuius ducere. Esse autem admodum tenuem stani substantiam ex eo patet: quod inquit Aristoteles 2. de gen. & cor. tex. 90. Stannum in exigua admodum quantitate Aeri mixtum colorat tantum, ut videatur esse passio sine materia, quod profectò non contingeret nisi tenuissimarum partiū esset, ut diffundi in Aeris ingentem molē posset & si autem stannum tenuius sit plumbo, non tamen gravius, quoniam ariditas ejus non patitur tantam condensationem, quanta fit

fit in plumbi humiditate. Colligi etiam potest ejus ariditas ex sono, quem Aeri communicat admistum: Tinnitus enim non in molli & flexibili corpore fit, sed in duro & quadantes rigidus, ut uno ictu saepius aer verberetur. Idem præstat & Stibium & Molibdoides, nam & ipsa sua rigiditate Aeris flexibilitatem contemperant. Affertur ex Germania quodam genus argenteo splendore adeo fragile, ut vitrum videatur: compositum ex squamis quadratis ad similitudinem Pyritis: Ideo quidam Marcassitam argenteam vocant, sed facillimè funditur. Admiscent id Stanno Anglico, ut liquefactum facilius decurrat. Tradunt ex fæcibus argenti vivi haberi. Stannum difficile rubiginem contrahit, quæ candida est: appellatur Album Hispaniæ: hodiè Biaca Alexandrina qua mulieres libentius utuntur, quam cerussa ex plumbbo. Si uratur, vertitur in cinerem candidum, qui conflari iterum in Stannum vix potest sed in substantiam vitream colore laetio, quo fictilia illinunt, ut in igne crusta vitrea & candida obducantur. Vasa è stanno post aurum & argentum cæteris præferuntur; quia rubigine minus fædantur: ideo ex eo Aera illinuntur. In medicinis Serapio vim tribuit siccandi & refrigerandi: in potu remedio est scorpionis ictui in tenuissimum pulverem tritum. Repetiri in suis fodinis frustulis trium aut quinque drachmarum.

CAP. XI.

Argentum vivum opposito modo discedere videtur à natura metallorum, ac Stannum & ferrum, nam illa ob siccitatem aut illiquabilia sunt, aut fragilia. Hoc ob humiditatem aëtu inexistentem neque liquabile dici potest, quia liquidum est: per se enim fluit ut aqua, quod cætera metalla in igne tantum fusæ id patiuntur: neq; ductile, frangitur enim in guttulas minimas: ideo & metalla quibus junxitur, fragilia reddit, etiam plumbum & aurum: quod efficeret nequit ipsum stannum: nam ejus ariditas quæ fractiōnem

nem affert, ab eorum humiditate temperatur. Quod autem humiditas argenti vivi metallica sit, patet: nam cum omnibus commiscetur: avidissimè autem combibitur ab auro & argento, deindè à plumbo & stanno: difficilis adhæret $\text{\textit{Ae}}$ -ri, difficillimè ferro. Chimistæ Amalgama vocant quodcunque metallum cum argento vivo solutum, quod ad similitudinem pultis redditur, quale Albertus spontè aliquando reperiri tradit in metallis argenti. Vndè significatur vaporosam exhalationem in argento vivo minimè congelatam ea facilius penetrare, quæ similem naturam habent domi-
nantem: ob similitudinem enim fit attractio & adhæsio. $\text{\textit{Ae}}$ -ri igitur & ferro difficili^o commiscetur quia magis terrestria sunt: impuram autem esse ejus substantiam, pater, nam albedinem habet lividam ad plumbeum accendentem: & cum tractatur, nigredinem multam relinquit: Quoniam autem in igne facilimè evolat cum tota substantia, significatur exhalationem continere non uestam, sed uestibilem: hæc enim attrahit vaporosam: non comburiter autem, quia uniformiter cum aqua humiditate dominante commista est, quæ ab uestione defendit. Ideo aëream esse ejus naturam tradit Aristoteles, atq; ob id incoagulabilem 4. Meteo. cap. 8. Cum autem hujusmodi sit ejus natura, cur pondere vincat alia omnia præter aurum, alibi explicatū est. Plinius duo ejus genera facit, unum appellat argentum vivum, alterum Hydrargyron, id est, argentum aqueum. De argento vivo inquit: In venis auri & argenti lapis est, cuius vomica liquoris æterni argentum vivum appellatur: venenum rerum omnium, exedit ac perrumpit vasa permanans tare dira: Omnia ei innatant præter aurum, id unum ad te trahit, ideo & optimè purgat cæteras ejus fordes expuens crebro jactatu in vasis fætilibus: ita vitiis abjectis ut & ipsum ab auro discedat, in pelles subactas effunditur, perque eas sudoris vice defluēs purum relinquit aurum. Ergo & cum $\text{\textit{Ae}}$ -ra inaurantur, sablellum bracteis pertinacissimè retinet, qui usus & Hydrargyro adulteratur. Et alias argentum vivum non largum inventum

tum est: ejus lapis etiam in argentum excoquitur. De Hydrargyro autem inquit inventum esse ex Minio secundario in vicem argenti vivi: fieri autem duobus modis. Æneis mortariis pistilliisque trito Minio ex aceto: aut patinis fictilibus impositum ferrea concha, calyce coopertum argilla super illita: deinde sub patinis accensum follibus continuo igni: atque ita calycis sudore deterso, qui fit argenti colore & aquæ liquore. Idem guttis dividit facilis & lubrico humore confluere: quod cum venenum esse conveniat, ut Minium, temerarium ejus usum esse vult in Medicina: præter quam ad sanguinem sistendum, illitum capiti & ventri, dum ne quid prætereat in viscera & vulnus attingat. Argentum solum eo inaurari, cum & in Æra simili modo duci debeat. Hæc Plinius. Dioscorides sub Hydrargyro Græcè appellato utrumque accipit: non enim differre videntur nisi origine. Inquit enim quoddam fieri ex Minio igne attollante fuliginem, quæ calyci superposito insidens refrigerata vertitur in Hydrargyron. Inveniri etiam in tectis guttatim, ubi argentum conflatur. Alios esse qui tradiderint per se in metallis inveniri. Galenus novit tantum id quod artificio paratur. Hodie ex Germania habetur. Foditur ejus vena in monte Hydria propè Goritiam, lapis est fragilis ad rubedinem tendens ponderosus instar Plumbi, minutis guttis argenti vivi splendens: unde etiam sponte emanant aliquando ejus rivuli dum à fossoribus eruitur. Lapidem appellant Cinnabrium nativum. Gignit etiam tradunt in lapide subalbido livescente, aut simili Calci. Extrahunt autem argentum vivum igne super fictilia venam continentia, ut per eorum oscula descendat in subjecta vasla sub humo condita, rimis optimè clausis. Aiunt ex fæce quæ remansit fieri lapidem fusibilem, quam Marcassitam argenteam vocant, colore argenti, de quo diximus in stanno. Vidi per se argentum vivum Pisis inter saxa, dum fundamenta vetera excavarentur. Testantur præcipue provenire in locis uliginosis, ubi nebulæ quædam crastæ ante Solis ortum attolluntur in Ve-

re, sed ob gravitatem non altius: arbores ejus loci & si vi-
reant, frugiferas tamen non esse: actardius germinare: his
signis artifices loca scrutari, ubi proveniat argentum vivum.
Hæc significant ejus materiam esse admodum vaporosam,
fumeam vero adeo exigua ut non sufficiat ad ejus coagula-
tionē. Ejus evaporatio pernicioſa est, adeo ut fossores quan-
quam vesicis ori applicitis caveant, brevi tamen intereant,
aut Phthisi, aut Asthmate, aut Palpitatione cordis, aut Pa-
ralysi. Dioscorides tribuit argento vivo enecandi vim,
nam potu erodit interna suo pondere. Et Galenus idem re-
censet inter Deleteria toto genere 5. Simpl. 19. quæ sunt
erodontia, quamvis testetur alibi, nunquam se vidisse ejus
experimentum. Sed hic controversiæ apud recentiores affe-
rentes, non genere Deleterium esse, sed sola quantitare: fri-
gidum enim & humidum statuunt in quarto gradu, & ob id
putrefacere extincto colore innato. Afferunt experimenta:
quendam fortuito bibisse argentum vivum in magna copia,
qui cōgelatus paulò mox interiit, repertum sanguinem con-
gelatum propè cor. Propinari præterea sine noxa pondere
scrupuli unius ægrè parturientibus ultimo remedio. Sunt
qui infantibus exhibeant magnitudine duorum granorum
Milii ad vermes necandos citra ullam molestiam. Paulus
Ægineta testatur, combustum in cinerem redactum à qui-
busdam misceri cum aliis speciebus, ac propinari Colicis &
Iliosis. Quod autem Dioscorides inquit: suo pondere corro-
dere interanea, Avicenna minimè confirmat. Præparatur
hodiè cum aqua acuta coctum, donec in cinerem redigatur,
qui siccatus in igne colorem rubicundum contrahit, Præci-
pitatum vocant: Quod imponitur ulceribus putridis præci-
puè pudendi ex morbo Gallico: nam exterit & siccatur sine ve-
hementi morsu. Exhibitetur quoque intus ad trahendos hu-
mores crassos & Melancholicos vice lapidis Armeni, sed
præcipue in morbo Gallico: videtur enim argentum vivum
luem illam delere: movet per superiora & inferiora. Sed
satius est more lapidis Armeni diutius ablucere cum aqua
simplici,

simplici, postea cum rosacea, ultimò pulverem exsiccatum vino irrigare aut succo citoniorum adjecto Gummi Arabico: hujus hoc modo præparati exhibent grana quatuor, aut quinq; & usq; ad duodecim cum Mastiches scrupulo uno & Sachari rosacei drachmis duabus post assumptionem ferculi. Alii nobilius faciunt, Aurum solventes in argento vivo & simul coquentes in oleo sulphuris, postea per se, donec pulvis croceus fiat, cuius exhibent pondus denarii Veneticum oleo Amygdalarum dulcium: purgat enim omnes humores fine noxa. Nam aurum corrigit ejus nocumēta, ut Dioscorides testatur: exhibens auri scobem tenuissimam ad epotum argentum vivum singulari præsidio. Quod autem per sublimationem præparatur cum sale Armeniaco, ascende in igne utriusq; substantia & congelata in similitudinē sacchari, quod vulgo Sublimatum vocant, venerum est acerrimū exedens: utuntur tamē eo mulieres temperato cum Ceruſſa ad faciem dealbandam. Ipsum autem argentum vivum cum saliva, aut axungia coquuntum ut non appareant ejus guttæ, quod extinctum vocant, illitum pediculos & lentes enecat: scabiem malignam sanat & ulcera prava, nam vehementer repellit & siccāt. Sed mirum, perunctis ex argento vivo cum axungia, brachiorum & crurum articulis, confluere magnam vim pituitæ ad os, undē totum corpus expurgetur in morbo Gallico: quo remedio dolores sanantur diuturni, & ulcera exsiccantur: sed aliquando lingua ex confluxu pituitæ adeo intumescit, ut contineri in ore nequeat: & processu temporis ut plurimum incidunt ægrotantes in pravas distillationes, anhelationes & cordis palpitationes. Sed ut ambiguitates solvantur circa ejus temperamentum ortas, animadvertisendum est: argentum vivum quamdiu in sui natura est, frigidum esse, nec multū differet à Plumbo, repellit enim influentes humores & illitum capiti & ventri, sistit sanguinem, ut Plinius testatur. Vnde non mirum si haustum in magna quantitate calorem innatū extinguat: ejus vapor paralyſim & convulsionem faciat: ner-

vis enim inimicum est frigidum. Si autem in exigua quantitate sumatur, ut à calore animalis duci possit ad actum, jam non frigidum esse, sed vehementer calidum & putrefaciens: tunc enim corrodit interanea adjuvante pondere ut facit Lithargyrus potus. Eadem enim Symptomata parit apud Dioscoridem. Cum tamen Lithargyri temperamentum exteriorius applicati, Symmetrum ponatur à Galeno: non enim exteriorius dicitur ad actum ut interiorius. Pondus autem eorum adjuvat ad impressionem inferendam. Quanquam facilis elabatur argentum vivum, quia lubricum est, ideo sine noxa aliquando sumitur, quia citò descendit. Differunt autem utraque à Plumbo, quia hoc nec intus nec extra vim corrodendi acquirit: pilæ enim Plumbeæ multis annis intra corpus latitare possunt pondere suo paulatim descendentes absque dolore aut erosione. At Lithargyrus cum substantia constet plumbea, ob præparationem & ustionem vim erodendi acquisivit interiorius tantum. Argentum autem vivum vel absque præparatione interior eredit: Nam ob substatiæ tenuitatem & aëream naturam facilius duci potest ad actum. Si autem Præparetur, ut fiat præcipitatum, jam & exteriorius eredit: omnium autem maximè Sublimatum. Circa caliditatem igitur & frigiditatem, hoc pacto judicandum videtur argentum vivum. Circa passivas autem qualitates qui ponunt humidum esse, decepti qualitate sensibili liquida non animadvertunt omnia metallica naturæ humanæ applicata sicca esse, ut superius explicatum est, ex Galeno. Quod autem multam pituitam ducat per os, contingit, quia natura ejus evaporabilis caput petens, liquefacit cerebri humiditatem, quæ ad palatum descendit & aliquando prolabitur ad alvum. Sed hæc amplius quam ex instituto nostro dicta sunt.

C A P. XII.

Explicatis metallis reliqua absolvamus, quæ ab ipsis egrediuntur. Quædam eorum oriuntur in fornacibus, in quibus venæ excoquuntur, aut ipsa metalla perficiuntur: quædam extra. Extra fiunt rubinges de quibus primo loco dicendum est. Hæ sunt veluti metallorum putredines & fordes quædam. Patiuntur autem id cum manent in loco humido, aut cum suspenduntur super vapores acutorum, ut ex aceto. Efflorescunt autem quædam magis, quædam minus. Solum aurum purissimum nullam sentit rubinem: impurum vero & argentosum, atque argentum ipsum tardissimo tempore florent. Est eorum rubigo cærulei coloris, & amænissimi, quam pictores præferunt cæruleo ultramarino. Putandum est ejus vires easdem esse cum cæruleo, quod sponte in fodinis reperitur ex vena eorum emanans. Ex ære autem efflorescit Ærugo, quoë vulgò viride æris appellatur. Apud antiquos plures habet differentias. Quædam enim Rasilis appellatur, quia deraditur ex ipso Ære, aut ex lapide æs continente in Cypris metallis, quem Plinius Chalcitum vocat, undè æs coquitur. Hoc genus Ion Xyston Græcè dicitur. Alia Ærugo Scolecia, id est, vermicularis, quia ad similitudinem vermiculorum coacta esset, quæ aut arte quadam ex Ære siebat, aut ex lapide Ærario, ex quo Æs conflatur, sponte habetur, quam fossilem Scoleciam appellant. Tertium est etiam genus Æuginis, Staterna appellata & Chrysocolla, seu aurificum ærugo, quæ sita quondam ad aurum glutinandum, in cuius locum hodiè successit Borax. Quo autem facilius Æs floreret, super vapores aceti acerrimi collocabant vas Æneum, aut laminas ne acetum attingerent & vas esset optimè obstructum. Decimo enim quoque die colligitur ærugo quæ deraditur. Aut easdem laminas in vinaceis acescentibus condunt, aut scobem æris & eisdem tenuissimas bracteas aceto perfundunt, omni-

omnibus enim his modis ærugo nascitur rasilis. At scolecia majore apparatu perficitur: teritur enim acetum album in mortario pistilloq; æris Cypri, donec crassescat, additurq; portio aluminis & falis, aut nitri, teriturque in Sole æstivo sub cane, donec æruginis colorem contrahat & concrescat in speciem vermiculorum. Quidam addunt duas partes urinæ veteris & efficaciorem efficiunt, colorisque melioris. Santerna eodem modo perficitur, sed pro aceto urinam impuberis terunt addito nitro & Cypria ærugine, ut testatur Plinius. Adulteratur ærugo rasilis pumice admisto aut marmore, aut atramento sutorio: Illa attritu digiti madefacti aut dentium deprehenduntur: atramentum autem sutorium igne, rubescit enim: aut papiro galla madefacto, nam contactu atramenti nigrescit: visu quoque malignè viret. Scolecia quoque adulteratur rasili improba addito gummi & formatis vermiculis, quod in totum damnatur. Omnibus præfertur Scolecia fossilis, secundo loco Rasili, tertio Scolecia arte parata. Santerna æquiparatur Rasili. Habent facultates æris combusti, sed efficaciores: acres enim sunt, digerunt, mordent, liquant carnem non modo tenellam, sed & duram. Cum cerato cicatricem inducunt: tandem, ulceribus putridis & fistulis maximè accommodantur. Hodie tantum Rasili in usu est: alia verò genera non amplius parantur: Vritur donec coloreni favillæ acquirat, ut Plinius inquit: vel subcineritia fiat ut Dioscorides.

CAP. XIII.

FErrugo, id est, rubigo ferri rufa est aut crocea ad fuscum vergens, à Chemicis crocum ferri vocatur, quo & infestores utuntur ad colorem croceum. Paratur eodem modo, quo ærugo rasilis: sed præstantior ex Scobe in aceto acerimo, ut in patinis supermineat acetum quatuor digitis. Nam flos ejus ascendit olei modo ad superficiem instar telæ Aranæ, colore croceo, quod per intervalla colligitur & sic catur.

catur. Facultatem habet siccandi & astringendi. Eadicitur Achilles sanasse Telephum: pingitur enim eam decutiens gladio. Sistit profluvia foeminarum admota, sed potu præstat ne concipient, ut testatur Dioscorides. Illinitur præterea Erysipelatis ex aceto & eruptionibus pustularum, & ad multa alia. Recentiores scribunt propinari pondere scrupulorum quinque cum vino calido adversus antiquas Hepatis & Lienis obstrunctiones: sed sumptā in multa quantitate vomitum provocare & ducere ad necem, cuius remedium inquiunt esse aquam, in qua Magnes maduerit, aut ejus pulverem ex aquā propinatum: reprimere enim ejus vim & vomitum sistere. Tutius autem esse puto, non scrupulos quinque exhibere, sed scrupuli dimidium, cuius character aliquando decipit, cum idem sit cum numero quinario. Alii non rubiginem assumunt, sed ipsius ferri scobem, quam præparatione convertunt in rubiginem, hoc modo. Eligunt puram Chalybis scobem absque ulla admixtione aut Æris, aut Plumbi, aut vitri, nam hæc in potu lethalia sunt: eum irrorant aceto in vase mundo, operculo superposito: nam post dies septem invenitur colore rubiginis, postea sificant & terunt. Sunt qui abluant cum aqua & aceto, eam percolantes & dimitunt sub dio, donec putrescat, deinde iterum abluant cum aqua dulci & siccatam repoununt: hoc enim pacto aufertur rubigo per ablutiones & scobes purgata assumitur absque periculo. Datur Ictericis, corpus inpinguat.

C A P. X I I I .

Cerussa, Græcè Phimmithion, est rubigo Plumbi colore candido, paratur simili modo ut Ærugo, laminis super vaporem acetii appensis: sed hic materia quæ solvitur, defluit in acetum, aut etiam deraditur: inde aceto transfufo & colato, crassamentum siccatum teritur & cibratur: Quod non exit, iterum teritur & cibratur, reperiturque donec

donec sufficiat. Differentia ejus est: Nam quod primò exit, præstantius est, eliturq; pro medicamentis oculorum: sequentia pro ratione discedunt à bonitate. Indè aceto acri subacta dividuntur in pastillos, qui in Sole & statis siccantur: ita enim Cerussa candida fit & efficax. Quod si hyeme parare oporteat, supra furnos, balnea, aut fornaces peragendum est, ut calore perficiatur. Levissima tantum ex omnibus ad candorem fœminarum adhibetur. Torretur autem uno modo in fistili novo cōtinuè movendo, donec cinereū colorem traxerit. Alio modo in patinis ferulacea rude versando, donec colorem Sandarachæ acquirat, quam quidam Sandycem vocant, ut Dioscorides inquit. Apud Plinium usta casu reperta est incendio Pyræi Cerussa in Orcis cremata, qua Nicias Pictor primus usus est: optima nunc Asia-tica habetur, quæ & purpurea appellatur: Fit & cremato Sile marmoroso & restincto aceto: sine usta non fiunt umbræ. Eandem paulò inferius videtur Sandaracham adulterinam vocare, quæ fit ex Cerussa nō in fornace cocta: color debet esse flammeus. Hæc si torreatur aqua portione rubrica admista Sandycem facit: nec sunt alii colores majoris ponderis. Et inter factios est & Syricum, quo Minium adulteratur: fit autem Sinopide & Sandyce mistis. Hæc Plinius. At pigmentorum commixtiones & nomina ab antiquis usurpata non pertinent ad nos. Hodie Sandycem, id est, Cerussam ustam eosque ut colorem rubentem acquisierit, vulgo Minium vocant, facultate longè diversum à Minio antiquorum, quod Cinnabrium hodie vocatur ut alibi explicatum est. Cerussæ facultates refrigerandi & occludendi, ideo à Galeno inter Emplastica numeratur: quæ autem perustionem transit in Sandycem, tantum redditæ est tenuior, sed nondum excalfaciens: usurpatur à medicis frequenti usu ad reprimendas fluxiones ex ulceribus & partibus contusis illita ex cerato, quod unguentum album vocant. Ex Sandyce autem paratur ceratum ad cicatricem in partibus mollioribus inducendam, vocant unguentum de Minio.

Minio. Sed hausta Cerussa, lethalis est: nam occludendo & refrigerando, vias spirituum intercludit & siccando exasperat. Fortè & aliquid calidæ facultatis concipit, ut Lithargyrus: simili enim substantia constat: & Plinius venenum hoc Lithargyro comparat: linguam aridam reddit & alia symptomata à Dioscoride, Nicandro & Avicenna tradita. Ob has Cerussæ noxas verendæ sunt aquæ perfistulas plumbeas transeuntes, aut detentæ in vasis non stanno sed Plumbo majori ex parte illitis: nam ex iis Cerussa emanat adeo ut aliquando aquam pernoctantem turbulentam reddat. Quæ etiam ex instrumentis Plumbeis distillantur, aquæ non carent aliqua suspitione, præsertim quæ acres aut acidæ sunt, quanquam defæcari facile possunt ob Cerussæ gravitatem. Stannum quo minus Plumbi habuerit admistum, eo difficilius floret: diximus id album Hispaniæ vocari, candidius Cerussa Plumbea: Alii Biaccam Alexandrinam vocant mulieribus notam & pictoribus.

C A P. X V.

EX durioribus metallis nempè Ære, ac ferro, cum post ignitionem malleo percutiuntur, aut cum extinguntur in aqua decidit squama, utpotè pars quædam in superficie exusta, quæ abscedit à corpore. Id non patitur aurum & argentum ob naturam incombustibilem: nec mollia ut Plumbum & Stannum, nam quod ab iis abscedit in igne nequaquam arescit, sed corium quoddam mollius præfert. At duriora corpora & magis terrestria non solum in igne, sed etiam vetustate exsiccata scabrosa redduntur, ac veluti leprosa, ideo si percutiantur, aut etiam flectantur, reddunt squamam quandam friabilem & pulverulentam. Hæc in Ære duorum generum est. Una flos æris appellatur, altera squama, Græcæ Lepis: in ferro autem squama tantum. Flos æris apud Dioscoridem fit, cum Æs fusum in-

Cc forna.

fornacibus delabitur in receptacula: ibique aspersa aqua, ob repentinam congelationem expuitur ramentum quoddam, qui flos appellatur, & à quibusdam Pseigma, id est, immunditia veterum clavorum: Optimus est friabilis, in attritu fulvescens, milii instar numerosus, brevis, gravis modicè splendens, gustu astringente & qui scobem Æris non participet, qua adulteratur, sed facilè deprehenditur, dentibus dilata-ta scobe. Plinius Pseigma vocat: fit inquit, in Ærariis officinis jam liquato Ære & percocto, additis etiamnum carbonibus, paulatimq; accensis, ac repente vehementiore flatu expuitur æris palea quædam: solum, quo excipiatur, stratum esse debet: facile discernitur à Diphryge aqua: nam supernatat. Squama apud Dioscoridem duorum generum est: Quædam ex Cypriis metallis habetur, quæ melior est, dicta Helitis, id est, clavaris: altera ex Ære albo, tenuis & infirma quæ improbatur. Seligitur crassa & ruffa, & quæ aceto aspersa contrahat Æruginem. Plinius squamam à flore Æris distinguens inquit: sed & Æris flos medicinæ utilis est: fit Aere fusio, & in alias fornaces translato, ubi flatu crebriores excutiuntur veluti milii squamæ, quas vocant florem: cadunt autem cum panes Aeris aqua refrigerantur, rubentque. Similiter ex eis fit, quam vocant Lepida, & sic adulteratur flos, ut squama veneat pro eo: Est autem squama hæc decussa vi clavis per quos panes ærei ferruminantur, in Cypriis maximè officinis omnia. Differentia hæc est: quod squama excutitur iætibus iisdem panibus, flos cadit sponte. Animadvertisendum vero est circa verbum Helitis, quod à clavis denominatum est: Clavos Cyprios apud Palladium significare Aes Cyprus, forte quia ex eo clavi optimi fierent quibus navium compagem colligabant: ferræ enim clavi citius rubigine absuntur in aqua; expetabatur autem ad æs ustum coficiendum hujusmodi clavi usu attriti, magis quam aliud genus æris. Simili modo flos æris ex veteribus clavis ferruminatis in panes colligebatur: & squama

squama Helitis iisdem panibus malleo percussis : quæ ex quoconque ære veteri, id est, collectaneo & ex usu coempto, ut Plinius inquit, fieri possunt hoc enim attritu dominum & consuetudine nitoris mansuetum condimentum est æris novi. Non igitur necesse est florem Aeris & squamam petere ex fornacibus, in quibus novum æs conficitur, sed in quibusunque officinis, in quibus æs collectaneum conflatur, & malleis dilatatur, dummodo æs admisionem non habeat Plumbi, aut Stanni, aut Cadmiæ, quæ rubedinem æris aut in albedinem, aut in aureum colorem transmutant. Improbatur enim à Dioscoride squama ex ære albo, significans Helitim ex rubro haberet, sive novum, sive collectaneum sit, quale Cyprium est, & hodiè in Germania nascitur, multisque aliis locis. Flos quoque candidus repetitur, quem Dioscorides laudat ad aurium gravitates. Illud præterea notandum Milii similitudinem in flore æris inteligi non de granis, sed squamulis Milii, ut Plinius scribit. Idcirco flos æris à squama tenuitate tantum, & brivitate distinguitur. Squama enim crassior est & latior. Facultates autem eadem, nam astringunt, extenuant & erodunt. Sed flos tenuiorum partium est quam æs ustum & squamia, ut Galenus testatur. Præterea tam flos quam squama vim purgandi habet: nam flos pondere quatuor obolorum datus extrahit humorem crassum: sed squama ex aqua mulsa aut in Catapotio aquam trahit; lavatur autem diligenter, ut docet Dioscorides. Hodiè hæc omnia à medicis despiciuntur, sola ærugine utentibus, ideo & multis utilitatibus priuantur, quas tum flos, tum squama præstant in ulceribus: cum tamen in officinis utraque habeantur, in quibus vasa ænea conficiuntur: vendunt autem artifices tam florem quam squamam figulis ad viridem colorem fictilibus præstandum: sed animadvertisendum, apud ærarios artifices duplex genus squamæ oriri, unum quod sponte abscedit, cum æs ignitum extinguunt in aqua frigida, alterum cum post-

quam refrigeratum est, iictibus dilatant. Contra autem in his accedit, quam quod scribit Dioscorides. Quod enim sponte abscedit in aquam, crassius est & latius: quod autem iictibus decutitur, longè tenuius est instar squamularum milii, quo quidem experientia ducti ulcera pudendi exegentia absque ullo morsu sanant longè felicius quam præcipitato: omnia vero hæc iterum conflagri possunt in æs.

CAP. XVI.

EX ferro & Chalybe squama decussa à Dioscoride Stomoma appellari videtur. Inquit enim: Squamæ Stomomatis virtus eadem est, quæ squamæ æris: lavatur similis modo & reconditur, sed ad movendam alvi dejectionem inefficacior est. Sic quoque Plinius accipit verbum Stomoma, cum inquit: Squamæ est alterum genus subtilius, ex summa scilicet lanugine decussum, quod vocant Stomoma: nec dubium est ab alio metallo haberi, quam sit æs, cum dicat Dioscorides eandem vim habere cum squama æris. Si igitur nullum aliud squamam gignit, quam ferrum, profectò dicendum est hoc genus squamæ ex ferro esse. At Galenus 9. Simpl. verbum Stomoma non pro squama accipit, sed pro Chalybe, quæ acies Latinis dicitur, inquiens: squama alia est æris, medicamen utilissimum, alia ferri & Stomomatis. Et paulò inferius: majorem obtinet astrictionem squama ferri & hac etiam majorem Stomomatis: quam obrem ad contumacia ulcera meliores sunt, quam squama æris. Ex quibus manifestum est, Stomoma apud ipsum significare aciem. Dioscorides fortè squamam ferri appellavit Stomoma, quia præferretur ex Chalybe, ex quo mucrones fiunt ut Helitis ex ære clavorum.

CAP. XVII.

IN fornacibus autem, in quibus metalla excoquuntur, primum cognuntur scoriæ, quæ veluti recrementa sunt venæ quæ excoquitur, vulgo Loppas vocant. Plinius inquit: Quæ ē Catino jactatur spurcitia in omni metallo, vocatur Scoria. Supernatat hæc metallo olei modo, tenax & lenta, quādiu fusâ est, frigefacta autem congelatur, fragilisque redditur ut vitrum. Dum verò aliquid retinet humoris metallici, gravis est. At superato per ignem omni humore, levis redditur & liquidior, & pura: cujus humiditas ob viscositatem non evaporat, nec comburitur, quia quodcumque combustibile erat, in igne evanit, remansit autem quādam humiditas fusionem præstans. Ideo inservit artificibus ad venas agrestiores fundendas: admiscent enim tritam, ut cum ea citius fundantur: defendit etiam metallum ab igne ne extenuetur in vapores: innatans enim metallo, fit veluti operculum, quod præ sui densitate nihil transmittit, ut vitrea vasâ faciunt. Sunt varii coloris, nullæ tamen translucidæ. Ex ære & ferro plerunque nigræ & sordidæ, spongiosæque, sed cum in igne magis purgatae fuerint, quæ ex ære nascitur, rubedinem acquirit, appellaturque Diphryges: quæ ex ferro, cærulei coloris evadit. Ex Plumbo Lutea: ex argento varia. Hæ solæ recipiuntur à Medicis. De Scoria æris inquit Dioscorides: lavatur ut æs ustum & eandem vim habet, sed imbecilliorem. De Diphryge autem appellato, quia bis coctum sit, tria genera inquit esse. Vnum fossile, quod ex luto quodam fit in Cypro sola, eruto ex specu: hoc in Sole siccari, dein farmentis uri. Alterum veluti sedimētum & fæcēm æris perfecti, inveniri sublato ære post refrigerationem in fundo fornacis adhærens, astringenti gustu & sapore æris. Tertium fieri ex Pyrite cremato per multos dies in camino ut calx, donec colorem rubricæ contraxerit,

traxerit, quod reponunt. Præterea quosdam esse, qui trādant ex solo lapide de quo æs perficitur, Diphrygem haberi in hunc modum. Torri eum in areolis, mox in scrobes translatum percoqui & per oram earum ferruminari ambitu, quo detraicto Diphrygem esse, quod supereft. Præferatur quod saporem æris reddit, æruginisque, astringens & vehementer linguam siccans: quod nequaquam ineft in Ochra usta, quæ pro Diphryge venditur. Vim habet astringendi & purgandi & extergendi: ideo cohibet excrescētia, & ulcera serpentia, & maligna fanat. Galenus testatur se vidisse Diphrygem projectum à Metallicis tanquam rem inutilem: in medicina tamen multas utilitates præstantem: valdè enim siccat, & modicè mordet. Plinius eadem fermè habet quæ Dioscorides. De secundo autem genere, quod ipse tertio loco numerat, inquit: fieri in fornacibus æris fæce subsidente: differentia est quidem, quod æs ipsum in catino defluit, Scoria extra fornaces, Flos supernatat, Diphryges remanet. Alius modus subjungitur ex aliorum sententia: In fornacibus globos lapidis, qui coquantur, ferruminari, circa hunc æs fervere, ipsum verò non percoqui nisi translatum in alias fornaces, & esse modum quendam materiæ. Id quod excocto supersit, Diphryga vocat. Hodiè fusores metallorum alio modo utuntur: Cum enim venam fundunt, ne quid in fornace remaneat illiquatum, admissent venam plumbi aut plumbum ipsum & scorias, quæ facilem fusionem præstent: cumque universa materia liquata fuerit, & egressa in catinum, auferunt supernatantem Scoriā, quæ prius refrigerata coit, crustis per vices abscedentibus, donec subsidens metallum appareat: quamvis alii aptant orificium, ut prius exeat metallum quam Scoria. Hujus præterea metalli pars superior, quæ æris est prius coagulatur, quam inferior, quæ est pars plumbosa & argentea, aut aurea, si iis vena participaverit. Auferunt igitur crustam superiorem, quæ prius coagulatur, deinde alteram, atque alteram

alteram, donec totum æs separatum fuerit ab inferiori metallo. Vtrunq; genus metalli imperfectum adhuc est & rude ac frangibile. Ideo secundis fornacibus indigent ut percoquatur & invicem separentur alienigena. Æs igitur illud rude, si suspicentur continere adhuc aliquid argenti, aut auri, iterum cum plumbo, aut vena plumbi fundunt, separantes crustas ut prius. Plumbum enim abluit & secum ducit aurum & argentum. Cum igitur sufficienter ablutum existimant, ut plumbi reliquias extrahant, ignem temperatum adhibent, quo plumbum inexistes fundatur & deicendat: Æs autem nequaquam: sic enim redditur veluti lapis spongiosus, qui in sua fornace fusus & percoctus, in æs purgatum vertitur: cuius Scoria Diphryges est, purgatior quam quæ in primis fornacibus exiit, colore rubro: similis reperiatur & in cæteris fusionibus æris, sed in minore quantitate: hanc officinæ vendunt figulis Raminam appellantes, magis ponderosam quam squama & flos. Quamvis autem Scoria Metallo supernatet, egresso tamen prius metalio, remanet Scoria in fundo inhærens ob viscositatem. Nam idem contingere testatur Aristoteles 4. Meteo. cap. 6. ferro fuso, subfudit enim, inquit, in inferiori parte Scoria. De Scoria igitur æris & Diphryge hæc sufficient.

C A P . X V I I I ,

EX ferro scoria largior habetur, quam ex ære, terrestrius enim est & impurius. Abscedit autem non solum à vena fusa in fornacibus, sed & ab ipsomet ferro & acie, cum in igne mollificantur, quod non accidit æri, nisi enim fundatur, scoriam non gignit, eamque si fundatur admodum modicam: sed refrigeratione multam reddit squamam & florem, magis quam ferrum. At ferrum fusum, cum sit acies multam gignit scoriam, ideo metalli diminutio insignis succedit, ut Aristoteles testatur. Purgatior autem est

ex acie, hæc enim cæruleum colorem contrahit, qualem aliquando videmus in mucronibus ex optima acie, prius quam fuerint abstersi. Dioscorides huic vim tribuit eandem, quæ rubiginis, sed imbecilliorem: opitulari potam ex aceto multo adversus Aconitum. Galenus inquit: Scoria omnis admodum resiccat, potissimum ferri. Siquidem ad Lævorem redigens ipsam ex aceto quam accerrimo, posteaque de quoquens, ad aures, quæ longo jam tempore pure fluxerunt, ea utor, medicamento maximè exsiccatorio, adeo ut mirentur qui præparantem me vident & ante rei periculum, fidem non habent, aures tale posse ferre medicamentum. Arabes laudant in potu ad stomachum dissolutum & ad fluxum urinæ & menstruorum. Vnde recipitur in confectione Triphæræ minoris & in altera apud Rasim de Scoria ferri, quam idem jubet præparari fundendo in aceto per septem dies, postea torrei. Alii per quinque dies nutriunt aceto acerrimo, singulis diebus innovando acetum postea torrefaciunt super laminam ferream ignitam, deinde terunt in pulverem tenuissimum. Quod medicamentum longè tutius est, quam rubigo ferri, aut ejusdem scobes præparata, qua hodie utuntur dimissa scoria.

CAP. XIX.

EX argente habetur Scoria, tantum dum à vena sua purgatur, nam purgatum si fundatur, nullum emittit recrementum, ideo non est sine scoria Plumbi, cum non excoquatur sine Plumbo: Hæc privatim Helcysma appellata est, quia ejus substantia tenax visci modo trahitur, dum fusca est, vitro similis, colore nigricante, sed in fracturis splendorem quandam aureum praefert: aliquando variis coloribus cæruleo, ac viridi constat. Dioscorides inquit: vim Molybdænæ habere, addi emplastris fuscis ad cicatricem obducendam, astringit enim & extrahit.

CAP.

CAP. XX.

Plumbi Scoria distat à cæteris, quia minimè lapidosa est, sed lenta ob mollitatem metalli, non fragilis ut reliquæ ideo contumax frangi traditur à Dioscoride. Inquit enim: optimam esse, quæ Cerussam repræsentat, lenta, fractu contumax & quæ plumbi nihil habet, ad luteum colorem accedens & quadam vitri similitudine, id est, splendore quodam vitri. Eadem potest, quæ plumbum ustum, sed magis astringit: lavatur autem diverso modo quam cæteræ Scoriæ. Nam cum facile ob mollitatem, ejus substantia solvatur in aqua, toties abluitur, donec Scoria absumatur, reddit autem in aqua colorem luteum, siniturque ut desidat ejus crassamentum, quod affusa aqua digeritur in pastillos. Non habetur pura, cum excoquitur vena cum cæteris metallis. Gignitur in qualibet fusione Plumbi instar corii nigri, aut cinerei, sed nisi amplius percoquatur, non contrahit colorem luteum splendenteum.

CAP. XXI.

Ad Scoriæ plumbi reduci posse videtur spuma argenti, Græcè Lithargyros: oritur enim ex plumbo in fornace diutius percocto, donec convertatur in substantiam quandam olei modo liquidam, quæ frigefacta concrescit in similitudinem spumæ. Ab argento autem nomine habet, quia oritur dum argentum purgatur in secundis fornaicibus, quamvis & sine argento fieri possit ex solo plumbo, aut vena plumbi, ut Dioscorides tradit. Cum enim sine plumbo argentum purgari non possit; dum fervet mistura, plumbum paulatim vi ignis extenuatum levitatem acquirit argento supernatas, cum prius eidem ob naturalem gravitatem subsideret: Fit igitur veluti Scoria, quæ jaëstatur ad latera, undè artifices exitum parant; appellant autem Ghettam vulgo, qua utuntur figuli cum arena vitri, aut cum cinere stanni ad crustam

vitream fictilibus inducendam, Fusionem enim facilem prestat corporibus. Diosorides tria genera facit. Quædam, inquit: gignitur ex arena plumbaria in fornacibus, donec perfecte uratur. Altera ex argento, tertia ex Plumbo. Præfertur Attica, secunda Hispaniensis: has sequitur quæ fit Puteolis, Baiis, in Campania & Sicilia: nam plurima in his locis gignitur è plumbeis laminis flagrantibus. Quæ flavo colore splendet, Chrysitis appellatur omnium optima: Quæ in Sicilia Argyritis: Quæ ex argento Calabritis. Hæc Dioscorides. Plinius tria genera hoc modo distinguit: Optima, quam Chrysitum vocant, secunda quam Argyritum, tertia quam Molybditum: & plerunque omnes hi colores in eisdem tubulis inveniuntur. Chrysitis ex ipsa vena fit. Argyritis ex argento, Molybditis plumbi ipsius fusura, quæ fit Puteolis. Omnis autem fit excocta sua materia, ex superiori Catino defluens in inferiorem, ex eo sublata veruculis ferreis, atque in ipsa flama convolvitur veruculo, ut sit modici temporis. Est autem, ut ex nomine ipso intelligi potest, ferventis & futuræ materiæ spuma: Distat à Scoria, quo potest spuma distare à fæce. Alterum purgantis se materiæ, alterum purgatæ vitium est. Hæc Plinius. Hodiè duo tantum genera faciunt colore distincta: aureum & argenteum: Putant aureum ex aliqua mistione æris fieri, quod ab argento separatur: Hoc cädidius est, ad cinereum vergens, primum veluti ex squamis compactum videtur lucentibus colore flavo: alterum minutioribus scintillis constat colore magis diluto, utrumque ponderosum, undè iterum conflari plumbum posuit, ut ex Cerussa & Scoria & Plumbo iusto. Vim habet, ut Dioscorides tradit astringendi, molliendi: explet cava: reprimit excræscens in carne: ad cicatricem ducit: refrigerat & occludit. Præparatur autem ustione & lotione, qua dealbatur. Galenus inquit: Desiccat veluti omnia alia metallica, lapidea, terrenaque medicamenta: sed omnium moderatissimè & secundum alias tum qualitates, tum facultates quo-

tes quodammodo in medio est, neq; manifestè excalfaciens, neque refrigerans, modica tamen astringendi, abstergendiq; facultas ei inest. Quamobrem inferior est & sarcoticis medicamentis, quæ mediocriter extergunt & contrahentibus atque astringentibus: utilis ad inter trigines femorum. Iure itaque mediu' ordinis in metallicis habetur. Proindè ea frequenter utimur ceu' materia, miscentes iis, quæ valentem facultatem obtinet. Hæc Galenus. Illud peculiare huic inter metallica: nam cum oleo solvit, ut non sit opus cera ad Emplastri consistentiam. Intus verò assumpta venenum est, quod aliquando suo pondere intestina exulcerat, ut Dioscorides testatur. Cur verò exterius refrigeret, interius exulceret, explicavimus in argento vivo.

CAP. XXII.

NON absimilis natura videtur esse Molybdænæ, id est, Plumbaginis, quæ Galena appellata est, de qua Dioscorides inquit: Optimæ est flava Lithargyro similis modice splendens, cum teritur, ruffa: cocta in oleo Hepatis colorē trahit: vitiosa, quæ colore aërem præ se fert, aut plumbum. Gignitur ex auro & argento. Est & fossilis ad Sebastianum & Corycum inventa, quo in genere probatur, quæ non lapidosa est, nec Scoriæ refert: flava & scintillans. Vim habet Lithargyri & Scoriæ plumbi. Vritur & lavatur eodem modo. Galenus multam se conspexisse testatur in via projectam ab artificibus. Ejus temperamentum paullum quid recedit ad frigidum, in cæteris similem vim Lithargyro possidet. Manifestè tamen differre ponitur à Plinio. Inquit enim: quidam duo genera faciūt lumen argenti, Sterelytidæ & Pneuménem appellantes, quasi unam solidam, alteram inanem, tertium Molybdænam in plumbo dicendam: de qua postea inquit. Est & Molybdæna, quam alibi Galenam vocavimus, plumbi & argenti vena communis. Melior hæc, quanto magis aurei coloris, quantoq;

minus plumbosa, friabilis & modicè gravis. Cocta cum oleo lecinoris colorem trahit. Adhæret & auri, & argenti fornacibus: & hanc metallicam vocant, laudatissima, quæ in Zephyrio fiat. Probantur minimè terrenæ, minimeque lapidosæ, & reliqua ut Dioscorides. Alibi de Galena inquit. Excoqui non potest argentum, nisi cum Plumbo nigro, aut cum vena plumbi: Galenam vocant, quæ juxta argenti venas plerumque reperitur. Ejus qui primus fluit in fornacibus liquor Stannum appellatur, qui secundus argentum, qui remansit in fornacibus Galena, quæ portio est tertia addita venæ. Hæc rursus conflata, dat nigrum plumbum deductis partibus duabus. Ex his colligere licet, Molybdæ nam in primis fornacibus oriri ex vena communi. At Lithargyrus non nisi in secundis oritur, ut dictum est. Vnde non mirum, si unâ cum Scorio projiciatur, ut ex Galeno habemus. Hæc igitur in fornacibus oritur. Fossilis autem ea fuerit, quam Plinius inquit, plerunque juxta argenti venas reperiri, venam quandam plumbi aut communem colore simili Lithargyro. Quæ oritur in fornacibus, squamis constat quasi auripigmenti, densa: Fossilis autem minutis granulis, pumicosa.

C A P. X X I I.

EXIGIT ratio, ut hic de vitro agamus, substantia enim similis est Scoriis metallorum, cum fusionem habeat similem: & cum fusum est, adhæreat & trahatur instar visci: refrigeratum autem fragile redditur: opposito modo quam metalla: nam hæc fusa nullis corporibus adhærent nisi sibi ipsis fusis, ut aqua aquæ, nec trahi possunt, sed dividuntur in guttas: cum autem coagulata fuerint, non franguntur, sed dilatari & flesti possunt, exceptis quibusdam ut visum est. Testatur autem Plinius, Principe Tiberio excogitatum viri temperamentum, ut flexibile esset: & totam ejus officinam abolitam, ne æris, argenti, auri metallis præcia detra-

detraherentur. Sed eam famam diu crebiorem quam certiorem fuisse. Nisi enim restituatur humiditas metallica, impossibile est fletri, at illa nulla jungitur nisi sibi ipsi. Antiquorem autem fuisse scoriarum inventionem ad vasā formanda, quam vitri, indicant Obsidiana vitra, quæ non ex alia materia, quam ex scoriis metallorum constare videntur. Appellata verò sunt Obsidiana ob similitudinem lapidis ab Obsidio inventi nigerrimi coloris. Testatur enim Plinius antiquorem materiæ Obsidianæ origem esse, quam vitri: repertam namq; in Ægypto Obsidianam imaginem Menelei: Reperta quoque sunt fragmenta vasorum nigerrima duitie gemmas imitantia, quod Scoriæ faciunt, præsertim argendi. Variis quoque coloribus Scoriæ reperiuntur, undè forte & Murrhina vasā ab Oriente inuecta maximi præcii apud Romanos Imperatores ex hac materia cōstabant. Splendor his sine viribus, nitorque verius quam splendor, sed in præcio varietas colorum subindè circumagentibus se maculis in purpuram candoremque, & tertium ex utroque ignescentem, veluti per transitum coloris purpura rubescēt, aut lacte candescente. Sunt qui maximè in his laudent extremitates & quosdam colorum repercussus, quales in cœlesti arcu spectantur. His maculæ pingues placent: translucere quicquam aut pallere vitium est. Item sales verrucæque non eminentes, sed ut in corpore etiam plerunque sessiles. Aliqua & in odore commendatio est. Inveniuntur in pluribus locis maxime Parthici Regni præcipuè tamen in Carmania. Humorem putant sub terra calore densari, amplitudine nusquam parvos excedunt abacos, crassitudine, quanta vasī potorio latis sit. Expetita etiam sunt vasī escariis. Hæc Plini⁹ de Murrhinis. Dicta autem videntur à Myrrha, quia illam redolerent, ut lapis Myrrites. Vitri autem origo casu reperta est, ut idem memoria mandavit. Cum mercatores nitri nave appulsa, in littore pararent escas in Syriæ Phænicæ & pro lapidibus, quorum non erat copia, glebas nitri foco subdidissent ad ignem parandum: ecce liquato nito, & cum

& cum arenis commisto vīsi sunt rivi fluxisse translucentes nobilis liquoris & hanc fuisse tradunt originem vitri. Sed postea, ut est astuta & ingeniosa solertia, non solum nitrum admiscebant, sed & Magnetem lapidem, quia creditur trahere liquorem vitri ut ferrum. Nec solum ex arenis illis, sed etiam ex aliis calculis splendentibus & Conchis & arena fossili confici ceptum est. In India autem è Crystallo fracto, ideo nullum comparari Indico. Denique ex omni lapide, qui fundatur saltem ingenti igne, ut sunt Silices, addito nitro, quod humorem liquabilem ex lapidis crassitie extrahit, fit vitrum. Hodiè aliud genus vitri conficiunt aptius ad id opus, ex cinere herbæ cuiusdam salsa, quam Arabes Cali vocant, quod genus nitri Soda vulgo appellant. Pro Magnete autem addunt Pseudomagnetem, quam Magnetiam vocat Albertus, vulgo autem Maganese. Hic certa mensura additus vitrum clarius reddit, si amplius purpureum. Ex arena & nitro fit massa, quam Plinius Hammonitrum appellat, hodiè Fitta dicitur. Hæc in fornace funditur in vitrum. Non quælibet autem arena ad id apta est, sed alba & aspera: aut lapides in genere silicis comminuti. Summa laus vitri est in candore translucente proxima Crystalli similitudine, appellantq; hoc genus Crystallum. Tingitur autem vitrum omni colore, nam fit in tinturæ genere Obsidianum & ad escaria vas a totum rubens atq; non translucentis Hæmatinon appellantur: fit albū & Murrhinum, aut Hyacinthos Sapphirosq; imitatum & omnibus aliis coloribus, ut nulla alia sit materia, qua melius adulterentur Gemmæ. Nam si ad lapidem Crystallinum comminutum in farinam pro nitro addatur triplum Sandycis, quod Minium vulgo appellat, funditur in vitrum Smaragdo tam simile, ut etiam peritos decipiatur. Summa tamen ratio depræhendendi adulteratas gemmas est tactu linguæ: frigidiores enim sinceræ sentiuntur. Vitri usus præsertim Crystallini ad vasā potiorā pepulit argenti & auri metallā: nullus odor nec sapor ex eo co[m]unicatur: à nullo vincitur liquore, nihilq; transpirat: ideo alia nulla aptior materia ad

ria ad liquores continendos. Solum repentino frigore aut calore frangitur & i>tur. Galenus & Arabes ad medicinæ usum transtulerunt. Nam Serapio de illo inquit : vnum lapidum esse, alterum arenarium, liquare cum Magnete : assimilere omnes colores, undè stulto assimilatur : facile in igne liquari, in ambiente autem citissimè congelari in lapidem. Crystallum præterea esse vitri speciem sed fossilem : vitri temperamentum esse calidum in primo gradu, siccum in secundo : excipi in multis collyriis : tollere porriginem & furfures, lenes capillos & barbam efficere : assumptum cum vi-
no tenui calculos vesicæ valenter confringere : conferre pulmoni, casui capillorum. Galenus vitrum cum Ophite coniungit. Habet, inquit, Ophites vim abstergendi confringendique, ceu etiam vitrum. Hoc enim ex vino albo ac tenui epotum, lapides vesicæ admodum conterit, atque confringit : verum ipsum in lapidibus quispiam forte non numeret. Videtur autem per Ophitem intelligere non genus marmoris, quod apud Dioscoridem habetur, non enim convenient facultates : sed Murrhinum à Plinio vocatum, quod paulò ante recensuimus: coloris enim varietate, ac maculis serpentes æmulatur. Nec prohibet Murrhinum quidem effodi, vitrum autem arte parari. Nam incendiis subterraneis eadem fieri possunt, quæ in fornacibus sunt; Murrhinum autem esse humorem calorem densatum sub terra testatur Plinius. Vtrum verò Serapio veram crystallum gemmam vitrum fossile existimat, an illi similem vitri modo fusibilem incomptum est. De vitro Avicenna inquit: valentius esse, si aduratur, sic enim exhiberi ad lapidem frangendum, undè conficitur electuarium de cineribus ad usum prædictum. Sed modus urendi perdifficilis est, nam in igne non cumburitur liquor hujusmodi. Ideo recentiores modum hunc observarunt faciliorem : Illinunt pice liquida, deinde inter carbones urunt, donec ignitum appareat, postea exemptum extinguent in aqua & abluunt, quod opus septies repetunt : sic enim in cinerem facile comminuitur.

CAP.

CAP. X I I I.

DVM excoquunrur metalla, pars quidem terrestrior & fœculenta abit in scorias, de quibus dictum est, pars vero aërea & exhalabilis sublimatur, quæ si adhæreat parietibus, aut partibus superioribus fornacum, concrescit instar fuliginis in Cadmiam, Pompholygem & Spodium, de quibus supereft, ut dicamus. Cadmia oritur in primis fornaci- bus, in quibus vena excoquuntur Æris aut argenti. Est autem substantia lapidosa agglomerata secundum crustas, aut racematis. Dioscorides quatuor genera tradit. Optima Cypria Botryitis appellata, quasi racemola, densa, modicè gravis & in levitatem declinans, superficie racemosâ, colore exterius cinereo, interius, si frangatur, cinerulenta, & Æruginoſa. Proxima habetur foris cœrulea, intus candi- dior intercursantibus venis Onychite similibus: tales enim sunt, quæ ex veteribus metallis habentur: hæc Onychitis vo- catur. Tertia Placodes, id est, crustosa dicitur, segmentis quibusdam quasi Zonis cincta, unde & Zonitis appellata est. Quarta Ostracitis nominatur, macilenta & magna ex parte nigra, terrestris, superficie testacea, improbatuſ candida. Duæ priores ad oculorum medicamenta utiles, reliquæ ad Emplastra & pulveres, quæ cicatricibus inducendis insper- guntur: ad quæ probatur Cypria: nam quæ ex Macedonia, Thracia & Hispania deseruntur, damnantur. Oriri hæ genera idem Dioscorides tradit ex Ære in fornacibus can- dente fuligine egesta flatu & adhærente lateribus, came- risq; fornacū: ferreis quoque rudibus inhærere, & cum spis- sius insident, in corpus concrescere, unde modo unum ge- nus, modo duo, modo omnia perfici. Fieri & in argenti for- nacibus candidorem, ac minus ponderosam, sed viribus nō comparandam Ærariaꝝ. Parari etiam in Cypro ex Pyrite la- pide cremato. Reperiri quoque fossilem: lapidem in fodi- nis similem Cadmiam, sed sine viribus. Dignosci levitate,

nam

nam hic levior Cadmia, nullo sapore alieno, manducatus dentes offendit, ad Cadmia cedit, esum non respuit, in farinam detrita & aceto subacta & in Sole siccata coit, quod lapidi non contingit. In igne quoque depræhendi: nam lapis detritus prosilit & fumum igni similem edit: Cadmia verò quieta manet, fuliginemq; luteo colore aut æreo splendentem expuit vario Zonarum discursu. Idem lapis ignitus & refrigeratus colorem mutat, aë levior multo fit. Cadmia nihil horum patitur, nisi multis diebus cremetur. De hoc lapide diximus in Pyrite. Vritur autem Cadmia, ut præparetur, obruta carbonibus donec lucida fiat, & bullas attollat, ut ferri scoria: mox extinguitur vino Amiano, quo modo ad Emplastra præparatur: alioqui ex aceto ad Psoras. Repertum alii uestiones in factili, donec prorsus in cinerem redigatur sine ulla scabritia, qua vice Spodii utun-aur. Lavatur autem trita in mortario & aqua effusa, donec nihil sordis remaneat, dein siccata cogitur, in pastillos. Hæc apud Dioscoridem. Plinius Cadmias fornacum hoc modo distribuit: Quædam tenuissima est in ipso fornacum ore, qua flammæ eructantur, appellata Capnitis, exust & nimia levitate similis favillæ. Interior optima cameris dependens & ab eo argumēto Botryitis cognominata: ponderosior hæc priore, levior porrò secuturis. Duo ejus colores: deterior cinereus, puniceus melior, friabilis, oculorumque medica-mentis utilissima. Tertia est in lateribus fornacium, quæ propter gravitatem ad cameras pervenire non potuit. Hæc dicuntur Placitis & ipsa ab argumento, crusta verius quam Pumex, intus varia, ad Psoras utilior & ad cicatrices tra-hendas. Fluunt ex ea duo alia genera: Onychitis extra pe-ne cærulea, intus Onychis maculis similis. Ostracitis tota nigra & cæterarum sordidissima, vulneribus maxime utilis. Plinius igitur præter quatuor genera à Dioscoride tradita, addit Capnitum, quæ potius ad Pompholygem redigenda est ut inferius patebit. Galenus Cadmiam unam fossilem esse tradit, repartam in Cypro lapidosam, omnia alia Cad-

mia præstantiorem: duas in fornacibus Botryitum & Placitum, illā in editioribus domorum partibus collectam: Placitum verò in inferioribus. Ideo Botryitum tenuiorum partium esse, crassiorum verò Placitum. Vtranque vi desiccandi præditam & mediocriter extergendi. Attamen quæ in fornacibus colligitur, igne & facultatis aliquid habere, meritò itaque lavantes eam medicamentum efficere mediocriter tum desiccans tum extergens absque mordicatione, utile ad ulcerar impletionem carnis exposcentia & in oculis & in toto corpore. At cum Galenus non meminerit Onychitis, quæ inter præstantes ponitur à Dioscoride, suspicionem affert, ne hanc per fossiliem intellexerit, quam cæteris præstantiorem repartam scribit. Fortè & Dioscorides innuit hanc fossilem esse, cum inquit: hujusmodi enim sunt, quæ ex veteribus metallis effodiuntur, id est, fodinis antiquis: quod si per vetera metalla, intellexisset æs collectaneum, cum iterum conflatur: non dixisset effodi, sed parari aut effici per sublimationem. Lapidem hodiè habemus vel potius terram lapidosam, gravem, colore candido cum pallore quodam: Calaminam, seu lapidem Calaminarem vocant, vulgo Giallaminam, quam fusores æri admiscent, ut Aurichalcum fiat: funditur enim cum eo, colorat & pondus adauget, cum per se non fundatur, sed comburitur & evanescit in fumum, qui noxius est, stuporem inferens, paralysim & spirandi difficultatem. Oritur in Germania juxta fodinas plumbi & in Italia propè Comum & alibi. Quamvis incertum est an hic lapis in Cypro oriatur, quia tamen candorem Onychis habet non absurdum fuerit si Onychitis Cadmia cœseatur: cæruleus autem color, quem in superficie habere testatur Dioscorides, fortè in fornacibus acquiritur, ut duplice ratione ex eadem materia Cadmiam habeamus, fossilem utpotè rudem & in fornacibus sublimatam. Nam & Plinius lapidem ex quo æs conflatur Cadmiam vocat fusuris necessariam, unde rursus in fornacibus aliam sui nominis originem recipit. Aliam Cadmiam fossilem habemus testaceam & nigram,

gram, de qua inter Pyritas diximus vocari à Plinio Pyritem vivum: Sic & Ostracitis inter fossiles fuerit. Vtrum verò Galenus hoc tulerit è Cypro, ut scribit, an lapidem Calamianam, non est quod perquiramus. Arabes Climian vocant, tradentes & fossilem & fornacum: Avicenna Botryitum vocat Climiam auri, reliquias argenti. Affertur hodiè Cadmia fornacum sub nomine Tutiæ Alexandrinæ similis corticib' arborum, intus lenis sublutea, exterius granulosa instar racemi admodum minutis granulis cinerei coloris, aliquando ad cœruleum vergentis, gravis & sonora: ex forma autem cognoscitur adhæsisse ferreis hastis: hæc pro Botryite accipitur, alia porro affertur crustosa, aspera & nigror, quæ improbatur.

C A P . X X V .

Pompholyx autem & Spodium differunt à Cadmia substantiæ tenuitate, non enim condensantur in solidum corpus, ut Cadmia, sed in tenuem farinam parietibus adhærentem. Oriuntur ex eadem materia non in primis fornaci-bus, sed ubi æs perficitur, aut ubi Cadmia crematur, aut utrumque. Differunt inter se Pompholyx & Spodium, ut tenuior Cadmia à crassiore distabat. Pompholyx enim ut potè constans ex leviori, ac tenuiori fuligine, circa summas fornacis partes hæret & aliquando agglutinatur primò instar bullarum, undè nomen accepit, deinde facto incremento ad similitudinem velleris, substantia pingui adeoq; levi ut evolare in auram possit: colore candido, aut ad cœruleum vergente. Spodium autem seu Spodos, dicta quasi Cinerula, ut potè gravior, circa imas partes & in ipso pavimento, quod fornaci superstet, colligitur in pulverem colore nigricante. Dioscorides de iis inquit: Pompholyx specie distat à Spadio: siquidem hoc nigrat & plerunque ponderosius est, intermisstis paleis, pilisq; quasi purgamentum quoddam, quod à pavimentis & fornacibus artifices Ærarii everrunt, Pompholyx autem pinguis est & candida, usq; adeo levis ut

in auras evolare posse: cuius duo genera, unum ad aëris colorem vergens, subpingue: alterum magnopere candidum, summamq; levitatem naectum. Candida fit Pompholyx, quoties fabri in ære perficiendo detritam Cadmiam cumulatius insperserint: candidissima enim favilla, quæ effertur ab ea, in Pompholygem transit. Non solum autem ex æris coctione & artificis industria paratur, sed etiam ex Cadmia per se follibus perlata in furno & domo ad id opus construetis. Pars enim tenuis & levis in summam domum evolat & parietibus, tectis, fornaciq; adhærescit, constituens inter initia veluti bullas aquarum, postea incremento facta, vellut glomuscula vellerum. Ponderosius autem in ima loca se recipit, partim fornacibus adhærens, partim in domus pavimento, quod deterius existimatū est altero tenuiori, quia multum terræ collegerit ex acervata immunditia. Optimū creditur Cyprium, quod accepto aceto halitus æris præstat colore aliquantum piceo, sapore cœni horrido: & si fraudem non est expertum, flagranti carboni impositum aëris coloté contrahit. Antedictis autem notis diligenter attendendum est: siquidem in nonnullis adulteratur glutine taurino, pulmone Ovillo, aut marino, aut grossis crematis, & aliis similibus: quod facile deprehenditur, quia nulla ex prædictis signis apparent. Fit quoq; Spodium ex auro & argento, & plumbō. Post Cyprium autem plumbeum maximè commendatur. Fiunt & Antispodia diversa, quæ Spodiī vice assumuntur ex crematis Myrthi foliis cum floribus & fructibus immaturis, aut ex oleæ germinibus cum floribus: aut Oleastro, malis cotonēis, Gallis, linteolis laceratis, moris immaturis candidis in Sole siccatis & aliis multis: modum præterea lavandi in communi tradit & vires, nunc Pompholygem vocans, nunc Spodon, pro eodē accipiens utrumq; nomen, ut patet legendi. Intentio autem est in lotione separare & arenosam substantiam, quæ non solvitur in aqua, sed suo pondere sidit & pilos, & paleas quæ supernatant, ut tantum limosa substantia assumatur & pinguis, quam siccatam recondunt. Hanc si libeat

libeat torrere, diligenter tritam & irrigatam aqua, colligi jubet in pastillos, si ciliique novo subiectis levibus prunis orbiculos continuo versari, donec siccatai fulvescant. Vires autem habere astringendi, refrigerandi, explendi, abstergendi, obstruendi & aliquantum exsiccati numerari inter medicamenta, quæ leviter crustas obducunt. Galenus eundem generandi modū Pompholygis & Spodii se vidisse testatur in Cypro. Excipi favillam carnera incurva nusquam pertusa, quæ in Pompholygem transibat: at quod reflectens in pavimentum recidebat, Spodon esse, quam vocant: quæ plurima colligi solet, ubi æs in fornacibus uritur: quidam Spodium, neutro genere pronunciant: cui similem facultatem habet Antispodium. At se nunquam usum esse spodium nec Antispodium, cum Pompholygis copia largè suppeteret. Est autē Pompholyx medicamentū propè omnium præstantissimū, quæ citra morsum desificant, si lota fuerit. Plinius de iis varias affert sententias: nam primò inquit: Oriri in ærariis quæ vocant Pompholygem & Spodium. Differētia, quod Pompholyx lotura paratur, Spodios illota est. Deinde recenset quæ à Dioscoride traduntur. Tandem de Spadio Cypria inquit: Fit liquecentibus Cadmia & ærario lapide: levissimè hæc efflatur & ocyus, evolatq; è fornacibus, & tectis adhærescit, à fuligine distans candore. Quop minus candidum ex ea, immaturæ fornacis argumentum, hoc quidam Pompholygem vocant: quod verò rubicundum ex iis invenitur, acriorē vim habet, exulceratque, adeo ut cum lavatur, si oculos attingat excœctet. Est & mellei coloris Spodios, in qua plurimum æris intelligitur. Sed quodcunq; genus lavando fit utilius. Et alibi inquit: fieri spodium ex plumbo eodem modo, quo ex Cyprio ære dictum est, lavaturq; simili modo. Arabes Tutiam vocant, quod nomen hodiè vulgo retinetur etiā in Cadmia. At Serapio affert quoddam genus fossile, inquit enim: ex ea quædam est, quæ invenitur in fodiinis, alia verò fit in fornacibus, in quibus æs tingitur luteo colore, & colligitur & reponitur ut Cadmia. Fossilis tres sunt species: nam quædā est
alba

alba, quædam viridis, quædam lutea rubore aspersa. Fodiuntur in India in litoribus maris: & melior omnium est alba, quæ cum aspicitur, videtur sale aspersa: post ipsam est lutea. Sed in viridi est asperitas & est perforata, quæ derfertur ex maritimis Syriae: alba est tenuior, viridis crassior, quam quæ in fornacibus reperitur. Deinde explicans Tutiam fornacum affert historiam Dioscoridis & Galeni de Pompholyge & Spadio. Puto autem ipsum intelligere per fossilem aliquid simile lapidi Calaminari, quæ in genere Cadmiae posuimus: color enim albus & luteus inest. Confusa vero historia ejusdem est apud Avicennam, cum dicat: Tutiam fumum esse qui sublimatur, succudum autem quod residet in fundo, nec sublimatur: nisi velit per succudu[m] intelligere Spodium, quod non altius ascensit. Succudum etiam vocat, quod ex ablutione Tutiae aggregatur sub aqua. Hodiè tam Pompholyx quæ Spodium ex Germania habetur cineri simile & consistentia & colore, Tutiam Germanicam vocant: apud eos Nil vocatur, unde cessit in jocum: nil oculis prodest, sed commodius, & syncerius in officinis æratiis haberi potest, in quibus æs funditur. Cinis enim quidam candidus aut aliorum colorum non solum fornaci sed & parietibus adhaerens ad similitudinem floris farinæ: nemo tamen colligit, sed inter immundicias verritur. Aliquando optima Pompholyx reperitur agglomentata instar flocci candidi modico cæruleo aspersi sub Crucibuli operculo, in quo aurichalcum fuderint, fumus enim lapidis Calaminaris candidus est. Sed circa verbum Spodium cavere oportet; æquivocum enim est, apud Arabes vel potius apud Arabum interpretes, significans radices quasdam adustas, vocant Spodium de Canna, de quo diximus in Plantis: medicamentum intus propinandum ad Syncopem, Cardialgiam & alia multa, ut scribitur ab Avicenna & Serapione. At Metallica, de quibus diximus intus assumpta necem afferunt.

F I N I S.

CORRIGENDA.

Numerus prior paginam, ejusdem versum posterior indicat.

Pagina 5. versu 2. lege concoquere. Pag. 8. vers. 34. incoagulabile. Pag. 30. v. 31. aluminis. Pag. 36. v. 34. venditur. Pag. 39. v. 6. trahitur. Pag. 40. v. 31. Sal gemmae. Pag. 47. v. 33. Nilus. Pag. 49. v. 20. Aegyptio. Pag. 52. v. 3. Fruticem. Pag. 54. v. 3. Conjectura. Pag. 59. v. 6. v ride. v. 14. obrutus. v. 27. recentem. Pag. 62. v. 5. ad. Pag. 65. v. 31. sil'cet flammeum. Pag. 70. v. 17. arenu. Pag. 75. v. 14. aßationem. Pag. 83. v. 29. Idem, Pag. 86. v. 6. at. Pag. 89. v. 27. inscultura. Pag. 101. vers. 19. scalptoribus. v. 31. radios. Pag. 110. v. 4. variae. Pag. 111. v. 35. Sacione. Pag. 121. v. 35. peregrini. Pag. 130. v. 10. frutex. Pag. 143. v. 31. immenseo. Pag. 144. v. 9. farinam. Pag. 145. v. 1. alumine. Pag. 148. v. 16. Acarnaniam. Pag. 161. v. 15. advehi. Pag. 162. v. 9. fallaciſſimo. Pag. 167. vers. 11. tangentii. v. 24. preſtilta. Pag. 171. v. 16. fucciora. Pag. 174. v. 15. albedo. Pag. 177. v. 27. iusculis. Pag. 186. v. 6. reviviscit. Pag. 190. v. 1. Stagnare. Pag. 194. v. 16. calore. Pag. 203. v. 18. brevitate. Pag. 204. v. 5. exedentia. Pag. 205. v. 12. evanuit. Pag. 211. v. 8. obtinent. Pag. 213. v. 10. antiquiorem originem. Pag. 215. v. 4. liquari. Pag. 216. v. 1. **XXIIII.**

Cetera errata, cum sint levioris momenti, quam ut erudi-
sum lectorem possint remorari, hic sunt omissa.

NORIBERGÆ,
Ex officina Katharina, Vidua Alexan-
dri Theodorici.


M D C I I.


NORDIC


1128 A. M.


11 D. C. T.


卷之三














OFFF
50





